

2
GENESIS
MICROCOSMI,

Sen,
DE GENERATIONE
FOETUS IN UTERO.
DISSERTATIO.

Accesserunt
CURÆ SECUNDÆ
De

Generatione & Nutritione.


Autore

ANTONIO DEUSINGIO
Med. & Phil. Doct. Illiusque in Acad. Gron. &
Omland. Prof. Prim. Cellis. Principis Guberna-
toris ac Provinciz Archiatro.



AMSTELODAMI,

Apud PETRUM van den BERGE, (Op de
Heere-gracht) sub signo montis Parnassi. 1665.



Nobilissimis, Amplissimis, Consul-
tissimis Viris, Dominis,

D. D. Academiæ Groningæ
& Omlandæ Curatoribus vigilan-
tissimis.

Nobilissimi, Amplissimi, ac
Consultissimi Viri, Domini,

Antiqua Fabula est, à
Plinio inter Naturæ
Historias relata, Equas
in Lusitania circa O-
lyssiponem oppidum & Tagum
amnem, Favonio flante obver-
sas, animale concipere Spiri-
tum, indeque fieri partum. Cer-
tè Foetus hic noster, quem No-
bilissimis V. V. Amplitudini-
bus offero, & in hunc concep-
tus est, & emissus in Lucem, non
nisi per impellentia vota Orna-
tissimi Juvenis, D. J O A N N I S.

* 3

CHRI-

DEDICATIO.

CHRISTIANI AGRICOLÆ, *Colon. March.* qui desiderio suo & spiritum in nobis excitabat, adeoque conceptui primam occasionem præbebat, & partum votis sollicitabat. Nempe, velut hætenus consuevimus nihil negare ulli Academico Civi, quod ad studiorum promotionem conferre quicquam censeatur, medicamque imprimis scientiam, prout ea solido fundamento, Philosophiæ inquam, innixa est, animis *φιλαίτρων* ingenerare; ita nec hujusce Discipuli nostri votis deesse volumus, in materia licet ardua, & ingenio humano non mediocriter abstrusa. Paucarum interim noctium lucubratione prognata est hæc qualiscunque soboles,
dum

DEDICATIO

dum dies integros nobis furripiunt sibi que vendicant partim laboriosa praxis Medica, partim Academica functio ordinaria, & privata passim, quæ huic ultrò lubentes adnectimus, exercitia: quibus omnibus tandem non minimum occupationis & assiduæ curæ superaddit difficilis ille & laboriosus honos Recturæ Academicæ, quo Nobilissimis V. V. Amplitudinibus placuit approbatione suâ, consentientibus Clarissimorum D. D. Professorum suffragiis adjectâ, haud pridem denuò nos cumulare. Quantumvis equidem assiduæ ægrorum, (itidem ex autoritate Illustrium ac Præpotentum D. D. Ordinum hujusce Provinciae curæ nostræ commendato-

* 4 rum,)

DEDICATIO.

rum,) sollicitationes ac desideria quandoque ne de nocte quidem ferias nobis largiuntur; summa tamen nobis religio & fuit hactenus & erit deinceps, negligere vel prætermittere quicquam eorum, quæ Academicam nostram Spartam concernunt, quin & supererogatorium quid subinde (ne prorsum Mercenarii videamur,) adjicere allaboremus. Quamvis autem Foetus quidem istic immaturus forsitan censeriqueat, aut, si lubet, Abortivus haberi; utpote cum ad maturitatem illius perfectam complura fortasse annorum requirantur spatia, nec sit ratio eadem Disquisitionis ad genesin spectantis, tardæ quidem dubiæque aliquando, quæ sit à nostro intel-

D E D I C A T I O .

intellectu, & Ordinationis facil-
limæ ac certæ, quæ fit à vegeta
sapientique Natura: Haud ta-
men minùs interim Exercitatio-
ni Academicæ fuit idem accom-
modatus. Embryonis faltem
rationem habere poterit ali-
quando in Palinginesia, (si quæ
dabitur,) ubi denuò alicubi Sa-
pientis animum subibit, ac per-
fectiori apparatu in lucem pro-
dibit. In re verò istac minùs ela-
borata, non equidem vulgata
tantùm tritaque exhibuimus;
nec tamen à novaturienti aliquo
ingenio (quod æquo cordato-
que Judici cuivis dijudicandum
relinquimus,) conficta. Liberè
Philosophari dudum consuevi-
mus, ad unam veritatẽ, quæ
antiquissima est, intenti; nec ve-

DEDICATIO.

rò maleferiatorum hominum
insanis artibus à proposito ab-
sterremur hætenus. Rationem
solidam, & experientiam indu-
bitatam, (quæ duo universæ me-
dicinæ dogmaticæ veræque ful-
cra sunt,) utramque paginam
facere passim censemus, passim
jubemus. Atque ut magni faci-
mus Veteres cùm Philosophiæ
tum Medicinæ Antistites, gra-
tâque memoriâ colimus nomina
omnium eorum per quos profe-
cimus; ita omnium Autoritati-
bus ipsiusmet Veritatis studium
præferimus, nec ullibi juramus
in verba Magistri. Sicubi verò
in hisce lapsi quandoque vide-
bimur, (ut & nos ipsos Homi-
nes agnoscimus,) correctiones
sagaciorum Virorum, ratione &
expe-

D E D I C A T I O.

experiētiā evidentiore munitas, manu utrâque lubentes admitteremus. Cū verò Foetui huic, jam ante aliquod tempus in lucem prognato, nomen imponi urserit aliquoties Typographus, tituloque prolem insigniri flagitarit, *Microcosmi Genesin* appellandam censuimus: Haud enim præter rationem Animal quodvis, ac imprimis Homo, *Parvus Mundus* ab antiquis Philosophis fuit appellatus; verèque in Homine animadvertere licet compendium omnium divinorum operum. Vos autem, Nobiliss. & Amplissimi D. D. Curatores, susceptores hujusce Foetus, mole pusilli, at profundissima adumbrantis arcana Naturæ, eâ quâ par est observantiâ

DEDICATIO.

invito ; ac ut , quod sedulò agitis, agatis porrò deinceps, laboribusque nostris favere pergatis, à vestra quam experitur Academia, quam experimur Professores & Academiae Cives universi, quàm nominatim experior Ego, Humanitate & Benevolentia, obnixè etiam atque etiam submissâ devotione contendo. Vestro favore, vestrâque fidelissimâ curâ, quâ Illustrium ac Præpotentum D.D. Ordinum animos in Academiam ac quævis hujusce emolumenta pronos facillimè efficitis, Academiae Curia hisce diebus Amplitudine aucta est, novâque elegantia condecorata ; felici omine, fore ut propediem numerus Professorum denuò augeatur, atque
ad

D E D I C A T I O.

ad pristinum statum, quem fatales subinde turbavêre casus, revertatur: Vestro favore & curâ Theatrum Anatomicum nunc instaurari incipit, atque elegantiam consequi splendidiorē, quàm habuit unquam; indubitato argumento, fore propediem, ut in defuncti Medicinæ Professoris stationem Successor subrogetur, qui speciali munere inter alia rei Anatomicæ præsit, quam nos hæctenus unâ cum cæteris Spartæ Medicæ partibus, quâ publicè quâ privatim, pro virili exornamus: Vestro favore curâque contingit, quòd novam faciem Templum Academicum induat, novâque structurâ fervetur à ruina. Vester favor, vestraque Cura, hæc Academiæ,
hæc

DEDICATIO.

hæc Publico, hæc Nobis, bona
conflavit, quæ nunc ex Illustr.
ac Præpot. D. D. Ordinum Pro-
vinciæ decreto Magnifici Po-
tentesque D. D. Ordines Depu-
tati, per Nobilissimos Amplissi-
mosque Collegii sui Assessores,
suosque in causis hisce Acade-
micis, Commissarios exequun-
tur, quæque summâ alacritate, &
Posteris commemorando studio
atque diligentia indefessâ fide-
liter peragunt. Plura insuper à No-
bil. V. V. Amplitudinum bene-
volentia, ac singulari in Rempu-
blicam literariam studio, quo
solitam Illustrum ac Præpo-
tentum D. D. Ordinum Mu-
nificentiam nullo negotio vale-
tis excitare, pollicetur sibi hæc
plurimæ virtutis & eruditionis
alma

DEDICATIO.

alma mater, at vestra pupilla,
Academia nostra; plura Apollo
Musæque universæ devotissimis
votis à vobis expectant: Quæ,
ne Deos verborum farragine
obtundere videar, tacito sinu
premo potius, meque totum
Vobis devoveo, qui sum & ero
perpetuum

N. N. V. V. A. A.

*Devotissimus & observan-
tissimus Cultor,*

A. DEUSINGIUS.

Groningæ
15. Maij 1653.

Candido Lectori

ANTONIUS DEUSINGIUS

S. D.

B*lennum ferè est, Candidè
Lector, à quo Typogra-
phus, qui hac emittit,
copiam sibi à me fieri pe-
tiit recudendi meam Microcosmi
Genesis, quòd ea passim desiderari
videretur, dum nulla interim exem-
plaria amplius in Officinis suppete-
rent. Facultatem indulsi, si forsan
publico hìc possem prodesse. Sed
morà ab ipsomet longiore interposità,
qua hactenus protracta est, rogavit
interea denuò Typographus, ampli-
ando Opusculo materiam fortè ali-
quam submitterem, qua novì Edi-
tioni commendanda prae altera pos-
set adjungi. Laborem hìc quoque
alterius commodo denegare non vo-
lui,*

AD LECTOREM.

lui, dummodo publico Rei Literariae bono id studii cederet. Circumspexi igitur, num fortè quid congruum materiae priori amplianda occurreret; atque illicò in Viri Excellen-
tissimi D. Courvæi Paradoxa mentis oculos convertens, ea nostris conceptibus, ipsique veritati, ut equidem spero, accommodare exactius, vel saltem paulò propius expendere, fui aggressus; novasque aliorum Opiniones vel Observata conferre porrò, in subsidium veritatis è tenebris in lucem clariorem eruenda, pro virili conatus sum. Si opera pretium censear præstitisse, Benevole Lector, Typographo imprimis habeatur gratia, qui animum vellecavit, nostrosque labores in proprium suum commodum sollicitando, Reipublica Literaria interim profuit.

Si

AD LECTOREM.

Si inutilia dixerō, vel forsan erronea, (nam Hominem me quoque ipse agnosco,) cespitationi ignosce, ac conatum saltem quo Publico prodesse pro virili allaboramus, equanimiter admitte. Dixerim hic quoque libens cum Scaligero, Multæ passim nugæ, multa temeritas, multæ ineptiæ, inter quas & nostræ. Ut liberè dissentio à sensibus aliorum, ubi animus fortè negat consensum, nescius omnino dissentire usu ipso; ita libertatem aliis nequaquam invideo, nec indignè fero dissensum aliorum. Quam mihi aliisque, veritatis studium profitentibus, indulgant libertatem alii, qui publicè scribunt, humaniter suas opiniones expendendi, eandem cuivis, humanitati potius ac studio veritatis, quàm altercandi

AD LECTOREM.

*candi ac injuriosè insurgendi in alios
molimini vel studio deditis, lubens
meritoque vicissim indulgeo. Pla-
tonis illa ratio mihi placuit sen-
per, quâ nequaquam ut aliis per-
suadeam mea verissima esse in lu-
cem me effero; sed ut duntaxat quid
mihi, quâ ratione, censeatur ve-
ram, judiciis aliorum melioribus ex-
ponam, ipsamque promoveam ve-
ritatis investigationem, paratus
omnino mutare sententiam melio-
ra edoctus, tale hominum genus arro-
gans odi, totoque animo detestor,
quod scire se omnia, ac ignora-
re prorsum nihil præsumat, non ali-
ter ac si ex Deorum consilio, (ut
loquar cum Cicerone) recens pro-
diisset, vel descendisset ex epicuri
inter mundiis, omniaque planè
nuda vidisset. Probrosam sanè mi-
hi*

AD LECTOREM.

*hi non censeo, emendare errores, ac
 lapsus corrigere, via & animi mei
 sensa mutare; cum utique Philoso-
 phia jure merito dicatur à magno
 Keplero nihil aliud esse quàm con-
 tinua novatio in antiqua ignoran-
 tia. Non puduit summum Artis
 Antistitem, Hippocratem no-
 strum, ignorantiam suam aperte
 profiteri; dum in Epist. ad Demo-
 crit. Sibi ipsi videbatur plus re-
 prehensionis quàm honoris ex
 Artis doctrina promeritus: Ne-
 que enim, inquit, quantumvis
 jam senex ad Artis Medicæ
 summum perveni, neque etiam
 ipsius inventor Æsculapius sed
 & ipse à sese in multis, veluti
 eorum qui scripserunt libri no-
 bis tradiderunt, dissensit. Di-
 cam cum Seneca, Veneror inventa
 Sa-*

AD LECTOREM.

Sapientia, inventoresque adire tanquam multorum hereditatem juvat: Mihi ista acquisita, mihi laborata sunt. Sed agamus bonum patrem familia: Faciamus ampliora qua accepimus; major ista hereditas à me ad posteros transeat. Multum adhuc restat operis, multumque restabit, nec ulli nato post mille secula praecludetur occasio aliquid adhuc adjiciendi; addo corrigendi, mutandi, vel evidentius aliorum inventa enucleandi. Feramus amicè mutuos labores, ne conferamus suffragia, dissentientia licet, ad unam tamen veritatem intenta, adeoque amica, amaritudine omnibile carentia. Me equidem quod attinet, Humanissime ac veritatis studiose Lector, examini tuo hac mea aliaque mea omnia submitto;

AD LECTOREM.

ac libertate Tibi integram facio, cum Ratione dijudicandi, per Experientiam corrigendi, mutandique ubi vis, secundum Studium Sapientia, qua visa fuerint à vero aliena: Malevolis verò, atque improbè aliorum scripta cernentibus, ne hilum concesserim. Vale, Lector benevole; ac studio veritatis, laboribusque nostris ad eam pro nostra tenuitate directis, equanimiter fave. Dabam Groeninga Cal. Mart. 1664.

DISSERTATIONIS
PHYSICO-MEDICÆ

DE

Generatione Fœtus in Utero,

PROŒMIUM.



Uamvis à Deo ter Optim. Max. ea rebus creatis singulis perfectio data sit, quam cuiusq; essentia sustinere apta est; in Creatura tamen universa varii perfectionis gradus sunt, ac est essentiarum diversissimarum subordinata quædam quoad dignitatem ac nobilitatem series.

2. In ea quicquid permanentem divinâ voluntate durationem atque incorruptibilitatem in se nactum est, id rebus propriâ essentiâ corruptibilibus perfectius censemus ac nobilius; ac inter ea quæ divinâ voluntate sunt incorruptibilia, perfectione dignius existimandum est, quod nullam penitus corruptibilitatem sentit; imperfectius quodammodò, quod saltem quoad partes corruptibile existit: ut ad-

A

eò

2 DE GENERATIONE

ed Effentia Angelica , & Humanarum mentium , nobilior fit Mundo universo quàm corporeo ; at Mundus ipfo Homine quàm hic mortalitati per naturam est subiectus.

3. At tamen , quod in Homine & Animalibus quibusvis aliis , quæ hic terrarum Orbis habet , inest ex corruptibilitate imperfectionis , id summa Dei Creatoris Sapientia , Potentia , & Bonitas , per Facultatem quandam naturalem , quàm individua succedunt individuis , duratione nunquam , dum perdurat Dei voluntate Mundus , desinente , ita compensavit , ut æquè Creatoris Dei gloria refulgeat , ex immutabili corruptibilitate ac vicissitudine Animalium , per propriam naturam ac per insita principia corruptibilibus , ac elucescit eadem è rerum , perpetuitate suâ dignitatis ac perfectionis gradum eminentiorem obtinentium , duratione.

4. Hæc equidem Facultas naturalis , quamvis fit per universum Generationis orbem ita sparsa , ut ex seminio naturæ qualicunque passim velut Plantæ sic & animalia procedant , Generatione quâdam quæ spontanea vocatur ; est tamen illa Plantis simul , atque Animalibus nobilioribus , sic à Naturæ Creatore Deo indita,

indita, ut sese propagare valeant productione novi individui; ac ita, cum non sit concessa specierum singulis duratio perpetua in semetipsis, constanter tamen individua naturam suam & essentiam in suis speciebus tueantur ac conservent.

5. Hæc *Generatio Plantarum, Animalium, & speciatim Hominis*, jucundam Medico-Philosophis, dum Hominis primordia scrutamur, contemplationem suggerit. Ac nobis quidem, quò *Conceptus* ac *Formatio Humani fœtus* rectius percipiatur, (quam Contemplationem, ubi de *Fœtu Humano formato* egimus in Anatomicis, distulimus in aliam occasionem,) in genere de *Generatione Animalium in utero*, ac speciatim de *Humani Fœtus Generatione* seu *Formatione*, post *Galenum*, *Capivaccium*, *Bonaciolum*, aliosque viros eximios, impræsentiarum paucula, servatâ libertate Philosophicâ, differere decretum est.

6. Quò autem ordine hæc nostra *Dissertatio* procedat, in tres *Partes* ea quæ dicenda erunt dispescemus: Ac in *Prima* quidem, de *Materia Generationis*, seu *Semine*; itemque de *Conceptu* ac *Conceptione* disquiremus: In *secunda* de *Efficiente causa Conformationis*; ut & de *Conformationis ordine* dicemus: In *tertia* denique de *Nutritione Embryonis*, *Vitaque Fœtus in utero*;

4 DE GENERATIONE
nec non de ejus *Exitu in lucem*, seu de
Partu differemus.

PARTIS PRIMÆ
Sectio I. De Materia Generationis,
seu Semine.

7. **M**ateria Generationis, ex qua nimirum id quod gigni dicitur, exurgit, vulgò *Genitura* ac *Semen* vocatur, Græcis γενεα, γένη, & σπέρμα: quibus vocabus Medici ferè promiscuè utuntur, ut passim apud Hipp. libello περὶ γένεως, & alibi liquet, itemque apud Gal. totis duobus libris περὶ σπέρματος; quod & disertè notatur ab Eodem 6 loc. aff. c.6. ubi, ονομαζέται, inquit, τὸ σπέρμα καὶ γένη καὶ γένος, *Semen* etiam *Gone* & *Gonos*, id est *Genitura* dicitur.

8. *Aristoteles* verò τὴν γενεάν, *genituram*, καὶ τὸ σπέρμα à *Semine* convenienter distinguit, cùm 1. de gen. anim. cap. 18. inquit, *Genitura* vocatur id, quod à generante proveniens causa est, quæ prima obtinet generationis principium, videlicet in iis quæ natura coïre voluit: *Semen* autem est, inquit, quod ex ambobus illis coëuntibus originem trahit, quale semen plantarum omnium est, & animalium

lium nonnullorum, in quibus sexus distinctus non est, velut id quod ex mare & foemina primum miscetur, quasi conceptus quidam (κύνειος π) promiscuus, aut animal: hæc enim jam habent quod ex ambobus requiritur.

9. Ex quibus liquet, Aristotelem vocare τὸν γενεῖον *Genituram*, id ens naturale imperfectum, quod in perfectis animalibus alterum tantum generationis obtinet principium: nempe id quod à mare & foemina seorsim & concubitu excerni statuitur, antequam misceatur in utero: nam postquam inmixtum est, κύνειος *conceptum* vocat: *Semen* verò propriè idem Auctor appellat id ens naturale perfectum, quod genitalem facultatem proximam in se habet: quale est, vitalis quivis ex mare & foemina conceptus, item ex quo insecta, & quæ ex putredine oriuntur animalia, in quibus sexus discrimen non est; plantæ item, utpote quæ maris & foeminæ potentiam simul possident.

10. Nimirum, sunt ejusmodi semina in animalibus quidem in quibus sexus discrimen est, quasi *Ova*, (sive propriè sive per analogiam ita appellata) per maris congressum foecundata; quorum alia excluduntur, antequam ex iisdem generetur foetus, à quibus autem ea prove-

niunt *ovipara* vocantur; alia retinentur in utero, ibidemque foventur, donec inde foetus vivus formatusque prodeat, ipsaque animalia inde dicuntur *vivipara*: huc item spectant *ova insectorum*, aut semina eorundem, quæ *vermium & animalium* nomine ab *Aristotele* insigniuntur; quæ ceu animalia imperfectè edita, varias metamorphoses subeunt, de eruca v. g. in chrysalidem, hinc in papilionem abeuntia: similiter huc referenda *seminia*, quæ in putrescente materia jam vegetari apta sunt: Nec non è genere plantarum, fructus quivis, pisa, fabæ, hordeum, glandes, &c. Atque ita verum est, quod habet *Arist.* 1. *gen. anim.* c. 18. *Semen & fructus* inter se differunt prioris posteriorisque ratione: *fructus* enim quod ex alio est; *Semen* ex quo aliud; nam alioqui ambo idem sunt.

II. Est ergo *Genitura*, seu *semen* ab alterutro sexus distincti, *imperfectum semen*, quod convenienter *seminalem materiam* dicimus; *Arist. cit. loc.* ἡ δὲ λεγόμενη ἀέριμα φύσις ἢ ἀέριον, *prima Natura* ejus quod *semen* vocatur, nuncupatur; quod verò in Homine (aliisque animalibus per coitum generantibus) *Conceptus* vocatur, nempe prima ex mare & foemina mixtura, *semen perfectum* est: Atque ita *Hipp.* quoque, teste *Gal.*

Gal. 2. de sem. c. 1. ex genitura utraque à mare & foemina exeunte, commixtis, unum perfectum semen conflare statuit. Hoc verò perfectum semen, ὁ γὰρ ἐξ ὁμοῦ semen simpliciter nominatur. Peculiarem autem Geniturae significationem apud Mathematicos, hic lubens præmitto.

12. Semen illud imperfectum, seu natura prima ejus quod semen vocatur, nempe seminalis materia, ut nos indigitamus, Antiquis ante Aristotelem atque inter eos ipsi Hippocrati ὡς εἰς γυνῆς, credita fuit partium omnium Colliquamentum, quod ex toto secedat propter motus calorem; quam sententiam Aristot. loc. prox. cit. sufficienter refellit, hoc argumento, quod colliquamenta præter naturam sint, nec quicquam secundum naturam oriri possit ex iis quæ præter naturam sunt: certè semina plantarum colliquamentum tale habere non possunt. Rectius autem ipse Arist. statuit, semen esse ὡς εἰς τῶν μὲν Excrementum (seu residuum potius vel supervacaneum) utilis ultimique alimenti; Ac clarius c. 19. ὡς εἰς τῶν μὲν alimenti sanguinei, atque ejus quidem ultimi, quod per membra digeritur: nimirum, quod in proxima fuit potentia, ut in partium substantiam abiret: Veruntamen illud residuum ultimi alimenti elaboratione in vasis seu partibus spermaticis opus habet, ut

8 DE GENERATIONE

feminalis materiae seu *geniturae* rationem induat, atque in *feminis* vulgò dicti naturam convertatur.

13. Certè quamvis semen corporis colliquamentum non sit, haud tamen præter rationem statuitur, *feminalem materiam*, seu *semen* vulgò dictum ab omnibus corporis partibus ad genitalia loca confluere: Non quidem ut immediatè in ipso coïtu à toto præscindi credatur; quam equidem opinionem jure merito *Aristot. lib. 1. gen. anim. c. 18. & Gal. lib. 2. de sem. c. 3.* nec non recentiores Philosophi & Medici, respuunt; in ipsis namque vasis asservantibus ac ejaculantibus semen ipsum deprehenditur, atque ab iisdem proxime promanat; sed quatenus materia feminis seu genitura dudum ante coïtum à toto corpore ad testes aliasque spermaticas partes devolvitur, ubi porrò concoquitur, & pro peculiari partium earundem conditione in genuinum semen mutatur: Atque hæc ipsius etiam *Aristotelis* mens est, quando *cit. Voc.* cùm illi, inquit, (veteres Autores) *quod ex toto secedat* (scil. colliquamentum) *semen esse fatcantur*, *nes τὸ αἴμα ἀπὸν πύουρς*, *quod toti naturale redditum*, *semen esse fatemur*: Cùm illi *Colliquamentum* omnium partium, *nes earum αἴμα τῶμα* *Excrementum*, seu *residuum*, *statuimus*.

Pro-

Probabilius enim est, inquit; simile esse id quod ultimum accedit: (ad partes corporis,) & quod ab eodem residuum factum est. Arque hinc rationem elicit Arist. ibid. c. 19. cur filii parentibus similes sint; Simile est enim, inquit, quod ad partes accesserit, & quod reliquum manet, &c. De qua tamen similitudine nos suo loco videbimus.

14 Pertingit autem ex omnibus corporis partibus ad loca spermatica illa feminis materia remotior, seu sanguinei alimenti ultimi portio; per continuam sanguinis circulationem, in qua multoties redeunte; identidem sanguinis quædam portio spirituosior, ac in variis corporis partibus jam antè elaborata, per arterias spermaticas cum reliquo sanguine confluit ad Testes, ibidemque secernitur, (velut in renibus secernitur portio serosa;) ac post elaborationem partibus spermaticis convenientem, semen vulgò dictum in certa promptuaria reconditur, atque ad coitum asservatur; Dum interim continuo illo sanguinis circuitu itidem continuè aliquid seminalis materiæ, quodammodò elaboratæ à spermaticis partibus refluit cum sanguine per venas versùs cor, ac in totum corporis habitum distribuitur: de qua re vid. quæ disseruimus *Anat. parv. nat. Exerc. I. §. 7. 20. 55.*

seqq. quid autem singulæ partes spermaticæ ad seminis elaborationem conferant, eodem tractatu plenius exposuimus.

15. Cùm verò ex maximè spirituoſa atque elaboratiore ſanguinis portione, quæ alioqui totius corporis nutritioni inſerviat, quæque ex omnibus corporis partibus identidem nova ad vaſa ſpermatica exhausta deferatur, ſemen vulgò dictum generetur; manifeſta ratio eſt, cur diſſolutio & imbecillitas manifeſta conſequatur, (ut loquitur *Ariſt. 1. gen. anim. c. 18.*) ubi vel minimum ſeminis ſeceſſerit, niſi copiâ redundet; ac cur in plurimis & magna ex parte accidat, ut Venere exolvantur debilitenturque corpora.

16. Nec verò obſcurum eſſe poteſt, cur ſemen nec in prima ætate, neque in ſenectute, neque in morbis oriatur. Namque, ut rectè *Ariſt.* rationem ſubjungit, carent hoc ægri propter imbecillitatem; ſenes quia non ſatis eorum natura poteſt concoquere; pueri propter corporis incrementum: abſumitur enim totum alimentum in corporis deſiderium, priuſquam aliquid reſidui ſuperſit.

17. Magna autem, cùm in Animalibus, tum & in Plantis, quoad ſeminis productionem differentia eſt, ſive genus cum genere conferatur, ſive ejuſdem ſpeciei

ciei individua inter se, ut homo cum homine, vitis cum vite: Ac alia quidem multum seminis edunt, alia parum, alia nihil nomino, idque ne ex imbecillitate quidem, ut *Arist. cit. loc.* docet: sic & in tempore, quo semen produci incipit, ingens discrimenprehenditur.

18. In Humano quidem genere, mas, teste *Arist. Hist. anim. lib. 7. c. 1. semen genitale* magna ex parte ferre incipit ac pubescere anno peracto bis septimo; semen verò infœcundum esse tradit, usque ad ter septimum annum: mox prolificum quidem esse, sed exiguum imperfectumque generare juniores, tum mares tum fœminas. Mulieres tamen post annum ter septimum opportunè ad procreationem se habere; Viris verò accedere aliquid debere ad prolem perfectiorem.

19. Mares equidem ejusmodi *genitale semen* producere, dubium non est, nec in controversiam id hæctenus abreptum unquam; sed an itidem Fœminæ, minùs certum videtur. Ac *Aristoteles* quidem, *Genituram* à Fœmina non conferri ad generandum; aliquid verò conferri, idque esse menstruorum constitutionem disertè testatur, *I. gen. anim. c. 20.* Menstrua in fœminis idem esse, inquit, quod in viris est genitura: nec posse duas excretiones

spermaticas simul fieri : ideoque semen à foeminis non conferri ad generationem. Additque , si semen esset , (in foeminis) menstrua non essent ; nunc ideo illud deest , quia hæc sunt : Atque ita ὡς τὸ τῶν ἀνδρῶν τὸ σπέρμα ἐστὶν τὸ κατὰ φύσιν ἔσθλα τῶν ἀνδρῶν , sic ut semen (in maribus) ita menstrua (in foeminis) residuum esse ultimi alimenti sanguinei : seu ut habet c.20. *Menstrua semen non purum sunt , sed indigens confectionis : eaque genituræ admista generant.*

20. Ex quibus patet , quo sensu Aristoteles quandoque semen foeminis attribuat , (ut lib.4. de gen. anim. c.1. 1. Hist. anim. c.3. & alibi ,) quod tamen disertè negat ab iisdem conferri ; nimirum quatenus menstrua pro semine imperfecto , (si cum maris semine conferantur) accipit , quibus hoc commune sit cum semine virili , quod sint τῶν ἀνδρῶν , residuum ultimi alimenti sanguinei. Nempe ex semine virili & sanguine menstruo fieri conceptum , sc. primam ex mare & femina misturam , cit. loc. contendit.

21. Non negat interim Arist. à foeminis , præter sanguinem menstruum , alium aliquem humorem per coïtum excerni , quem alii Veteres semen statuebant ; at tamen illum non humorem seminalem esse , sed loci proprium asserit : uteri enim excretionem .

tionem esse, quæ aliis eveniat; aliis non. Hanc *Aristotelis* sententiam, quâ verum semen, quod præter sanguineum menstruum in generatione principii rationem habeat, derogatur fœminis, sequuntur *Athenæus*, *Avicen.* *Averroës*, *Petrus Apponensis*, *Cremolin.* *Casp. Hofmann*, & ex Scholasticis, *Thomas*, *Cajetanus*, *Zimara*, *Durandus*, aliique: Quin & ante *Arist.* eandem sententiam tuiti sunt *Zeno* teste *Mereurial.* de hom. gen. c. 6. *Herophilus* teste *Gal.* 2. de sem. c. 1. *Soranus* apud *Oribasium*, itemque alii.

22. Similiter, quamvis Recentiorum nonnulli non negent, à *Testibus mulierum* humorem aliquem ad uterum defluere, volunt tamen humorem illum non nisi ad irrigandum uterum vicinaque loca facere; ac testes mulierum duntaxat glandulas esse ad recipiendam humiditatem, quâ abundare debeat uterus, ut *Cremolini* sententia habet. Similiter inter veteres *Herophilus* *Testes mulierum* agnovit, eorumque situm, aliaque descripsit; at fœminarum semen extrâ effundi statuit; contra quem disputat *Gal.* 2. de sem. c. 1.

23 E contra verò *Hipp.* humorem illum, qui à fœminis in coïtu excernitur, pro semine fœmineo habet, quod verè cum semine virili ad generationem concurrat:

currat : ut clarè liquet apud eundem *lib. de nat. fœtus* , mox in init. ubi Genituram ab utroque parente proficisci , & in mulieris utero permisceri , condensari spiritum concipere &c. docet , antequam quicquam à matre pro nutrimento attrahatur. Et evidentissimè, *œt. 2. p. 1. 4. Semen è corpore etiam emittit mulier* , inquit , interdum quidem in uterum , nonnunquam verò foràs , si plus æquo uterus delibescat. Plura ibidem in hunc sensum videre est.

24. Hippocratem imitatur *Gal. lib. 2. de sem. c. 1.* ubi fervidè pro *semine muliebri* disputat ; similiter 14 *de usu partium* , & alibi : Hosce sequuntur , *Fernelius* , *Mercurialis* , *Sanctorius* , *Vallesius* , *Laurentius* , *Capivaccius* , aliique complures Medici ; & ex Scholasticis , *Scotus* , *Ochamus* , *Conimbricenses* , *Mendoza* , *Bonaventura* , &c. Ac eidem calculo nos itidem subscribimus.

25. Sanè ipsamet artificiosa Vasorum spermaticorum , testium , deferentium vasorum , tubarum , cæterarumque partium huc attinentium , conformatio , situs ac connexio , de quibus fusè egimus in *Anat. parv. Nat.* satis arguunt , longè alium usum hisce partibus à natura assignatum esse , quam ut simpliciter aquosum aliquem liquorem foràs , vel ad uterum irrigandum , dimittant : ad hunc enim finem haudquamquam :

quam tanto opus fuisset apparatu, ut rectè argumentatur *Th. Bartholinus*, unico namque vase, humorem illum lentius advehente, illi rei satisfieri potuisset, quin imò, solis poris, ut in humore lento in genu advehendo fieri notum est.

26. Quin &, reverà *feminis*, licet *imperfectioris* quàm est semen virile, rationem habere *liquorem* illum *salivalem*, in partibus mulierum spermaticis contentum, exinde liquere potest, quòd, teste *Veslingio*, eò copiosior semper in testibus reperitur, quò florida magis ætas, viresque minùs attritæ antè fuère, quàm morte mulier sublata. Quamvis non universus ille liquor feminis usum præstet; sed demum ille forsan duntaxat, qui à testibus ad uteri tubas delatus, ibidemque porrò elaboratus, ac ultimam perfectionem consecutus, post feminis virilis *irregularitatem* admissam, inde ad uterum dimanat. Pars enim magna salivalis liquoris à testibus ad uteri fundum immediatè, nec non ad vaginam quandoque defluit: ut in *citat. Exerc. Anat.* plenius exposuimus: qui tamen non simpliciter ad irrigandas illas partes, aut ad appetitum venereum excitandum, facere censendus est; sed quâ parte quidem ad uteri fundum pertingit, longè nobiliorem usum præstare, &, ut
alia-

alia nunc prætermittam, quæ ex aliis recensui *Exert. anat. de part. gen. in feminis* §. 25. omninò facere ad conceptus augmentum & incrementum, ac mox ad renelli embryonis primum nutrimentum, de qua re dicetur inferiùs.

27. Nec verò de nihilo est argumentum *Gal. 2. de sem. c. I.* contra eos, qui non nisi *semen virile*, quod causæ efficientis, & *menstrua*, quæ materiæ rationem habeant, in generatione concedunt. Nimirum causæ efficientis seu formantis officium est, inquit, foetum alterutro ex parentibus similem vel dissimilem reddere quoad speciem: quamvis enim ratione materiæ & alimenti insignes alterationes oriantur, illæ tamen speciem haudquaquam mutant, veluti persica arbor in Ægyptum translata formam mutasse ratione soli & alimenti non conspicitur; nec oves unquam mutato pabulo capris, quæ eodem priùs vescebantur, similes evadunt, ut nec capræ ovibus, vel asinis, vel equis. Atqui profitentur ipsimet, inquit, qui semen foeminae proprium derogant, sola menstrua concedentes, foetum à matre quippiam peculiare recipere, non in minutioribus tantùm, quæ ad materiam referri possunt, sed quoad ipsam speciem: si enim asini semen, equa in
utero

utero exceperit, foetus non patris tantum quoad speciem, sed ex utrisque mixtam speciem præ se ferre; si vulpem canis prægnantem reddiderit, quod nascitur non canem, sed mixtum ex utroque genere animal esse.

28. Quin imò, plus à matre, quam à patre, habere natos, ipse *Athenæus*, ejusdem sententiæ patronus, largitur: (quod item verissimum notatur ab aliis, ac per exempla ostenditur à *Fern. 7. physiolog. c. 12. init.*) Nimirum ab equa nasci mulum, ab asina hinnum; similiter ex vulpe & cane, si canis mas fuerit, foetus vulpis specie præditum effici, si contrà, in formam canis evadere; ut ex vulpe vulpis canina, ex cane canis Vulpinus generetur: ita, si ovem caper inierit, ovem duriori lanitio; si capram aries, capram molliori pilo nasci. Atqui si nihil nisi materiam largiatur vel nutrimentum, non modò non amplius ab hac, quam à matre, natis conferri deberet, sed ne vel minus quidem, quod ipsum speciei mutationem concerneret.

29. Præterea, seminalem aliquam materiam, à sanguine menstruo distinctam, à mulieribus conferri, hinc manifestum evadit, quòd, quando foetus jam perfectè formatus est, nondum conceptus u-
tero

tero adhærescat, ac ne quidem ante trigefimum vel quadragefimum diem sanguis maternus, vel aliud nutrimentum ullum per vasa umbilicalia hauriatur, ut suo loco clarius liquebit; Nequaquam autem mox in congressu, aut post eundem illico, menstrua ad constituendum *Conceptum*, (qui non solius seminis virilis, sed ejus quod à mare & foemina supeditatur, quædam miscella habetur, ipsi quoque *Aristot.* & ejusdem sequacibus,) præstò adesse possunt, utpote quæ non omni tempore fluunt, sed statim demum temporibus à natura excernuntur: quin imò, si mox tempore conceptus affluerent, conceptum obruerent, & suffocarent.

30. Nec verò est quod *Aristot.* credamus, fingenti ac innuenti 2. *de gen. anim. cap. 4.* itemq; 7. *hist. anim. c. 2.* post menstruum profluvium, tantum in utero remanere sanguinis, quantum ad conceptum satis est; ac quibus vel mulieribus, vel cæterorum animalium foeminis, nihil foras emittitur, quoniam non multum excrementi inutilis continetur, iidem tantundem, quod colligitur, in utero esse, quantum iis quæ foras emittunt, remanet. Sanè ipsamet autopsia, in uteris non remanere vel colligi sanguini-

guinem naturaliter, evidentissimè ostendit; ac si quis extravasatus ibidem detineretur, is necessariò grumesceret, ac corrumpereetur.

31. Insuper, ipsa gallinarum ova, quæ etiam absque coïtu cum maribus producuntur, infœcunda nimirum ac subventanea, verèque seminis gallinarum rationem habentia, ut *Gal. docet 14. us. part. c. 7.* evidenter arguunt, reverà à foemel-
lis aliud quippiam, diversum à sanguine menstruo, ad generationem conferri: Ac denique ipsa *Conceptus* ratio, quam mox exponemus plenius, sufficienter ac abundè arguit, reverà semen aliquod seu genituram, non verò sanguinem menstruum, à foeminis contribui. Quin imò, foetum, dum in utero materno est, ne quidem sanguine materno vegetari ac nutriri, atque adeò hujusce nullas in ipsius foetus constitutione ac conformatione partes esse, manifestum est ex iis, quæ sunt plenius à nobis demonstrata ac diducta *Dissert. de Lactè, sect. 4.* Atque hinc de materia constituendi foetus, nimirum *semine sexus utriusque* præmissis, nunc porro de *Conceptu* ipso, ac *Conceptione*, seu *Conceptus* ratione, disquiremus.

S E C T I O II.

De Conceptu ac Conceptione.

32. **C**onceptus, τὸ σπέρμα, ipsummet perfectum semen est, utriusque sexus virtutem in se complectens, plantarum femini analogum, dim. verè σπέρμα, ac ἐνσπερματισμὸς in se virtutem actu obtinens, in generationis sinu, nempe utero, comprehensum: seu, ut ex *Aristot.* jam antea audivimus, quod ex ambobus, mare & foemina, coeuntibus, originem trahit; hoc est, ut exponit ipse, *I. gen. anim. c. 20. prima ex mare & foemina mixtura*, quatenus ea idoneo loco est recondita.

33. Hanc quidem ipsemet *Aristot.* ex maris (ceu moventis & agentis) genitura, atque foeminæ (ceu patientis) menstruis, materiae rationem obtinentibus, conflare statuit ibidem: ac modum quidem quo hæc duo differant & uniantur, seu *conceptionem* ipsam, simili à lactis & coaguli respectu ad se invicem, ac ἐνσπερματισμὸς utriusque mutua, desumpto, explicat: nimirum, cum mas quidem motus præbeat principium, foemina corpus & materiam, quemadmodum in lactis concretionē, inquit, corpus lac ipsum est, succus

succus verò aut coagulum principium spissandi, cogendique obtinet, sic quod à mare in foemina distinguitur, intelligi debet. Concretione ergo quadam ac coagulatione menstruorum affluentium in uterum à foemina, vi seminis seu geniturae maris, ipsammet *Conceptionem* fieri statuit, ac mutuam mixturam illam recens factam, ex coagulo quasi, ac materia, per id densatà, *κύημα conceptum* tradit ac pronunciat: Eandem suam mentem clarissimè exprimit *2. gen. anim. 4.* pluribusque aliis in locis.

34. Sed magnam sanè hæc sententia difficultatem habet: Nam si vel sanguis menstruus, (quem Sectione præced. refutavimus, & qui rejicietur porro in progressu) admitti posset, pro materia conceptus, utique nequaquam per coagulationem ac densationem hujus, ad formationem foetus deveniri posset; sed potius secretionem quadam atque ordinatione foret opus, quam genitura maris, ceu principium ipsius motus, in materia suppeditata à muliere, præstaret: Si enim id, quod obtinere debeat principii activi rationem, cogat ac coagulet materiam, quid quæso causæ membra ordinabit ac formabit.

35. Necesse utique ut prima partium

tium formatio ac generatio, nutritioni earundem sit analoga, & cum eadem aliquam similitudinem obtineat, cum sit nutritio continuata quædam generatio: at sit nutritio secretionem atque distributionem nutrimenti in particulas ad sensum minutissimas, quæ distributæ quaquaversum sua sponte ab interno principio passivo densitatem atque consistentiam acquirunt. Et sanè ut coaguletur sanguis, extra vasa sua constitutus ac subsistens, nullo opus est coagulo peculiari, utpote cum suâ sponte is concreascit, ac mobilitate partium privetur; quin imò non concreascit modò, sed & corrumpatur ac putrescat.

36. Probabiliorem de Conceptione sententiam prodere videtur Hippocrates lib. de nat. pueri in initio, si genitura ab utroque parente profecta in mulieris uterum permanserit, primùm quidem cum mulier minimè quiescat, simul permiscetur, condensatur, (nempè suâ sponte,) & calore incrassescit; Deinde spiritum concipit, &c. Cumq; spiritus plena fuerit, viam ipse sibi foras facit, quâ per mediam genituram exeat; ubi verò, viâ facta, spiritus ille calidus foras eruperit alium rursus frigidorem à matre ad se attrahit, idque toto tempore perseverat &c. (Hæc, paucis mutatis, primæ cordis genesi, atque hinc arteriarum

riarum per sanguinis propulsiōem, hinc venarum per attractionem materiæ in sanguinem vertendæ, protensionī, prout, ea à nobis sunt exposita *Dissert. de mot. cord. & sang. sect. I.* convenienter possunt accommodari :) Post iterum inquit, quando mulier conceptura sit, genituram intus manere, neque foras egredi: Ad Conceptionem igitur, ex mente Hippocratis, requiritur. 1. Genituræ utriusque parentis in uterum receptio, ibidemque permanſio. 2. Earundem inter sese conveniens commixtio: Ipsum verò hunc Conceptum, convenienti loco reconditum atque manentem, consequitur 3. Particularum contentarum motus, seu fermentatio quædam, ac spirituum suscitatio.

57. Similiter *Galen lib. I. de sem. cap. 2.* In foeminis animantibus, cum concepturæ sunt, genituram maris intus remanere, observationibus tum suis tum aliorum, confirmare contendit: Additque, mulieres, ubi semen conceperint, quandam in utero motionem sentire, quæ quasi convellat ipsum uterum, eumque paulatim in se contrahat, ita ut ad semen contractus uteris ipsum undiquaque comprehendat; Ac, videri sibi id ipsum quod dicunt *concupere semen*, & nomen hoc *σύνεψις* conceptio, seu comprehensio,

sio, hinc à mulieribus fuisse impositum. Sic verò uteros ad conceptum semen manere contractos, docet, ut ipsis foetibus prorsum cohaerenter in dissectionibus deprehendantur, sive hi majores sint, sive minores, sive penitus parvi.

38. Necessariò autem genitura maris, geniturae ipsius foeminae misceri creditur, ut geniturae hujus motus principium addatur, sine quo nulla ex genitura foeminae fiat foetus productio. Contingit quidem in animalibus nonnullis, quæ nempe corporis temperiem adeò siccam habent, ut humoris frigidi redundantiam in foeminae semine possit quadantenus absumere, velut in volucribus, ut aliquid conceptui simile sine maribus producant, veluti gallina etiam sine mare concipit ova, quoad formam aliis ovis similia; at subventanea ea sunt, & eâ perfectione carentia, quam aliis semen maris admixtum confert, quo fit ut ex iis animal generari non possit: ut docet *Gal. 14 usq. part. c. 7* in gressilibus autem animalibus, utpote quæ omnia volucribus humidiora sunt, absque geniturae maris commixtione, nihil invenire datur quod ovis proportionem respondeat; adeò ut ne molam quidem, vel ejusmodi quippiam aliud, foemi-

foeminæ sine viro concipere valeant, ut docet *Gāl. ibid.*

39. Atque hæc de commixtione genituræ utriusque sexus, pro conceptu foecundo constituendo, constans Medicorum ferè omnium sententia est. E contrà *Arist. 1. gen. anim. c. 22.* Non omnis mas, inquit, : semen emittit, & qui emittunt nulla pars fœtus hoc est; sicut nec à fabro quicquam secedit ad lignorum materiam, neque pars ulla artis fabrilis in eo, quod efficitur, est; sed forma & species ab illo per motum in materia existit. Atque ita alibi genituram maris quando suo munere functa est, ἀλλύει καὶ πνέμεται ὁ αἷς, dissipari & in spiritum evanescere, ait.

40. Certè prorsum remanere in utero genituram maris, quando fit conceptus, difficultates variæ non sinunt nobis persuaderi, nec putem satis accuratas esse hîc *Galenî*, ac eorum quos se hac in re consuluisse ait, observationes; ut neque verum est, perpetuò, cùm foeminæ concipiunt, in utero sentiri quandam motionem, aut quam voluptatem eas experiri: Quippe aliter non rarò observata docuerunt; quæ itidem non ignoravit *Arist. 2. gen. anim. c. 4.* (conferantur ea quæ notavimus *Anat. parv. nat. Exerc. 2. §. 278.*) Nec vero putem suis caruisse ra-

tionibus Philosophos antiquos illos, qui se Aristotelicos Peripateticosque appellabant, qui maris semen, ubi materiae principium motionis praestitit, excerni voluerunt, nullamque partem conceptorum foetuum substantiae effici, contra quos *Galenus* disputat 1. de sem. c. 3. argumentis meo quidem iudicio sat infirmis.

41. Testatur utique Experientia, non modò in Viviparis brutis uteri cornua conceptionis locum esse; sed & in genere humano Tubas uteri quandoque foetum continere: cujus rei exempla aliquot recenset *Riol. Anthropol. lib. 2. c. 34.* ac animadv. in *Vesling. Anat. (p. 476.)* certissimum illud, multisque experientiis comprobatum; testatur: At sanè corpulentia virilis geniturae, neutiquam ultra uteri cavitatem, seu supra eandem in Tubas ac spermatica vasa, potest commigrare, cum ne quidem in capacitatem ipsam, nisi suctione quadam seu attractione quadam allici quàm plurimis credatur, quod & ipse *Gal.* approbat, 1. de sem. c. 2.

42. Quid, quod Galli genituram in gallinae uterum non ingredi, evidentissime ostendat *Harvaeus de Gen. anim. Exerc. 6.* itemque 39. Quin imò, in nullo alio animalium genere semen maris in uterum recipi,

recipi, per observata sua comprobare contendat idem *Exerc.* 67. 68. Cui rei itidem verisimilitudinem addit, quod *Fabricio ab Aquapendente* attestatur *Harv. Exerc.* 39. nimirum, quod non modò galli semen in coïtu projectum, nunquam uteri cavum (ubi ovum fit vel augetur) ingrediatur aut ingredi possit; sed & ova primùm in ovario inchoata, non minùs iis quæ in utero existunt, ab eodem coïtu fœcundentur. Ac notatu sanè dignum est, quod *Aquapend.* existimat, gallinæ ex paucis cum gallo coïtitionibus omnia ova per integrum anni spacium fœcunda parere: velut item *Harv. Exerc.* 6. existimat, posse unum atque alterum coïtum integrum racemum, omniaque illius anni ova fœcunda reddere: ibidemque exempla communicatæ gallinis à gallo fœcundatis in tempus futurum, ex suis observationibus adducit.

43. Equidem in ea dudum fui sententiâ, nequaquam opus esse ut universa genitura maris in utero retineatur, ac cum affluente muliebri semine commisceatur; quin imò, ne quidem necessarium esse, ut in uterum subintret universa; sed posse vel tantillam portionem spirituosam seminis virilis, semini muliebri in utero permixtam, fœmineum se-

men concitare ad motum atque fermentationem, atque ita spirituosam partem in semine femineo excitare in actum: quemadmodum hanc nostram sententiam dudum exposuimus *Instit. Med. part. I. sect. I. disp. 8. § 27.*

44. Sed ut ingenuè profitear quod res est, cur ne quidem tantum concedendum sit, novum mihi movet scrupulum in hac sententia *Harvæus*, in suis passim, *de gen. anim. Exercitationibus*, qui, ut nequaquam genituram maris recipi in uterum, vel ibi permanere, asserit; sic neque genituram ullam fœminæ mox à congressu recipi in uterum pertendit: seridque, neque seminum misturam in ullo animali contingere, nec protinus à coïtu, vel per aliquot dierum spatium post coïtum, quicquam seminis, vel sanguinis, vel conceptus inchoati, in utero in esse aut reperiri, per sua experimenta & observationes, quas plurimas in diversis animalium generibus instituit, comprobare satagit.

45. Profitetur autem disertissimè *Exerc. 56.* se, cum plurimas cujuscunque fere magnitudinis embryonum humanorum dissectiones habuerit, primo mense nihil unquam conceptus in utero reperisse, nisi eodem jam labente: tumque *conceptum*

ceptum rejectum se vidisse sæpius, similem eis quem ex tibicina excussum *Hippocrates* memorat, (quem nimirum sex diebus in utero retentum arbitratus est *Hipp. libi de nat. pueri*) fuisse autem ovi phasiani, vel columbini magnitudine, inftar ovi excorticati, formâ ovali (veluti *Arist. 7. hist. anim. c. 7.* mulierum conceptus primos describens, inquit esse, *veluti ovum membranâ obductum cui putamen detractum sit*;) membranam autem crassiolem, (quæ chorion dicitur) eum ambientem, nihil præter aquam limpida lentamque continuisse.

46. Secundo itidem mense, ovum ejusmodi (sed majus) sæpe se conspexisse cum abortus indiciis rejectum, testatur *cit. loc.* In quorum rejectorum quibusdam foetum invenit, in quibusdam nullum. Ac similiter *Exerc. 69.* se sæpe vidisse mulieribus secundo mense decidisse conceptum, ad ovi columbini molem, sine foetu; aliquando etiam ad phasiani, vel gallinacei ovi magnitudinem: atque hoc tempore, inquit, embryo intus longitudine unguis digiti minimi cernitur, &c. Porro trimestrem abortum sæpe se dissecuisset, ait, *Exerc. 56.* ad ovi anserini magnitudinem, cui jam inerat foetus omnibus suis partibus distinctus;

ruditamen etiamnum formâ vel modo : Embryonem verò hunc tertio mense duos digitos transversos longum refert *Exerc.* 69. (p 315.)

47. Videtur sanè hisce Harvæi observatis congruere observatio Varolii , quâ *fœtum trimestrem* notavit *vix attingere vel superare 6 drachmarum pondus* : Cui addi possit observatio Botalli, qui homunculum dierum 40. apis magnitudine vidit; nisi potius plurium reverà dierum illum fœtum fuisse, veritati consentaneum habendum foret. Equidem iudicium Hippocratis , quo conceptum ex tibicina excullum sex dies duntaxat in utero fuisse arbitratur , congruum quidem est alteri cuidam Historiæ ejusdem , quâ fœtum septimo die habuisse ait , conspicuas oculorum regiones , aures , brachia , crura , manuum pedumque digitos , pudendum , & membra reliqua , quæcunque corpus habere debet : sed hanc observationem , seu potius temporis determinationem , suspectam reddit id quod asserit idem lib. de nat. pueri , fœminam quadraginta duobus circiter diebus formari , marem triginta : Ut meritò Riolanus *Anthrop. lib. 6. c. 5.* censeat , non absolutè veram esse Hipp. de formatione fœtus sententiam. Ex antiquis persuasioneibus autem plurima circa hanc rem

rem à Recentioribus concinnata inveniuntur.

48. Sanè fidem mereri videtur Harvæus, si attendamus solertissimas ipsius ac curiosissimas observationes, quas ut in canibus, cuniculis, suibus, ovibus, capris, asinis, equis, aliisque pluribus animalibus instituit, ita circa Damarum Cervarumque conceptus Exerc. 66. & seqq. accuratè annotavit. Æquale hoc genus animalium cum humano gestationis tempus habet, seu novenis mensibus utero gerunt; ac uno solum statoque anni tempore, nimirum *sub medium Septembris*, (circa quod tempus in venerem feruntur) mares admittunt, ut refert Harv. Exerc. 66. Ac ipso quidem *mensè Septembri*, post coïtum, immutatio quædam in Conceptionis loco exoritur, ut carnosior crassiorque, itemque tenerior, (seu superficie interiori lævior,) ac, velut interior ventriculorum cerebri concameratio, mollißima ac lævißima tactu deprehendatur; carunculæ item quædam, ceu verrucæ molles, in eodem protuberent; quæ in *sine Septembris* atque in *Octobri* tumidiore redditæ, mulierum papillas referunt, quasi lacti profundendo essent paratæ: Interea tamen in cavitate uteri (seu Cornubus, tæniæ caperatæ instar quasi

cellulis distinctis,) nec sperma maris, nec aliud quicquam ad conceptum spectans, invenire se unquam potuisse testatur *Harvæus*, (licet accuratam per *Septembris* atque *Octobris* menses totos dissectionem institueret, ac mares interea quotidie coitum inirent:) multorum autem annorum experientiam suam hic proficitur, *Exerc. 67.*

49. Circa *Octobris finem*, & *principium Novembris*, (finito jam coitu, foemellisque à marium consortio discedentibus,) incipit uterus minorem molem præ se ferre, atque interioris cavitatis paries tumefieri, ita ut, ubi antè erant cellulæ, ibi tunc globuli intus extuberent, qui cavitatem ferè omnem opplebant, adeò ut latera sese mutuò tangentia & quasi agglutinata conspiciantur, nihilque inter se spatii relinquant, ipsaque illa mollissima pulposaque interioris parietis substantia (qualis cerebri est) carunculas ante dictas (quæ quidem non majores, sed albidiores, & quasi aquâ calidâ maceratae videntur) involvat. Paulò post interioris parietis protuberantia subside aliquantulum, corrugari, & madescere incipit, *Exerc. 68.*

50. Circa diem *Novembris duodecimum* demum, vel *decimum quartum*, aliquid in uteri

uteri cavo , ad prolem futuram pertinens , repertum , plurimorum annorum experientiâ testatur. Tunc quippe per utriusque cornu atque ipsius uteri cavitatem mediam , mucosa quædam filamenta , araneorum telas æmulantia , ab ultimo sive superiore cornuum angulo duci , deprehenditur , quæ simul juncta membranofam & mucilaginosam tunicam , sive manticatam vacuam referunt , *Exerc. 69.*

51: Sacculus iste sic primùm constitutus , mox intra *diem unum* aut *alterum* impletur aquosâ , albâ , lentâ , & albugineâ materiâ ; ac lentore quidem suo exteriore uteri parietibus continentibus aliquantulum adhæret , ita tamen ut facile , atque absque ullius partis laceratione , queat separari & evelli : (quippe conceptus iste ac quasi ovum , nuspiam hætenus matricis lateribus adnascitur , ac ne tum quidem illicò , cùm jam fœtus perfectus est , deprehenditur adnatus ,) *ibid.* Atque in hunc modum inquit tandem , *Damæ & Cervæ* , licet per mensem integrum (atque etiam amplius) à coïtu , nihil sensibile in utero habeant , quodam tamen veluti contagio affectæ conceptus hujusmodi & primordia , (queniadmodum plantæ semina , arboresque suos fructus) ovorum instar

producunt: quæ circa diem *decimum octavum novembris*, aut (ad summum) *viceſimum primum*, perficiuntur. *ibid.*

52. Conceptus autem ita jam abſolutus ac perfectus habet in ſe materiæ portionein colliquatam, transparentem, & criſtallinam, (qualis item in ovo gallinaceo cùm illi gallina incubare cæpit, deprehenditur, quamque *colliquamentum* ſive *oculum* nominat *Harvæus*) propriâ tunica tenuiſſimâ & orbiculari contentam, humoreque reliquo, in quo poſtea natat Embryo, longè puriorem; in cujus medio punctum quoddam ſaliens (q. primum futuri fœtus fundamentum,) ac fibræ ſanguineæ, citra ullum alterius partis veſtigium apparens, clarè diſcernuntur. *ibid.*

53. Quod ſi hæc *Observata Harvæi* veritati congruant, (at quî viro fide digno totque circumſtantiis inunito in narratione, ut plenius apud ipſum videre eſt, detrahamus fidem?) res utique tenebrarum plena erit, ac verè ardua inveſtigatu, in quonam ratio *Conceptionis* ſita ſit; quî *verum* ac *perfectum ſemen*, ſeu *Conceptus* producat? Ut equidem *Harvæi* obſervatis fidem non detrahimus, ſic tamen ratiocinationes ejus de *Conceptionis modo*, non per omnia probamus vel admittimus:

mittimus : Nec tamen viri Veritatis studiosi ac Philosophi opinionem temerè rejicimus , aut petulanti splene meditationes irridemus ; sed rationibus cedentes locum , libertatem Philosophicam , quam jure meritoq; ipse sibi poscit , aliisque libentissimè concedit , ad veritatis pleniorè inquisitionem , sobrie accommodamus ; imprimis , cùm nec ipse ea , quæ de Conceptionis ratione est commentus , quasi quæ è Tripode prolata sint existimanda ; velit accipi.

54. *Utero* equidem , (quo nomine in brutis & ipsa *cornua uteri* intelligenda veniunt) ceu genuino *tum conceptionis* tum & *generationis* seu *formationis loco* , peculiare quoddam munus est à conditore Deo circa hoc negotium concessum ; ac ejus certa quædam dispositio requiritur , & velut quædam maturatio , quæ nisi fuerit prævia , conceptus nullus coïtum consequitur ; quin imò sine ea , animalia quàm plurima ne quidem coïtum admittunt : illam verò uteri aptitudinem & dispositionem , insita natura quidem procreat , at promovetur ea sæpe blandis marium illecebris ac consuetudine , (de quo vid. *Harv. p. 406.*)

56. Sed denique perfectionem quandam utero , & quasi dispositionis maturationem

rationem pleniorē, addit maris coitus: ut adeo priusquam vel vestigium conceptus alicujus, in conceptionis sinu sit conspicuum, permagna oriatur uteri post coitum mutatio: ut liquet ex prædictis observationibus. Veruntamen, quid, aptâ dispositione uteri suppositâ, conceptus causa sit, post coitum jam ante plures dies celebratum, quæ ratio virtutis sit per coitum communicatæ, ac ubi illa vis per coitum communicata hæreat, abstrusa remanet investigatio.

56. Harvæo equidem videtur, genitura maris (quam in uteri cavitatem non pertingere omnino certum statuit) non quod amplius præsens sit, aut tangat & operetur, sed quia tetigit genitales partes, contagione duntaxat quadam fecunditatem apportare: adeoque statuit (p 404) *fœminam post seminis virilis in coitu contactum, eodem modo affici, nulloque sensibili corpore agente prolificam fieri, quo ferrum à magnete tactum, hujus statim vi dotatur, aliaque ferramenta allicit.*

57. Sed præterquam quod ita obscurum, per æquè vel magis obscurum exponat, magnes utique ferro non solam qualitatem communicat; hæc enim non migrat de subjecto in subjectum: quod si autem partem substantiæ suæ, ut est
obscura

obscura attractionis illius ratio, ita manet obscura ipsa fœcundatio: Nam si qualitate occultâ trahere dicatur magnes, occulta hæc tractio conceptus rationem æquè occultam non declarat; si manifesta ratio detur quâ magnes ferrum attrahat, (qualeni Nob: Cartes. in *Princ. Philos.* ingeniose excogitavit,) ea tamen huic negotio declarando non lucem sed nebulas affundit; manetque æquè ardua quæstio, quænam illa vis sit analogæ magneticæ virtuti? quomodo & unde illa faciat conceptum, utero jam dudum post peractum coïtum, existente vacuo, seu quidnam efficaciz in fœmina exerceat? Cuinam virtus genituræ maris sit communicata? an utero? vel an cuidam ejus parti, vel an toti fœminæ, an verò semini fœmineo?

58. Nec verò expedit difficultatem, nec declarat facultatem per contagionem genituræ maris inditam, quæ nempe sit analogæ magneticæ virtuti, id quod innuit p.406. *Cum substantia uteri ad concipiendum parati* (nimirum, quæ jam seminis virilis beneficio maturitatem plenam nacta est,) *sit constitutioni cerebri persimilis* (teneritudine, mollitie, ac lævitate) *quid ni merito suspicari liceat utriusque etiam similitudinem esse similem; & quod phantasma,*
sive

sive appetitus est in cerebro, illud idem, vel saltem ejus analogum, à coitu in utero excitari, unde generatio sive procreatio ovi contingat? Functiones enim utriusque CONCEPTIONES dici, &c. Esseque conceptum naturalem in utero, animale in cerebro. Equidem Æquivocatio illa nominis non magis rationem similem conceptionis cerebri & uteri ostendit, quàm comprehensio quæ manu fit, & quæ memoriâ, eandem utrobique rationem arguit, quòd comprehensio dicatur.

59. Et sanè *cerebri conceptus seu phantasmata* formantur beneficio illius facultatis animæ, quæ *sensus dicitur internus*: an verò ita quoque *utero communis* quidam *sensus* tribuendus est, qui tamen non à matris anima dependeat, sed per contagionem seminis virilis fuerit inditus, vel saltem per hanc ipsam fit in actum suscitatus? Insuper, *conceptiones cerebri*, ejusque *appetitus*, actiones immanentes sunt (ut sunt *phantasmata* effectus actionum immanentium:) At illæ licet ab objecto aliquo materiali pendeant, materialem utique effectum non producant: *Conceptiones* autem uteri *conceptum* verè inferunt materialem, velut ovum, aut quod ovo sit analogum, ac unde embryo & denique humanum corpus universum oritur. Si verò hæc *conceptio conceptioni cerebri*

reabri analogâ habenda sit, haud tamen video quo pacto sese ita exerat, ut id quod dicitur *Conceptus uteri*, producat.

60. Videtur certè celeberrimus Harvæus non ambigere, quin *utero imprægnato* verè tribuendus sit *internus sensus*, seu *phantasia aliqua naturalis*; velut *cerebro animalis*. Sic enim in hunc sensum loquitur pag. 409. *Quoniam nihil sensibile in utero post coitum reperitur; & tamen necesse est, ut aliquid adsit, quod foeminam fecundam reddat; atque illud, (ut probabile est,) corporeum esse nequeat: supereſt ut ad merum CONCEPTUM, SPECIERUMQUE SINE MATERIA RECEPTIONEM confugiamus, ut idem scilicet hic contingat, quod in cerebro fieri nemo dubitat; Addit tamen modestè, ne ex Tripode pronunciare, atque aliorum omnium suffragia extorquere velle videatur, nisi quis, cui è meliori luto finxit præcordia Titan; causam efficientem aliam, præter prædictas, invenerit, de qua nos, favente Deo, inferius despiciemus. Interim de illo uteri Conceptu Harveano, ac specierum sine materia receptione, ingenuè fateor, illa meum captum superare.*

61. Ac magis mihi abstrusum videtur, quâ illa *specierum immaterialium receptio* in utero

utero accidat, quomodo uterus secundum illam agat, ac *conceptum materiale* formet, unde & quo directore, aut quâ insitâ facultate, secundum receptam speciem immaterialem, materiam comportet, eamque disponendo dirigat; quàm abstrusa mihi videtur ipsa *conceptionis* ac *conceptus ratio* in se ipsa: Ne jam dicam ipsam illam *specierum immaterialium*, quæ ab utero recipiantur, essentiam ita densa caligine involutam esse, ut eam mens humana fortè difficilior quàm ipsam *Conceptionem* assequatur.

62. Ex illa autem hypothese, *sensus interni* naturalis, seu *intelligentiæ* potius cujusdam, per contagionem seminis virilis utero (ceu animali cuidam, analogicæ rationis, qualem brutis animalibus tribuimus, capaci) instillatæ, vel in actum fuscitatæ, processere illa quæ habet Clar. Harv. p. 407. *Quemadmodum nos à conceptione formæ, sive idææ, in cerebro, similem ei in operibus nostris efficimus; ita pariter idæa, aut species genitoris in utero existens, formatricis facultatis ope, similem fœtum generat; dum speciem nempe, quam habet immaterialem, operi suo imponit.* Certè, si uterus secundum receptam aliquam *ideam* operetur, per intelligentiam eum agere necesse est, idque longè potiore jure, quàm

quàm bruta animantia , quæ dum per naturæ instinctum agunt , per analogicum intellectum agere dicuntur ; hæc enim quomodocunque agant , species saltem immateriales non recipiunt vel concipiunt , aut penes se formant ; sed naturæ impulsu aguntur ; Et si quidem uterus secundum ideam à se conceptam impellit formatricem facultatem , utique uterus principalis causa est conformationis , facultas verò formatrix illius instrumentum : Eritque uterus ipsa *Natura* secundum ideam conceptam instituens operationem ; adeoque *Natura* , quæ *Natura* , principium & causa *externa* esse potest.

63. Sed cum hæc omnia reverà videantur abscondita , (ne jam dicam ipsummet *Harvæum* sibi non satis in hisce constare , qui disertè *Exerc.* 10. 13. 17. & alibi passim , *internum principium* , & *efficiens adæquatum atque immediatum* , tum generationis tum accretionis in ovo seu conceptu , itemque formationis ipsius pulli vel fætus , agnoscit ,) *conceptionis* , utique ac *conceptus uterini* ratio , ac modus alius , qui veritati atque rationi magis consentaneus existimari queat , (servatâ quidem interim nihilominus hypothesei *Harveï* , quòd scilicet à coïtu in utero nil illicò

illicò sensibile reperiatur) est investigandus. Ac primùm quidem vero consentaneum existimo , *genituram maris* genitalibus foëminarum partibus ritè aspersam, quasi per contagium , seu potius per spirituosam quandam , quâ est prædita, substantiam , earundem ac imprimis uteri temperiem , eùm accidentalem tum substantialem quoque immutare , unde talis utero concilietur dispositio , qualem exposuimus in præcedentibus , quâ nempe deducatur ad maturitatis apicem & imprægnetur , sicut fructus à calore æstivo solent , (ut *Harvæi* verbis utar p. 406.) In utero autem primùm se exerens illa spiritiuosa feminis virilis substantia , mox inde cum sanguinis circuitu , communicatur universo corpori foëmineo , eique toti dispositionem suæ naturæ congruam inducit; adeò ut integram foëminam, tam animi moribus quàm corporis vigore immutet ; Non secus ac semine virili , in partibus virorum genitalibus contento , corpus universum dispositione semini analogâ imbuitur , ac totum sui generis virositate aliquâ perfunditur.

64. Hac ergo genituræ maris facultate corpori foëmineo communicatâ , corpus universum foëminæ , virositate illâ imprægnatæ , incalescit ac rarefcit ; sicque
mammis

mammis item atque ductibus lactiferis conciliatur ea dispositio, quam ad lactis genesis; ejusve ad mammarum corpora confluxum, necessariam expoluimus *Diff de Lacte*; vereque eâ ratione, quod vegetabilium fructibus tribuitur ab æstivo solis fervore, ut maturitatem consequantur, & semina eorum fiant fecunda, idem quodammodo corpori fœmineo à spirituosâ seminis virilis substantia communicatur: Indeque semini fœmineo maturitas, quâ in Conceptum (ovi instar) coëat in utero, ibique ad perfectionem sui vegetetur.

65. Ne verò mirum videatur, tantam corporis fœminei mutationem fieri per contagionem illam, à tantilla forsân seminis virilis portione factam: attendamus quæso, quantum universo corpori mutationis inferat per morsum viperæ, vel ictum scorpîi, phalangii, tarantulæ, vel animalis similis contactum, virus eorundem omnem sensus aciem effugiens, ac longè interim minori quantitate corpori communicatum; considerare quæso, quomodo saliva sola canis rabidi, si vel extrinsecus duntaxat cutem tangat, corpori universo suum virus inferat, ut longè sæpe tempore elapso demum sæva ac dirissima symptomata producat.

66. Ana-

66. Analogum quodammodò iisdem ac similibus contagi generibus est illud, quod, ut Poëta loquitur *lentum distillat ab inguine virius*, nimirum *genitale semen maris*, quod tamen verè *beneficium* est atque *vitale*, unde & *vitale virus* ab *Arist.* vocatur, lib 6. *Hist. anim. c. 13.* Id verò non solum aliquam *caliditatem* corpori fœmineo inducit, quâ fortè maturatur semen; sed *motum* insuper naturæ suæ congruum, spirituosæ quæ in corpore fœmineo inest substantiæ imprimit: quo fit, ut si vel genituræ maris crassamentum penitus effluerit post coïtum, vel ipsa quoque spirituosæ portio, per corpus quaqua-
versum distributa, magnam partem aut in totum evanuerit, spirituosæ tamen, quæ in corpore muliebri inest ac innascitur substantia, consimilem motum atque agitationem nacta sit, vel aptitudinem ad motum talem, quali per naturam suam spirituosæ seminis virilis portio movebat.

67. Atque hinc fit, ut, veluti gallus geniturâ suâ per coïtum emissâ, non modò ovo inchoato, aut jam factò, sed utero etiam, & ovario, gallinæque ipsi, facultatem eam quâ fœcunda sint imperit, adeo, ut ova quoque postmodum inchoanda, quorum nulla adhuc extat in ovario,

ovario, aliave corporis parte, materia, foecunda inde generentur, (ut loquitur *Harv. p. 122.* eidemque attestatur *Aqua-pendens*;) ita quoque mas in quolibet animalium genere, ac speciatim in humano, utero muliebri, totique mulieris corpori, ac semini denique inde prodituro foecunditatem largiatur. Ac veluti certum est, in genere volucrum, seu ubi corporis temperies sicciore est, ut humoris frigidi redundantia possit quadantenus in foeminæ semine absumi, (veluti *Gal. habet. 14. us. part. c. 7.*) conceptui quid simile, nempe ovum omnibus numeris absolutum à sola foemina (v. g. gallina) fieri & fomari; nec materiam nec formam ovo afferri à mare, (v. g. gallo,) veruntamen infœcundum id esse; foecunditatem autem & quidem solam, ei à maris semine accedere; seu id solum à genitura maris esse, quo ovum foecundum sit, gignendoque pullo idoneum, hoc est, dispositionem talem, quâ reconditum convenienti loco, causis externis, calore & fotu, ritè conspirantibus, ab infito principio in sui generis animal transire aptum sit: Ita in genere gressilium animalium, quæ nempe teste *Gal. cit. loc.* constitutione humidiora sunt, totum id quod conceptus rationem habet, materialiter à foemi-

fœmina est, quin & formaliter idem in *conceptum* concrevit in utero, dum modò vi & *integrali* seminis masculini maturitas quædam corpori fœmineo ejusdemque semini comparata sit: Tunc quippe semen fœmineum ad uterum dimanans in membranam contentumque in hac ipsâ feminalem succum sensim cõit, verèque eâ ratione *conceptum*, ovo analogum, constituit.

68. At hic *conceptus* ex fœmineo semine, ad maturitatem deducto, constitutus, haud magis fœcundus foret, quàm ovum gallinæ subventaneum, seu absque galli coïtu progeneratum, nisi præter *maturationem* illam, quam excitatus in corpore spirituosus calor, fervori solis plantarum fructus maturanti consimilis, præstare aptus fuit, insuper aliquid per virtutem à mare communicatam, fœmineum illud semen, quod in *conceptum* abit, esset consecutum, nimirum *aptitudinem ad motum* minutarum quæ in semine insunt partium. Atque hoc est quod dicit Arist. 1. gen. anim. c. 21. *marem principium motus, fœminam materiam præstare*; idem inculcat 2. gen. anim. c. 4. & pluribus aliis in locis.

69. Virtus autem illa, à maribus communicatur fœminis atque eorum femi-
bus,

bus, five jam productis five produ-
 endis, beneficio spirituosæ alicujus substan-
 tiæ: quæ quidem cum semine effundi-
 tur, ubi à maribus semen emittitur, (non
 enim omnes semen emittunt, teste *Arist.*
 quin imò nonnulli penè carent, ut de gal-
 lo testatur *Harv.*) ubi verò semen à mari-
 bus non emittitur, per se illa effluit, ip-
 sumque foeminæ corpus irradiat, suâque
 virtute imbuit. Haud tamen concesserim
Arist. id quod persuadere conatur *Hist.*
anim. lib. 5. c. 5. & l. 6. c. 2. Perdices, si ad-
 versæ maribus steterint, ventusque inde afflet
 ubi mares stant, concipere & maritari: Ple-
 rumque etiam voce marium utero ingraviscere,
 si gestiant, ac libidine turgeant: Volatu quo-
 que supernè marium effici idem posse; videlicet
 quoddam mas, in foeminam fatificum spiritum de-
 mittat.

70. Illa autem motus *ἐνέργεια*, virtute
 spirituosæ alicujus substantiæ, à mari-
 bus, five cum semine, five sine semine
 procedentis, deinceps progenito semini
 impressa, consimilem in conceptu dis-
 positionem arguere videtur, qualis est in
 vino vel cerevisia post peractam fermen-
 tationem, ubi nempe spiritus qui inest,
 ita est in actum suscitatus, ut facillime
 ad motum concitetur, unde & inebrian-
 di facultas iis inest, quæ non erat antè
 in

in succo uvarum, aut mustea cerevisia seu prima frumenti coctura, ante ipsam fermentationem.

71. Sed ne quidem illa *aptitudo ad motum*, maturitati superaddita, ac conceptui per virtutem genituræ maris insuper conciliata, seu dispositio illa quâ insitus in conceptu spiritus ad modum naturæ inexistentis sufficienter mobilis existat, satis esse videtur ad declarandam omnem geneseos rationem & conditionem ejus quod gignitur, nisi *virtutum* quid virtute seminis à mare profecti, cum corpori foemineo, tum semini exinde orto, impressum existimandum sit, nimirum, *certa quædam ac determinata motus ratio*, non quidem ordinario illi motui, quem insita natura intendit, contraria, sed tamen paulum diversa. Si enim semen maris ad conceptum constituendum non concurrat, nec in conceptu substantialiter insit; sed *maturitatem* duntaxat, & *aptitudinem ad motum*, quibus semini foeminae comparatis possit animans prodire, tribuat; utique foetus simpliciter matri similis erit, à qua nimirum & materia conceptus, & forma ejusdem, atque insita natura proficiscitur: Atqui in prole utriusque parentis expressa quædam imago deprehenditur, tam in figura & lineamen-

neamentis corporis, singularumque ejus partium, quàm in coloribus, nævis, morbis, aliisque corporis accidentibus: prout enim seminalis materia à matre profluens moveri atque disponi apta vel inepta est, genitura autem patris movere atque disponere, idque vel secundùm totum vel secundùm certas quasdam ac determinatas partes; ita & vel toti corpori sanitas aut morbus obvenit, vel certis quibusdam partibus certa accidentia obtingunt.

72. Præterea, (ut *quartum* hoc adjiciamus,) *natura ipsa, quæ in spiritu genituræ maris inest, (secundùm Arist. 2. gen. anim. c. 3.) congeneri naturæ, quæ est in corpore fœmineo, per spirituosæ substantiæ diffusionem sociata, hanc ipsam suæ indolis, quàm à spiritus & materiæ adhæfione nacta est, participem reddit, indeque ipsi quæ à semine fœmineo, seu in conceptu, inest naturæ, consimilis habitudo, secundùm quam spirituosæ materia impellatur ac moveatur, ita imprimatur, ut quasi mixta ex utroque sexu natura videatur. (Quâ ratione alioqui suppositâ seminum mixtione in conceptu natura (vel anima) seminis utriusque sexus, per generationem abeat in unam naturam, exposuimus Theatr. Nat. univ. part. I.*

C

diff.

disp. 7. q. 3. prope finem ; ubi item de origine formarum naturalium differuimus.) Atque hinc est, quod in anima quoque ipsa, ejusque consequentibus, (ut moribus, docilitate, incessu, voce, &c.) quædam utriusque parentis temperatura deprehendatur ; itemque in diversarum specierum commixtionibus, utriusque speciei similitudo quædam in prole notetur: Ita etenim in mulo utriusque parentis, (equæ nimirum & asini,) corpus, mores, & vox ipsa, exprimuntur: idem in pullis ex gallino & phasianio prognatis videre est ; itemque in lycisca, ex lupo & cane coëuntibus progenita.

73. Præter ea, quæ exposuimus, nihil ad fœcunditatem semini fœmineo, seu ipsi conceptui conciliandam requiri, vel à maris genitura conferri existimo. Et quamvis quicquid fœcundum est, id ipsum quoque animatum esse, (potentiâ saltem) verisimile sit ; unde plantarum semina & conceptus animalium vivere non minùs quàm stirpes, & vegetalem animam habere, profitetur *Arist. 2. gen. anim. c. 3.*) haud tamen largior id quod dubium relinquit *Harvæus, p. 144.* (at quod refutat ipse *p. 175.*) animam quæ in ovo fœcundo, vel in conceptu genuino, potentiâ saltem est, (quam naturam appel-

appellari malim, dum actu anima non est) ex traduce esse, & à mare in fœminam, à fœmina in ovum, seu conceptum, à conceptu in fœtum transferri; vel singulis eorum successive, per coïtus contagium, ingenerari, quod & ipsi Arist. visum videtur, quando 2. gen. anim. c. 4. & alibi, inquit, corpus ex fœmina esse, animam ex mare.

74. Equidem rationalem animam ex traduce nequaquam esse posse, demonstravimus Dissert. 3. de Anim. Hum. nec verò illa ad generationem vel conformationem per se ordinata est, quam & ipse Arist. disertè ab hoc munere excipit, 2. gen. anim. c. 3. ubi nihil cum ejus actione actionem corporalem communicare asserit: quod verò vegetativam naturam attingit, illa utique per se semini fœmineo inest, quod satis arguunt ova, sine mare genita, in quibus eadem partium visibilibus dispositio inest, quæ est in fœcundis, (ut rectè contra Aldrovandum asserit Harv. p. 173.) quæ sanè esse non posset, nisi ab interna vegetativa natura, per insitam quandam artem, ceu per intellectum, agente, proficisceretur; licet ea dispositio ad pulli generationem non sufficiat.

75. Et sanè, quomodo per coïtus contagium possit anima communicari, utris

neutiquam assequitur, imprimis si verum, quod cum *Harv.* supponimus impræsentiarum, genituram maris evanescere plerumque, antequam quicquam conceptus in utero constituatur. Nec minus obscurum est, ubinam illa anima post dissipatum semen, & ante conceptum formatum hæreat in corpore materno, vel ubi delitescat? Hypothesi ergò *Harvejane*, nostræque præsentis, indeque veritati consentaneum magis est, quod *Harv.* paulò antè, (p. 143.) profitetur: nimirum, *quemadmodum à Gallina fit ovum, ita ab aliis quoque feminis primos conceptus tum materiam, tum formam, recipere: idque aliquandiu, postquam marium genitura emissæ fuit & evanuit: Et quod mox; Marem non magis censendum esse primum principium, à quo conceptus & fœtus oriuntur, quàm femina, quæ ovum sine mare procreat; nisi quod mas eo nomine prærogativam mereatur, quòd fecunditatem apportet: Quod quomodo fiat, similibus quibuscunque declarat Harv. cit. loc. at nos rationem universam ita habere existimamus, ut exposuimus.*

76 Liqueat autem ex prædictis, præter discrepantes ejusdem speciei sexus, non nisi species congeneres, sibi que affines quodammodò, misceri posse in producendam pròlem: ne nimirum motus parti-

particularum in Conceptu , qui ab insita conceptui natura , proficiscitur , ac ille quem genitura maris infert , nimum dissideant, atque in contraria vergant.

77. Similiter ex dictis colligi potest, cur in diversarum specierum commixtionibus proles magis matri , quàm patri similis quoad speciem deprehendatur : quod itidem notatur ab *Arist. 2 gen. anim. c. 4.* nimirum , natura materna speciei, quæ propriè conceptui (ceu semini materno) inexistit, motum ad generationem ipsa instituit , in actum licet per genituram patris suscitata , à qua insuper determinationem quandam, accidentalem duntaxat, consequitur : ita ex equa & asino, equus corpore quodammodò asinino nascitur ; ex vulpe & cane , si canis mas fuerit , vulpes corpore ferè canino , &c. cur item fœtus , ex ejusdem speciei individuus productus ; aliàs patri , aliàs matri magis similis existat, ab illo genitalis materiæ motu, quem insita conceptus natura in actum suscitata instituit , motusque determinatione quam genitura maris præstitit , prout vel ille vel hæc superior evadit , causa depromenda est : sed hac de re dicendum inferiùs.

78. Specialiter verò colligi potest ex antè dictis , quâ ratione Salvator noster

verè homo nasci potuerit ex Virgine, sine patre : Cùm enim conceptus totus à fœmina pendeat ; fœcunditas sola , (nimirum seminis muliebris maturitas , spiritusque insiti in actum suscitatio , seu mobilitas , per fermentationem materiæ præviæ conciliata , ac denique concinna motus ab insita natura pendens determinatio ,) per virtutem genituræ virilis conferatur ; nullâ hujusce ad conceptum constituendum formandumve concurrente portione , sed tota diffuente & evanescente : fœcunditatem solam Spiritus S. virtute suâ divinâ in corpore atque semine fœmineo supplèvit : Sicque è semine Virginis per Dei Spiritum sanctificato ejusdemque virtute fœcundato , conceptus Salvator noster , per omnia nobis similis natus est , solo excepto peccato.

79 *Conceptus* (ceum Ovum) eâ ratione in utero constitutus ac formatus , nutritur porrò atque augetur vi propriâ & insitâ , donec naturalem perfectionem justamque magnitudinem obtineat ; Etenim *Conceptum inanimatum* esse , nemo statuerit , & vitâ omnibus modis privatum , ut rectè censet *Arist. 2. gen. anim. c. 3.* quippe cùm nihilo minus semina & conceptus animalium vivant quàm stirpes , & aliquandiu prolifica sint :
quod

quod ergo vegetalem animam habeant palam est, inquit: ipsa ergo nutritio & accretio Conceptus per infitam facultatem vegetativam, innatumque calidum peragitur; quibus seminalis materia sensim ad uterum confluens ejusdemque interiora maderificans, ac per ambientem membranam roris instar ad interiora conceptus transsudans, ceu per internum principium concoquens, digerens, atque transformans, in genuinum nutrimentum augmentumque conceptus convertitur: dum nullibi interim conceptus utero adhæret, nec per vasa umbilicalia hætenus augeatur: Veluti de ovo gallinaceo, & avium ovis in genere, contra *Arist. 3 gen. anim. c. 2.* rectè notat *Aquapendens*: cui adstipulatur *Harv. Exerc. 9.* asserens ova avium, ac universim conceptum quemvis in utero fœminæ, non aliter ac piscium vel ranarum ova foris alimentarium succum suscipiendo augeri; seu eo modo, quo fabæ, ciceres, cæteraque legumina & frumenta, humore macerata intumescunt, indeque alimentum pullulanti in sese germini acquirunt. Nec enim minùs, (ut rectè differit idem *Exerc. 10.*) ciceres vel fabæ, attracto per tunicas suas terræ humore, quem veluti spongiæ imbibunt, verè nutriri dicuntur; quam si eundem

per venarum oscula admitterent : & arbores corticibus suis rorem pluviasque absorbentes , æquè verè aluntur , ac per radices solent.

80. Quantumvis autem *Conceptus* quivis convenienter ovo assimilari queat , cortice duriore nondum investito ; non tamen in quovis animantium genere ejusdem cum ovo *figuræ* est , utpote quæ variat passim pro ratione interioris cavitationis uteri , qui est *conceptionis locus*. In utero equidem humano , ubi cavitas quodammodò orbicularis , *Conceptus ovali figurâ* deprehenditur , ut notat *Harv. p.247.* Atque hinc *p.322.323.* *Conceptus mulieris*, inquit , *primis gestationis mensibus ab ovo vix quicquam differt* : Vidi enim , inquit , *ante natam placentam , humorem album tenuiori ovi albumini similem , ovo columbino , imò phasiani , magnitudine aliquando parem , intra membranam subtilem contineri , &c.*

81. In brutis animantibus , ferè omnibus , (præter simiam & solidipedum genus ,) *Conceptionis locus* , in quo foetus ipse continetur , non uterus sed *cornua* sunt , quæ tamen ipsa uteri nomine indignantur. Est autem in illis uterus , seu primus in cavitatem interioriorem ingressus , tanquam vestibulum seu propylæum , (teste *Harv. Exerc.65.*) unde iter utrinque , dextrorsum

trorsum ac sinistrorsum in cornua deducit. In illis ergo animalibus, conceptus per uterum atque utrumque cornu protensus, figurâ manticæ aquâ utrinque plenæ, seu intestini inflati infarctive, in medio (quâ uteri vestibulo hæret) coarctati, (duplicis farciminis instar, in medio cohærentis,) deprehenditur; unde & ipsa membrana exterior, totum conceptum comprehendens, quæ communiter *Chorion* vocatur, in brutis *Alantoides*, seu *intestinalis*, consuevit appellari.

82. Cornua autem uteri, ferè coli intestini in modum, præsertim ea parte quâ uteri vestibulo sunt viciniora, quasi in cellulas corrugata cernuntur, alibi majores, alibi minores; atque in cellularum una, plerumque ea quæ maxima, ac vestibulo uteri proxima, fœtus continetur; quandoque in cornu dextro, quandoque in sinistro, si unicus fuerit fœtus, (à quo interim vasa umbilicalia per utrumque cornu protenduntur;) sin bini, in utroque cornu unus inest, uterque in eam duntaxat conceptus partem, quæ in sui lateris cornu inest, vasa umbilicalia protendit; sicque dexter è dextra conceptus parte, sinister è sinistra victum quærit.

83. Licet autem, ubi gemelli fœtus sunt, in iis quæ non nisi unum ordinariè

consueverunt gignere, (ut dama, Cerva, Homine,) uterque seorsim peculiari membranulâ, quæ *amnios* dicitur, involutus sit, atque ex peculiari *Colliquamento* seu *Crystallino*, uterque exurgat; ambo tamen in eadem mantica seu in eadem membrana *Chorio*, eademque exteriori aqua, (ceu in eodem gemellifici ovi albumine) contineri, deprehenduntur; In Canibus verò, Cuniculis, ac Suibus, aliisque viviparis & multiparis animalibus, foetus quilibet binos humores, & utramque membranam, *Chorion* æque atque *Amnion*, peculiare sortiuntur.

84. Nimirum, in *canibus* quidem, referente *Hærv. Exerc. 69.* per totum cornu ductum, varii nodi sunt, membranâ peculiari, seu *chorio*, circumdati, in quibus totidem humores continentur, & à singulis eorum singuli foetus *Amnio* intus contento inclusi: In *lepore* & *cuniculo* multi globuli (quemadmodum in serpentibus ova,) tanquam armillæ ex pluribus fuccini globulis filo unitis conspiciuntur: In *equa* & *asina* locus conceptionis, bipartitus, seu in cornua divisus non est; oblongior tamen existit; & ab utero discrepat tum situ, tum connexione; tum fabricâ & substantia, ut adeò cornu naturam & constitutionem potius quam uteri

teri referre videatur, ut notat *Harv. Exerc.* 65. in fine.

85. Ex dictis manifestum est, quomodo ex uno congressu (nam de superfœtatione hîc nihil dicemus) plura gigni queant animalia: Equidem iis animalium generibus, quæ uterum in cornua divisum habeat, ac interim multipara sunt, accommodari potest idipsum, quod habet *Hipp. lib. de nat. pueri*, prope finem: *Gemelli inquit, ex uno veneris complexu procreantur ad hunc modum: Uteri sinus plures & incurvos habent, (cornua sc. incurva, quæcum arietis & hirci cornubus eleganter comparat Harv. p. 301. 302. & in cornibus ferè plures cellulas seu sinus, hos quidem longius distantes, illos vero pudendo viciniores, (estque ille major reliquis, qui uteri propylæo est vicinior, ac in maximo potissimum foetus, si is unus sit, continetur:)* Atque ex animalibus, quæ plura gignunt, plures sinus habent, quàm quæ pauca. Cum vero genitura, inquit (seu conceptus potius,) ad duos sinus divisa pervenerit, eamque uteri receperint, neque sinus alter ad alterum transmiserit, ea utroque sinu separata, membranâ vestitur, (hoc est, conceptus illi divisi, Choriis distinctis, ab invicem secluduntur, quod in animalibus multiparis & viviparis fieri diximus,) vitamque eo modo

accipit, quo & unus fœtus ; (nimirum in singulis conceptibus separatis , singula insunt colliquamenta , sua vegetationis principia obtinentia.)

86. Quæ porrò subjungit Hippocrates , non simpliciter admittenda sunt : Nam quod ait, *Ad eundem modum in muliere , ex uno veneris complexu natos gemellos , utrumque suo sinu & involucro condi , & eâdem die in lucem prodire , alterumque prius cum suo involucro foras egredi*, correctione aliqua indiget : Mulierum enim uterus , 1. Sinus distinctos non habet ; 2. Intra unam eandemque membranam exteriorem, seu Chorion , ac in eodem albugineo liquore , fœtus uterque continetur , nascunturque velut ex uno eodemque gemellifico ovo , quod unum duntaxat ac continuum albumen obtinet : Interim suo peculiari involucro proprio, amnio : sc. membranâ , uterque investitur. Similis ratio est aliorum animalium viviparorum , quæ ordinariè non nisi unum partum edunt. Hæc de Conceptu ac Conceptione ; ad Conformationis rationem porrò nos accingimus.

FOETUS IN UTERO. 61
PARTIS SECUNDÆ,
SECTIO I.

De Efficiente causa Conformationis.

Efficiens causa conformationis non minùs investigatu ardua videtur, nec minùs doctorum ingenia torquet, quàm ipsa Generationis materia, & Conci-
piendi modus. Harveus equidem, postquam variorum, Aristot. Aquapendentis, Sennerti, sententias de causa efficiente generationis principali (quatenus ab instrumentali distinguitur,) examinavit, easque vel jure vel injurià rejecit, suam tandem exprimit Exerc. 50. (p. 195) his verbis: Rem rectè pieque (meâ quidem sententiâ) reputaverit, qui rerum omnium generationes ab eodem illo aeterno atque omnipotente Numine deduxerit, à cujus nutu rerum ipsarum universitas dependet. Similiter Lactantius lib. de Opif. Dei c. 19. qui, dum terreni Parentis, nihil esse, inquit, nisi ut humorem corporis, in quo est materia nascendi, cum sensu voluptatis vel emittat vel recipiat; addit, cætera jam Dei esse omnia, scilicet conceptus ipsos, & corporis informationem, & inspirationem animæ, & partum incolumem.

2. Piè equidem ac Theologicè, adeòq; verissimè dictum; at certè minùs Philosophicè: Absolutè principalem rerum omnium causam Deum ter Opt. Max. quilibet Christianus meritò agnoscit; at idem quâ Philosophus, naturalem causam principalem, providentiæ divinæ subordinatam, jure meritò investigat, ne *μεινίσκων εἰς ἄλλο ἔργον* committat. Uti- que Deus Conditor & Gubernator rerum omnium, qui agit omnia in omnibus, qui ipsemet immediatione virtutis & suppositi, ad quascunque rerum quarumvis operationes, quoad operationum substantiam, (ut loquuntur,) seu qua operationes sunt, concurrit; idem tamen in natura rerum naturales causas, easque in hoc genere tum principales, tum instrumentales, constituit, quibus formalis operationum ratio attribuenda sit. Rectè- que adeò *Alstedius Pneum. part I. c. 5. comm. ad Reg. 7* Deus, inquit, *indidit vires naturales creaturis, per quas producere possint sua effecta, ut igni vim urendi, animali vim generandi, (id est prolificum semen producendi: ita ut non rectè senserint & locuti sint quidam Philosophi, qui dixerunt, neque solem lucere, neque ignem calefacere, neque animal generare; sed Deum in sole lucere, in igne calefacere, &c.* Confer. quæ de hac re prolixè

prolixè differuimus in *Exegesi Apologetica*,
Art. 2

3. Sed quid, quæso, causæ est, cur ita scrupulosè naturæ limites, transfiliat Clariss. Harv, ac Deum ipsum ἀπὸ μηχανῆς adesse velit, in animalium quorumvis generatione, tanquam causam unicam principalem, quæ causis naturalibus non nisi ut instrumentis utatur? Nimirum, hanc statuit (p. 192.) principalis Efficientis inseparabilem conditionem esse, ut nempe in animalis fabrica artificio utatur, & providentiâ, sapientiâ item, bonitate, & intellectu, rationalis animæ nostræ captum longè superantibus: Utpote in quo sit futuri operis ratio, quodque in destinatum finem agat, disponat, & perficiat omnia; &c. Sed si hæc ita rigidè accipienda sunt, nulla sanè in rebus conditis dabitur causa principalis, nisi ubi mens vel angelica vel humana sit conjuncta: Et, quando aranæ retia nectunt, aviculæ nidos exstruunt, ovis incubant, eaque tuentur, apes & formicæ habitacula parant, & alimoniam in futuros usus recondunt; Deus solus harum operationum principalis causa dicendus erit, qui retia nectat, nidos exstruat, ovis incubet, habitacula parat, & alimoniam recondat; instrumentis autem ad has operationes utatur araneâ, aviculis, apibus,

bus, & formicis; quin imò cùm bos vel asinus incedit, ac gramine vescitur, Deus fortè per bovem vel asinum incedere, & gramine vesci, credendus erit.

4. Consultius ergo statuimus, esse in rebus naturalibus ipsis, id quod *efficientis causæ principalis* rationem habeat, quamvis illius agendi facultas universa à Deo pendeat, tum quoad esse, tum quoad operari; sic verò à Deo eandem constitutam esse, ut determinato modo agat, non secus ac si per intellectum ac providentiam impelleretur. In horologio sanè artificiosissimè constructo, & ad ordinatissimum motum composito, nemo artificem, (qui fortè dudum obiit,) efficientem motus causam principalem dixerit, quâ jam actu moveatur, idè quod horologium intellectu destituatur, quo singulæ particulæ sic ordinatè impellantur: Ita naturalis aliqua *causa efficiens generationis*, à Deo in rerum natura constituta est; quæ secundùm ideam in intellectu divino existentem, materiæ motum instituat, ac functionem naturalem exequatur: Dum interim Deus ipse supernaturali ratione omnia agit in omnibus. Sed quomodo in se habeat plenius patebit in progressu.

5. Supposito itaque Deo conditore ac

gu-

gubernatore rerum omnium, *efficiente causa* omnis generationis primaria & principali, sed supra ordinem & gradus Naturæ universæ eminente; in rerum naturalium serie propior *generationis causa efficiens*, eaque in suo genere itidem principalis, non instrumentalis, investiganda est. *Marem* equidem *causam efficientem primariam* in generatione plerique profitentur, siue quod conferat animam, ut visum fuit Aristoteli, siue quod saltem fœcunditatem, quacunque ratione, conceptui seu materiæ afferat. Sanè in iis quidem, ubi sexus distinctio non est, (veluti & in plantis) id meritò causæ efficientis primarii rationem habere concedimus, quod semen fœcundum produxit; ubi verò sexus discrimen datur, cum fœmina ipsa universum conceptum proferat, solâ fœcunditate carentem, saltem *mas* & *fœmina* simul, pro una *causa efficiente primaria* generationis haberi commodè possunt: Quinimò *fœmina* ipsa *causa generationis efficiens* rectè statuitur ab Harv. Exerc. 41. non quidem absolute & per se, ut ait, sed *ex mandato quasi & vi maris prolifica reddita*, Veruntamen hæc generatio longè diversa est ab ea, quam impræsentiarum quærimus, ubi quid ex semine corpus organicum producat totam-

ramque conformationem absolvat, investigamus.

6. Est equidem generationis quidam actus, quo à simili simile (potentiâ saltem) producitur, seu quo semen fœcundum gignitur: quò respicit *Scalig. Exerc. 6. §. 10.* cum inquit, *Generat arbor, cum producit semen; non autem generat arbor, cum pullulat e semine: sic canis non gignit, cum nascitur catellus, sed cum semen gignit.* Veruntamen, cum ipsa conformatio partium, quæ ex semine arboris arbor pullulat, atque ex semine canis caninum corpus, omni organorum apparatu instructum, resultat, similiter generationis quidam actus sit, isque potissimus, huius efficiens causa primaria jam quæritur: Ea verò parens, qui semen fœcundum produxit, dici non potest: debet enim agens patienti conjunctum esse; at longissimè sæpe abest is qui semen genuit, quin inò quandoque mortuus est: veluti in pullorum ex ovis productione videre est, quæ vel mortuis gallinis ipsis, in fornacibus calore temperatis, in finietis, vel in sinu muliebri, peragi potest: ita Livia Imperatrix fertur ovum tamdiu gremio fovisse, donec ex eo fœtus redderetur; Hodieque in Ægypto, & alibi, in clibanis sive hypocaustis, pulli gene-

generari traduntur: (vid. *Arist. 6. Hist. anim. c. 2. Plin. lib. 10. H. N. c. 54. Scalig. Exerc. 23.*) Rectèque *Arist. 2. gen. anim. c. 4* cum quod gignitur ab utrisque (mare & foemina) abijunctum jam est, seipsum gerere, gubernare & dispensare debet, perinde quasi filius à patre emancipatus, seorsimque collocatus.

7. Sed an non fortè calor ambiens vel id quod sinus aut uteri rationem habet, pro efficiente causa posset admitti? Resp. *Adjuvantis causæ* rationem omnino id habere: Atque ita *Arist. passim causam animalium producentem statuit calorem, moderatum calorem, & proportionatum caloris gradum, solem ipsum, &c. principalis autem causa nequaquam dici potest. Quod enim ex ovo gallinaceo, gallus; ex anserino anser; ex anatino, anas, ex ovib. bombycum, bombyces, &c. prodeant, id utique in solum calorem, aut diversos illius gradus, nequaquam referri potest, cum ab accidente discrimen essentiale non producat; nec ullo caloris temperamento effici queat, ut ex ovo gallinaceo v. g. vel anas, vel anser nascatur: Similiter à terra complectente foventeque, & à sole calefaciente, non pendet, quòd ex triticò, non hordeum vel avena, ex hordeo nec avena nec triticum; sed ex quovis semine sui generis planta exsurgat.*

gat. Et si vi uteri ex semine v. g. humano, homo nascatur, uterus fortè intellectus & providentiâ vel arte instructus censebitur; cùmque ipsa conformatio partium sit maximè naturalis naturæ operatio in generatione, natura autem sit principium & causa interna; alia causa in ipso conceptu quærenda est, quæ operationem illam instituat.

8. Quin &, si ab utero conformatio pendeat, (veluti præter *Harveum*, etiam *Fab. Pacius* utero virtutem conformatricem ascribit, teste *Th. Barthol. lib. I. Anat. c. 28.*) utique exteriora priùs tum interiora formabuntur. At rectè iterum *Aristot. 2. de gen. anim. cap. 4.* qui ita, ut *Democritus*, ajunt exteriora primùm animalis discerni, tum interiora, quasi lapideum aut ligneum animal condant; non rectè dicunt. Atque *ibid. c. I.* à ratione alienum docet, ab aliquo extrinsecus efficiente viscera aliaque formari. Opinionem autem *Harvæi*, quâ utero speciem seu ideam immaterialem, vi genituræ maris impressam hæere existimat, secundùm quam conformetur fœtus, jam antè etiam, ubi de conceptione egimus, cum ratione rejecimus.

9. Internam ergo quandam in ipso conceptu Conformationis causam esse necesse est; de quo eleganter *Arist. 2. gen. anim.*

c. 3. In-

c.3. *Inest in semine omnium, inquit, quod facit, ut fecunda sint semina, videlicet quod CALIDVM vocatur; idque non ignis, non talis facultas aliqua est, sed SPIRITVS, qui in semine, spumosoque corpore continetur, & NATVRA, quæ in spiritu est, proportionem respondens elemento stellarum. Hæc ipsa infusa Natura, omnia certo ac determinato modo, ad præscriptam à supremo Numine normam, exequitur: instrumentis verò utitur in universa operatione sua calido primigeneo, hoc est spiritu infuso, & calore seu motu.*

10. Hanc veritatem ipsemet Harveus agnoscit, eandemque elegantissimis verbis exprimit Exerc.10. ubi, *omissis inquit, ut oportet, altercationibus, ut facile concedimus, uteri officium & usum procreandis &vis (seu conceptibus,) destinatum esse; ita Efficiens adequatum, inquit, & immediatum, in ovo ipso contineri asserimus; ovumque non ab utero, sed ab interno principio naturali, sibi que proprio, tum generari tum augeri censemus; principiumque hoc à tota gallina primùm in vitellum inchoatum, primamque papulam profluere; quod deinde, (cui innatus calor, aut natura opifex,) vitello inhærens, ipsum nutrit, augetque, &c. Et Exerc.13. (p.51.) Certum est, inquit, pullum ab interno in ovo principio efformari, &c. Itemque Exerc.17. & passim*

passim alibi, particulam primam genitalem in ovo vel conceptu, seu in pullo aut foetu, qui generatur, *animam* in se habere statuit.

11. De ipsa autem illa *Natura*, quæ rebus inest, rectè ait Hipp. lib. de alim. *Eruditam esse, licet rectè facere non didicerit.* Et. 6. Epid. s. 5. §. 2. *Naturam à nullo edoctam, citraque disciplinam, ea quæ conveniunt efficere.* *Erudita* autem *Natura* verè dicitur: non quod ipsa per se rationis capax sit: quippe propriè loquendo, ipsa non solum non sapiens est, sed & prorsus rationis experta, ut Gal. ait, qui tamen τῆς τοῦ νοῦ σοφίας μερίστω, *artem & sapientiam summam*, in generationis opere admiratur: sed dicitur *erudita ac sapiens*, quòd, ut Gal. loquitur ἐξ αὐτῆς ἀδιδόκτου σφαιρῆς ἀπαντα τοῦτο, *ex se ipsa sine institutione, agit omnia quæ agi necesse est, & sine ratione propria optimæ rationi consentanea efficit*; cum tamen interim se illa scire ignoret, nec intelligat, secundum rationem se illa omnia dirigere. Sunt enim reverà *Natura* rerum, quasi instrumenta in manu supremi opificis & creatoris Dei; at interim, in suo genere principales causæ, quæ secundum naturalem vim, atque instinctum divinum, operantur.

12. Atque ita verissimum est, quod ipse-

ipsemet Harv. profitemur (p.195.) Quod in nobis, inquit, operationum artificialium principium est, diciturque ars, intellectus, aut providentia; id in naturalibus est natura, quæ autodidaxit & est, & à nemine edocta; vel potius (ut nos olim rem istam mente complexi sumus, ac verbis expressimus in Theatr. nat. univ. disp. 7. quæst. 3. §. 30.) quæ impressum divinæ ideæ simulacrum gerit, ac velut sapientiam quandam analogicam ab ipso creatore inditam, secundum quam, non secus ac si ratione uteretur, quotiescunque materiam aptè præparatam, & à generante sibi arctius consociatam nata est, determinato quodam modo, optimæque rationi consentaneo, operatur, materiam ipsam secundum ideæ sibi impressæ vestigium determinando, & perquam artificiosâ ratione corpus construendo, & ad certum optimumque finem dirigendo cunctas operationes: ut eo sensu sit verissimum, quod Philosophi nonnulli ajunt, omnem substantiam immaterialem intellectu esse præditam, si nempe analogiæ concedatur locus. Per naturam enim, in rebus naturalibus, elucescit ars quædam intrinsicæ, quâ secundum rectam rationem operatio peragitur; veluti ars naturæ quasi extrinsecæ haud inconvenienter potest comparari.

13. Est autem reverà Natura, quæ in semine inest, inuitoque spiritu & calore veitur, substantia quædam immaterialis, divina

divinâ necessitate ita ad materiam determinata, ut sine ea nec esse nec subsistere, nec operari queat. Ut enim Deus opifex, (qui est ens entium, omnia quæ sunt, quæ fuerunt, & quæ esse possunt, eminenter in se continens, qui ut Scaliger loquitur, non tam ens est, quàm essentia, non tam sapiens, quàm sapientia,) *imateriales substantias* condidit, alias quidem simpliciter abstractas, seu nullum per se cum materia commercium habentes, nimirum angelicos spiritus; alias ita indifferenter ad materiam se habentes, ut saltem sine materia esse, subsistere, ac operari queant, cujusmodi sunt Intelligentiæ assistentes vulgò dictæ, inter quas saltem est Intelligentia humana, seu rationalis nostra anima, (vid. quæ de unione animæ cum corpore tradidimus *Dissert. 6. de Anim. Hum.*) ita alias *imateriales substantias* condidit materiæ prorsum illigatas, ut non nisi in materia, cum materia, ac per materiam operentur, in quibus, licet ratione per se carentibus, divina tamen ratio & artificium excellens, velut in speculo repræsentatur, dum elegantissimam illam rerum naturalium varietatem, facultate naturali sibi divinitus inspiratâ, producant. Quarum quidem *Naturarum seu substantiarum im-*
maturalium

materialium realem *Existentiā* demonstra-
vimus, ubi de *Formarum naturalium Exi-*
stentiā egimus, *Theatr. Nat. univ. part. I.*
Disp. 5. & 6. De *Essentiā* verò earundem
& *Origine* fusè differuimus *ibid. disp. 7.*

14. Hoc tantum impræsentiarum re-
peto, nequaquam extrinsecus advenire
Naturam; sed è potentiā materiæ emer-
gere: quod & *Arist.* insinuat *2. gen. anim.*
c. 3 & 4. At quomodo id fiat, abundè
cit. *disp. 7.* à nobis est expositum. Sola
rationalis anima è potentia materiæ non
exurgit; sed in materiam jam præpara-
tam introducitur, (licet non fuerit antè
alicubi extra corpus:) Quod nec igno-
ravit *Galen.* qui oportere idoneum esse id corpus,
ait, quod animam sit recepturum, & si ma-
gnam sui mutationem subeat ex eo statim ani-
mam emigrare: Atque ita *Arist. 2. gen. anim.*
c. 3. τὸν ἄνθρωπον *rationalem animam* ἵκεν εἰς τὴν οὐσί-
αν, καὶ τὴν οὐσίαν μόνον, extrinsecus ingredi,
solanque divinam esse, testatur: quod ip-
sum evidentissimè à nobis demonstratum
in *Dissertationib. de Anim. Hum.* Ea verò
anima nostra rationalis, natura strictè di-
cta nequaquam est, ut alibi ostendimus:
cūque non nisi in materia præparata se-
dem habere queat, naturam aliam in ma-
teria præsupponit, ut fusè demonstravi-
mus *Diss. I. de Anima Hum.*

15. Et sanè contra eos, qui vel formam omnem extrinsecus advenire, atque, cum materia jam præparata est, introduci existimant, vel præter rationalem animam à Deo corpori jam formato infusam, nullam in corpore naturam subordinatam agnoscunt, licet dicere cum Scalig. Exerc. 6. §. 5. *Si extrinsecus venit forma, atque interea, ut scribunt, omni perfectionum genere instruitur materia, ab aliquo intus, & qualitates, & quantitates, & numeros, & ordines, & situs, apparari atque institui necesse est, denique corpus ipsum totum fabricari*; Hæc fabrica fit, aut à substantia, aut ab accidente, aut ab utroque. Non ab accidente solo: primum quia nullum accidens agit, nisi per vim suæ substantiæ, deinde quia nullum accidens cognoscit: Illa verò virtus, tam nobilis templi architecta, sapientissima ab hominibus Philosophis judicata est. *Ædificabitur igitur à substantia. At hæc forma seminis est. Sanè seminis forma, si non est Anima, inquit, bruta res est, &c.*

16. Sed quid ergo? An Anima in semine vel conceptu inesse credenda est? Inest sanè quoad substantiam, non verò quatenus est Anima: Anima enim demum est illa ipsa natura, quam conceptui inesse exposuimus, quando jam corpus organicum construxit, cujus actus
ex-

existat, ut patet 2. de anim. c. 1. Atque ita Arist. 2. de gen. Anim. c. 3. Animam primò potentia in seminibus ac conceptibus inesse, antequam actu insit, exponit. Inesse autem tum vegetativam animam, tum & sensitivam in animalium conceptibus, ibidem ostendit. Ac qua ratione in Homine vegetativa ac sensitiva natura vel anima, rationali sint subordinatæ, simulque cum eadem præsentis, fusè deduximus Diff. 1. de An. Hum.

17. Sanè absolum est, atque à ratione alienum, causam illam quæ corpus construxit, partesque conformavit, absoluto opere emigrare aut evanescere, alterique machinæ constructæ regimen concedere; quin potius ipsamet Anima sit, quæ organis à se formatis deinceps utatur: Namque ut rectè Gal. de form. fetus ait. *Ea solum vis usum organorum novit, quæ ea fabrefecit.* Hinc videmus, ut loquitur idem, puellum sonantes quicquid jubentur sonare, cum nec intelligant à quibus musculis lingua sic moveatur, ut eam vocem convenienter sonare possit. Tauri, Canis, Equi anima, inquit Scalig. Exerc. 339. quæ sibi corpus constituit, atque instrumentis communicat, illa cornua, dentes altera, calces hæc sibi ut aptavit, ita iis utitur. Ante cornua edita vitulus impetit nuda fronte. Plura de hac re expo-

fuimus *Theatr. Nat. univ. part. 1. disp. 5. q. unic. §. 44. & seqq.*

18. *Causa* ergo *Efficiens Conformationis primaria* seu *principalis*, in ordine naturæ quidem, est ipsa *Anima*, Conceptui inexistens: suntque universim *Forma architectrices causæ suorum domiciliorum*, ut *Themisti*, atque ex eodem *Scaliger*, pronunciat; Cæterum formando corpus ejusque partes, *Formarum* demum atque *Animæ* rationem induunt. Ipsa autem *Anima*, quæ conceptui inest, non à mare in foeminam, vel hujusce excrementum, seu sanguinem menstruum (quam loco feminis muliebris substituit *Arist.*) transfertur, ut vult *Arist. 2. gen. anim. c. 3. & 4.* sed semini muliebri, unde conceptus materiam & formam consequitur, per se inest. veruntamen ita materiæ vinculis alligata, ut perpetuò delitescat, nec in animalis vel hominis speciem exurgere naturaliter valeat, nisi virtute feminis virilis suscitetur in actum, eaque ratione conceptui foecunditas addatur: quemadmodum superius, ubi de *Conceptu* ac *Conceptione* dictum, declaravimus.

19. Ut verò hoc loco de *ratione* & *causa triplicis similitudinis*, *speciei*, *sexus*, & *formæ externæ*, paucula addamus: *Causa* equidem *similitudinis quoad speciem*, ex jam dictis
Etis

etis facile innotescit : Cum enim *insita* in conceptu natura, vel *anima*, ceu De conditoris ministra, organa producat functionibus suis convenientia, hæc utique format secundum ideam, ab Opifice supremo, Deo ter Opt. Max. sibi impressam; adeoque natura canina caninum corpus construit, equina equinum, humana humanum: nec enim organorum alterius speciei fabricam & usum alia quæcunque natura intelligit; nec aliter quam secundum ideæ simulacrum, sibi intellectus analogici instar impressum, materiam potest adornare. Quomodo autem ex diversarum specierum, haud tamen longè dissimilium congressu, mixta quodammodò species nascatur, at matrem tamen magis spectet id quod nascitur, exposuimus in præcidentibus.

20. Ratio porro ac causa, cur vel mas vel *fœmina* generetur, magis ardua investigatu videtur: Hipp. lib. de genitura, statuit inesse in viro, itemque in muliere, semen virile & muliebre, (unde fiat, ut tum ex maris tum ex fœminæ semine, vel mas vel fœmina nasci queat:) prout ergo vel masculinum vel fœmineum semen prævaluerit, ita vel marem vel fœminam nasci: Esse autem (cæteris paribus) masculinum semen robustius fœmi-

neo : si ergo quod ab utroque sexu prodiit , robustius sit , marem nasci ; si debilius , foeminam : si verò semen debilius , nempe foemineum , multò majori copiâ fuerit , validius superari , & debili sociatum (ei nempe quod est in femine virili,) ad foeminam transferri ; sin contrâ , contrâ . Similem sententiam Stratonici Physici refert *Gal.2. de fem. c.2.*

21. Sed ea Sententia hypothefin habet mixtionis feminis ab utroque sexu ; quam in præced. non admisimus : ac inrerim , in quonam robur feminis consistat , non exponit. *Gal.2. de fem. c.2. & seqq.* prolixè hac de re differit , tandemque *c.5.* à caloris dominatu marem deducit ; à calore remiffiore foeminam , causam autem prædominii caloris , partim in dextrum testiculum rejicit , partim in dextram uteri sedem ; similiter *14. us. part. c.7.* Atque ita vulgata sententia medicorum est , à dextris & in dextris mares nasci , foeminas contrâ . Sed hypothefin illam , quâ semen frigidius in sinistro testiculo nasci creditur , refutavimus in *Anat. parv. nat.* Quod verò dextram finiftramve sedem uteri attinet , illa utique frustra prætenditur in genere humano , ubi uterus nec cornua , nec cellulas obrinet ,
fed

fed unam intus simplicemque cavitatem. In Brutis verò, ubi uterus in cornua diremtus, testatur *Harv. de gen. anim. Exerc. 69. (p. 318.)* *Marem & foeminam (prouc casus tulerit) modò in dextro, modò in sinistro cornu introeniri; sæpius tamen foeminam in dextro, in sinistro marem, se observasse: idque frequenter in Damis, quæ gemellos utero gerebant; aliquando etiam in ove, sibi videre contigisse refert.*

22. Nos hæcenus in ea sumus sententia, Naturam semper intendere marem, ut qui est foemina perfectior: ut non malè censeatur foemina *Arist. ἀμεινότερη καὶ παρὲνθεος τῆς φύσεως*, error & prævaricatio naturæ, si sola corporis structura spectetur, seu id ipsum quod vi naturæ producitur, (totum certè interim, ex corpore, & anima rationali à Deo condita, infusa, atque unita, constans suppositum; ex æquo cum mare Hominem asserimus; veluti homo truncatus brachio vel crure, non minùs homo est, quàm corpore integer :) Nihilominùs tamen statuimus, foeminam κατὰ δευτέραν πλῆξιν, *secundaria naturæ intentione*, formari: quæ cum non possit præstare id quod absolutè perfectissimum est, producat saltem id quod perfectissimo est proximum. Causam verò illius, qui in corpore est, defectus.

fectus, censemus esse indispositionem quamcunque primi conceptus, (in calore, mobilitate, tenuitate, &c. five ea semini muliebri, five virtuti à mare communicatæ remissiori accepta ferenda sit,) vel uteri, (quoad calorem, crassitiam, vicinarum partium forum, &c.) at interim leviozem: ubi enim gravior indispositio est, vel prorsum impeditur generatio, vel ita pervertitur, ut planè monstrosa evadat.

23. Quod denique *similitudinem* attinet in forma externa: de hac Hipp. lib. de genit. Cum plus ex viri quam mulieris corpore ad genituram accesserit, fœtus ille patri magis erit similis, inquit, cumverò plus ex muliere prodierit, matrem magis referet. Et, si parens alteruter plus ex pluribus corporis partibus ad similitudinem contulerit, illius pluribus in rebus similis erit. Cur autem filia quandoque patrem melius, quàm matrem referat; & contrà filius matrem? ex priori sua hypotinesi deducit, quâ tum in muliere tum in viro & mascule & femineæ prolis generandæ facultatem inesse, statuit.

24. Sed præterquam quod istæc hypotinesi, de mistura seminum in utero, à mare & fœmina prodeuntium, subnixa sint; utique satis perplexa in se videri potest ratio posterior: Si enim semen virile

rile eatenus dominatur vel copiâ vel robore, ut mârem producat, cur non quoque patri similem quoad formam externam? Similiter quæram de semine mulieris. *Capivacc. de fœt. format. c. 8.* ut se ex hac difficultate expediat, dicendum, inquit, filiam interdum patri similem esse, quia patris testes generant semeri debile, ideoque fieri fœminam; at quia reliquæ patris partes sunt robustæ, ideo ab illarum spiritibus talem efficaciam procedere, ut fœtus sit quidem fœmina, sed patri similis, secundum partes illas robustas. Sed hæc quoque ratiocinatio hypothesei vacillante vacillat. Quæ *Gal.* hac dere prodit *cit. loc.* brevitatis causa non expendam: contra hunc videri potest *Fern. lib. 7. physiolog. c. 12.*

25 Nostra sententia est: *Matri* magis vel *patri* assimilari fœtum quoad effigiem, totamque formam externam, prout vel spiritus à matre, qui conceptui inest, suo modo materiam magis constanter obsequentem impellit ac movet; vel virtute seminis virilis impressio facta semini muliebri, materiæ mobilitatem magis determinat secundum habitudinem patris. Prout enim ex diversarum specierum commixtione, quasi mixtæ naturæ proles exoritur, specie quidem

ipsa magis matrem referens , in multis verò patris formâ investita ; quod nempe natura semini materno insita , secundum ideæ simulachrum quod in se habet , speciem maternam imitari instituat , diversionem verò motus conceptui seu materiæ inferat facultas per semen paternum communicata , ideam speciei paternæ sibi impressam gerens : Similiter ubi ejusdem species individua coeunt , mas & femina in conceptu quasi in unum coalescunt , atque individuantes notæ variæ , hinc per materiæ impulsus , quam suscitata in semine muliebri natura infert , hinc per diversionem motus , quâ determinationem addidit paterna virtus , ideam genitoris in se obtinens , foetui imprimuntur.

26. Sicque verissimum est , quod Hipp. ait de genit. Fieri non posse ut per omnia matri similis sit fœtus , patrem nihil referat ; aut contra ; vel neutrum referat : Verum utriusque aliquâ in re necessario similem esse , siquidem ex utrisque semen (aut virtus saltem , ejus à quo prodiit ideam sibi impressam habens ,) ad procreandum fœtum provenit. Cæterum , imaginationem matris plurimum facere ad formam externam foetui imprimendam , certum est : de qua re videatur Fern. cit. loc. itemque Valles. philos.

philos. sacr. c. II. ubi ad 30. cap. Gen. de eo quod ovibus parientibus accidebat secundum virgas à Jacobo positas, differit: At de Veribus imaginationis perelegantem tractatum scripsit Thomas Fienus. Sed qua ratione imaginatio in fœtum vires exerere valeat, alterius loci est investigare.

27. Sed qui fit, quod fœtus aliquando magis Avis similis fit, quàm alterutri Parentum? Resp. Fit non rarò ut parentes partem aliquam corporis, v. g. vultum, planè inter se formâ externâ dissimilem habeant, unde fit, quod in fœtu pars illa simile habet cum alterutro parentum, id alterius parentis dissimili (nam duo hîc coalescunt in unum) obliteretur: sicque utriusque similitudinem involvens fœtus, ferè neutri similis apparet. At in subsequenti progenie, seu in nepotis procreatione, contingit quandoque motum in semine à virtute matris, ejusve diversionem à virtute patris excitatam in hanc vel illam partem prævalere, atque ita alterutrius progenitorum similitudinem in nato evanescere; alterius verò, sublato impedimento, quo implicabatur antè, evidentiùs emergere, ac progenitorem clariùs repræsentare. Sed meditationem hanc sistimus, ne audiamus

mus à Galeno nostro, quod in similibus monet, 15. us. part. c. 1. *Scrutari altius quo pacto hæc fiant, si aggrediaris, convinceris te non intelligere, neque tuam imbecillitatem, neque Opificis tui potentiam.*

28. Saltem hoc addere liceat, ex ipsomet Gal. 14. us. part c. 5. Num omnia hæc in matricibus fiunt, instrumentis ipsis, quid agendum sit, mente quadam providentibus? Hoc certè modo ne instrumenta quidem maneant; sed animalia sunt mente prædita, ut quibus agendi tempus & modus esset cognitus. Si verò naturalem quandam in ipsorum constructione addideris necessitatem, quæ ad motus prædictos ipsa agat, instrumenta quidem jam & animalis partes servabuntur, artem verò mirabilem Opificis præ se ferent. Quemadmodum enim, qui errantium astrorum periodos imitantur, simul atque per instrumenta quædam motus principium ipsis tribuerint, ipsi quidem discedunt, (velut supremus opifex Deus, Naturæ à se conditæ operationis modum committit, licet ipse interim, secus atque humanus opifex, ad actionis substantiam, seu actionem quamvis qua actio est, constanter concurrat :) illa verò non aliter quam si ipsorum Opifex semper adesset, (nempe modum actionis semper determinaret) agunt; Ad eundem, opinor, modum singula corporis partes, motus continuitate quadam ac
suc-

successione, à primo principio assidue agunt, nullo qui præsit (ad actionis modum naturalem) indigentes.

PARTIS SECUNDÆ

Sectio II. *De Conformationis ordine.*

29. **C**UM admirandam illam; variarum nostri corporis partium, è conceptu vel semine Conformationem; quâ omnia ita artificiosè atque concinnè; in elegantissimam fabricam consurgant; cogitatione lustramus; tam evidentia Divini Intellectus & Providentiæ indicia atque argumenta sese animis nostris pandunt, ut non sine ratione Veteres, Deum unum verum ignorantes, *Deorum omnia plena censuerint*; Ac jure merito Gal. noster, *de format. fœt. c. 6. Fabricam nostri corporis, summam Opificis sapientiam ac potentiam præ se ferre*; testatus sit.

30. Mētis utique humanæ captum excedit, Sapientumque animos admiratione perfundit, quâ ratione ex communi quadam; ac similari quodammodo quoad sensum; materia; quam Conceptum vocamus, tanta partium plurimarum varietas resultet? quo artificio; quo intel-

rellectu, architectrix natura conceptui insita, ac fabricator spiritus, ex uniformi propemodum, si sensus consulendi, materia, (in qua actu pars nulla inest, potentiâ omnes inesseprehenduntur, ut habet *Arist. 2. gen. anim. c. 4.*) secundum generationis leges mutatâ, sectâ, atque in plura divisâ, tam elegantem & artificiosam corporis nostri fabricam construat? Perinde sanè, ac si supremi Opificis jussu, seu effato quodam divino, totus fœtus produceretur: diceretq; Creator altissimus, *fiat* massa similis, dividatur in partes, augeatur; *fiatque* interim partium discretio, ordinatio, figuratio; *fiatque* hæc pars durior, illa mollior; hæc albidior, illa coloratior; hæc crassior, illa tenuior; *fiat* hæc os, illa caro, ista musculus, &c. hæc cor, illa hepar, ista cerebrum, hæc renes: Atque ita *factum* sit ex simili dissimilare; ex inorganico, organicum; ex uno plura, eaque diversa & contraria; ex indiscreto discretum & artificiosissimè constructum.

31. Hæc admiranda corporis nostri fabrica, abstrusum ferè occultumque *Conformationis ordinem* involvit; quæ mirum in modum hætenus Philosophorum Medicorumque ingenia torfit. In Plantarum feminibus equidem, (ubi saltem minori par-

partium, organorum, viscerum apparatus opus est,) una quædam *particula genitalis prima*, à qua universæ conformationis exordium fiat, constituta invenitur, unde nimirum truncus vel caulis sursum, radices deorsum protendantur, ac cui circumfusa materia reliqua in nutrimentum atq; augmentum cedat, donec in terram sint demissæ radices.

32. Ita in seminibus Aceris majoris & minoris, *particula illa genitalis prima* inter bina foliola complicata, & convoluta, caulemque minutulum, lanuginosâ quadam substantiâ bombycis instar, involutum, se exerere deprehenditur; ut notatum ab *Higmore, Hum. corp. Disquis. Anat. lib. 1. part. 4. c. 5.* In seminibus Fraxini, ablato cortice, in medio nuclei, folia bina, oblonga, alba, plana, tenuia, cum caule inveniuntur: In Nucibus avelanis, in illarum medio penè; folia quatuor minutula, quæ in forma pyramidali complicantur, cum stipite breviori rotundo, & ad apicem nuclei terminante, conspici possunt: In Juglandibus, ablato cortice & tunicâ interiori, folia quatuor complicata facilè cuivis innotescunt. In Castaneis similiter eadem *particula genitalis prima* ad apicem erumpere passim conspicitur. In Phaseolis item parvulus
apex

apex nascituri germinis apparet : indeque inter utramque phaseoli laminam , minutum folium efformatum , Venetiis se vidisse , testatur *Harv. Exerc. II. in fin.* quale foliolum inter utramque fabæ majoris laminam delitescens nos non semel notavimus.

33. Nempe, inest omnibus plantarum feminibus talis gemmula, cujus si summitas duntaxat , puncti instar , abrafa fuerit , tollitur illico spes generationis , ut rectè ab *Harv.* notatum *Exerc. 41.* Quasi , inquit , in tantillo puncto virtus omnis plastica futuræ arboris hospitaretur : Ideoque provida formica particulam hanc prærodens , frumenti grana & semina in horreo suo subterraneo tutò recondit, eorumque progenerationem ingeniosè præcavet. Sunt sanè maximarum sæpè rerum initia perpusilla ; atque ex minimis passim maxima exurgunt , non omitendo naturæ miraculo , ut cum *Plinio* dicam , ex *H.N. lib 17. c. 10.* è tam parvo gigni arbores : his principiis respuentem secures materiam nasci ; indomita ponderibus immensis præla, arbores vocalis , turribus , murisque impellendis arietes. Hæc est naturæ vis , hæc potentia ! Atque ita quidem in plantarum feminibus ab una particula genitali prima universæ Conformationis exordium procedit. . . .

34. In Conformatione prima animalium, an eadem ratio sit, an à principio uno vel à pluribus conformatio exurgat, admodum discrepantes prolixæque principum Medicorum Philosophorumque sententiæ existunt. In hac autem disquisitione calidum innatum, quod primum post conceptionem generari contendit *Capivacc. de fœt. form. c.6.* in ipso Conceptu vero ac genuino præsupponimus: ipsasque *membranas fœtum* deinceps involventes, quas idem *Capivacc. cit. loc.* auctoritate etiam *Gal.* ante partes fœtus constitui asserit, non minus ad Conceptum ipsum pertinere statuimus, quàm ovi membranæ, materiam complectentes, ad constitutionem ovi.

35. Post membranas primo generari *Venas, Arteriasque* asserit *Gal. lib. 15. usq. part. c.4. de form. fœt. c.2. & 3.* itemque *lib. 1. de scm. c.13.* & alibi: quòd opus sit sanguine & spiritu pro generatione partium fœtus reliquarum: eas verò per *Chorion* primò variè sparsas, ac orificiis vasorum uteri (unde sanguinem alliciant) junctas, coïre sensim in ramos grandiores, tandemque per umbilicum ingredi, &c. statuit. Haud tamen de omnibus *Venis & Arteriis* hîc definit *Gal.* sed de umbilicalibus tantum: quippe disertè, *lib. 1. de scm. c.8.*

c.8. à tribus principalibus visceribus jam constitutis in totum corpus germina diffundi asserit; à cerebro nervos, à corde arteriam aortam, à jecore venam cavam.

36. Sed ne de *vasis umbilicalibus* quidem illa ortus ratio vera est: hallucinatio autem orta exinde, quòd genuinam primæ nutritionis rationem, quâ nequam sibi sanguinem à matre vel utero allicit foetus, sed sanguinem sibi conficit, atque à corde ad chorion quoque ipsum, pro ejusdem nutritione, diffundit, *Galenus* ignorârit: (de qua re nos suo loco agemus.)

37. Rectius *Vesling. Syntagm. Anat. c.8.* Alienum à verò est, inquit, ab utero materno membranisque circumfusus hæc vasa ad foetum protendi. Nam in volucrum tenellis pullis agnoscere licet, naturam ab incluso secundinâ suis foris venarum arteriarumque deducere, & paulatim in propagines minores dirimere. Facit idem in vegetalibus, inquit, quorum radices non è terra in plantas, sed è plantis in terram altericem porrigit: idque extra terram bulbi seminaque germinantia confirmant. Consentit huic veritati, quoad vasorum umbilicalium exortum, ipsemet *Gal.* adeoque à se ipso hac parte dissentit, quando *1. de sem. c.9.* velut plantæ duplicem exortum è seminibus emittunt, sursum truncum & ramos.

ramos emittentes, deorsum radices diffundentes; ita in foetibus, ait, venas & arterias in totum corpus, trunci ramorumque instar, dispertiri, in Vulvam ut radices definere: (quamvis interim verum venarum exortum, quem passim ab hepate deducit ignoret,) in eo tamen veritatem nondum planè assequitur, quod in vulvam credat radices vasorum inferi, cum autopsia testetur, non ultra hepar uterinum in uteri substantiam extendi: quod vel solum priorem *Galen*i sententiam, de ortu vasorum umbilicalium ante reliquas partes, convellit.

38. Rectè autem *Riol.* ad cit. *Veslingii* locum, *Animad.* p.478. Laudo plurimum, inquit, quod statuis, vasa umbilicalia, nec ab utero materno nec à membranis circumfusus produci, & ad fœtum protendi; sed ab ipso corde generari, & ad uterum & membranas extendi. An autem similiter verum sit, quod subjungit *Vesling.* Totius corpusculi systema prius componi, quam ex eo vasa protendantur, (seu antequam vasa nascantur) quod nempe horum ante constituta viscera nullus usus sit; id liquebit ex progeffu.

39. Pro genesi porro partium, ipsum infantis corpus constituentium, *Galenus* ex *Hipp.* suaque sententia quatuor Conformationis tempora distinguit, i. de sem. c.9.
Primum

Primum, quo seminis adhuc species apparet: quo tempore Hipp. id, quod in utero est, γεννη Genituram vocat. *Secundum tempus* est, quando rudis quædam & indistincta partium principum, Cordis, Cerebri, & Jecoris, delineatio apparet: tumque σύνθεσις est. *Tertium tempus* est, quando tria principia exquisitè videre possumus: reliquorum autem omnium membrorum delineatio, quædam conspicitur; ac præ cæteris quidem brachiorum & crurum maximè obscura: tumque ἑμβρυον fœtus dicitur, ὡς τὸ ἴσως βρούειν οἱ σὺν αὐτῷ. ut ex Erymologico Magno exponit Riol. *Anthrop. lib. 6. c. 5.* *Quartum tempus* est, cum brachia & crura distinctè absoluta cernuntur; seu quando perfecta est omnium partium Conformatio; tumque non modo ἑμβρυον, sed & παιδίον puer vel infans dicitur Hippocrati, id quod in utero gestatur.

40. Atque ita Galeno saltem, & si huic habenda fides, etiam Hippocr. ante reliquas partes constitui creduntur viscera tria, principalia vulgò dicta, Cerebrum, Cor & Hepar: quæ initio, cum jam apparent; adeò sibi invicem vicina conspici refert. Gal. cit. loc. c. 8. ut se invicem tangent. Quamvis autem antè partes reliquas tria hæc viscera, seu potius earum rudimenta

rudimenta, conspiciantur, non tamen hæc ipsa simul à natura produci existimat *Gal.* sed quidem primò *Cor* & *Iecur*, inchoari, deinde ipsum *Cerebrum*, statuit, in libris de semine: Hanc tamen sententiam suam corrigit *lib. de form. fœt. c. 3.* asserens *Cor* demum post *Iecur* formari, nec in principio aliquam cordis esse necessitatem, quòd fœtus usque ad perfectam formationem plantæ modo dispensetur: Eandem sententiam pluribus inculcat *15. usq. part. c. 6.* Verùm, hallucinationem committit ex eo, quod vitalem sanguinem ab Hepate confici, indeque per universum corpus distribui, præsupponat: quam hypothefin satis superque sanguinis motus in corpore, seu ea quæ de circulatione sanguinis jam certa rataque habentur, convellunt. Eamque sententiam jure rejicit *Avic. lib. 3. Can. fen. 21. tr. 1. c. 2.* quòd calor & spiritus vitalis, sine quibus nulla fit nutritio, non ab Hepate, sed à Corde in partes influant.

41. Interim ex illa antiqua Galeni, de trium viscerum rudimentis, mox ab initio Conformationis comparentibus, sententia, (quam & Hippocratis esse non memini me in hoc ipso invenire,) nata est persuasio de *tribus ampullis* seu *gut-
tis* bullarum instar pellucidis, quæ primis
con-

conformationis diebus in conceptu deprehendantur. Quam, quo jure Riol. in *Animad. ad Laurent. Anat.* (p. 230.) *Arabum & præsertim Avicennæ inventum* dicat, non video: siquidem mens Galeni circa hanc rem, dudum ante Avicennam, talis fuit, qualem ipse Riol. *Anthrop. lib. 6. c. 5. eam ex lib. 14. de us. part.* (fortasse potius *lib. 15.*) tradit, in hunc modum: *Vbi matrix ejaculationem viri semen excepit, in sese contracta suum orificium exactè obsignat: Qui verò humor internam uteri superficiem oblinat, in membranam convertitur, quâ Spiritus formator undique conclusus, motus suos naturales expromit, TRIA PUNCTA procreans, inquit, partes principes referentia; qui caloris impetu INFLATA & DISTENTÆ, suos ventres efformant, Cor thoracem, Cerebrum caput, Iecur ventrem: Postea reliquæ partes figurantur & conformantur, tumque sensim affluit tenuis sanguis ad earum incrementum.*

42. Quod si talem sententiam ex Galeni scriptis jure exsculpere potuit Riolan. qui dicit *Avicennæ inventum* esse, duas vel tres *Apullas* extare, &c. Equidem huic Galeni sententiæ, à Riolano traditæ planè congruit id quod apud *Avicennam* invenitur *lib. 3. Can. fen. 21. tr. 1. c. 2.* nisi quod Cordis *bullam* ante *bullam Cerebri & Hepatis* constitui

stitui tradit. Etenim, omnem spirituosa substantiæ insufflationem primò in humiditatis spermaticæ seu conceptus medium impelli, ait, ut præparetur locus cordis; deinde, inquit, fieri à latere ejus dextro, & latere superiore duas vesicas, quasi ramificatas ab eo, ipsumque tangentes: Et esse primam vesicam illud unde formatur Cor; dextram illud, unde formatur Hepar; (sicque supremam id, unde Cerebrum,) additque vesicæ Cordis, Hepatis & Cerebri conformationem præcedere conformationem Umbilici; at complementum seu perfectionem Umbilici perfectionem illorum trium antecedere.

43. Sed cum RiOL. illud commentum de tribus ampullis; quæ viscera principalia vulgò dicta adumbrent, tandem videatur repudiare; quid de illis vero similis statuendum videatur, ex *Commentariis Carpi super Mundinum* adductâ historia ostendit, cit. loc. (p. 231.) Vidit, inquit, in una secundina unum foetum, qui nondum erat perfectus, & ibi erant tres ampullæ quasi simul se tangentes, ex quibus ampullis & venis judicavit in ista secundina futurum alium Foetum: Iste tamen foetus non fuisset completus horâ primis: nisi velimus dicere, quod primus, qui erat masculus, fuit primo formatus & completus, ut tenent autores; & quod secundus fuisset femina.

mina. Vel possumus etiam dicere, quòd interdum Natura incipit plures fœtus, & eos non complet; sicut etiam arbores pullulant plures flores, & tamen non ligant & complent omnes. Ista demonstravit quingentis Scholaribus in Univerſitate Bononiensi commorantibus; quia ſecundina erat in matrice unius mulieris prægnantis, quæ fuit ſuſpenſa Bononiæ, de quâ fecit Anatomiam publicam.

44. Similem hiftoriam ex propria obſervatione addit Riol. *ibid.* cum refert oblata ſibi fuiſſe genituram unius menſis, ovo gallinæ ſimilem, ſuis membranis obvolutam, &c. Diſciſſâ exteriori membranâ, intus conſpicuas fuiſſe tres ampullas, invicem contiguas, inſtar racemuli uvæ: *Veficulis* iſtis, inquit, aqua pellucida continebatur, & in una ampulla media cernere erat corpusculum quoddam inſtar formicæ, & tenuiſſimum filamentum ab eo productum: Corpusculum iſtud Fœtum referebat informem & indiſcretum; filamentum verò rubicundum denotabat Umbilicum; Hæc Riol. Equidem plures fœtus ex uno coïtu, propriis Amniis incluſos, intra membranam unam anteriorem, ſeu Chorion, & in communi liquore contineri, jam antè ex obſervatis tradidimus: quò fortè hæ hiftoriæ referri poſſunt.

45. Aliter autem de tribus ampullis, vulgo

gò decantatis judicat *Harveus*: Is equidem *de gen. anim. Exerc 18.* (p.76.) testatur, se quinto incubationis die, in ovo gallinaceo, præter corpusculum exile, indistinctum galbæ, vel termitis instar, (quod puncto rubro salienti, nim. rudimento cordis, tunc adjacere deprehendebatur) observasse eidem corpusculum aliud conglobatum, multoque conspectius, appensum, (sc. capitis rudimentum,) in tres veluti bullas divisum, ab alterutra sc. parte intuenti: Reverà tamen in quatuor dispescitur, inquit, quarum duæ amplissimæ & nigricantes, oculorum primordia sunt; reliquarum altera cerebrum, altera cerebellum constituit. Omnes aquâ limpidissimâ plenæ reperiuntur, &c. Hinc factum arbitror, inquit, ut tres solum conspicuæ bullæ, malè rem observantibus (scil. ab alterutra tantùm parte intuentibus,) imposuerint, Cùm enim ex veteri Scholarum disciplina, triplicem in corpore animalis dominatum didicissent, partesque tres principales) Cerebrum, Cor, & Iecur) præcipuis muneribus fungi crederent; facile tres dictas bullas partium harum fundamenta atque initia esse, sibi persuaserunt. Ac ibid p.78. Quo indicio cognoverit, rudimentum illud globosum, reliquo corpusculo vermiculari appensum, eoque multo majus, (quod triquetra figuræ esse ait, in tres nempe partes obscure divisum, dum

E

nimi-

nimirum ab alterutro latere aspicitur) *futuri capitis rudimentum* esse. exponit; ibidemque, *ita sitos esse oculos* ait, ut ambos simul intueri nequeas, cum superior (qui visui obvertitur) *inferiorem obtegat & occultet*: Porro die sexto incubationis, *capitis tres bullas* evidentius apparere, oculorumque tunicas jam distinctas esse, tradit *Exerc. 19.*

46. In Damis, (quæ æquale cum mulieribus gestationis tempus habent,) similem observationem exhibet *Harv. Exerc. 69.* (p. 317.) Nimirum, in horum Conceptu, elapso jam secundo à coïtu mense, *Colliquamentum* integrum (prout Amnio membranulâ concluditur,) tepidæ claræ in vase argenteo vel stanneo inditum, *punctum saliens* intuentium oculis perbellè exhibet, (nimirum, *futuri cordis rudimentum*) Eique sequentibus diebus, inquit, mucago, instar vermiculi, galbæ formâ, adjacet, (nempe corporis futuri primordium) in duas partes divisa: ex quarum altera *truncus* formatur; & altera *caput*: eodem planè modo, quo de ovo gallinaceo retulit. Spina, inquit, instar carinæ, paululum inflexa; *caput* ex *tribus vesiculis*, sive *globulis* parvis, imperfectè compositum cernitur, & in aqua crystallina natans, crescit continuo, figuram-

ramque debitam adipiscitur. Hoc solum interesse, ait, quod oculi in oviparis, quàm in viviparis, majores multò & conspectiores sint.

47. Ex hisce observationibus liquet, quid causæ fuerit, cur Veteres nonnulli, inter quos Alcmaeon, teste *Plutarcho*. *Cerebrum* ante partes reliquas formari statuerint: Velut & de ipso *Hipp.* dici refert. *Avicen. lib. 3. Can. sen. 21. tr. I. c. 2.* quòd dixerit, primum quod generatur esse *Cerebrum* & *Oculos*, prout illud testatur dispositio pullorum ovi. Utiq; ex *Harvæi* observationibus, rudimentum capitis, reliquo corpusculo appensum, hoc ipso primum multò conspectus, multòque majus, deprehenditur, nisi quòd in hoc punctum rubrum micans ab accuratè intuentibus conspiciatur. Atque ita refert ipse etiam *Arist. 2. gen. anim. c. 6.* Partem eam quidem, quæ principium (id est Cor, ex mente ipsius) continet, primam existere, mox totam superiorem molem; Caput tamen & Oculos foetus maximos inter initia apparere. Alia prædictæ opinionis ratio elici potest ex *Gal. de form. fæt. c. 4.* quòd nempe crediderint, eadem esse generationis principia, quæ sunt dispensationis; cùm ergo ratio totum corpus gubernet; hujusce verò sedes sit in Cere-

bro, hoc fortè ante reliqua membra generari crediderunt. Huc revocari potest ratio quam reddit *Lalamantius de Hom. Ætate, Schol. 3.* quòd caput radici plantæ respondere putent, (veluti quidam, ut Plato, homines plantam inversam esse dixere,) à qua radice ut nutrimentum in caudicem & ramos, ita à capite vim in totum suffici oporteat.

48. *Chrysippus*, alique multi in Antiquitate Philosophi, tam Stoïci quàm Peripatetici, Cor primum omnium animalis partium generari, idemque utpote primum formatum, venarum (quo nomine item arteriæ intelliguntur) & nervorum originem esse asseruerunt, teste *Gal. de form. fet. c. 4.* Ac *Cæl. Rhodig. Lect. Ant. l. 4. c. 16.* Cor, inquit, in utero nascentibus formari primum, traditum à Naturæ Prudentibus est: Semen quippe maris in vulva receptum resolvitur in spiritum: hic verò menstruo sese insinuat humori, atque ibi domicilium quodammodo struit, quod est Cor: sed & ibidem mox reliquorum consurgit generatio. Eandem porro & exsanguium esse rationem volunt, in quibus non Cor quidem, quod illis abest, sed cordis analogum producitur primum.

49. Equidem *Arist. 2. gen. anim. cap. 1. & 4.* Omnes quidem partes potentiâ inesse in conceptu statuit, nullam actu: Ac

non

non omnes simul fieri, sed ordine aliam post aliam: primumque existere particulam quandam genitalem, cujus virtute postea, (tanquam ex principio quodam) reliquæ omnes partes oriantur. Quemadmodum enim semina plantarum principium primum intra se continent, quod potentia primò contentum, ubi secretum mox est, germen emittit, & radicem, quâ alimentum assumitur: Similiter in conceptu Cor primum secerni; idq; principium esse, à quo post ordo partium describatur, & quæcunque ad absolvendum animal pertinent, disponantur; esseque idem principium & simularium & dissimularium partium: Cùmque principium adesse animalis oporteat, quando alimentum desideratur; alimentum autem animalis, sit sanguis, aut quod sanguini analogum; horum autem vasa & conceptacula venæ sint: utique venarum quoque principium cor esse. (De nervorum origine, ex mente *Aristot.* hîc nihil at-
texam.)

50. Certè *Arist.* sententia est, 2. de gen. anim. c.6. & alibi, Cor in animalibus primum vivere, & ultimum mori. Eidemque adstipulatur *Avicen.* superiùs cit. loc. qui ideo, quamvis quidem statuatur cum *Gal.* præter mentem *Arist.* Hepatis beneficio

partes omnes nutriri, utpote à quo alimentarius sanguis subministretur; afferit tamen *Cor* generari ante *Hepar*, quòd non possit nutriri pars in quo non sit sustentatio vitæ & caloris naturalis, adeòque necessum esse, ut formetur pars à qua procedit calor naturalis, & vitalis spiritus, ante formationem partis nutrientis eam. Interim potior ratio *Aristotelis* fuit, quare *Cor* ante *Hepar* formari statueret, quàm fuit *Avicennæ*, aliisque, qui partes beneficio Hepatis nutriri existimant. Nutritio namque & Accretio, jure merito ipsa vita censetur *Arist. 2. de anim. c. 1.* ut ergo partes animatæ, hoc est, potentià vitam habentes secundùm *Arist. cit. loc.* beneficio cordis actu vivunt, ita beneficio ejusdem nutriuntur ac crescunt; Dum verè à corde ipso, ceu fonte & scaturigine calidi influentis, alimentarius sanguis, hoc est, vitali spiritu & calore vegetali perfusus, in totum corpus dimanat. Ut adeò Cordis in Microcosmo, & Solis in Macrocosmo, eadem quodammodo ratio videatur: quo inter alia argumento plurimi, cum *Copernico* & *Lansbergio*, Solem in Mundi majoris meditullo, velut *Cor* in medio Mundi minoris, collocatum, existimant: quæ tamen sententia à nobis rejecta est in *Dissert. Mathem.*

de vero System. Mundi, ubi nihilominus simpliciores corporum cælestium motus geometricè ostendimus, quàm factum ab ipso Copernico. Sed istæc mittimus.

51. Sententiam Arist. confirmare videntur, cùm aliorum, tum Cl. Harvei Observationes, per inspectionem ovi gallinacei sumptæ: *Harvæus* quidem *Exerc. 16.* notavit ex cicatricula, seu macula vitello ovi impressa, die ab incubatione tertio, *colliquamentum* aliquod candidum (ut vocat) propriâ membranâ inclusum, (quæ amnion repræsentat) seu vesiculam lim-pido liquore plenam, fuisse subnatam, tum à vitello separatam, & quasi inter vitellum & albumen seu in ipso albumine hærentem; in centro verò illius Colliquamenti, *punctum quoddam album* deprehendit, tanquam aviculæ alicujus ocellus suffusionem vel cataractam in medio pupillæ pateretur. Quarto incubatus die *punctum* illud in centro *sanguineum*, *saliendoque micans* invenit, *Exerc. 17.* exiguum adeò, ut in suâ diastole, ceu minima ignis scintillula effulgeret; & mox in systole visum prorsus effugeret, ac disspareret: A puncto autem illo *Sanguineo saliente* duos *venales meatus* (quorum alter *vena*, alter *arteria*,) observavit protendi. Ac sub finem quarti dici & initium quin-

ti, punctum sanguineum jam adauctum in vesiculam exiguam & tenuissimam, sanguinem in se continentem, transiisse, animadvertit. Punctum verò illud saliens, cordis esse rudimentum, dubium esse nequit. Observationes autem hasce suas, Observationibus Aristot. congruentes, locis ex Arist. adductis, ostendit.

52. Similiter in Damarum conceptibus, duobus circiter à coïtu mensibus elapsis, *fibras sanguineas & punctum saliens*, primum futuri foetus fundamentum, ut ait, citra ullam præterea cujuscunque rei præsentiam, clarè discerni, testatur idem Harv. Exerc. 69. Esseque hanc *primam partem genitalem*: quâ demum constitutâ, anima non modò vegetativa, sed & motiva (quatenus sc. movetur illud punctum saliens, cui non solum motum sed & sensum inesse contendit p. 69. & seq. non satis id quod naturale est, ab eo quod est animale, discernens,) jam inesse dicatur; à quâ cæteræ omnes foetus partes, suo quælibet ordine, generentur, efformentur, & disponantur, vitamque suscipiant.

53. Interea tamen dubitat Harv. Exerc. 17. (p. 68.) *Utrum sanguis insit ante pulsum? Et num punctum ex venis; an venæ ex puncto oriundæ sint?* Ac profitetur mox, tibi quidem videri sanguinem esse ante pulsum;

sium ; Et punctum saliens , existente jam sanguine , (ac fortè formatis jam vasis) aut nasci , aut saltim moveri : idque eo argumento , quod cùm gallina incubationem deseruisset haud multò priùs , invenerit quidem rubram & sanguineam lineam , in centro autem pro puncto saliente punctum album exsanguie ; cùm verò rursum gallina aliquandiu ovis fuisset imposita , apparuerit denuò in centro punctum rubrum micans , in diastole duntaxat conspicuum. Nimirum , ex hac observatione infert, Exerc. 51. (p. 199.) *sanguinem id esse in quo , (quamdiu calor vitalis non prorsum evanuit) potentia redeundi in vitam continuatur.*

54. Verùm enim verò , hoc argumentum mihi nequaquam probare videtur id quod intendit Harvæus ; sed duntaxat , deficiente caloris sufficiente foru , spiritum in cordis rudimento languescere , nec posse excitari amplius cordis motum , nec adeò sanguinem beneficio motus cordis , seu vesiculæ , jam antè genitum , ulterius promoveri : cùm verò non nisi in diastole scintilla rubicunda micans cernatur , cessante motu ac per consequens ipsa diastole , non nisi punctum album deprehendi. Et siquidem venarum (quo nomine item arterias intelligit ,) earum-

que propaginum, ab uno trunco propagatarum, qui ipse à puncto saliente est, vivum exemplar videre est in arborum foliis, quorum fibræ omnes à pedunculo oriuntur, & ab uno trunco per totum folium diffunduntur; (ut ipse comparationem instituit p. 69) utique, veluti pedunculus non ex trunco & fibris, sed econtrà hæ ex pedunculo oriuntur; ita venæ à puncto, cordis rudimentum repræsentante, non verò econtrà, originem habere, existimandæ sunt.

55. De parte eadem genitali prima (sanguine nimirum, cum suis conceptaculis, aut si mavis, corde cum suis venis) proficitur Harv. Exerc. 56. (p. 242.) se in illius generatione ordinem observare non potuisse: quòd omnes ejus particulæ (sanguis, inquit, venæ, & vesicula pulsans,) simul appareant: crediderim tamen, inquit, sanguinem prius inesse quàm pulsam, & eundem, propterea ex naturæ lege, priorem esse suis conceptaculis, venis scilicet. Rationem addit: quòd cordis substantia & fabrica, (nempe conus cum ventriculis & auriculis) diu postea cum visceribus aliis generetur: Verùm discernendum est Cor ipsum à parenchymate, seu cor inchoatum, ac pulsans cordis rudimentum, à corde perfecto: parenchyma utique tractu.

ctu temporis muniminis causa accrescit; velut & in reliquis visceribus accidere deprehendimus: quippe in prima partium singularum conformatione, priusquam publico muneri se accingunt, omnes exsanguis pallidæque conspiciuntur, teste ipsomet Harv. p. 209. Ipsum Iecur, pulmones, cordisque substantia cum primum apparent, albißima sunt, inquit ibid.

56. Prolixè autem de parte genitali prima differit Harv. eus Exerc. 51. Cumque a libi Cor cum vasis suis, aut sanguinem cum suis conceptaculis, pro ea parte accipiat, profiteaturque quòd sanguis, venæ, & vesicula pulsans, simul appareant; soli sanguini hoc privilegium deberi existimat (pag. 199) quòd sit pars prima genitalis & animata: Is enim est, inquit, qui primus in generatione conspicitur. Sed quì ergo dicuntur simul apparere sanguis, venæ, & vesicula pulsans, ita ut in harum particularum generatione ordo observari nequeat? velut ex p. 242. citavimus. Quin imò, quì antea professus fuit, in colliquamenti centro punctum album prius apparere, Ex quo postmodum vesicula rubra pulsans emittet?

57. Rursum p. 200. sanguinem suis conceptaculis priorem esse; contentum nempe suo continente: siquidem hoc factum est, ut

ejus usui inferviat : ideoque post sanguinem *fibras & venas*, postea *vesiculam*, & demum *Cor*, utpote organa recipiendo ac retinendo sanguini destinata, hujus solius transmittendi & distribuendi gratiâ exstructa esse, verisimile contendit. Simili ratione urgeret quis, Humorem conceptus priorem existere in utero membranâ suâ ambiente ; (quod in præcedentibus ex ipso *Harvæo* falsum ostendimus ;) vel humores oculi priores suis tunicis continentibus. Quòd si *sanguis prior suis vasis*, quâ fit quod non in vagum diffluat ? quâ ratione, quo directore, in sua vasa, post producta, demum reconditur : unde verò, aut à qua parte, si non à corde vel puncto saliente, primus vasorum exortus, dum partes nullæ sunt aliæ ? quin imò, qua ratione generantur vasa, quæ sanguinem complectantur eundemque vehant ? & quâ ratione tam exactè ad unam vesiculam, (unde cor fiat,) post demum producendam, terminantur !

58. An non magis rationi consentaneum, velut in seminibus plantarum germinantibus, ab uno principio hinc fibræ seu radices protenduntur, hinc caudex emergit ; simulque dum protenduntur fibræ, succus per easdem allicitur, qui protrudatur in caudicem : ita in venarum

& ar-

& arteriarum genesi prima accidere? de quarum *Venarum* & *Arteriarum* à corde exortu, ejusque ratione; sententiam nostram deprompsimus *Differt. de mot. cord. & sang. sect. 1. & 2.*

59. Arguit sanè cordis ante venas exortum, harumque à corde ipso determinationem ad alliciendam materiam in alimentarium succum seu sanguinem vertendam, id quod refert *Harv. Exerc. 69. (p. 319.)* Nempe, si unicus fuerit fœtus in uteri cornu alterutro, illius vasa umbilicalia in utrumque cornu protendi, ut utrinque alimentum hauriant: Sin bini adfuerint, in singulis nempe cornibus unus, utrumque vasa sua umbilicalia in illam solam conceptus partem disseminare, quæ proprio suo cornu respondet: nimirum, dexter fœtus, inquit, è dextra conceptus parte victum quærit; sinister, è sinistra. Vasa ergo hæc determinat pars genitalis prior venis (nempe Cor) unde procedunt: ea verò si utrinque una fuerit, utraque ad sese proximum humorem allicit, & secundùm hujus affluxum formantur atque exporriguntur venæ per unum cornu tantum: Quod si unica tantum fuerit pars genitalis prima in alterutro cornu, nihil impedit, quò minùs ex altero quoque cornu alimentarius succus alli-

alliciatur. Hoc equidem lubens largior, succum illum, qui per venarum fibras ad cordis nutrimentum allicitur, fortè rubedinem induere, (per motum, & quasi maturationem quandam, veluti cerasa rubescunt, uvæ purpurascunt) atque ita ad sanguinis naturam commutari incipere, antequam ad Cor pertingat; quod ipsum videtur observationibus *Hartaci* congruere :) interea tamen, dum ad Cor (seu rudimentum hujusce) allicitur, Cor ipsum ejusque motum & pulsum præsupponit: quanvis nec fine convenienti succo vel humore, qui alliciatur, vasa à corde protendi queant, aut cordis motus continuari.

60. Quod si autem credendum, animalia quædam, (ut urget porrò,) eaque sanguinea, diu quandoque absque pulsu vivere, & nonnulla totam hyemem latere, non mortua tamen, licet interim corda eorum ab omni motu cessent, & pulmones à respiratione ferientur: id non arguit *sanguinem corde priorem* esse; sed succum alimentarium jam ante præparatum ac per partes distributum sufficere nutritioni, ideò quòd minimum dissipetur, nec opus esse multo refrigerio. Et (quod porrò infert p.200.) quanvis *diastole cordis*, (quæ prior est quàm *systole*,) ubi jam

FOETUS IN UTERO. III

jam vasa formata sunt, & sanguine plena, à sanguinis influxu occasionem habeat, fiatque à sanguine ab interno quasi spiritu intumescente quodammodò, (in magnam quidem intumescentiam & effervescentiam ipse *Harvæus* respuit, *Exerc. Anat.* 2. de circul. sang. p. 61.) quod & nos ipsi asserimus, *Diff. de mot. cord. sect.* 2. §. 34. Id prima tamen partium formatione, cum nondum sanguis ullus genitus est; insitus in rudimento cordis spiritus contentam humoris portiunculam agitando, diastolen primam facit, atque affluxus humoris in sanguinem convertendi occasionem præbet, ut exposuimus cit. *Dissert. sect.* 1. §. 11. Atque ita putem verissimè assertum ab *Harv.* *Exerc. Anat.* 2. de circ. sang. p. 130. *Calidum innatum (ut omnium operationum commune instrumentum) pulsus quoque efficiens primum esse: nempe cordi innatum diastolen ibidem excitans; quam constrictio, à vesicula pulsante, propriis hujusce fibræ (vi insitæ facultatis,) instituta, sequatur, ut citatis locis ipsemet *Harvæus* non secus atque nos tradidimus in *Diff. de mot. cord.* exponit.*

61. Sanè, posito quod in prima conformatione, primæ distensionis causa sit ipse sanguis; quæro an in corde genitus is sit, an extra cor! quod si in corde genitus,

genitus, utique sanguis cor præsupponit, cujus virtute generetur: utut pulsus cordis prior sit: At si genitus extra cor, quomodo ad cor confluere potest, nisi à Corde jam existente alliciatur? Quin & si diastole sit à sanguine, ab insito spiritu (sive cordis sive sanguinis) intumescente, asserente ipsomet Harvæo; utique in corde saltem peculiaris ratio erit, cur potius ibidem quàm alibi intumescat; at per eandem rationem seu causam cordi insitam, cor ipsum & succum alimentarium allicit, & ad sanguinis generationem facit.

62. Sed excellentiorem insuper sanguini dignitatem assignat Harvæus, quâ illum partem *primigeniam* & *principalem* ostendat. Scilicet, non modò in eo, & ab eo motus pulsusque principium oriri; sed etiam in eodem sanguine primum calorem animale inmasci, spiritum vitalem ingenerari, & animam ipsam consistere, (Exerc. de gen. anim. 51. p. 201.) Nos verò calorem quem animale vocet Harvæus, hoc est actuale illum, quo animalium partes præditæ sunt, à sanguinis quidem influxu pendere concedimus; quod autem sanguini actualis calor insit, id à motu cordis proficisci asserimus, atque à fermentatione seu turgescencia, quam beneficio cordis, atque

atque in ipso corde, sanguis consequitur : Hinc in syncope & lipothymia, ubi nimirum motus cordis cessat, videmus partes refrigerari, utut sanguine nequaquam sint exhaustæ : Quin imo, si pro rogetur illa cordis quies, sanguinem suam naturam exuere, atque in *cruorem* converti.

63. *Spiritum* equidem *vitalem* in sanguine & ex sanguine generari, seu in actum suscitari, statuimus; sed vi cordis & beneficio illius fermentationis, seu quasi ebullitionis, quæ in corde peragitur : *Spiritum* verò *insitum*, ut in reliquis corporis partibus, ita imprimis in corde radicatum asserimus; quod ipse vividus cordis motus ostendit.

64. Atque ita pro nobis militat *Harvæi* argumentum, assertioni jam expositæ adjectum : sc. *Ubicunque primò immediatum & principale vegetativæ facultatis instrumentum reperitur, (nimirum spiritus insitus) ibidem quoque animam primò inesse, indeque originem sumere, verisimile est : quoniam illa à spiritu & calido innato separari nequit.* Sanè in ipso conceptu animam potentiâ inesse, antequam vel ullum sanguinis vestigium adsit; ipsamque esse formatricem partium causam, superiùs ostendimus. Hinc fit quod ipse *Harv.* profiteatur p. 203. quod

quòd in prima partium singularum conformatione, priusquam publico numeri sese accingunt, omnes exsanguis pallidaque conspiciantur: Partes illæ jam formatæ utique animatæ sunt; at si animatæ per sanguinem, utique non conspicerentur exsanguis & pallidæ. Quâ ratione tamen verissimè, etiam in Sacris nostris, *Sanguis anima* dicatur, & *Anima in sanguine*, exposuimus in *Theatr. Nat. univ. part. 2. disp. 5. §. 12. & seqq.* Ac plura hac de re disseri possent, quæ brevitatis causâ prætermitto.

65. Porro, Quòd in moribundo animali, quiescente jam corde, in auriculis, atque imprimis dextra, motus aliquis sit superstes; atque denique in ipso sanguine undulatio quædam & obscura trepidatio reperiatur; id nequaquam arguit sanguinem ultimum moriens. Sed aliam ejus rei causam reddimus in *Diff. de mot. cord. & sang. §. 96. & seqq.* ubi sanguinem motu quodam accidentario, quando jam ante vi cordis promotus fuit, aliquamdiu moveri, licet vel cordis motus cesset, exposuimus, evidentemque ejus rei rationem reddidimus. Nativam autem cordi facultatem insitam esse, quâ se moveat, sanguinique motum addat, exinde liquet, quod, si tum in ovo, tum in moribundis animalibus postquam omnis pulsatio disparuit, vel

vel puncto salienti vel cordi, novum fomitem admoveris, & distensionem novæ occasionem præbueris, motus, pulsatio, ac vita, redintegretur; modò cor calorem omnem innatum, spiritumque vitalem haud penitus amiserit. Hoc interim beneficii confert cordi sanguis, (velut & Hepati, Pulmonibus, aliisque Visceribus,) quod rudimento ipsius parenchyma addat; atque ita facultatis basin quasi vestimento muniat.

66. Ex dictis liquet, *cor saltem ante sanguinem esse*, ipsique sanguini motum conciliare, eundemque elaborare; elaborandum per venas, à se radicum instar exortas, allicere; elaboratum per arterias, ramorum in modum protensas, in universum corpus propellere. Atq; hinc si quæ animalia sine pulsu aliquando vivunt, iis succum alimentarium per universum corpus jam antè esse distributum à corde, necesse est: & si quæ animalia corde carent, ea ut sanguinis analogon habent, ita quoque aliquid cordi proportionale, ut docet *Arist. 2. de gen. anim. c. 6. init.* & pluribus in locis.

67. Cœterum, quamvis *Cor*, ejusve rudimentum, sanguine prius formari, & beneficio Cordis partibus reliquis nutrimentum confici atq; distribui statuamus; haud

haud tamen existimamus Cor solum esse particulam genitalem absolute primam. Nec enim largimur *Arist.* quod ait 2. de gen. anim. c. 4. ordinem aliorum membrorum à corde tanquam principio describi; ac quæcunq; ad formandum. absolvendumque animal pertinent, ab hoc ipso disponi: rejicimusque id quod innuit *ibid.* c. 6. viscera reliqua, partesque universi corporis, ex humore per vasa à corde affluente coagmentari atque consistere; quodque *Harv.* contendit de gen. anim. Exerc. 18. (p. 79.) & alibi, puncta salientia, meatus venales, ipsamque venam cavam, primum existere; eique postea corpulentiam accrescere: (sc. quo modo *Erasistratus* olim Jecur sanguinis parenchyma credidit:) sicque per *ἐκτασίαν* partes partibus ex affluente sanguine succrescere: Etenim antequam rubello sanguinis colore tingantur viscera, partes saltem præcipuæ, & quæ ad corporis truncum spectant, (nam artuum fortè alia ratio est, de quibus inferiùs dicemus,) jam formatæ existunt, ut superiùs ex ipso etiam *Harvæo* audivimus: Ac cum primum corpusculum conspicuum fieri incipit, totum pellucidum & album apparet, saltem præter oculos & venarum radices, ut idem de pullo testatur Exerc. 21. init. & de

& de aliis animalibus alibi sæpius.

68. Recte, meo quidem iudicio, *Galen.* sentit de *format. foetus* c. 3. existere multa in prima foetus conformatione, antequam clarè distingui queant: Et *I. de sem.* c. 8. alia item viscera, præter cor, in principio animalis à formatrice virtute effici, quæ tamen propter exiguitatem (vel potius quòd à reliqua conceptus materia quoad colorem minùs quàm cordis futuri vestigium differant,) non facilè inter initia apparent. Atque hoc ipsum est, quod ipsemet profitetur *Harv. Exerc.* 57. (p. 257.) *multa inesse antequam appareant; & quædam inter prima inchoari, quæ postremò perficiuntur, ut oculi, genitalia, restum.* Verissimè sanè dictum ab eodem *Exc.* 14. init. *Latent plerumque, veluti in alta nocte, prima naturæ stamina; & subtilitate suâ, non minus ingenii, quàm oculorum aciem eludunt.*

69. Dicam cum *Pavio de ossib. part. I. c. I.* *Formatrix anima, calore & spiritibus sibi familiaribus adjuta, per acceptum se fundit semen, in suas id distribuens partes, (præcipuas saltem;) delineationem hanc vocare liceat, quâ rudimentum ponitur partibus spermaticis & exsanguibus: stamina nimirum rudioribus velut lineis adumbrat, ut materiam habeat futu-*

futurarum partium solidarum. Adumbrat dico ac delineat simul omnes (primarias scilicet,) licet non absolvat; aut ut clariùs cum *Hippocrate* loquamur, *absolutæ non statim apparent*, is videatur *lib. 1. de diet. & l. de loc. in Hom.* Delineantur partes simul omnes, nec priùs aliæ nec posteriùs, (saltem quæ sunt præcipuæ, & quarum gratiâ reliquæ conduntur, nam quæ aliarum gratiâ, posteriores esse innuit *Arist. 2. gen. anim. c. 6.*) sed majores (vel coloratiores, vel ob spiritus contenti agitationem magis nitentes,) apparent priùs.

70. Sanè in ipsis partibus, principatum aliquem seu administrationem publicam obtinentibus (quales non sunt tria solùm viscera principalia vulgò dicta,) ac quarum gratiâ artus trunci corporis adduntur, ex æquo formator spiritus & natura inesse credenda sunt. Est enim partium primariarum nostri corporis, nimirum sine quarum præsentia vita superstes esse amplius, aut conservari species, non potest, longè alià ratio, quàm vel ramorum vel radicum in plantis, ab uno principio hinc inde procedentium: quippe partes illæ ita mutuam sibi operam auxiliumque præstant, ut, velut in majori Mundo Side-
rum

rum certa ratio obtinet, altera alterius influxu reciproco nequeat carere: quo sensu *Mundi corpora* harmoniam efficere, vetus fuisse Pythagoricorum dogma, ostendimus *Discurs. Phys. de Mundi Opificio disp. 9. quæst. 6.* Sicque contingit Viscerum omnium in Foetu, quæ mutuâ sibi ope revincta sunt, sedumque earundem habitudinem, simul ab initio ordinari ac delineari.

71. Estque id ipsum naturæ rerum maxime consentaneum, ut partes simpliciter necessariae formentur antequam nutriantur; velut animatae sunt, antequam vivant, cum anima sit actus corporis naturalis potestate vitam habentis, secundum *Arist. 2. de anim. gen. 6. 1.* Qui enim, vel quodnam alioqui à corde vagum pro tendentur vasa, nisi digesta sit materia, partiumque rudimenta suis definitis sedibus ab insita natura collocata? undenam materia allicietur ad cor, pro vitali sanguine conficiendo, nisi ex residuis materiae, post constituta partium stamina, portionibus.

72. Quin &, confirmat nostram sententiam ipsamet *Harvæi* observatio, quâ *Exerc. 69. (p. 317.)* in Damæ conceptu puncto salienti, quod in Colliquamento conspicitur, sequentibus diebus, cum cæpit

capit apparere, mucago, instar vermiculi, galba formâ, adjacere deprehenditur, (quam mucaginem corporis futuri primordium ipse vocat ibid.,) in duas partes divisa; ex quarum altera truncus formetur; ex altera caput. Similia fere observavit Exerc. 18. in prima pulli gallinacei conformatione: meritoque dubitat ibid. (p. 79) utrum concrementum hoc, globulusque appensus, ex colliquamento, tanquam ex materia compacta & coagulata proveniant; An potius ab effluvio quodam è sanguineo meatu exhalante, vel per diapedesin transudante, exoriantur! Veluti non minori jure dubitat ibidem, Numnam factâ colliquamenti coagulatione (per elaborationem & digestionem ab insita, natura,) unâ cum sanguine & puncto saliente, hoc etiam corporis & capitis rudimentum statim existeret; sed tenue adco & pellucidum, ut visum prorsus effugeret, donec in situm ac mucorem crassescens, albedinem spissicrem induat, quâ percipiatur? Quam quidem sententiam nos planè ratam habemus: at quam nullâ ratione rejicit Harvæus, nisi quod sibi fingat sanguinem dari antequam quicquam corporis reliqui existat; esseque eum primam particulam genitalem: Quem quidem Harvæi conceptum, & rationes pro eadem allatas, superius excussimus & dissipavimus.

73. Quòd si ex hac hypothefi, malè poſita, in errorem haud delapſus fuiſſet. *Harvæus*, utique non adeò miratus fuiſſet. *Exerc.69.* (p.318.) *tam brevi temporis ſpatio* (quod pèrperam ſibi perſuadet,) à *primo ſanguinis punctique ſalientis ortu*, *foetum intra amnium formari, integrèque perfici.* Enim verò cùm jam duobus à conceptu menſibus elapſis, *punctum* illud in *Damæ* vel *Cervæ* conceptu primò compareat; poſtridie vel biduo pòſt, *vermiculus* five *galba* conſpicitur, ipſo *Harvæo* proficiente. *Sex autem ſeptemve inde diebus*, *foetus* adeò pèrfectus diſcernitur, ut *marem à fœmina*, (*membrorum genitalium ope*) *internofcerè*, *pèdesque formatos*, *ungulas fiſſas*, *mucosas*, *parumque flaveſcentes*, *videre planè liceat.* Certiſſimo ſanè indicio, non demum ab eo tempore quo punctum ſaliens apparere cœpìt, intra ſeptem aut octo dies accuratam illam fabricam univerſam eſſe & inchoatam & abſolutam; toto verò ante puncti conſpectum tempore, ne quidem rudimentum illarum partium una cum puncto fuiſſe conſtitutum.

74. Interim circa *Artus*, nempe *Brachia* & *Crura*, (quæ in miniſterium reliqui corporis ſunt condita,) fortasſe aliter quodammodò ſe res habet, in prima Conformatione, atque circa partis ma-

F

gis

gis principales : Saltem, cùm rudimentum eorum primum constituitur, id quantitate nequaquam proportionatum est rudimento reliqui corporis ; sed velut in prima *Dentium* conformatione accedit, ut breve & pusillum duntaxat rudimentum ponatur, unde pòst tractu temporis pullulent ; ita videtur circa Artus evenire. Nempe, ut *Gal.* ait, *lib. I. de sem. c. 9.* *Longè partibus reliquis obscurior brachiorum & crurum distinctio conspicitur ; hæc enim posterius, sicut Hipp. vocat, RAMIFICANTVR, hoc vocabulo quam ad ramos habens analogiam volens significare.* Simile exemplum in forficibus *cancrorum* deprehenditur : quæ etiam avulsæ repullulare conspiciuntur ; velut *Dentibus* infantium prioribus exemptis novi succrescunt. Ac velut sub finem Junii *Gyrinis* (qui Italici *Ranabottoli* dicuntur,) pedes adnasci solent, cùm jam aquas deferunt, caudaque absumitur, & *Ranula* formâ succedit ; ita fortè ex rudimentis pusillis, *Pedes*, & *Brachia*, *Aleve* aliorum animalium expullulant.

75. Notat *Harvæus Exerc. 56. (p. 243.)* in foetu Humano, ab eo tempore, quo embryo longitudinem unguis digiti auricularis non excedit, donec ad ranæ aut muris magnitudinem auctus fuerit, brachia

chia breviora esse, quàm ut extrema digitorum, super pectus extensa, sese invicem attingere possint; & minora crura, quàm ut reflexa super abdomen, ad umbilicum usque perveniant: Similiter *p. 248.* Foetum humanum non semel à se visum refert, qui longitudine quidem, unguem digiti minimi, formâ verò ranulam referebat, præterquam quod magno capite, & pedibus brevissimis esset; instar gyrinorum, mense Junio, cum primum pullulant, cumque ranæ imaginem induunt: Faciem eandem fuisse ait, quæ aliorum animalium, canis nempe, vel felis, sine labiis, largo oris rictu ad aures usque patente. Similem Embryonem à se visum describit *p. 323.* ac inter alia, *cruribus & brachiis*, inquit fuisse, *ceu florum apicibus noviter protrusis.*

76. Equidem, nec in aliis corporis nostri partibus, cum primum conformantur, eadem ad invicem proportio est, quæ est in adultis. Duo ista, Capitis Corporisque rudimenta, inquit *Hare. (p. 243.)* simul apparent & distinguuntur; at verò postea, cum crescunt & perficiuntur, corpus citius multò augetur & efformatur, quàm caput; adeo ut hoc, quod ab initio totum reliquum corpus magnitudine superabat, eodem jam longè minus sit

77. Accuratiùs porrò *Ordinem Conformationis* partium totius corporis prosequi, instituti nostri ratio non patitur. Quæ de hisce mens sit *Aristot.* videri potest apud eundem *lib. 2. de gen. anim. c. 6.* Ac multa notatu digna de his prodidit *Harv. de gen. anim. Exerc. 56.* Speciatim verò, quâ ratione sensim formetur Conceptus *Dammorum* ac *Cervarum*, (quæ æquale gestationis tempus cum mulieribus habent,) quidq; singulis mensibus mutationis accidat, accuratè exponit idem ex diligentissimis suis *Observ. Exerc. 66. & seqq.* quæ ne actum agere videamur; impræsentiarum prætermittimus.

78. Ex iis autem, quæ citatis locis tradit *Harv.* liquidò apparet, primis duobus mensibus vel nulla, vel admodum exigua partium rudimenta apparere; quin imò per mensem integrum, atque etiam amplius, à coïtu nihil sensibile (sive seminis sive sanguinis menstrui) quod *conceptus* nomine veniat, in utero inveniri, velut & in præcedentibus à nobis est expositum; ut aded non sine ratione dicere liceat cum *Riol. Animad. in Anat. Laur. (p. 232.)* *Mirari subit, quomodo Hippocrates aded perspicuus & oculatus fuerit, ut in genitura septem dierum, quam scribit possidere; quæcumque corpus habere debet, observavit caruncula-*
lam

lam in aquam conjectam, omnia membra habere, oculorum regiones, & aures, & manus, & manuum digitos & pedes, & pedum digitos, & pudendum, & reliquum totum corpus manifestum. Equidem lib. de Nat. pueri (qui an ab Hippocrate, an ab illius discipulo Polybo conscriptus sit, dubitat Gal. de form. fœt. c. 1.) dicitur fœtus masculus paulò ante trigessimum diem abortione redditus, indistinctus esse; qui verò paulò post, aut eo ipso die rejiciuntur, membra distincta obtinere: Sic etiam in fœmella duorum & quadraginta dierum, si abortu perierit, membrorum distinctio apparere dicitur.

79. Tempus illud paulò magis laxum constituit Arist. 7. Hist. anim. c. 3. ubi, Mas, inquit, qui quadragesimo die exierit, si in quodvis aliud mittatur, diffunditur atque aboletur; sed si in aquam frigidam, cogitur, consistitque, veluti in membranula: quâ ruptâ, fœtus ipse apparet magnitudine formicæ majusculæ, & membra jam inde discreta, tum cætera omnia, tum genitalia constant: &c. Sed fœmina quæ intra tertium mensem eruperit, indistincta est. Aristotelem imitatur Avicenna. lib. 3. Can. fen. 21. tract. 1. c. 2. ubi adeò præcisè naturæ ordinem, temporaque processus universi definit, ac si in intima naturæ penetralia ingressus, omnia nuda

vidisset. Videtur autem magis Naturam ad sua cogitata adstringere anniti, quàm hæc ipsa Naturæ legibus accommodare: Spatium spumæ inquit esse 6. aut 7. dierum; eoque tempore formatricem facultatem formare, non recipiendo aliquid ab utero: 3. diebus post, nempe circa nonum diem, apparere puncta & lineamenta rubra; circa diem 15. à conceptu Embryonem referre coagulatum sanguinem: 12. diebus post, spectari carnem, cum trium præcipuorum viscerum distinctione; indeque humiditatem spinalis medullæ extendi: post alios 9. dies caput ab humeris separari, & extremitates à lateribus & ventre: 4. diebus insuper elapsis sentire foetum: atque ita compleri diebus 40. Hanc tamen conformationem aliquando ad 45. dies extendi, aliquando diebus 35. finiri: Constitutionem verò masculi & foeminæ audacter & stultè à quibusdam Medicis determinari ait.

80. Certè *Harvæus Exerc. 69.* (p. 315.) refert, vidisse se mulieribus sæpe secundo mense conceptum decidisse, ad ovicolumini molem, sine foetu; aliquando etiam ad phasiani vel gallinacei ovi magnitudinem, tumque embryonem intus longitudine unguis minimi digiti fluitantem

tem conspectum, testatur. Similiter Exerc 56. (p. 248.) in conceptuum secundo mense rejectorum quibusdam, foetum se invenisse; in aliquibus nullum testatur: Ac foetum quidem illum longitudine unguem minimi digiti retulisse, &c. Totam ejus substantiam albam, adeoque mollem, & mucilaginosam apparuisse, ut nisi aquae limpidae inditam, manibus tractare non potuerit.

81. Atque ita veritati congruit, quod habet Riol. cit. loc. In multis excretionibus geniturae quindecim dierum & unius mensis, nullam membrorum discretionem, etiam accuratè intuentibus, apparuisse. Verè dicere liceat cum Riol. si verum fateri velimus, conceptionis rudimenta & foetus formatio, intra primum mensem (intra illud tempus, inquam, quo nondum partes formatae comparent) nobis ignota esse; nostrasque cogitationes esse conjecturales, quia nemo Naturam inspexit operantem. Quod Plato in Timæo circa formationem Macrocosmi de Elementorum principiis ait, id plurimis in formatione Microcosmi ritè potest accommodari: Deo hæc nota esse, & ei qui Dei sit amicus. Novimus id Scaligeri Exerc. 307. l. 29. Quendam humanæ sapientiae partem esse, quædam æquo animo nescire velle, & veram sapientiam, nolle nimium sapere. Accuratoria interim, circa

Conformationem foetus in utero, ab aliis discere, non recusamus.

82. Conformationem comitatur *Situs in utero*, de quo verbum adjiciemus: *Arist. 7. Hist. anim. c. 8. Situs in utero quadrupedum omnium, extensus est, inquit, bipedum verò inflexus, contractusque: Homo etiam in semet conglobatus sic gestatur, ut nasum inter geminos oculos super genua, aures extra genua habeat. Omnibus aequè animalibus caput primum superius est; sed cum creverint, & jam exitum appetant, deorsum deducitur; ita fit ut omnibus partus secundum naturam in caput, contra naturam in pedes, aut inflexo circumactoque corpore, agatur.*

83. *Hipp. lib. de nat. pueri; Puer, inquit, ubi in utero existit, manibus ad genua adheret, caputque pedibus proximum habet; neque certo dignoscere queas, etiamsi puerum in utero videas, utrum caput sursum an deorsum vergat. Hic cum dicit, caput pedibus proximum habere; non imis pedibus intelligit, sed crurum summitati, juxta genua, velut idipsum Arist. quoque innuit. Mirari autem subit, quâ fronte Riol. omnium Anatomicorum censor, Animadvers. in Anat. Laurent. p. 234. Laurentium reprehendat; quasi malè citârit Hippocr. inquit, nunquam apud Hippocratem puellum caput habere pedibus proximum inveniet.*

84. Ani-

84. *Animalia omnia*, inquit Harv. de gen. anim. p. 353. *cum quiescunt & dormiunt, membra sua ut plurimum adducunt & compli- cant, figuramque ovalem aut conglobatam qua- runt*, ita pariter embryones, qui *etatem suam maximè somno transigunt, membra sua posi- tione cā quā plasmanitur (tanquam naturalissi- ma, ac maximè indolenti, quietique aptissima,) componunt*. Ideoque infans in utero ut plurimum reperitur, inquit, *adductis ad abdomen geni- bus, flexis retrorsum cruribus; pedibus decus- satis, manibusque sursum ad caput sublatis, quarum alteram circa tempora vel auriculas, alteram ad genam detinet; spina in orbem fle- ctitur; caput ad genua, incurvato collo, pro- pendet: Et mox: capite supernè, facieque ut plurimum ad matris spinam versâ, embryo lo- catur: Non multum absimilis ea figura est, quā se in quadrimestri fœtu externa disposita vidisse refert Riol. loc. cit. Aliter verò in Fœtu quinque menses gravidæ se collocata & disposita membra observâsse, videtur ibid. innuere.*

85. Sanè, quemadmodum in dormien- tibus ac quiescentibus non semper idem membrorum situs ac compositio est; ita quoque vero simile est, non eandem per omnia ubivis ac semper *situs puerorum in utero* rationem esse, unde & non ab om- nibus Anatomicis eodem modo depingi-

tur. Atque ita rectè Harv. cit. loc. Ego non arbitror, inquit, *fœtum eandem semper membrorum posituram servare. Quippe in aqua natans, seseque movens, modò huc modò illuc extenditur, varièque inflectitur & volutatur; adeò ut proprio umbilici funiculo implexus, mirè interdum irretiatur. Interim & hoc verum esse non dubito, quod Columbus habet lib. 12. Nonnullos non rem ipsam, sed quod verisimile cuique visum est, scriptum reliquisse. Varios autem fœtus in utero situs ipse ibidem exponit. Plura addere brevitatis studium vetat.*

P A R.

PARTIS TERTIÆ

Sect. I. *De Nutritione Embryonis; & Vita Fœtus in Utero.*

N *Utriusque ac crescere Fœtum in Utero, apud omnes in confesso est; sique vita pro nutritione & accretione ejus quod vivere dicitur, habenda sit; ut definitur ab Arist. 2. de gen. anim. c. 1. utique Fœtum in utero vivere, extra dubium habendum est. Veruntamen Nutritionis ipsa ratio in fœtu abstrusa videtur, incertumque quonam alimento primum fruatur fœtus, unde illico à primo conceptu id hauriatur, ac quomodo id ipsum quaquaversum partibus distribuatur. Ac licet Aristoteli quidem Nutritio in Animalibus nulla peragatur absque Vitali Cordis facultate, unde & Cor eidem primum vivere, ultimumque mori statuitur: Medicis tamen passim, ac imprimis Galeni per omnia sectatoribus, vegetativa seu naturalis facultas, à qua sc. nutritio atque accretio proficiscatur, diversa statuitur à facultate vitali; ac illi quidem sedes tribuitur Hepar, huic verò Cor assignatur: soletque ad functiones vitales præter*

Cordis motum reciprocum, qui *Pulsus* dicitur, ipsa etiam referri *Respiratio*.

2. Certè nisi *facultate vitali* quadam magis *exaltatâ* (ut vocat *Hofman. Inst. lib. 2. c. 57.*) quam quâ nutriuntur crescuntque stirpes, *Fœtus* in utero nutriri statuendus sit, utique ne quidem *vivere Fœtus* ideo quod nutriatur & crescat, *Stoicis* dicetur, veluti nec *S. Literarum Scriptoribus*; utpote quibus *Plantæ* non inter *viventia* sed inter *viventia* corpora recensentur. Quid ergo de *Nutritionis modo* ac *ratione*, itemque *Alimento* ipso *Fœtus* in utero, nec non de vera *Vita*, seu *Functionibus vitalibus*, *Cordi* ac *Pulmonibus* assignatis, sentiendum sit, nunc portò disquiremus.

3. Quo modo nutriatur & augeatur *Conceptus* in utero, ante partium formationem, in præcedentibus à nobis est expositum. Nimirum, velut ovum in utero gallinæ, ab omni adhæsiōe liberum, nullis fibris, nullis venis vel arteriis utero connexum, humiditatem quæ identidem ad uterum confluit, imbibit, eamque per insitum principium digerit, agglutinat, atque in substantiam sui atque in augmentum transmutat; ita conceptus quivis in utero foeminæ. Humiditatem autem illam, seu nutrimentum conceptus,
ad

ad uterum confluens, *Aristoteli* quidem 3. *gen. anim. c. 1.* censetur menstruum foeminae excrementum, nos verò id statui-
mus ipsammet seminalem foeminae mate-
riam. Verissimum enim est quod ipse
Arist. ait. 2. *gen. anim. c. 4. in fine*; Eadem
est materia ex qua augetur, & ex qua consti-
tuitur primum: de spermatico autem humido
ad uterum, facto jam conceptu confluen-
te, videri possunt ea quæ notavimus in
Anat. parv. nat. Exerc. 2. §. 25. & seqq.
itemque §. 47.

4. Cur autem illa seminalis atque ali-
mentaris quæcunque aut qualiscunque
humiditas, copiosius ac identidem post
coïtum ad uterum confluat, cum ad Con-
ceptus constitutionem tum ad ejusdem
nutritionem atque augmentum, ratio
redditur ab *Arist.* 3. *gen. anim. c. 1.* quod
per coïtum detrahatur mensium excrementum
(menstrua nimirum pro semine foemineo ha-
bet *Arist.* ut ex superioribus liquet; (tra-
hit enim, ut addit, humorem uterus tepefa-
ctus & meatus aperiuntur. Hinc, quamvis
in avium genere subventanea quidem ova
generentur sine coïtu; quoniam materia
seminalis in foemina est, nec menstruorum, (hoc
est materiae seminalis, ex mente *Arist.*)
decessio fit avibus, ut viviparis sanguine prædi-
tis, ut *ibid.* tradit; cujus tamen rei aliam
ratio-

rationem ex *Galeno* reddidimus in præcedentibus :) subventanea tamen illa ova minora gignuntur : Ac ne quidem ea ova, quæ per coïtum oriuntur, posse magna ex parte augeri statuit, *ibid.* nisi coïtus avis continuetur : Velut enim in mulieribus coïtu detrahitur mensium excrementum, seu seminalis materia, propter tepidum in utero excitatum calorem ; ita quoque in avibus evenire asserit.

5. Sanè in gravidis peculiarem dispositionem, tum mammis tum ductibus ac universo corpori, oboriri, quâ omnia rarescunt, ac copiosiore calore perfunduntur, quâ item fiat ut mammæ lactis materiam suscipiant, ac humore abundantiore turgescant ; ostendimus *Dissert. de lact. sect. I. §. 26. & seqq.* ubi itidem illius dispositionis causas reddidimus : Quin & gallinas, quando ova pariunt, calidiores existere, ex cristæ rubedine facile colligitur ; calore autem intensiore, at tepido interim, seu blando & benigno in corpore excitato, meatus undiquaque intus magis patuli redduntur, ut per eosdem materia seminalis, tum pro generando tum pro nutriendo atque augendo ovo, commodius affluat ; Similiter cùm in prima conceptus muliebris genesi, tum in nutritione atque incremento ejusdem evenire, statuendum est.

6. Sic

6. Sic ergo eadem materia, ex qua fit conceptus, nutritioni ejusdem atque augmento inservit: Interea verò, dum jam in ipso Conceptu prima embryonis rudimenta formari incipiunt, Cor illico, seu hujusce vesicula palpitare incipit; Atque ab una parte quidem, exerendo ac protendendo *Venas*, ceu radices, ex ipso humore, intra conceptum contento, ac post constituta partium stamina reliquo, materiam allicit, qui in sanguinem convertitur; à parte altera verò sanguinem genitum propellendo, *Arterias* ramorum instar producit, atque ad omnes corporis particulas, pro advehendo nutrimento, dispergit. De qua *venarum* atque *Arteriarum* genesi, per Cordis reciprocorum morum exurgente, atque ad primam partium nutritionem tendente, deque motus ejusdem causa ac ratione, egimus *Diff. de motu Cordis & Sang. sect. 1. & 2.*

7. *Nutrimentum* igitur primum consequitur embryo, ex ipsamet materia intra conceptum contenta, ex qua formatrix facultas prima partium stamina, seu corpusculi rudimentum, construxit; quin imò, antequam longius natura nutrimentum quærat, ex residua materia seminali inter stamina partium contenta. Quam equidem veritatem vidit *Arist. lib. 2. de gen.*

gen. anim. c. 4. (quamvis non ubivis eandem perpenderit,) ubi *dubitaveris* inquit, *cum primum cor oriatur sanguine præditum* (mox enim à prima conformatione punctum rubrum micans deprehenditur, indeq; vasorum principia, rubello sanguine scatentia, protensa, ut in præcedentibus tradidimus.) *sanguis autem sit alimentum, quod forinsecus venit* (sc. à matre per umbilicum, ut perperam existimat, de qua re inferius:) *undenam primum alimentum subierit?* (cum nondum vasa umbilicalia ad uterum maternum sunt protensa:) Subjungit autem, quod ad propositum nostrum facit: *An id verum non est, quod alimentum omne sit forinsecus?* sed protinus, ut in plantarum seminibus inest aliquid tale primum, quod lacteum vocatur; sic in animalium materia, τὸ πρῶτον καὶ τῆς οὐδαίσιας, residuum constitutionis, alimentum est. Incrementum igitur foetui per umbilicum contingit, eodem quo plantis modo per radices: Atque etiam animalibus ipsis quando absoluta jam sunt (nim. quando prima partium rudimenta sunt posita) ex eo quod in ipsis est, alimento.

8. Atque ita haud simpliciter verum est, quod habet *Arist. 7. Hist. Anim. c. 8.* *Augentur animalia omnia, quibus est umbilicus, per ipsum umbilicum.* Ut neque absolutæ veritatis est, quod ait. 2. *gen. anim.*

anim. c. 4. Venæ quasi radices contingunt ad uterum, per quas alimentum haurit foetus. Antequam enim vasa per umbilicum prorumpant, ex residuo materiæ seminalis, unde stamina corpusculi fuere constituta, (atque ex eo quod per corpusculi poros subintrat,) nutrimentum & aliquantillum augmenti consequitur foetus, ut dictum, atque ab ipso Aristotele comprobatur; ubi verò vasa jam longius, ultra corporis ambitum, per umbilicum protendi cœperunt, nequaquam illicò ad uterum pertingunt, aut immediatè à matre alimentum alliciunt: sed ex ipso colliquamento primùm, intra amnium membranam contento, in quo embryo innatat, indeque ex humore spermatico reliquo, quem Chorion complectitur, alimentaris materia per venam umbilicalem, ejusdemque propagines varias per humores dispersas, allicitur ad cor; unde eadem, in sanguinem conversa, per arterias in universum corpus dimanat: ipsiusque sanguinis ac spirituum vitalium pars diffusa ulterius, atque humoribus ambientibus permixta, hosce præparat, aptioresque reddit, ut porrò in sanguinem, per venas adducti ad Cor, vertantur. Atque ita foetus in utero aliquamdiu nutrimentum atque augmentum consequitur

quitur ex ipsamet conceptus materia ; non secus atque pullus in ovo , penitus à matre & ab utero separato , ex liquore intra ipsum ovum contento.

9. Sicque verissimum est , quod habet *Gal. 14. usu part. c. 11. initio statim ex feminae semine nutriri fœtum, tanquam id naturâ familiare magis sit , quàm sanguis , (qui nempe à matre per umbilicum creditur suppeditari ,) & omne quod nutritur, à similibus augeri facilius possit.* Huc spectat quod à *Vesling* asseritur *Syntag. Anat. c. 7. (p. 73.)* quamvis non per omnia iis , quæ in præcedentibus à nobis demonstrata sunt , congruum : *Habent feminae , inquit, quæcunque fœcundæ sunt , spermaticam materiam consistentia sive habitu duplicem : aquosiorē , quæ partes uteri laxat, fœtumque reficit (id est nutrit) ac conservat ; tum corpulentam in tubis , quæ ad fœtus constitutionem ipsam requiritur, virilique semini primò miscetur.*

10. De aquosiori illa materia spermatica dicit paulò antè (p. 72.) à testibus ferri seminalem hunc succum partim ad tubas , per tenues venisquæ lacteis similes meatus, ut perfectionem in iis ultimam consequatur , (nim. fiat illic materia illa spermatica corpulenta, quam ad fœtus constitutionem concurrere existimat,) partim ad fundum & vaginam uteri : Portioni vero illi , quæ ad fundum
uteri

uteri à testibus pertingit, copiosius affuso, rude embryi corpusculum per initia conformationis innatare, ait, eidemque plures ibidem usus ascribit; quem ipsum quoque deinceps testatur *fœtum reficere ac conservare*. (An non autem, veluti seminalis materia mulierum à testibus *per tenues venisque lacteis similes meatus*, partim ad tubas, partim ad uteri fundum, &c. confluit; ita quoque ex lactea seu chylolosa materia eadem seminalis materia generetur, fortasse investigatione & disquisitione ulteriori dignum est, quam hoc loco non attingimus: conferantur quæ meditationi ulteriori subjecimus *Anat. parv. nat. part. 2. §. 47.*) Dum ad prædicta *Veslingii* insurgit *Riol. Animad. p. 475.* vel non percipit mentem Autoris, vel certè cavillari aut nugari videtur. Subit omnino membranas à matre affluens seminalis humor, dum Conceptus primò constituitur, debitamque qualitatem acquirit, ante ullam partium fœtus formationem; velut in ovorum gallinaceorum genesi & incremento accidit: Nec verò periculum suffocationis fœtui imminet ab illo feminali succo, magis quàm ullo humore alio, qui vel intra conceptum contineri, vel à matre affluere, credatur.

II. Interim, re ipsa idem, quod nos asserimus, quoad primum foetus nutrimentum, esse id nimirum seminalis materiae portionem aliquam, nobiscum tuetur Riol. *Animad* p. 219. In eo hallucinatus duntaxat, quod in semine virili seu masculino quærat id quod in foemineo quærendum est, nempe materiam ex qua constituatur foetus, & quâ primum nutriatur. *Verisimile est*, inquit, *duplicem humorem seminalem in partibus genitalibus contineri, unum prolificum, totumque spirituosum, quodammodo animatum; alterum excrementitium, oleosum, & veluti salivalem, cujus magna est copia: Prior in testibus totoque ductu vasis ejaculantis continetur usque ad Prostatas, &c. alter excrementitius in vesiculis seminariis concluditur & asservatur, &c. Utero excepta*, inquit, *hæc utriusque seminalis humoris miscella, si in conceptum vertitur, ex vero semine formatur crescitque corpus animalis; ab excrementitio nutritur foveturque aliquantulum, &c.* (Ejusmodi seminalem materiam duplicem inuit itidem *Animad.* p. 473.) Additque, *Theophrastus in semine plantarum & animalium duas partes agnoscit, unam veram, à qua vis procreatrix dependet; alteram excrementitiam & alimentariam veri seminis, lib. 1. caus. plant. c. 9. ad incrementum.* Velut item paulo

paulo antè ex *Arist.* citavimus in semini-
bus plantarum esse aliquid , quod la-
cteum vocatur, quo nimirum primò nu-
triantur.

12. Quærere hic liceat cum *Riol. Ani-
mad. p. 231.* Si Fœtus quadragesimo die,
(vel etiam post longius intervallum tem-
poris,) formicæ magnitudinem non superat,
quò abiit tota moles seminis utriusque, maris
& femine? (vel potius, quonam abijt to-
ta moles liquoris intra conceptum com-
prehensi?) An ad procreationem membrana-
rum consumpta fuit, inquit ille, cum ex dua-
bus aut tribus guttulis seminis, corpusculum
illud formicæ simile conflatum fuerit? Propte-
rea non inscienter admodum, ut calumniantur
nonnulli Philosophi & Medici, scripsit *Arist.*
seminis materiam aquescere, & in spiritum con-
verti, nec suum opificium totum ingredi, cap. 3.
lib. 2. de gen. anim. At sanè inscienter vir
magnus hic præsupponit, abiisse & con-
sumptam esse universam conceptus mo-
lem, quando fœtus formicæ magnitudi-
nem est consecutus: Sanè natat fœtus
in ipso reliquo conceptus liquore, ut
autopsia testatur, atque in pulli confor-
matione in ovo cūlibet notum esse po-
test. Deinde hallucinatur *Riol.* quod
conceptum seminis utriusque, maris &
fœminæ miscellam faciat: quod in præ-
ceden-

cedentibus est refutatum. Tertiò, quamvis bonam fortè causam pro *Aristotele* tueri instituat, quâ statuit, Semen maris *πνευματώδες*, in spiritum converti, ac dissipari; perversa tamen ratione id agit: nec enim somniavit unquam *Aristoteles* omnem conceptus materiam reliquam resolutam esse, quando foetus formicæ quantitatem obtinuit. Insuper, malè *Aristoteli* cum hoc Patrono convenit, cum ille nequaquam concedat ex semine maris foetum formari, quod contendit *Riolanus*. Ac denique, hoc posito, admissoque reliquam seminis masculini partem, tenues in auras abiisse; manebit quaestio, quónam abierit semen muliebri (seu sanguis menstruus, qui pro semine muliebri habetur *Aristoteli*) cum hoc nequaquam credatur *Aristoteli* vel aquefcere, vel in spiritum converti, sed ipsamet foetus materia statuatur. Nos ergo maximam partem liquoris seminalis in conceptu superesse statuimus, cum foetus primùm formatus est; illam verò in foetus nutrimentum & incrementum cedere non dubitamus.

13. Ex dictis liquet, nequaquam ita de Humoribus intra Membras Foetus contentis, sentiendum esse, ut vulgaris sententia habet, quam & ipse *Gal.* noster inculcatam

incultatem voluit 15. uf. part c. 5. ubi intramembranam Alantoidem (quam reverà à Chorion diverfam non effe, fed in brutis quæ uterum in cornua divifum habent, ab intestini infarcti figura fic appellari diximus, velut & *Arist.* duarum duntaxat meminit 7. *Hift. anim. c. 7.*) contineri *Vrinam* contendit; intra Amnium verò, foetus *Sudorem*.

14. Sanè, infunt intra membranas contenti humores, antequam quicquam foetus formatum fit: quando utique nec *Sudor* ullus, nec *urina* effe potest: cùmque corpusculum primò formatum est, tantà quidem copiâ cryftallinus humor intra amnium illicò adeffe deprehenditur, ut embryo in eo nateret, quem nemo fanus tantilli corpusculi sudorem effe credat: qui verò intra Chorion eo tempore continetur, alterum fortè centies æquat, ut adeo pro urina nequeat haberi. Mox verò copiofiffimi venarum ramuli per illos humores difpergi deprehenduntur, qui alimentum ex illis exfugant, atque in ipfum foetum transmittant; quorum quidam propagines deinceps, quando placenta uterina fubnafci cepit, ac jam producta est, nequaquam omnes in ipsam placentam infinuantur, fed plurimæ paffim per ipfum Chorion diffeminatæ inveniu-

veniuntur, atque in eodem terminatæ : certissimo indicio embryonem ne quidem tunc, quando placenta subnata est, omne alimentum ex hac ipsa haurire; sed partem illius etiamnum ab humore intra Chorion contento accipere.

15. Et, siquidem de excrementorum natura essent illi Humores, deberent crescente foetu augeri; sed contrarium accidit testaturque *Harv. de gen. anim. p. 322.* se, experimento sumpto in conceptu ovillo, paulò ante partum vix quicquam humoris reperisse: Atque, ut paulatim, crescente foetu, Amnios membrana magis distenditur, ut tandem locis quibusdam membranam Chorion dictam contingat, (velut in muliere parte sui inferiore chorio ita jungitur, ut vix ab eo separabilis sit, sicque plerumque intercapedinem pro urina minorem relinquat,) ita quicquid intra Amnion continebatur, plerumque appropinquante partu absumptum deprehenditur, teste *Harv. cit. lib. p. 390.*

16. Præterea sunt multa animalia quæ nunquam sudant, velut canis & felis; itemque pennata omnia, serpentes, & pisces neque sudant, neque urinam emittere creduntur: cùm tamen, teste *Arist. 7. Hist. anim. c. 7.* omnia, tum natatilia,

tum

tum pedestria, tum etiam volatilia, siue animalis siue ovi formâ proveniunt, simili modo gignantur; nisi quod alia umbilicum habeant vulvæ adhaerentem (ut ait) alia ovo, alia utroque modo. Insuper, Humores intra membranas contenti, omni tetro odore ac sapore ingrato carent; ac *Harvæo* quidem p.322. (in damis & cervis) lacti aquoso similes deprehensi sunt; similiter p.264. ubi grati saporis esse testatur, ut & p.269. 270. quæ sanè causa est, quod matres passim, in brutis animantibus, foetus suos lambant, simulque membranas cum illis vulgò habitis excrementis avidè devorent; cum foetuum excrementa ne quidem attingant.

17. Equidem, non negabimus, forsitan continuè, dum foetus in utero est, aliquid Humorum ab utero intra Chorion recipi (eo modo quo primùm conceptus fit & augetur) inde verò Colliquamentum intra Amnion similiter novam augmenti materiam identidem recipere: sicque fieri forsitan sæpenumero, ut plus Humorum ab utero intra membranas sit collectum, quàm ut omne id à foetu fuerit absumptum; ut aded subinde magna copia in partu redundet: imprimis in ipso Chorion asservata: (quippe Amnios appropinquante partu plerumque exhausta

G

depre-

deprehenditur, ut superius annotavimus:) Attamen, non excrementitius sed verè alimentarius humor idem habendus est. Quamvis omnino etiam concedendum existimemus, id quod tandem Humor in Chorion redundat, non æquè probum esse ac illud quo primùm fœtus gaudebat; sed tenuioribus purioribusque partibus exhaustis, excrementi quodammodo naturam induere, veruntamen utilis, quod nempe fœtus securitati conducatur, partumque facilius.

18. Quodd si alius aliquis humor intra Chorion contineatur, id præter naturam existimandum est; sique contingat fœtum urinam excernere, non nisi per penem (cùm urachus meatum non habeat,) ea emittitur, atque in amnion membranam influit; cùmque molestiam ibidem fœtui creët, ac meliori nutritioni officiat, videtur partus accelerandi causa existere; similiter de excrementis alvinis, fortasse aliquando (neque enim id fieri posse præter rationem est, nec præter experientiam in pullo, ut patet ex *Harv. p. 92. 93. 268.* nec ignotum fuit idem Aristoreli, 6. *Hist. anim. c. 3.*) à fœtu intra amnion rejectis, sentiendum ducimus: Non rarò autem evenire credendum est, ut præter duos ordinarios Humores, quorum

rum alter intra Chorion, alter intra Amnion inclusus est, alii insuper præter ordinem naturæ consuetum in propriis membranis, aut in Chorii duplicaturis, cumulentur.

19. In ovillo quidem conceptu, foetu grandiore facto, cum conceptus utero adnascitur, Chorion ulterius protendi refert *Harv. p. 322.* & utrinque in extremitatibus ejus, tanquam appendicibus, humorem quendam flavedine tinctum (excrementitium diceret, inquit,) seorsim deprehendi. Simile quid videtur *Arist. innuere 7. Hist. anim. c. 7.* ubi post interiorem membranam (sc. Amnium,) intra quam animal gigni refert, *mox altera membrana obvelat*, inquit, (sc. Chorion,) *plurima quidem sui parte vulvæ adhærens, sed parte etiam sejuncta, & aquas continens.*

20. Talibus ergo de causis fit aliquando, ut mulieribus in partu maximâ copiâ profluat Aqua; quandoque etiam gemina, altera post alteram, prorumpat; quin & medio gestationis tempore aliquando proruere possint; citra abortum, salvo & vigente ad partum usque robustiore foetu, quod sæpe se vidisse testatur *Harv. p. 391.* Ac similibus de causis mulieres nonnullas, ingentem ventris tumorem præ se ferre, quæ tamen parvum postea & ex-

tenuatum foetus pariant, copiosissimas vero profundant aquas, non est infrequens. Ubivis tamen verum manet, humores intra Chorion & Amnion contentos genuinum foetus alimentum esse, idemque solum, quamdiu vasa umbilicalia ultra Chorion nondum sunt exportata.

21. Nutritur autem foetus hisce humoribus aliquamdiu, (ceu pullus in ovo gallinaceo albumine,) cum jam perfectus & absolutus est; quippe eo tempore conceptus adhuc nuspium matricis lateribus adhærescit, vel adnatus deprehenditur; sed vasorum umbilicalium ora intra conceptus albumen, & vicinos humores (ut loquitur *Harv. p. 319.*) eorumque tunicas oblitterantur, nuspium verò ad uterum pertingunt: unde facillimo negotio circa illud tempus conceptus totus educi potest. Atque ita refert *Harv. (p. 248.)* ex oculari inspectione sua, toto trimestri spatio vix quicquam placenta circa mulieris conceptum conspici.

22. Quin imò refert idem (*p. 322.*) se cum paulò ante partum, conceptum ovillum lustraret, deprehendisse quidem tunicam uteri ovilli internam totam innumeris carunculis, (ut cœlum stellis) insignitam, quæ tanquam verrucæ pensiles,

les, glandulosæ & albæ, inter uteri tunicas hærebant, &c. in hæc tamen carunculas venas foetus umbilicales nondum fuisse insertas, nec conceptum ipsum utero adhæsisse: certissimo argumento, foetum ovillum tunc partui vicinum, toto tempore humoribus intra membranas contentis, ac continuè ab utero transfudantibus, fuisse nutritum atque auctum.

23. Imò verò, hoc addam ex ejusdem observationibus (p. 330. & p. 393.) quod item notatum ab Aquapendente, in quibusdam animalibus, (ut porcis & equis) placentam omnem atque carunculas penitus abesse, conceptumque ad partum usque nullam omnino cum utero connectionem aut copulam habere: ut adeò certum sit, foetum in iis, toto gestationis tempore, non nisi humoribus intra membranas contentis nutriri ac incrementum sumere; conceptum verò ipsum, ut primum ex humoribus in utero scatentibus fit, ita quoque (non aliter atque ovum in gallina, citra ullam cum utero connectionem, albumine augetur,) continuè augeri; atque ut pullus non nisi ex ovi liquoribus alimentum consequitur, ita & foetum totum ex solis humoribus intra conceptum contentis nutrimentum con-

sequi, & mole corporis augeri; Insigni sane argumento, humores intra membranas contentos, nequaquam urinam, aut aliud aliquod excrementum esse; sed verè foetui pro alimento inservire: quamvis, ut antea monitum, absumptis partibus purioribus, ac nutritioni magis idoneis, reliquiae quasi in excrementum degenerent, & urinæ similes videri queant.

24. Cæterùm, quando jam foetus perfectè formatus uberiori alimento indiget, quàm quod commodè intra conceptus membranas queat hauriri, vel ubi minus ab utero alimentarii succi per ipsas membranas transudat, quàm requiritur; ulterius tandem vasorum umbilicalium propagines excurrunt, atque per chorion versùs uterum exporriguntur; cùmque antè partibus omnibus uteri circumjacentibus conceptus contiguus existeret; tunc inter Chorion, ipsamque uteri superficiem internam, extremitatibus vasorum umbilicalium caro quædam mollis, laxa, rara, atque subnigra, affundi incipit; ac in muliere quidem parti superiori membranæ Chorion adnascitur: quæ aucta ibidem, *Hepatis* vel *Lienis* laxiori *parenchymati* assimilatur ab Aqua pendente, unde & *Hepar uterinum* dicitur, & quod in orbem expansa sit, parte
me-

mediâ crassior, versus circumferentiam tenuior, *Placentæ uterinæ* appellationem est consecuta; (qualis item in canibus, felibus, aliisque nonnullis brutis animalibus deprehenditur;) in pluribus brutis passim *carunculae* ab invicem divulsæ, plures vel pauciores, loco placentæ subnascuntur; quas *glandulosas* seu *adenosas carnes* vocat *Galen. comm. ad aph. 45. s. 5.* perperam eas mulieribus attribuens.

25. Hæc verò *carnosa substantia*, chorio adnata, veluti è sanguine à foetu promanante, ac per arterias affluente, subnascitur; ita ab eodem sanguine nutritur atque incrementum capit: Atque ita rectissimè *Slegelius comment. de sanguinis motu contra Riol. cap. 12. (p. 97.)* *Habere placentam uterinam rationem alicujus partis, aut regionis corporis, ad foetum pertinentis.* Veluti idem *Harv. (p. 402)* *Secundas reverà conceptus partes esse, & à foetu dependere, ab eoque etiam vitam & vegetandi facultatem mutuari*, asserit. Mediante autem illa carnosa uteri, vel chorii potius, substantiâ, alimentum à matre affluens (qualecunque illud sit) foetui communicatur; ipsam, inquam, placentam id prius ingreditur, & ex hac in vasa umbilicalia, non verò immediatè ex vasis uteri in vasa umbilicalia transit: quod itidem rectè no-

tatum à *Slegel cit. comm. p. 101.*

26. Nec verò vasa umbilicalia cum orificiis vasorum uteri, seu vasa infans cum vasis matris, ullam inter sese conjunctionem habent; sed illa per placentam duntaxat in minutissima filamenta finduntur: quod dudum probè observatum fuit ab Arantio; cui adstipulatur *Spigel. de fœt. form. part 1. c. 3. & part. 2. c. 1.* Rationem experientiæ hanc addit *Harv. p. 397.* quòd minor numerus sit vasorum deferentium ad uterum, quàm venarum reagentium ad fœtum, plurimæque harum propagines in chorio terminentur; Huic consonum est, quod habet *Riol. animad. p. 228.* ubi, *Placenta*, inquit, *toto suo corpore affixa utero exsugit sanguinem*, (seu humorem alimentarium quemcunque,) *sine coalitu venarum uteri & umbilicalium vasorum.* Atque ita *Slegel. comm. de sang. mot. p. 98.* Non cœunt, inquit, arteriæ umbilicales, cum uteri arteriis, quod multis in locis affirmat sine exceptione *Riolanus*: Et paulò post: *Constanter asseverat Riol. inquit, (uti etiam res habet) arterias per uterum non duci, sed sanguinem deponi in tubulos quosdam: sicque infert, Ex tubulis uteri sanguinem transire in placentam & vasa umbilicalia, &c.*

27. Cùm verò jam constet, nequaquam arterias matris uterum transire, nec in

nec in placentam inferi, nec cum vasis umbilicalibus foetus communicare; quin imò constet, ex præcedentibus, foetum sibi vitalem & alimentarium sanguinem conficere, antequam conceptus ullam cum utero connexionem habeat, idque ex humoribus intra conceptum contentis: utique rationi consentaneum est, nequaquam deinceps foetui jam grandiscenti *vitalem sanguinem à matre suppeditari*, seu *foetum in utero nequaquam sanguine materno nutrir*; sed potius, albugineo vel lacteo liquore quodam, è corpore materno confluyente ad *uteri tubulos* (quos vocat *Riol.* & cum eo *Slegel.*) seu per ductus quoscunque ad placentam & carunculas: unde cellulæ ipsæ, quæ copiosissimæ, sed exiguæ capacitatis, per carunculas dispersæ sunt, (Veterum *cotyledones* vel *Acetabula* hæc esse statuit *Harvæus* p. 397.) *albumine*, sive *materia mucilaginea* refertæ inveniuntur, velut favus melle repleti solent: ut adeò alimentum, quod à matre affluit, sit consimile illis humoribus, quibus intra conceptum contentis primum nutritur foetus, qui *aquoso alicui lacti*, vel *albumini ovi liquato*, non malè comparari possunt: Ex quo quidem humore, in placentam vel carunculas admissio, indeque per venas umbilicales transmissio ad

Cor foetus, sanguis verè vitalis in ipso foetu generetur, seu verum ipsius foetus nutrimentum proximum.

28. Et sanè, cùm ex antedictis constet, esse quædam animalium genera, (ut porcos & equas,) quorum conceptus, toto gestationis tempore, ad partum usque, nullam omnino cum utero mediante carnosa copulâ connexionem habeat; sed in quo foetus eodem modo alatur ac crescat, quo pullus ex ovi liquoribus, dum conceptus ipse in utero non secus ac ovum in gallina incrementum sumit: utique illorum foetus non magis quàm pullus in ovo sanguine materno nutriri dici potest. Cæterorum autem viviparorum eadem ratio est. Et, si consulamus ipsam autopsiam, atque acetabula uteri è quibus in placentam alimentarius liquor exsudat, lustremus, nil nisi *mucosam* aliquam seu *albugineam materiam* inveniemus, colore, consistentiâ, quin & sapore, albumini ovi persimilem, quæ & ipsa carunculam totam implere deprehenditur, ut notatum reliquit *Harv. de gen. anim. Exerc. 70. (p. 329.)*

29. Hæc ergo *mucilaginea materia*, seu *lacteus succus*, in placenta vel carunculis præparatus ac elaboratus quodammodò, à venarum umbilicalium radicibus assurgitur,

gitur & absorbetur, atque in placentâ quidem mulierum (quæ materiam aliquam albugineam in cavitatibus ullis sensibilibiter distinctam non continet, teste *Harv. p. 332.*) cum sanguine, à foetu per arterias umbilicales huc confluyente, con-temperatus, inde, ceu materia sanguinis, in foetu ipso ulteriùs perficiendi, ad venam cavam devehitur: Dum vero eadem venarum umbilicalium radices, pabuli, quod à corde foetus allicitur, ductum sequuntur, passim extremas suas fibras capillares ad illum mucorem usque, in acetabulis contentum, inserunt, arteriis (quæ copiosissimæ, & evidentes à foetu per placentam muliebrem universam sparsæ inveniuntur) in ambitu carnosæ substantiæ evanescentibus: Atque huic quadrat, quod habet *Harv. p. 329.* *Conceptum à carunculis istis si avulseris, videas illicò ex singulis cotyledonibus, ceu favis, eorundemque mucore, totidem surculos, sive capillares vasorum umbilicalium ramusculos (tanquam filamenta oblonga) simul extrahi: quemadmodum herbas è terra evulsas radices suæ comitantur.*

30. Hinc inferre licet cum eodem, *Vasorum Umbilicalium extrema, nullo modo cum vasis uterinis per anastomosis conjungi; neque sanguinem ex illis haurire; sed in mucagine illa*
G 6
(velu-

(veluti passim in ipsa spongiosa carne) terminari atque obliterari, indeque sibi alimentum sumere (quod nempe ad venam cavam, indeque ad Cor deferatur, in sanguinem convertendum :) eodem prorsus modo, quo ante ex humore albugineo intra conceptus tunicas comprehenso, victum quæritabant. Et quemadmodum in ovo gallinaceo, pullus per vasa sua umbilicalia ex albumine alitur, (ex vitello namque novissimè tandem alitur pullus, utpote quod demum perfectio pro lacte est, quippe lacti analogum, iudice ipso Arist. adeoque ut ferè totum in pulli jam editi abdomine deprehenditur superstes, ita paulatim deinceps in alimentum absumitur;) sic etiam fœtus in Damis & Cervis (reliquisque viviparis animalibus, ex consimili in his cellulis (cotyledonibus nimirum,) reservato albumine nutritur; non autem ex sanguine, (à matre supeditato.) Egregiam item comparationem inter nutrimentum pulli in ovo, & fœtus in utero, videre licet apud Harv. de gen. anim. Exerc. 60. (p. 276. 277.) quâ ostenditur fœtum in utero sanguine matris ne quaquam alî, sed materiâ albugineâ in placenta concocta, ovique albo non absimili. Similis comparatio occurrit Exerc. 70. (p. 332. 333.)

31. Sed de Nutrimeto Fœtus in utero
pro-

prolixè differuimus Diff. de lacte, sect. 4. antequam Cl. Harvæi conceptus hac de re in lucem prodire, vel nobis cogniti fuere: Ostendimusque argumentis pluribus solidissimis (ni fallor) *Fœtum in utero Lacte*, seu lacteo aut chyloso succo, *nutriri*. Quamvis interim hæctenus non admittamus id, quod probabile videtur Harvæo p. 332. *Etiā adultos non nutriri sanguine; sed quiddam sanguini commistum illis commune ultimumque alimentum esse*; de qua re in Physiologia & peculiari de sanguine disceptatione se fortasse dicturum pollicetur. Cui equidem sententiæ non absimilem amplexus videtur Georg. Ent, Apol. pro Circ. sang. digress. 4. (p 68. & seqq.) ubi *sanguinem non nutriri*, variis argumentis persuadere conatur; *portionem autem Chyli in nutritium succum abire*, pertendit dum interim quo motu ille succus nutritius feratur videtur dubitare.

32. Nec verò circa illum *albugineum liquorem* seu *lacteum* succum quo à matre suppeditato fœtus in utero alatur, per omnia nobis cum Harvæo convenit: utpote cum ille è sanguine materno eundem oriri existimet; nos verò, vel ipsum lac maternum ne quaquam ex sanguine, sed ex chylo generari, luculenter demonstravimus Diff. de Lact. sect. 1. 2. 3. Et quod ille

ille fingat (p. 331. & alibi) *carunculas* uteri, five ipsius conceptus, (hinc utero, hinc conceptui adhærescentes,) plurimis arteriarum ramulis ab utero prodeuntibus scatere, seu *vasa uterina* (quæ arteriarum propagines esse ait) sanguinem à matre versùs matricem deferentia, in *carunculas* forinsecus definere, (ut tradit p. 329.) id sanè nec rationi, nec ipsiusmet observatis congruit. Qui enim fit, eo posito, quòd non affatim sanguis arteriosus, per illas arteriarum propagines in *carunculas* spongiosas, atque ita in ipsum uterum influat, obruatque conceptum? quí ita illicò ex sanguine arterioso fit albugineus ille liquor, in *caruncularum* cavernulis comprehensus, quem ipsum nutritium fœtus humorem asserit? & quí asserere posset, eo concessio, reverà non ipso sanguine arterioso potiùs, à matre per illas arterias affluente, fœtum nutriri, quàm mucilagineo humore? An verò per easdam arteriolas quoque materia ex qua fit & augeatur conceptus, affluere credenda est? Hoc si statuatur, sanguis maternus potiùs conceptus materia statuendus erit, habebitque fortè locum sententia Aristotelis, superius rejecta: Alios ergo quoscunque meatus, ab arteriis diversos, concedere necesse est, per quos materia illa lactea seu

seu albuginea ad uterum deferatur.

33. Sanè testatur ipse Harv (*cit. p. 231.*) *Si carunculas illas (à conceptu avulsas, uterique adhærescentes,) digitis compresseris, ex earum una aliqua, tanquam ex papilla, succi illius alibilis facile cochlearis mensuram emulgeri; idque nullo apparente sanguine, quem attractatu etiam valido non elicueris; Et si ab ipsis carunculis conceptum avulseris, sanguis ex illis non emanat; verum contra, è vasorum solum finibus, ex conceptu prodeuntibus, effluit. Hoc tantum consideratione dignum hoc loco sensemus, An non tubuli illi uterini, ut Slegel. ex Riol. vocat, quorum fortè extrema, ad interiora uteri in gravidis, atque fungosam conceptus carnem hiantia, Coryledones Veterum constituunt, mucaginoso albumine refertas, (quod magis congruit expositioni Gal. ad aph. Hipp. 45. §. 5.) sint revera fines vasorum quorundam Lacteorum ad uterum pertingentium, veluti in ipsis quoque mammis tubuli lactiferi inveniuntur ab arteriis venisque; propriè dictis diversi, quos cum venis lacteis per mesenterium sparsis, seu cum magno illo Chyli Receptaculo vel ductu Chylifero, à Pecqueto invento, continuitatem habere, non dubitamus.*

34. Atque hîc iterum aliorum meditationi & inquisitioni submittimus, quod
in

in *Exerc. de partib. generationi inservientibus part. 2. §. 47.* proposuimus; Nempe, An non pars magna tenuium illorum ac *venis lacteis similium meatuum*, qui per ligamenta uteri lata, ceu per mesenteriorum quoddam sparguntur, ad uteri fundum ipsum passim accedant, (atque vel in prædictos illos *Uteri tubulos* coëant, vel immediatè passim desinant in ipsas carunculas, (ac aliunde quoque quam à Testibus producantur, vehantque reverà *Lacteam succum*, quo foetus in utero nutrirī demonstravimus. Sanè ejusmodi *Venas lacteas*, ad uterum desinentes, comprobare videtur id quod habet *Harv. p. 308.* ubi refert, quòd resectà summitate à papillaribus illis processibus, seu carunculis, quæ mox à coitu, cum conceptus subnasci incipit, intus in utero protuberare conspiciuntur, (de quibus in præced. diximus,) *easdem carunculas ex innumerabilibus punctis albis, tanquam ex totidem setis, cum mucosa aliqua visciditate erectis, conspiciatus fuerit*: Equidem si illa puncta fuissent totidem arteriolarum capillamenta, ut credidit *Harvæus* suâ sponte, post summitatis resectionem factam, prorupisset sanguis, nec mucosa visciditas in iis conspecta fuisset; quod autem digitorum constrictione & compressione,

pro-

prodierit guttula sanguinis, id incisioni carnosarum particularum adjacentium imputandum fuit. Per hosce *lacteos ductus* putei *fluxum album* mulierum contingere; qualem fluxum sat copiosum in infantibus foemellis recens natis non semel observavi.

35. Ex predictis ac demonstratis tale quodammodò munus *Placentæ & Carunculis* tribui potest, quale Hepati & Mammis vulgò assignatur: In *Hepate* enim chylus elaboratur ulterius ac in rudimentum sanguinis converitur, vel saltem exquisitior fit in hepate sanguinis & chyli miscella; cum omnino si vel nullum penitus vas lacteum ad Hepar pertingere concedendum foret, (ut contendit *Pecquet. in suis Experim. novis de Chyli Receptaculo, & Dissert. anat. de Circul. Sang. & Chyli motu*,) chylus tamen per venas mesaraicas sanguinem vehentes, certo certius itidem ad cor alliciatur, non minùs ac in embryo per venas allicitur alimentarius succus: in *Placenta* similiter partim elaboratur succus à matre affluens, partim in miscellam cum sanguine, qui per arterias umbilicales affluxit, redigitur: *Mammæ* lac suscipiunt, futurum infantis nutrimentum; *Placenta* lacteum vel albugineum succum pro foetu admittit.

tit. Sicque *Iecur* nutrimentum præparat corpori in quo inest; *Mamma* nutrimentum subministrat infanti; *Placenta* embryoni. Prout autem animans exquisitiori, vel minùs exquisito alimento gaudet, ita ferè vel magis exquisitè succus albugineus sanguini in *placenta* miscetur, vel magis in *carunculis* impermixtus invenitur; vel *placenta* aut *carunculae* nullæ adesseprehenduntur. *Equæ* crudo *gramine* vescuntur, inquit *Harv. p. 395. nec ruminant; sues* impuro quovis cibo saginantur; *iisdemque placenta, perfectionis alimenti organum, deest*: nullâ enim parte conceptus cum utero in hisce cohærescit, ut in præcedentibus diximus.

36. Hæc quidem de Nutritione fœtus in utero, per venas umbilicales adducto alimento: Sed an non partim quoque fœtus per os alimentum admittere, dum est in utero, credendus est? Equidem fuit hæc dudum in Antiquitate sententia *Democriti & Epicuri*, teste *Plutarcho lib. 5. de Plac. Phil. c. 16.* quam etiam amplexus fuit *Hippoc. noster, lib. de Carn.* itemque autor *lib. de nat. pueri*, (quicumque tandem ille fuerit, siquidem *Hipp.* non fuit.) *Aristotelem* quoque in eadem fuisse sententia, ostendi *Diff. de Lact. sect. 4. § 117.*
118. *Contringius* quidem *Disp. de Lact. lib. 37.*
Democriti

Democriti & Epicuri placitum rejicit, asseritque eò usque stultitiæ eos præ Anatomies imperitia progressos fuisse. Sed temeraria satis censura hæc est, ut liquebit ex sequentibus. Hippocratem excusat Laur. anat. lib. 8. c. 6. q. 23. quod rudis & nondum satis explorata temporibus Hippocratis anatomica esset cognitio, vel addititia hæc esse existimanda, statuit. Sed utraque excusatio calva est: Haud enim ignoravit Hippocrates τὸν ὀρεχνοστόμιον τροφὴν antiquius alimentum per epigastrium ingredi, esseque principium ingressus umbilicum, ut constar lib. de Aliment. Sed velut Arist. lib. 4. de gen. anim. c. 8. censet, tum demum, cum præ magnitudine (aliam rationem dabimus inferius) non amplius sufficit fœtus alimentum, quod per umbilicum ministratur, lac ad alendum utile per os succedere: nim. etiam dum adhuc in utero fœtus est; velut mentem Aristot. claram reddidi Diff. de Lact. cit. loc. Quod vero addititia hæc esse Laurent. conetur persuadere, ejusdem commatis est cum illo Marinelli, quo similiter sententiam Hippocratis, asserentis Fœtum in utero materno Lacte etiam nutriri, elevare conatur, inquires, ab Hippocratis dignitate hæc ipsa aliena videri, additaque esse ab aliquo rerum ad rem medicam pertinentium imperito: quam equidem prætensionem frivolum

volam esse ac tenerariam, viroque erudito indignam, ostendi *Diff. de Lact. sect. 4. §. 116.* Nec verò melioris notæ sunt prætensiones seu exceptiones circa eandem rem prolatae à *Laur. Anat. lib. 9. c. 2. q. 3.* item à *Mercat. Vol. I. lib. 1. part. 4. q. 124.* Sed hæc impræsentarum mitto.

37. Equidem, reverentiâ vulgaræ, atque jam pridem ab omnibus receptæ sententiæ, quâ non nisi per umbilicum nutriti foetus in utero censetur, nos dudum, cum de nutrimento foetus in utero differemus, coercuit, quod minùs suffragari penitus auderemus Hippocrati, asserenti, per os ipsum quoque *Alimentum à Fœtu* admitti: quamvis ne tunc quidem sustinuerimus in commune suffragium condescendere cum iis qui statuunt, partes singulas, dum foetus in utero est, sibi duntaxat privatim consulere, publica autem munia non obire: magis enim placuit sententia *Veslingii*, quâ statuit *Syn- tag. Anat. c. 8.* Manifestissimum existere, *Abdominis Viscera* ea quæ publicis coctionibus destinata sunt, non sibi tantum privatâ digestionē vacare, dum in utero Fœtus est, sed communi pariter utilitati consulere. Elaborare enim *Ventriculum chylum* arguere satis materiam in eo contentam, atque inde resultantia in gyris intestinorum varia excrementa: Cùmque non
satis

satis humanus sensus cepcrit, inquitente Veslingio, quibus viis materia in chylum conver-
tenda ad ventriculum feratur, (rejectâ nim-
Hippocr. sententiâ, quâ cibus per os item
ingredi statuitur;) quid fortè de viis illis
rationi consentaneum videri posset, ex-
posui cit. loc. §.122.123.

38. Sed tamen re ponderatâ exactiùs,
lubens meritòque in Hippocratis senten-
tiam planè concedo: ac non modò ra-
tiones venerandi Senis, quibus per os as-
sumi alimentum ab Embryone in utero, veri-
simile reddit, admitto; sed solidis insu-
per argumentis patere existimo, fieri
aliter non posse, quin alimenti pars ali-
qua, itidem per os Infantis, dum in ute-
ro existit, intromittatur. Rationes equi-
dem, quibus in hanc sententiam addu-
ctus fuit. Hippocrates, ab ipsomet tradun-
tur, lib. de Carn. 1. Quòd cum in lucem
prodeunt pueri, stercus in intestinis habere con-
spiciantur. Certè Harv. Exerc. 58. (p.268.)
testatur se in pullo, circa decimum sep-
timum incubationis diem, prope anum ster-
cora evidenter reperisse; quin eadem quo-
que foras intra secundinas egesta, paulò ante
partum fuisse conspicatum: quod idem
Volcherus Coiter, diligens & peritus disse-
ctor, à se observatum meminit. Atque
ita Veslingius Syntag. anat. c.8. Excrementa
in tenui-

in tenuibus intestinis Fœtus pituitosa, flava, inveniri; in crassioribus duriuscula & nigra, quæ Meconium seu Papaverculum antiquitus nominata: (quæ sanè quotidiana experientia commonstrat:) Ventriculum autem Fœtus contractiorem quidem, nunquam tamen vacuum, testatur; Sed albicante succulentâque materiâ stipatum esse. Huic congruit, quod cit. loc. habet Harv. Intra pulli ingluviem, (talemque prorsum in omnium embryonum ventriculis cerni addit,) substantiam quandam, colore, sapore, & consistentiâ liquori illi in quo natat fœtus, persimilem reperiri; eandemque in ventriculo aliquantum coctam, lac coagulatum referre; quam etiam Chyli specie in primis intestinis deprehendamus: inferiora autem intestina excrementis stercoraceis referta esse. Similiter, inquit, in viviparorum fœtibus, intestina crassiora consimili excremento replentur, quali eadem, cum lacte vescuntur, abundare cernimus; In ovibus etiam, aliisque bisulcis, inquit, manifesta insunt scybala.

39. 2. Sententiam suam munit Hippocr. hac ratione, quod puer primum natus ubera sugere non nossit, nisi ante in utero suxisset. Addo, quod sugere dediscat, nisi primis mox diebus uberibus admoveatur; ac semel ablactatus, difficulter iterum ad suctionem se componat. Equidem non sum in ea sententiâ, quasi utero ubera quædam

quædam sint tribuenda: quam quidem Democriti & Epicuri opinionem meritò cum *Plutarcho* ridet *Conring.* (*loc. superius cit.*) utpote ex imperitia Anatomix natam: Haud tamen meritò redarguit *Hollerium Riol. Animad. pag. 409. 410.* quod scripserit, *se duplicem in utero mammam lac reddentem* vidisse; quod ex *Holler.* refert. *Th. Bartholin. lib.2. Anat. c.1.* ad quæ *Riol.* falsissimum id esse, ait, cùm papillam duplicem in utraque mamma viderit: Equidem *Baubin. Theat. Anat. lib.2. c.4. not. admarg. p.181. lit. K.* hunc posteriorem sensum ex *Hollerio* refert; sed tamen & in priori potuit indicare id quod res fuit: Indigitavit enim nomine *mammarum in utero*, *carunculas* illas, quæ intus in utero mox à coïtu protuberare incipiunt, de quibus diximus in præcedentibus, quas cum *mulierum papillis*, *lacti profundendo paratis*, comparat *Harv. Exerc.67. (p.308.)* quasque præstare usum papillarum, unde *fœtus*, ope vasorum suorum umbilicalium, alimentum à matre suppeditatum trahat, testatur idem *Exerc.70. (p.325.)* Interea tamen per ejusmodi uteri papillas fœtus nequaquam credendus est compressis labiis ex matris utero alimentum sugere (ut verbis utar *Hippocratis* latinè redditus,) utpote ad quas ejus labia & os perungere nequeant,

queant , cùm sit membranis inclusus.

40. *Sugere* autem videtur infans in utero , non ut adulti , papillam quidem labiis comprimentes , indeque absorbendo lac allicientes ; sed quasi deglutiendo id quod in palatum defluit , unde totam papillam quasi in fauces attrahunt , linguæque & palati auxilio, tanquam manducando , lac emulgent ; majore profectò conatu , & arte , ut rectè inquit *Harv. Exerc. 58.* quàm adultus possit , aut ipsimet per aliquot dies desueti. Nimirum , cùm fœtus , simulatque perfectionem aliquam nactus est, membra moveat, & organorum motui animali destinatarum functiones exercere deprehendatur; os utique aperit æquè, ac brachia vel crura attrahit vel extendit : quid ni enim dum alios musculos movet , oris itidem ac faucium musculis utatur ? Fieri autem aliter non potest quin humoris illius in quo natat fœtus; in os apertum aliquid illabatur; id verò in fauces lapsum deglutiatur infans necesse est : Quicquid enim intra fauces , ultra linguæ radicem devenit , id nullum animal citra vomitum regerere posse certum est. Liquoris ergo illius , in quo natat fœtus subinde aliquid ab eodem absorberi , non est dubium.

41. Ab-

41. Absumptâ ergo per venas umbilicales parte colliquamenti, seu liquoris intra Amnion contenti, tenuiore purioreque, quæ nempe prolixâ elaboratione non indiget, eademque in nutrimentum ac substantiam partium initio teneriorum, dum adhuc motu animali destituitur infans, conversâ, id quod reliquum est, ceu lac crudum & aquosum, purioreque sui parte, privatum, suctione ac deglutitione in ventriculum recipitur, ibidemque coctum atque in chylum conversum per venas lacteas fortè primum in Receptaculum Chyli commune (nec non per venas mesaraïcas vulgò dictas ad Hepar) deferitur, indeque porro ulterius diducitur, donec tandem porro in sanguinem vitalem conversum, in nutrimentum augmentumque foetus cedat. Est certè residua illa atque impuriore portio colliquamenti, seu humoris, cui foetus innatat, veluti lac crudum & aquosum, quale in mammis statim post partum cernitur, teste *Harv. Exerc. 58.* (primus namque lactis proventus quasi serosus & aquosus est, seu albumini ovi colliquato similis, ut mulieres aquosam substantiam prius è mammis exprimant, quàm lac in albedinem coctum & perfectum :) suntque eodem *Harvæo* teste

H

albu-

albumen ovi colliquatum, ipsaque residua colliquamenti portio, & lac aquosum sive crudum in uberibus, ejusdem planè coloris, saporis, & consistentiæ.

42. Nec verò est, quod quis metuat cum Henning. *Arniseo Disp. de gen. Hom. th. 74.* Si os aperiat infans ab irruente humore quo totus circumdatur, necessariò suffocatum sit. Si enim periculum aliquod suffocationis immineret foetui à circumfuso undiquaque in qua natat aqua, æquè illud ore perpetuùm clauso, naribusque aqua illà obsitis, metuendum foret, atque ore aperto; æquè enim utrobique inhibetur respiratio. Cum autem, dum ea aquæ copia circumfusa est, non respirare foetum, necessariò præsupponendum sit, vel colligendum; utrique nec suffocationis periculum ullum foetus eo tempore incurrit. Etenim in foetu primùm circulario sanguinis universi propemodum per peculiare ductus & meatus circa cor, (*foramen Ovale* è vena cava in arteriam venosam, & *canaliculum* è vena arteriosa in aortam; de quibus egimus *Diff. de mor. cord. & sang. scđ. 6 §. 132. & seqq. itemque Exerc. Anat. de Visceribus Hum. Corp. Exerc. de Corde §. 42 & seq. & Instit. Anat. disp. 10. de Fœtu Hum. formato th. 27. 28.*) peragitur, quando nimirum etiam-

num

num adeò compacta densaque Pulmonum substantia existit, ut parum per vasa sibi propria transmittere apta sit, ab omni etiamnum respirationis exercitio immunis; simulatque verò parte liquoris circumfluentis absumptâ, foetus per intervalla incipit respirare, Pulmones rarefcunt, ac per eisdem circulatio sanguinis peragi incipit: tumque sensim, quò respiratio magis magisque invalescit, eò magis priores meatus & canales occludi incipiunt; ut tandem qui semel ordinatè respirare cœpit, Respiratione deinceps (quod priores viæ circulationi circa cor inservientes, sint abolitæ,) nequeunt carere; cum sine eâ expeditus sanguinis motus per ipsos Pulmones impediretur; atque adeò, obturato jam antè, vel partim vel ex toto, priori foramine & canali, transitui sanguinis priusdem in Embryone inservientibus, Circulatio sanguinis sisteretur, sicque necessario suffocatio accideret.

43. De necessitate quidem Respirationis, ad promovendum sanguinis per pulmones motum, hic nihil addam: de qua videre licet. *Stegel. comment. de sang. motu. c. 7. (p. 50. 51.)* Hoc saltem ex iam dictis colligere licet: Animalia illa, quæ non nisi unum cordis ventriculum habent, quo

facile pateat transitus sanguini ex vena cava per Cor in arteriam aortam; itemque alia, (ac inter illa Homines,) geminos quidem Cordis ventriculos habentia, sed quibus fortè natura antiquum juxta cor foramen & canalem servavit apertum, diu Respirationem posse inhibere, ac sub aquis aliquamdiu commorari.

44. Atque hæc de *Nutritione Fætus in utero*: Ex quibus, quid de ejusdem *Vita in Utero* statuendum sit, liquidò patet. Constat utique *Fætum in utero* non modò succum quendam alimentarium admittere, eoque nutriri, ac crescere; quo modo etiam ante omnem partium *Conformationem* nutritur atque augetur conceptus primus, ceu ovum in gallina: quæ quidem *vita, plantarum vitæ confimilis est*: Sed reverâ *Fætum in utero* eminentiori vitæ gradu vivere; utpote in quò ipso, etiam ante absolutam partium *Conformationem*, quin imò cum non nisi primum Cordis rudimentum apparet, *vitalis cordis functio, animalibus propria, exercetur; motus cordis, indeque arteriarum pulsatio, peragitur; sanguis spiritusque vitalis, ac aded Verum animalis nutrimentum generatur, quod vi insiti principii quaquaversum distribuitur.*

45. Atque ita, (præter ea que superius dicta atque commonstrata sunt,) licet manifestè *pulsationem arteriarum* à corde foetus proficiscentem, quoad ritum & ordinem à pulsu matris planè diversum, sensu tactus experiri, si manus altera umbilici funiculo in partu, altera carpo matris admoveatur. Atque hinc est, quòd *partu cesareo natos, vivere ac superstites esse* videamus: quin imò, quòd *mortuâ matre exsector, vitales exempla testentur*: Vidimus sæpissime foetus inquit Harv. p. 407. *ab utero exsector, defunctis jam antehoras aliquot matribus, superstites*. Hinc violentâ morte extinctâ matre, ac per tormentorum globos, aut per taurorum cornua, dilacerato abdomine, foetum cum secundinis excussum saluum evasisse, res ipsa loquitur, historiæque commemorant. Certæ si *Fœtus in utero* à matre vitam consequeretur, ac quasi pars matris esset; utique velut cœteræ partes corporis universæ moriantur ante eam maternum, à quo sanguinem spiritumq; vitalem, omnemq; calorem influentem, adeòq; vitam ipsam consequuntur, ita similiter commoreretur foetus, antequam vita matris, seu cordis hujusce, planè esset extincta: Cui sanè rei *Experientia* frequens reclamatur.

46. Quin imò *Fœtus in utero* jam grandior

dior factus , non modò per umbilicum inde que sparfos venarum ramos, ceu per radices, alimentarium succum , quem ipsemet elaboret , atque in vitalem sanguinem convertat , suscipit ; sed & *per os ipsum* , animalium reliquorum more, *alimentum admittit* , quem in chylum convertat, antequam in vitalem sanguinem redigatur , ac denique in partium substantiam vertatur : ut superius evidenter ostensum est : Atque adeò hac quoque ratione cum animalibus in lucem natis communicat , *vitamque veram animalis vivit*.

47. Et, siquidem *solâ motione* (quæ nempe beneficio Musculorum instituitur,) *animalium vita discernatur* , ut innuit *Mercat. de mulier , affect. lib. 3. c. 19.* evidentissimè utique in utero materno se ipsum movet *fœtus* (ac humanus quidem , nondum quadrimestris sæpe, quin & citius,) membra huc illuc protendit, atq; in varias uteri partes impingit, calcitrat, volutatur, adeò ut varia corporis agitatio, ac tumultuatio quædam, non modò ab ipsa matre, sed & ab astantibus, manumque abdomini admoventibus , quin imò solo aspectu sæpenuerò, deprehendi queat : quin & , tam validè quandoque infans in utero se vibrat , ut totum matris corpus exinde

exinde concutiat: evidentissimo sanè *vite animalis*, infanti propriæ, indicio.

48. Insuper, licet nullus per umbilicum *nervus* deferatur, nec adeo ulla *sensus* à matre foetui obtingentis suspicio queat excitari; observamus tamen evidentissimè, foetum in utero frigus, caloremque, aliaque incommoda externa percipere, motuque corporis ea conari declinare. Si ovum, in quo jam pullus formatus inest, in aquam calidam dimiseris, innatat ipsum quidem, (ob conceptum intus aërem, post humiditatem intra amnion vel partim vel in totum absumptam,) pullus autem intus calorem ambientem *sensu* percipiens, saltus edit, ovumque huc illuc volutat: Quo tentamine mulieres ova vivum pullum continentia, à putridis distinguunt, quorum hæc insuper aquæ imposita subsidunt.

49. Denique, nec *Respiratione* omni *Fœtus in utero* destituitur, ut liquere potest ex præcedentibus. Argumento itidem sunt Pulli intra ovorum testas, quos sæpe per biduum ante exclusionem audias pippientes: idem *Vagitus* ac *ploratus infantum in utero* evidenter confirmant: quorum varia exempla extant apud *Sennert. lib. 4. Med. præct. part. 2. sect. 5. c. 8.* itemque Libavium de vagit. uter. Notatu dignum

itidem exemplum occurrit apud illustrem *Salmasium in tract. de calculo ad Beverovicium*. Ita Clariss. D. *Menæi*, Collegæ nostri p. m. Uxor, ploratum infantis in suo utero audivit, ut ipse Parens, cum in vivis esset, mihi retulit. Accidit idem uxori Rev. D. *Salmuth*, Regii & Electoris Palatini primùm Concionatoris, deinde Embdæ Pastoris: itemque ante biennium Conjugi Clar. & Experient. D. Doct. *Groenewolt*, Medici Embdani, ut ipse ante biennium per literas mihi retulit. Et quamvis minus frequentia hujus rei exempla à Medicis notentur; haud tamen ita raro illa occurrere, vero consentaneum est, ut item à Sennert. cit. loc. rectè judicatum; multaue in Medicorum notitiam non veniunt, aut si veniant, non annotantur; nonnulla etiam ab ipsis mulierculis, quòd vel submissior vox sit, aut aliud quid intercedat, negliguntur. Nos saltem superius allata exempla notare operæ pretium duximus.

50. Quod autem plurimi fletum ejusmodi pro malo omine habeant, & vel foetui, vel matri, aut patri, vel Reipublicæ calamitatem aliquam portendere credant, id vel superstitiosum est, vel temerarium: Et quomodocunque se habeant, dum saltem ploratus editur à foetu, *vitam*

animalem in fetu is arguit. Subest autem manifestatio, quâ naturaliter edi queat: utpote cum organa respirationi & voci inserviëntia sint formata, ipsaque illa causa architectrix, quæ organa fabrefecit (nempe sensitiva natura seu anima) infit, quæ organis à se formatis uritur; ac denique non deficiat aër, qui respirationi inserviat, cum humor in membrana Amnio vel maximam partem vel in totum sit absumptus, (ut in præcedentibus tradidimus,) spatium autem inane nequaquam relinquatur. Multòque minùs difficile est, aërem in uterum subire quam intra ovi testam, absumpto in totum albumine, colligi; quod tamen fieri, ipsi pulli, dum pippiunt testæ inclusi, attestantur. Sane Uterum non adeo arctè claudi continuè, ut vulgò creditur, superfœtationis exempla docent; rectèque id notatum à *Barthol. Anat. lib. 1. c. 27.* Alios item modos, quibus forte aër in utero concipiatur, videre licet apud *Nyman. de vita Fœtus in utero.*

51. Hoc addam: *Haud adeo novum esse,* ut inquit *Georg. Ent. Apolog. pro Circ. Sang. p. 102. Fœtum in utero respirare:* quod nempe Hippocratis testimoniis ibidem adstruere conatur. Sed illa an menti Hippocratis congruant, dubito. Equidem Hip-

pocrates *Spirationem* tribuit *foetui in utero*, lib. de nat. pueri, quam *primò quidem parvam* esse ait, sed *per umbilicum* illam procedere statuit. Ea autem *spiratio* ut reverà nulla est, ita reverà hoc loco aliam, qualis nīm. animalibus in lucem natis competit, sc. quæ per os, & asperam arteriam; beneficio Pulmonum & Thoracis peragitur, urgemus atque insinuamus; Talem verò *respirationem*, quā nempe per os & nares spiritus ducatur, foetui attribuit Gal: aut si quis alius autor libri, qui inscribitur; *An animal sit id quod in utero est*, c. 3. & 4. qui & ipsi Hippocrati eandem sententiam adscribit; idemque Foetum in utero alimentum per os assumere, sentire, moveri, reliquaque naturæ opera exercere; quin imò rationis participem esse foetum humanum in utero, contendit: Ac denique *Tantum abest*, inquit c. 5. *ut foetus non animal dicatur, ut non modò animal sit, sed etiam humanæ naturæ vim habeat, quamvis adhuc utero radicitus hæreat.*

52. Equidem, cum vivere multifariam dicatur, ac si vel unum istorum insit vivere illud dicamus cui inest, nempe intellectus, sensus, motus secundum locum, (five quoad totum, five quoad partes,) & status, atque insuper motio secundum nutrimentum, & augmentum.

tum decrementumve, teste *Arist. 2. de anim. c. 2.* utique liquet ex antedictis secundum omnes hosce modos, vel gradus, vel partes, (quomodocunque loqui lubet,) præterquam secundum intellectum, *Vitam Fœtui in utero* competere, siquidem accidentaliter seu in actu secundo, hoc est, pro ipsa operatione vita sumatur, prout accipitur ab *Arist. lib. 2. de anim. text. 3.* itemque *text. 13. 15.*) quo sensu item id quod *animatum* est, *potentiâ vivere* ait, ipsamque *animam actum corporis naturalis potentiâ vitam habentis* statuit: Si verò *vita* essentialiter, seu in actu primo, (prout *Arist. 2. de anim. t. 24. id quo primò vivimus animam esse* dicit, quo sensu *vita* est ipsemet informans animæ actus, ut exposuimus *Synops. Philos. Nat. disp. 14. th. 37. & seqq.*) verè etiam intellectualiter vivit *Fœtus humanus in utero*, utpote intelligenti seu rationali animâ præditus ibidem, saltem simulatque convenientem organorum apparatus est consecutus, prout exposuimus *Diff. 3. de anim. Hum. orig. §. 62. & seqq.*

53. Nequaquam verò hîc audiendus *Papinianus J. C. qui leg. 9. §. 1. ff. ad leg. Falcid.* urget, *partum nondum editum hominem non rectè dici*: id enim quamvis secundum placita Juris fortè verum habeatur,

reverâ tamen cùm Philosophicè ac Theologicè, tum item Medicè falsum est : Atque ut Jurisconsultum Jure Consulto refellamus, cùm *Paulo leg. 12. ff. de statu Hom. septimo mense nascatur perfectus partus*, necessum utique est, ut foetus humanus qui septimo mense ob extrinsecus fortè incurstantia incommoda natus est in lucem, totâ humanâ essentia completus ac perfectus, si ad nonum vel decimum mensem usque in utero mansisset, eandem essentiam humanam in utero obtinisset ; nisi quis circa rationalis animæ ortum chimæras sibi fingat.

54. Concludimus ergo, *Fætum formatum in utero reverâ actu vitam animalis vivere*, idquè secundùm omnes vitæ gradus, quæ brutis animalibus attribui possunt : Ac *Fætum Humanum* quidem cùm jam partes formatæ sunt, præter vitam talem, quam cùm animalibus cœteris communem habet, *potentiâ vivere vitam rationalem*. De Conceptu autem primo animalium, antequam partium formatio facta est, censemus, eum *actu vivere vitam vegetativam, sensitivam potentiâ tantum* : Et siquidem *Conceptus sit humanus*, statuimus, *vivere potentiâ saltem vitam animalis*, ad rationalem animam à Natura, Deoque Naturæ conditore, ordinati, adeoque *potentiâ Hominis*.
Atque

Atque ita improbamus omnino illa Canonum decreta, quibus *non committi homicidium statuitur ab eo, qui Fœtum in utero occidit. ante infusionem animæ*, sc. rationalis: quod non dici queat, natum esse hominem: Pro quo decreto muniendo nonnulli abutuntur textu S. Paginæ; qui est *Exod. 21. v. 22. 22.* Nos contrâ disertè asserimus, non modò homicidii reum esse, qui studio aut temeritate *fœtum humanum*, antequam rationalis anima à Deo infusa sit, occiderit; sed &, qui *Conceptus humani*, nondum formati, abortum procuraverit: Ratio à nobis reddita est, *Dissert. 4. de Anim. hum. §. 57.* quod destruat id ipsum, quod à Natura, Dei Ministra, adeòque ab ipso Deo, certâ lege est dispositum, plenamque in se ipso facultatem continet, quæ materiam aptè disponat, ut rationalis anima eidem uniatur: Hoc est, vitam Hominis vegetativam destruit, quam naturali necessitate à Deo posita, universa Hominis vita fuisset subsecuta: àdèdque quantum in se est, Hominem occidit. Sed de *vitâ Fœtus in utero* eruditam *Dissert.* instituit *Gregor. Nymmanus*, quam lectu dignissimam studiosæ Juventuti commendamus.

PARTIS TERTIÆ.

Sectio II. De Partu.

55. **F**œtus in utero formatus ac perfectus tandem prodit in lucem, vocaturq; ipse ille exitus ex utero, *Partus*: seu ; *Partus* est maturi fœtus exclusio, velut *Abortus* immaturi. *Arist. 7. Hist. Anim. c. 1. Genesin posteriorem appellat; velut eam, quæ in utero fit, primam. Nativitas vulgò appellatur: Habeturque primum ætatis principium, quia maximè manifestum. Cùm enim à variis varia Hominis principia prima constituentur, Conceptus, Formationis primæ, Animationis, & denique Exitus in lucem; prima quidem tria planè incerta sunt: Ac Conceptus quidem, qui principium absolutè primum est, unde & cœtera pendent, nequaquam ad certum temporis punctum, quo nempe genitura maris in uterum insinuetur, vel aliud quodvis, referri potest: sed demum pluribus deinceps diebus successivè fit, ut *part. 1. sect. 2.* liquet; *Formatio partium, & articulatio*, aliquo usque productaprehenditur citius, quàm exordium ejus & progressum, dum particulæ sensus fugiunt, mente concipiamus, ut patet *part. 2. sect. 1. & 2. Animationis tempus, si ad**

ad rationalis animæ exortum referatur, penitus abstrusum est, ac à variis varium statuitur, ut in *Dissert. nostris de Anim. Hum. Orig.* ostendimus: si referatur ad animæ alicujus materialis originem substantialem, substantia utique ea non magis oritur vel occidit, quàm ipsa materia vel generatur vel corrumpitur, ut *Theatr. Nat. univ. part. 1. disp. 5. 6. 7.* (ubi de formarum naturalium Existencia, Essentia, & Orig.) demonstravimus; si ad originem formalem, utique quâ anima est, non oritur sed cooritur, dum oritur compositum, ac cum ipsa cõformatione, quam præstat animæ substantia, seu infita natura, è potentia in actum emergit, ut ibid. liquere potest. Eant ergo nunc judicarii Astrologi, & *Horoscopo* suo in hisce fundamentum aliquod quærant.

56. *Exitus in lucem*, five *Partus*, præ cæteris principiis maxime certus est; ut hinc principium Hominis, civiliter quidem, commodissimæ sumi queat: eodemque sensu verum habendum sit, id quod à *Gal. lib. An animal sit id quod in utero est, c. 2.* asseritur, *potentiâ* animal (vel hominem) esse id quod in utero est; *actu* verò tunc fieri, cum ab utero prodiens seipsum conjungit ei, quod principium præbuit, sc. majori Mundo: Atque ita, si civilis
usus.

ulus spectandus, concedimus Papiniano sup. cit. *partum nondum editum hominem non rectè dici*; utpote cum id quod in uteri sinu reconditum est ac latitat, in Mundi luce nondum sit; quod non est in Mundo, id non esse actu censetur.

57. Hoc ergo *Hominis* atque *ætatis principium*, quo prodit in lucem, quod *Partum* vocari diximus, tutissimè forsan, si ullum, Astrologi apprehendunt: ipsumque tempus Partus, seu horam Nativitatus, vel sydus ipsum quod ex conversione hemisphærium conscendit, eo quo quis editur momento, *Genituram* appellant: Græci *ἡμέρα*, quasi *positionem syderum* dicas, itemque *ἡμέρα*, ut diximus, & *Horoscopus* nominant. Sed & in hoc principio debile fulcrum, atque Inane prope-modum præsidium, Astrologi inveniunt: Præterquam enim, quod *Partus* à causis accidentariis atque externis, quàm plurimis, vel accelerari, vel retardari queat, non modò ad momenta quædam, sed & horas, quin imo dies, ac forte menses, (ut videbimus inferius;) utique cùm jam Partus labores adsunt, aliquid temporis labitur; at cuinam in Partu momento *Nativitas* adscribi debeat, inter ipsos Judiciarios non convenit. Nonnulli veram *Nativitatem* tunc esse volunt, non quando obste-

obstetrices parientem bono animo esse jubent, eique bona nova nuntiant, ex secundinarum abruptione, & infantis nudatione; sed quando fœtus medius est extrâ, & medius adhuc in utero materno; ut *Joan. Schonerus Caroloſtadius lib. de Judiciis Nativitatis seu Thematis Genethliacorum* ferè in initio ex *Hermetis doctrina* refert: At *Guido Bonatus Astronom. part. 5. c. 3.* nasci puerum docet, cùm jam duæ partes apparuerint & residua tertia remanserit in occulto. Sed Judiciariorum illorum superstitiones, & inanes Conceptus hoc loco refutare propositum nobis non est.

58. De Partu ergo ut agamus, hujusce *Præcedanea* quædam primò consideranda sunt: Ac ut jam nihil de Lactis Collectione in mammis, quæ fit gestationis tempore, ac præsertim propius imminente partu, dicamus, utpote cujus rationem reddidimus *Dissert. de Lacte sect. 1.* Fœtus ipse quidem, grandior jam factus, paulò ante tempus partus, (quandòque etiam præmaturè,) caput plerumque deorsum, versùs uteri orificium, convertit, quod item notatum ab *Arist. lib. 7. Hist. Anim. 8.* Ac causa quidem hujusce rei manifesta est ex *Hipp. lib. de nat. Pueri*, ubi *gravissimæ ei sunt superiores partes*, inquit,

quit, ex umbilico libratæ. Eandem rationem reddit *Arist. lib. 4. de gen. anim. c. 9.* sc. quod superiorem ab umbilico partem majorem habeat, quam inferiorem; majora autem plus ponderis contineant: itaque veluti in statera dependentes, eò vergant quo trahuntur. Atque hinc, teste eodem 7. *Hist. anim. c. 4.* parturire interdum mulieres videntur, cum tamen tempus non sit; sed quoniam fœtus invertit suum caput, ideo initium hoc esse parturiendi videtur.

59. Quin & ipse uterus, cum jam ad partum maturescit, deorsum vergit, emolitur, atque orificium suum aperit; ex utero autem in vaginam prolabitur pars quædam Chorii, materiam aquosam continens, tuncque vulgò *Aquas colligi* ajunt; quin & partes vicinæ laxantur, & distensionem aptæ fiunt: hinc sacri & pectinis ossium cum coxendice conjunctio (quæ fit per synchondrosin,) adeo emolitur & solvitur, ut ossa illa faciliè cedant exeunti fœtui; & hiantia regionem hypogastrii ampliorem reddant. Denique Chorion, quâ parte prolapsum est in uteri vaginam, rumpitur plerumque; atque ita collectæ *Aquæ* effluunt, partesque lubricas reddunt.

60. Quod Partus modum attinet, Omnibus animalibus partus secundum naturam in caput,

caput, contra naturam in pedes, aut inflexo circumattoque corpore agitur, ut est apud Arist. 7. Hist. anim. c. 8. Similiter Plinius 7. Hist. nat. c. 8. In pedes procedere nascentem, contra naturam est: quo argumento eos appellavêre Agrippas, ut agrè partos. Ac eodem modo Hipp. de nat. pueri, non longè à fine, Puer, inquit, ubi circumcirca disruptæ sunt membranae, siquidem suo momento in caput magis inclinet, facîle mulier parit: Quod si in latus aut in pedes prodeat, (id enim sæpe contingit, si illuc momentum vergat, vel propter uteri amplitudinem, vel si mater in ipso partus dolore primùm quiescere non potuerit) si sic, inquam, prodeat, difficilem partum mulier sentiet: Iam verò ex his plurimæ, vel ipsi fœtus, vel unâ etiam cum suis fœtibus matres periere. Et paulo post: Quod si fœtus in caput feratur, primùm caput foras prodit, deinde alia membra consequuntur, postremus est umbilicus, ex quo secundæ pendent.

61. Veruntamen, non absolutè verum est, disrupti primò membranas; & ante fœtus exitum profundi Aquas. Quamvis enim id frequentissime in humano genere accidat; Cœtera tamen animalia, Harv. co. teste p. 364. ad eum modum non pariunt; sed conceptum integrum (fœtum nempe cum secundis,) excludunt: ut in canibus, ovibus, equabus, aliisque, videre est;

re est; & præsertim in vipera, quæ ovum unius coloris & molli corticè (qualis muliebris conceptus est,) intra se concipit, ibidemque tam diu servat, donec foetus inde formatus fuerit, quem membranâ obvolutum parit, quæ (teste *Arist. lib. 5. Hist. anim. c. 34*) tertio die rumpitur, seu ab incluso foetu eroditur. Atque hinc nata fabula, viperæ catulos, exeso matris utero nasci, patrisque necem ulcisci. Contingit tamen aliquando, ut viperini foetus qui in utero adhuc sunt, abrosis membranis prorumpant, ut notat *Arist. cit. loc.* aliquando in ipso exitu hærentes, ovi continentis tunicam percurrunt vel erodant, ut *Harv. testis est p. 368.*

62. In humano item genere, mulieres aliquando *conceptum integrum, cum ambientibus membranis illæsis*; (ceu fructum maturum, qui ex arbore totus solvatur, seminibus antè destinatum à natura tempus minimè effluentibus,) *excludere*, obstetricibus expertis ignotum non est. Haud tamen largior *Harv. p. 266. & 364.* partum hunc maximè naturalem existere, ubi foetus & secundinæ unà cum aquosa substantia (ceu ovum integrum,) prodeunt. Quamvis enim ita partes circumjacentes à parturientis nixibus magis distendi ac dilatari contingat; non ideo

ideo tamen plus ea distensione comparatur fœtui , nec facilior exitus eidem conciliatur ; utpote cū moles emittenda iusto major sit , ac detentā aquā viā à natura lubricæ pro exitu redditæ non sint ; interea verò major omnino matri dolor obtingat, teste ipsoinet *Harv. p. 266.* unde non rarò tali casu obstetrices coguntur , five unguibus , five forficis operā membranam continentem rumpere , sicque naturæ in suo molimine deficienti auxiliatrices manus porrigere , quo fit ut affluente subito aquā & ipsi parturienti levamen afferatur , & fœtui exitus faciliatur.

63. *Vteri orificium* quod gestationis tempore connivet , docente *Hipp. 5. aph. 51.* quod carne durā & cartilagineā constare testatur *Gal. de Diff. vulv. c. 7.* quod *Pav. de Off. part. 1. c. 5.* vidit in osseam duritiem mutatum , illud , inquam , orificium ita *per dolores partus debiscit & aperitur* , ut una prope Cavitas æqualis à fundo uteri ad pudendum appareat , ut habet *Riol Anthrop. lib. 6. c. 1.* Alio tempore omni , inquit *Gal. de usu part. c. 7.* ne specilli quidem cuspidem in matricis collum queas immittere ; in partu verò integrum animal hinc egreditur : id quo pacto accidat , mirari nos posse , intelligere

gere non posse, proficitur *ibid.* velut de *Dissert. vulvæ* c. 7. auditu mirum id pronunciat. *Fabric. ab Aquapendente* existimat, orificium illud quasi linteum compactum & plicatum tandem ex plicari, atque ita aperiri: similiter dubitat *Th. Barthol.* an non fortè ex membranis corrugatis illud maximè constet, quæ explicatæ immensum dilatari queant. *Riol. cit loc.* testatur se vidisse in vacca prægnante orificium illud intra vaginam ad modum rosæ sese explicantis compositum, in quinque vel sex fibras carneas tanquam foliola divisum.

64. *Harv. (p. 372.)* Cervicem uteri non esse duram ait ex complicatione, sed à propriâ substantia: ad partum autem ex duro ad maturitatem tanquam fructus in arbore, mollescere; atque ita aperiri & diduci non explicatione aliquâ, sed ab immutatâ temperie: velut item synchondrosis coxendicis cum osse sacro & pubis, & coccygis synneurosis, solvuntur & mollescunt. Certè, tribus vel duabus ante partum septimanis humore quodam viscido & glutinoso imbui & intumescere, ut sine laceratione distrahi & dilatari possit, testis est *Riol. cit loc.* Atque ita *Harvæo* non magis admirabile censetur, angustum illud uteri orificium aded diduci,

diduci, quàm exiguam pullulantis nucleï apicem, (amygdalarum puta, aut aliorum fructuum,) ossa quæ vix malleo rumpuntur, effringere; tenellasque radicis hederæ fibras, in tenues saxorum rimulas irrepentes, prægrandes tandem muros discindere. Nos equidem divinam Providentiam (quæ totius corporis artificium admirabile constituit,) hic itidem agnoscimus & veneramur; at naturalem tamen causam, quæ divinæ Providentiæ in istoc opere, ad id à Deo constituta, inserviat, nequaquam interim excludimus.

65. In Partu difficili ossa pubis aliquantum ad invicem diduci possunt, velut item os ilium & os coxendicis ab osse sacro, non obstante valido illorum nexu, ut docet *Vest. Syntag. Anat. c. 2.* nimirum, emollito eorundem cartilaginoso connexu, ut exponit *Harv. de gen. anim. Exerc. 58. (p. 266.)* Atque ita tota hypogastrii regio admiraculum usque ampliatur, non quidem ab aquosæ substantiæ profusione, iudice *Harv. ibid.* sed suâ sponte, ut fructus maturi excludendis suis seminibus solent hircere. *Riol animad. p. 458. ad cit. Vestling. loc.* Laudo tuum iudicium, inquit, deductione istorum ossium, & ossium Ilium ab osse sacro; modo non scribas in difficili

cili partu, quia vidi in omni partu, etiam facillimo, diductionem istorum ossium.

66. *Laur. Anat. lib. 8. quæst. 33. diductionem* fieri illorum ossium negat; at si quis *deliscere* aliquantulum velit cum *Hippocrate*, non repugnare se profitetur: Ad quem locum *Riol. animad p. 235.* nos id tantum volumus, inquit, nimirum diduci eodem glutine ipsis interjecto, nempe cartilagine crassa (quâ naturaliter cohærent) quæ tunc temporis crassior, seu tumidior, ab imbibito humore, molliorque fit reddita. Atque ita *Vesl. c. 7. (p. 74. 75.)* Cavitatem abdominis, quæ pelvi assimilatur, in mulieribus, inquit, *laxatis* paulatim circa os sacrum & pubis utcumque *validis ligamentis* instante partu, jamque urgente, cum coccyge diduci ulterius posse. De hac dictione *Hipp. lib. de nat. pueri*, non longè à fine, *Totum quidem corpus dolor occupat*, inquit, *præcipue vero lumbos & coxendices*, quæ ipsis diducuntur. Ipsam hanc ossium pubis distractionem in partu naturali, quæ sensim fiat, atque mense septimo incipiens, sex aut septem septimanarum spatio ad partus horamaugeatur & perficiatur cum rationibus, tum autoritatibus, confirmat *Pineus lib. 2. Opusc. Physiol. & Anat. c. 5. 6. 7. & seqq.*

67. Atque hoc quidem modo, quo dictum,

dictum, prodit Fœtus in lucem, Partusque contingit: In causas verò ac Tempus hujusce nunc porro inquiramus. Hipp. de Nat. pueri hanc Causam reddit, quòd, cum puer increverit, mater ei sufficiens alimentum ampliùs suppeditare nequeat: plus itaque alimenti, quam quod adsit, fœtus postulans, sese jactando membranas disrumpat, simulque vinculis solutus foras prodeat. Idem videtur sensisse Galen. vel certè nullam causam reddit, quando 15. us. part. c. 7. Partus fit, inquit, cum fœtus ita jam est perfectus, ut per os nutriri possit. Verum enim verò, quì penuria alimenti queat prætendi, non video, cum lac maternum deinde ad mammas traductum sat longo tempore sufficiat, quod sanè ad uterum delatum æquè commodè fœtum nutrirèt. Et, si in alimenti penuriam causa partus referenda sit, utique succi plenis, & iis quæ minores fœtus gestant, vel unum tantum, tardiùs accidet partus, quàm exsuccis, ac grandiores fœtus aut gemellos gestantibus: at in omnibus stata temporis ratio ordinariè observatur, ut inferiùs videbimus. Quod si simpliciter accipiendum sit id quod ait Gal. tunc fieri partum, quando fœtus per os nutriri potest, falsum dicit: nam & aliquamdiu ante partum alimenta à fœtu per os ad-

mitti, ostendimus in præcedentibus. Et, si vera foret hæc ratio, imbecilliores fœtus diutiùs in utero subsisterent, quàm robustiores; quod certè non evenit.

68. Aliam *causam* alii addunt, desumptam à *fœtus pondere* invalescente, ac *corporis mole*, ob quam nequeat ampliùs in utero detineri; quin & excrementorum copia incusatur, quibus continendis membranæ tandem pares non sint ampliùs. At rectè ratio à *pondere & magnitudine* desumpta rejicitur ab *Harvæo*, quod fœtus nonnulli novimestres pusilli sint, & aliis octimestribus minores, qui tamen nequeunt diutiùs in utero morari; quin & gemelli qualescunque octavo mense, cuilibet singulari fœtui novimestri præponderent, (addo, etiam mole grandiores sint,) nec tamen propterea ante nonum mensem in lucem prodeant, Quod autem addit *Harvæus*, *fœtum humoribus innatantem*, vix ullum utero gravamen adferre; id sanè præter rationem est: minùs quidem gravitat fœtus humoribus innatans, ratione humorum; at dum unà cum humoribus in utero continetur, ratione uteri unà cum humoribus gravitationem suam totam exercet: Quamvis interim negari non queat, minùs molestiæ utero obtingere, à pondere fœtus, dum

dum hic humoribus innatat, quàm ab æquali gravitatis nisu, quando humores effluxerunt. Cœterum, argumentum ab *excrementorum copia* aucta desumptum, falsâ nititur hypothesi, cum non sint excrementa quibus innatat fœtus, sed alimentarii succi, ut superiùs ostendimus: interea tamen, si quando contingat succum alimentarium intra Amnion contentum excrementis depravari, id Partum accelerare, atque ita ad *nascenti causas* referri posse, in præcedentibus innuimus: velut item, si succus ille planè deficiat, adeoque liberioris respirationis necessitas fœtui imponatur, non contemnendam causam esse inferiùs dicemus.

69. Aliam verò *causam* reddit Gal. 3. de facult. nat. c. 12. desumptam cum ab utero tum à fœtu: *Uterum quidem statuit*, ubi vel distendi ampliùs non tolerat, vel irritatione aliqua interiùs offenditur, infitâ facultate expultrice abjicere conari id quod offendit: fieri autem id vel symptomaticè ac violenter, sicque *abortus* oriri innuit; vel criticè, ac cum comodo naturæ, tumque *partum* nominari: additque tandem, ipsius verò *fœtus vehementissimis motibus succedunt Partus*; veluti ab Hipp. recte est dictum.

70. Recte equidem *Partus causæ* partim in *Fætum*, partim in *Uterum* totumque *corpus maternum* referuntur. Ac, *Fætum* quidem ad exitum sui multum conferre, rumpendo membranas, ac sub vehementissimis motibus capite suo uteri angustias aperiendo, (in caput enim animalia omnia naturaliter exeunt, ut ex *Arist.* sub. citavimus,) dubium esse non potest: in oviparorum animalium coïtu id liquido deprehenditur, ubi non matres sed foetus ipse corticem rumpit; quod multis demonstratum ab *Harv. de gen. anim. Exerc. 23. p. 96.* & seq. idemque non modò in pennatis, sed & aliis quàm plurimis animalibus observare licet: *Muscae omnes*, inquit *Harv. p. 367.* & *papiliones*, *membranulas* (in quibus *aureliæ* delitescunt,) perforant; *bombyx* etiam *folliculum sericeum*, quem *muniminus* gratiâ intus occultatus nece- rat, *stato tempore humectando emollit*, *rodit*, & *sine ullo adminiculo extraneo foras egreditur*. *Ad eundem modum vespæ, crabrones*, & *religua insecta*, omnesque *pisces*, sponte sua nascuntur, &c. *Viperinos catulos* aliquando in utero matris, aliquando in exitu, aliquando altero tertiove post nativitatem die, ovi tunicam, cui inclusi sunt, erodere, superiùs tradidimus.

71. Hanc *Fætus* in *nativitate operam*, &
molimen

molimen proprium in Partu , Hipp. eleganter describit lib. de nat. pueri , his verbis : Quando mulieri partus instat , tum se movente puero, ac manibus & pedibus se jactante , membranam quandam internam abrumpi contingit ; qua rupta cæteræ imbecilliores fiunt, primumque rumpuntur quæ illam contingunt, deinde postrema. Ruptis autem membranis, tum fœtus vinculo exoluitur, & agitated foras prodit. Et mox : Cum verò puer prodit, utero dilatato, qui mollis est, vi sibi viam aperit, & in caput fertur, si secundum naturam exierit.

72 Hujusce autem motus, quo tandem concitatur in utero fœtus, sibi que exitum quærit, Causa videtur esse Respiratione necessitas, quæ tandem absumpto intra Amnion liquore, aëreque intus concepto, exoritur : Dum enim circumfusus universo fœtui liquor respirationem arcebat, ut adeò substantia pulmonum spissior densiorque existeret, Natura sibi peculiare circa cor ductus ac meatus construxerat, (ut alibi exposuimus,) per quos nihilominus sanguinis circuitus in orbem perageretur, quem compacta pulmonum substantia non trans mittebat : Simulatque verò aëris paucillum cæpit hauriri, spongiosior reddita eadem pulmonum substantia, mox pleniorē san-

guini transitum præbet, seu copiosorem influxum è dextro cordis ventriculo in venam arteriosam, inde per arteriam venosam in sinistram cordis ventriculum transmittit: per hanc verò viam sanguinis parte magnà divergente, ductus meatusque priores paulatim occluduntur; augeturque ea ratione respirationis necessitas.

73. Necessitate hâc auctâ, liberio-rem aërem natura desiderans, at non inveniens, molestiam sentit; hinc concitatur foetus & exitum quærit. Atque ita verissimum est, quod ex *Hier. Fabr. ab Aquap.* citat. *Harr. Exerc. 23. (p. 95.) Citius pullum indigere externo aëre, quam cibo; cum alimenti adhuc aliquid intus supersit: quod similiter de Foetu viviparorum verum est. Atque ita meritò idem Aquap. de Form. Fæt. part. 2. c. 9 præter penuriam alimenti, pondus ac magnitudinem foetus, aliam item Partus causam, eamque verè potio-rem, adjungit, nempe, quod majori tandem Cor foetus indigeat refrigerio, quæ per respirationem comparari debeat; ac rationem addit, quod foetus ubi primum ortus, est respires, nequaquam autem cibum ore assumat: Id quod non solum in homine & quadrupedibus, sed etiam maximè in pennatis observari ait; quæ cæsi parva sunt, & rostrum adhuc tenerum habentia,*

habentia, pulli tamen ovi corticem eâ parte percutiunt, inquit, qua respiratione opus habent: hoc agentes potius à respiratione, quam à cibi indigentia coacti, cum statim atque à Cortice sunt explicati & exclusi, respirent, sine cibo autem biduum diutiusque consistant.

74. Atque ita quidem per respirationis indigentiam necessitate quadam naturæ illatâ, ad motum concitatur Fœtus; veruntamen, non videtur motus infantis simpliciter ad membranarum disruptionem sufficere; cùm & quandoque fœtus, instante partu, non adeò validè moveri percipiatur, ac dudum antè; at antea tamen per motum validiorem membranæ non itidem fuerint disruptæ. Existimamus igitur, membranas tunc temporis, quasi ob maturitatem quandam, quam paulatim nactæ sunt, ita dispositas esse, ut faciliùs rumpantur; velut, maturescentibus plantarum seminibus, thecæ eorundem suâ etiam sponte tandem aperiuntur atque dehiscunt. Innuit hoc ipsum Hip. lib. de Septim. part. initio, inquit, *Cum fœtus jam auctior ad perfectionem devenit, & robur increverit, ipso jam perfectè aucto, magis quàm ceteris temporibus, membranæ in quibus jam inde ab initio nutritus est, elaxantur non secus ac spicarum membranæ. &c.*

75. Interim circa Respirationem dubi-

tat Haro p 361. an refrigerii gratiâ instituta sit, an in alium finem? Ac Problema doctis Viris proponit, quod ipse non solvit: nimirum, *Quomodo embryo post septimum mensem in utero matris perseveret? Cum tamen eo tempore exclusus statim respiret; imò verò sine respiratione ne horulam quidem superesse possit, in utero autem manens, ultra nonnum mensem absque respirationis adminiculo vivus & sanus degat.* Solutio ex antè dictis facilis est: quòd nempe, dum aquis etiamnum uadiquaque in utero immerfus est foetus, aërem intra pulmones haurire nequeat, adeoque non respiret; quin imò ante admissum intra pulmones aërem respiratione non indigeat: Ordinatè enim tunc per peculiarem meatum ac canalem juxta cor, circulatio sanguinis peragitur; ut adeò tunc opus non sit motu pulmonum, seu respiratione, ad motum sanguinis per pulmones promovendum: (Reverà namque *Conductio Respirationis motus sanguinis per pulmones*, ut rectè notatum ac demonstratum à *Stegel. comm. de mot. sang. p. 50. 51.*) Prout autem sensim aqua intra Amnion minui incipit, & aëris quantillum circumfundi, ita sensim hauriri aër intra uterum incipit, ac sensim respiratio institui, ac pulmo infantis rarescere, similiterque proportion-

naliter

naliter sanguinis motus ad pulmones divergere.

76. Sed nondum difficultas universa expedita: Etenim, qui sit, (quærit Harv. porro,) ut fœtus in lucem editus, ac membranis integris opertus, & etiamnum in aqua sua manens, per aliquot horas, citra suffocationis periculum, superstes sit: idem tamen, secundis exutus, si semel aërem intra pulmones attraxerit, postea ne momentum quidem temporis absque eo durare possit, sed confestim moriatur? Non sit hoc certè, inquit, ob defectum refrigerationis; nam in partu difficili sæpe per aliquot horas in angustiis illis sine ulla respiratione hærens, vivus tamen persentiscitur; quàm primum autem egressus fuerit, & vitalem hanc auram hauserit, eadem mox præclusa, dictum factum extinguatur. Ex hac verò difficultate infert, Harv. Aërem nec refrigerationis gratiâ, nec in pabulum animalibus concedi: si quidem constat, fœtum, postquam eum semel hauserit, citius suffocari; quasi fervor in eo, ab aëre accenderetur potius, quàm restingueretur.

77. Sed, ut rem universam expediamus: Primò quidem præsupponimus, non omnes quidem fœtus necessariò in utero respirare: qui enim ore ipso ad parvum usque aquis fortè immergi manent, ii, cum nihil aëris in Pulmones admisc-

rint respirando, nullam uberiori sanguinis per pulmones circulationi occasionem præbuerunt; sicque deinceps donec respirare incipiunt, respiratione possunt carere: Qui verò jam antè in utero respirare cæperunt, si vel in angustiis per partum difficilem, vel aliâ quacunque ratione, ab aëris haustu præcludantur diutius, eos extinguere necessariò consequitur. Atque hinc fit, quòd infantes, quorum jam dudum fletus ac vagitus in utero fuit auditus, plerumque moriantur in partu; experienciâ teste: qui enim copiosorem aliquanto intra uterum aërem obtinuerunt, pleniori quodammodò respiratione eam pulmonum raritatem nacti sunt, ut multum sanguinis per pulmones cœperit circumire; quod equidem, respiratione postmodum à quacunque causa impeditâ, in pulmonibus subsistens, ac subsequenti identidem è dextro cordis ventriculo sanguini transitum similiter impediens, necessariò tandem cordis motum impedit, ipsumque fortum extinguit.

78. Deinde, pro solvenda difficultate hoc addo: siue intra uterum respirare cœperit infans, siue respiratione omni, antequam in Mundi auram prodiit, caruerit, utique cum ipso exitu in aërem liberiorē,

riorem, plenâ copiâ illicò aër, (idemque subtilior forte) intra pulmones hauritur, unde hi mox multum rarefcere incipiunt, multumque adeò sanguinis è dextro cordis ventriculo admittere: id verò si per inhibitam denuò respirationem subsistere cogatur, necessariò mox infantem suffocat. Potuiffet sane hanc Problematis fui solutionem didiciffe *Harvæus*, si modò ad sua observata ipfemet attendiffet: Fundamentum utique hujusce solutionis vidit ipfe *Exerc. 70. (p. 326.)* fed ad id hoc loco non attendit: Istic quidem profitetur, *Colorem pulmonibus Embryonum in utero, rubicundiorẽ esse, quàm iis qui aërem aliquando (pleniori quodamodò mensurâ,) inspirarunt; quod pulmones ab eo dilatati albedinem (velut & raritatem) induant. Eoque indicio faciliè inter- noveris, inquit, maternæ vivum, an mortuum fœtum pepererit: illico enim ab inspirato aëre (NB) mutatur pulmonum color (quã nempe rarefcit pulmo;) qui etiam post repentina fata idem permanet.*

69. Sed, hisce missis, *Causas Partus* prosequamur: quas non modò in *Fœtum*, fed & in *Uterum*, atque ipsum *Corpus maternum*, referendas esse diximus, *Uterum* verò eximiam in partu operam conferre, liquere potest *Historiâ* ab *Harvæo*

relatâ (p. 369. 370.) de paupercula, quæ cum ingentem uteri procidentiam pateretur, ita ut capitis humani magnitudinem excederet tumor, & ad genua usque propenderet, nihilominus tamen solius propendentis uteri nixu, fœtum, eumque mortuum, (qui adeo nec ipse quicquam contulit, veluti nec corpus maternum, extra quod uterus hærebat,) peperit. In eo quidem propendente tumore uterus extra corpus hærebat, sed intra vaginam inversam comprehensus: namque quod in illo tumore pars ima dehiscens, madoremque (tanquam locus ulcerosus esset,) & saniem profundens, notata fuerit ab *Harvæo*, id reverà arguit, orificium uteri internum ad imam partem vaginæ inversæ conspicuum fuisse, madoremque illum ex ipso utero emisisse: Confirmaturque hoc exemplo id quod asseruimus *Exerc Anat. de parv. natur. part. 2. §. 71.* in uteri plenaria procidentia, non ipsum uterum, sed solum vaginam inverti, utero intra inversam vaginam subsistente.

80. *Corpus* etiam *maternum*, totum quodammodò, conatum confert; nec enim musculi duntaxat abdominis ac diaphragma, animali quodam motu ad uteri compressionem concurrentes, Partum promoveant;

movent; sed partes itidem reliquæ corporis, irritatæ quasi, naturali quodam conamine atque connixu motum & contractionem sui instituunt, à superioribus deorsum ad ipsum hypogastrium uterumque vergentem: Atque hi verè *labores* ac *dolores partus* sunt: quibus nec ipsa parturiens volens nolens obfistere potest; utpote ab ipsa natura; irritata quodammodo, (velut singultus, sternutatio, convulsiones fiunt,) proficiscentibus. De hisce Hipp. lib. de nat. pueri, non longe à fine, *totum quidem corpus dolor occupat*; inquit, *præcipuè verò lumbos, &c.* Quod si cum hoc naturæ conamine, quod per corpus maternum exercetur, fœtus unà suam operam conferat, facilis ac naturalis partus accidere solent: (ut adeò non temerè aut præmaturè portiones medicatæ ad facilitandum partum sint exhibendæ, vel natura irritanda quibuscunque aliis machinationibus :) Si ante illud naturæ conamen, fœtus egrediatur, fit *abortus*, si post *difficilis partus* obtingere solet.

81. Quænam autem causa corpus maternum, seu naturam ipsam corporis, ad hunc conatum excitet, arduum fortè investigatu est: inprimis, cùm etiam languido existente fœtu, & vix ac ne vix quidem se movente, quin imò, eodem mortuo

mortuo quandoque, in actum exurgat. Nos equidem existimamus, *causam* in *genitale Virus*; quod per coitum corpori muliebri communicatum (de quo superius,) referendum esse; id namque statotempore (veluti item venena quædam solent,) quasi effervesce, aut motum spirituum in partibus, efficaciam ejusdem excitatum, quasi efferum reddi: ut aded natura irritata insurgere instituat, ac quasi *criticam expulsionem* moliat. Atque hinc est quod testatur *Hipp. lib. de Septim. Partu, Mulieribus*, inquit, *fecundæ Conceptiones, & Abortiones, & partus, eodem tempore judicantur, quæ & morbi. & sanitas, & mors cunctis animalibus contingunt, sed istorum omnium alia quidem diebus, alia mensibus, alia dierum quadragenariis; alia annuo spatio, de se significationem præbent.*

82. Huc item spectare videtur id quod testatur experientia, quodque ab *Harv.* notatum est p.405. Caniculas, coitum citra fecunditatem admittentes, post conceptionem irritam etiam, nihilominus debito partus tempore ignavas esse, & parturientium more latitare, atque ab alia cane catulos surripere, eosque ceu proprios lambere & fovere, quin & pro iisdem acriter dimicare. Nonnullæ etiam teste *Harv. cit. loc. lac* sive colostrum.

strum in mammis habent; aliisque gravidarum parturientium affectibus obnoxie sunt; sic & gallinæ suo tempore, gloriunt, licent ova, quibus incubent, nulla habeant. Aves quædam, (utpote Columbæ) si statò tempore coierint, quamvis ova nulla, aut subventanea pariant, tenentur tamen solitâ nidificandi sedulitate. Nempe *genitale virus*, per coitum conceptum, statis temporibus quomodocunque se exerit.

83. Idem illud *seminale virus* in cadaveribus etiam parturientium, recens mortuarum, nondum conquiescit; sed quasi fermentatione factâ diducit genitales partes, atque molimine fœtus concurrente, exitum hujusce in lucem promovet. Huc spectare putem (nequaquam verò ad solius *fœtus cenatum*, utpote qui suâ sponte nequaquam è cadavere materno se expediret,) exempla illa, quæ complura extant, ac quorum nonnulla ex probatis Autoribus collegit Nymman. in *Diss. de Vita Fœtus in utero*, (p. 28. & seqq.) quibus ostenditur à mortuis matribus vivos infantes prodiisse. Tale item exemplum refertur ab Harv. *de Part.* (p. 368.) à se ipso observatum.

84. Tempus denique *Partus* quod attinet; De eo Plin. *lib. 7. c. 5. cæteris animalibus*,

libus, inquit, *statum & pariendi & partus gerendi tempus est*; *homo toto anno & incerto gignitur spatio*. Equidem, velut pleraque animalia statim anni tempore cœeunt, ita quoque statim tempore partum edunt: Nonnullorum tamen & cœeundi & pariendi tempora, æquè ac Hominis, incerta sunt ac varia; velut plerisque usu venit, quæ domestica appellantur, & cum hominibus degunt: Variis enim temporibus hæc ipsa venerem exercent & pariunt: rationem desumit Harvæus à pabuli copia, & inordinata præter naturæ morem lascivia; alii, in Homine quidem, phantasiæ insuper, ac variis animi affectibus, hîc aliquid attribuunt. Talibus autem partus difficiliiores sæpe & periculosiores solent obvenire. Quod si tempus à coïtusupputetur ad Partum, quod tempus *gestationes* dici solet, id planè *incerto spatio* Plinius, ac cum eo multi alii, definiunt. Ex quo fundamento L. Papyrius Prætor (ut auctor est Massurius, test. Plin. cit. loc.) *secundo hærede agente, bonorum possessionem contra eum dedit*; cum mater partum se tredecim mensibus diceret tulisse; quoniam, inquit Plin. *nullum certum pariendi tempus statutum videretur*. Atque hinc Lex apud Britannos adhuc viget, teste Spiegel. *de incert. temp. part.* (quæ cautamne dicam

dicam vel incautam eorum bonitatem monstrat,) *ut maritus jubeatur prolem agnoscere, heredemque habere, anno post aut amplius natam, quam ipse ultimo ab uxore discesserit.* Atque ita Parisienses, referente *Spigelio ex Gotofredo*, viduæ approbarunt partum decimi quarti mensis, propterea quod hæc apud mariti qui obierat propinquos & hæredes vixisset, diligenter ab horum uxoribus custodita, quæ idcirco de intacta ejus pudicitia post partum testimonium præbere erant coactæ.

85. Certè *Arist. 4. de gen. anim. c. 4.* similiter incertum variumque à Conceptione pariendi tempus concessum hominibus, inculcat. Ac 7. *Hist. anim. c. 4.* cum cætera animalia omnia, inquit, singulari ac simplici modo partum suum perficiant, (unum enim pariendi tempus statutum omnibus est;) Homini uni multiplex datum est: Nam & septimo mense, & octavo, & nono parere potest, & quod plurimum, decimo; nonnullæ etiã undecimum tangunt. Fœtus autem, qui maturius quàm septimo mense prodeat, nullo pacto vitalis est, inquit. Qui verò mense octavo nascuntur, in Ægypto quidem, & quibusdam aliis in locis, ubi mulieres fertiliores sunt, vivere & adolescere posse, ait; in Græcia verò non nisi paucos servari: indeque fieri, ut si quis

quis fervetur, non octavo mense natus existimeretur; sed mulierem sui conceptus initium latuisse. Simili modo, qui undecim mensibus diuturniores sunt, latere putantur, inquit: Latet enim mulieres conceptus initium, si, cum ante inflatus fuerit uterus, ut sæpe accidit, post coierint. & conceperint. Hoc enim principium esse sui conceptus existimant, quod simile indicium attulit.

86. Pinæus item, Opusc. lib. 2. c. 4. Tempus pariendi in mulieribus omnino incertum esse, attestatur Aristoteli. Nam à septimo ad decimum, ambobus exactis scilicet, maturi fœtus eduntur, inquit, ante septimum verò abortus tantum vocantur, & ante fœtus formationem effluxus. Spigel. verò, peculiari Epistola de incert. temp. partus, & citra septimum mensem, & ultra undecimum longius, tempus pariendi extendit: Cæterum tempus partus aliud naturale esse, aliud præter naturam ait: Naturale partus tempus illud appellat, quod terminum habet à septimo mense usque ad decimum, fortè etiam undecimum, inquit, quia Arist. cit. loc. ait, mulieres nonnullas undecimum mensem attingere: Tempus autem præter naturam illud statuit, quod ante septimum, & post undecimum mensem, solet nonnunquam, etsi raro, contingere. In hoc præcoces partus, qui ante septimum fiunt, ab
abortu

abortu distinguendos monet. Et varia quidem exempla producit eorum, qui *quinto* vel *sexto mense* vitales nati fuerint; quorum & nonnulla refert *Harv p. 357*. Pluraque videri possunt apud *Schenck. lib. 4. Obs. 152. 153.* Ipsum verò Aristotelem quodd dixerit, *foetum qui maturius quàm septimo mense prodit, nullo pacto vitalem esse*, excusat Spigel. hâc ratione: quodd, cum id rarissimè contingat, in tanta hominum multitudine, nasci nempe hominem sexto mense, *nunquam* contingere Philosophus dixerit; aut sanè non naturaliter sed ex accidenti: Similiter post *undecimum mensem* natos vitales fuisse multorum quoque & Veterum & Recentiorum narrationibus comprobari ait.

87. Et quamvis profiteatur Spigel. se nullum adhuc habere exemplum, foetum maturum *duodecimo mense* in lucem prodiisse, id tamen præter naturam accidere posse non negat; quin & *ultra duodecimum mensem*; *decimotertio*, *decimoquarto*, *decimoquinto*, prorogari aliquando partum, ex aliis tum Veteribus tum Recentioribus admittit: nonnullaque refert ex Auctoribus ejusmodi partuum exempla: Ac insuper ex manuscripto quodam codice, refert, *Bellocatum* Patavii Excellentiss. Medicum aliquoties in publicis Lectionibus

nibus narraſſe diſcipulis ſuis, ſororem eruditiffimi Viri Buccellæ Patavini, per ſexdecim meſes uterum tuliffe. Atque Harv. de Part. (p. 358.) Fuit proſectò non ita pridem apud nos mulier, inquit, quæ ſœtum in utero ſedecim ampliùs meſibus geſſit, eumque ultra decem meſes (pluribus ejus rei conſciis) huc illuc variè ſeſe commoventem ſenſit, tandemque vivum peperit. Quin &, obiter attingit Spigeliuſ exemplum monſtroſorum partuum, viginti trium meſium, & duorum imò etiam quatuor annorum, quorum mentionem facit Hieron. Mercurial. in Conſiliis. Quod autem dixerit Ariſt. eos qui diuturniore tempore quàm undecimo meſe naſci videntur, latere putari, &c. id excuſat, quaſi ea non ex ſua ſententia, ſed ex aliorum potiùs experimentis, dixerit: Eumque locum Ariſt. deſumptum eſſe, inquit, ex libro de ſeptimeſtri partu; quem alii ad Hippocratem; alii ad Polybium autorem referunt.

88. Equidem Hipp. de genit. pueri (non de ſeptim. Part. ut citat Spigel.) poſtquam dixit, Puerum membranas decimo meſe perrumpere, quando matri partus inſtat, addit quidem, Quòd ſi vis quædam puero contingat, etiam ante præſinitum tempus ruptis membranis foras prodiit: quin etiam, inquit, ſi alimento à matre priùs deſtituatur, ſic

sic quoque ante tempus matri partus ingruit, & ante decimum mensem puer egreditur. Verum subjungit, si quæ autem ultra decem menses utero gestare sibi visæ sunt, (quod jam sæpe audiui, inquit,) eæ hoc, quem referam, modo fallunt. Cum uteri à ventre flatum suppeditante spiritu distenduntur & intumescunt, (id enim contingit,) tunc mulieres se concepisse existimant; Et si menses minimè prodeuntes, longiorem moram fecerint, &c. tunc, in tumorem sublati uteris, mulieres utero sibi gestare videntur: Cum vero postmodum conceperint demum, harum rationum ac rerum ignaræ, eo tempore se concepisse reputant, quo menses suppressi erant, & uteri intumuerant.

89. Atque ita Hippocrates eandem quidem quam & Aristot. quâ fallantur mulieres quandoque, sese gravidas existimantes, quum tamen non sint, causam dudum retulit: At ille tamen verum tempus partus non ultra decimum mensem extendit; Aristoteles verò undecimum designat: ut aded hic non planè illa, quæ protulit. ex mente Hippocratis, atque ex illius scriptis seu experimentis desumpsisse, dici queat.

90. Nec verò est quodd hic excipiat Spigel. Posse uterum inflatum decipere mulieres ignaras signorum verorum conceptionis; at gnaras; non facile: Quam enim obscuræ sint

sunt Conceptionis seu Gestationis signa; præsertim primis mensibus, passim notum est. Ac refert *Harv. p. 360.* (qui tamen ipse cum Spigelio gestationis tempus in decimum sextum mensem, & ulterius, extendit,) se novisse matronam nobilem, quæ plus decies enixa fuerat, quamque menstruum suppressio citra prægnationem nunquam fefellerat; postea autem alteri denuptam, præter alia signa solita, ex motu quoque (quem ipsa, sororque ejus juxta cubans, sæpe noctu sentiebant,) sese gravidam judicasse, neque ab ea opinione ullis argumentis dimoveri potuisse, donec tandem spes omnis in flatus & pinguedinem facesseret. Ut jam omittam Juvenculæ exemplum itidem ab *Harv. cit. loc.* allegatum quæ symptomata omnia prægnantes comitari solita experiebatur, ipsumque in utero motum; jamque indicia imminētis partus adesse rata, cubile, incunabula, cæteraque ad partum necessaria, in procinctu habuit: sed frustra omnia: motus enim cessasse, & ventrem detumuisse absque ulla ægritudine.

91. Cœterum, est item alia, quâ fortè homines decipiantur circa tempus parus seu gestationis, ratio, quòd nempe subdolæ ac fraudis plenæ meretrices, suis in-

is inhiantes commodis, dum sibi Juvenes, quos ambiunt arctiori nexu devincere allaborant, & ad conjugale fœdus cogere, se gravidas prætendunt; quæ si deinde alios admiserint, ac ita demum post conceperint, diutius gestasse utero, sub dejectionibus, conantur persuadere. Similiter, si quæ lascivæ viduæ, post obitum mariti illico veneream libidinem exercent, gestationis tempus longius, præ animi mœrore quasi ortâ morâ, crimini prætereundum quandoque non verentur. Actales certè ipsam etiam custodiam quandoque suis fraudibus eludunt.

92. Quicquid sit, sanè si præter *septimum, octavum, nonum, decimum, menses*, non sunt alii quibus legitimè fœtus humanus in lucem prodire possit, utique rectè erit legibus Imperatoriis sancitum, solos prædictis mensibus natos, legitimos censerì debere bonorum paternorum hæredes; cæteròs verò spurios & ab hæreditate excludendos: Sin etiam spatio *duodecim, tredecim, quatuordecim, quindecim mensium* ferre mulierem posse dicamus; vel etiam *quinto sextove* mense vitalem fœtum edere; reprehendendus sanè, iudicio *Spigeli*, nostroque, *Ulpianus* qui post *decimum mensem* editum nullum ad legitimam hæreditatem admittit; tum alij, qui
 si fortè

si fortè contingat à primo nuptiarum die, *sexto mense* nasci infantem, oppugnant pudicitiam honestarum virginum & viduarum, renuntiantes iis repudium, quas firmiter credunt ante primum mariti congressum ex alio concepisse.

93. Nec video profectò, quo jure *Harvæus Spigelium*, talia unà nobiscum statuentum, arguere nitatur, quasi immeritò Jure consultum reprehenderit, cum ipse etiam ad *decimum sextum mensem* gestationis tempus prorogari posse, historiâ peculiare à se observatâ, conetur declarare. Pro Excusatione quidem *Ulpiani* infert *Harv.* leges & præcepta artium, actionibus vitæ rectè ordinatis ut plurimum adaptari: quod quidem verum est de actionibus, in quibus spontaneum & invitum locum habere potest; operationes autem naturæ, quæ arbitrio nostro subjectæ nequaquam sunt, id neutiquam concernit.

94. Nostra equidem sententia de *gestationis tempore*, ne a symboli tandem hinc discedamus, hæc est, Quamvis *ordinarium naturæ tempus*, quo partus oriatur, sit *decimus mensis*, ut item ab *Hipp.* definitum est; posse tamen omnino *sexto* saltem *mense* (si non antè,) vel *septimo*, vel *octavo*, vel *nono*, etiam, maturum foetum in
lucem

lucem excludi. *Maturitatem* autem *fœtus* non illam intelligimus, quæ exactissima sit, quæque in fœtu optimè sano, ac naturali tempore in lucem progenito, observatur; sed quæ latioribus terminis contenta, eam saltem perfectionem ponit, quâ fœtus in lucem editus per plures dies, vel menses, vel annos, supervivere queat: quamvis non per omnia completus in hanc mundi auram prodierit: (Cum enim vitâ propriâ in utero vivat fœtus, ipsumque conformationis principium internum habeat in se ipso, robusta quidem natura quandoque defectum, qui in nativitate etiamnum adest, etiam extra uterum potest supplere.

95. An autem fœtus quandoque *ordinarium tempus*, seu *decimum mensem*, *gestatione sui in utero transcendant*, in eo sanè major existit difficultas: *Ordinario* quidem illo tempore Naturam crisin, quæ ad partum tendat, moliri existimamus, sive perfecta ea oriatur, sive imperfecta sive ad salutem, sive ad mortem; Fieri autem potest quandoque, ut post tentatam crisin non succedente fœtus exclusione, mater & fœtus in vivis supersint, ac hæreat etiamnum ad tempus in utero fœtus, donec novam excretionem natura moliatur, fœtusque cum natura cona-

men intendar. Id verò eo duntaxat casu evenire posse existimo, cùm etiamnum copiosi humiores intra Amnion circumfluunt foetum, ipsumque liberiores respiracionem arcent; quam sensim imponere necessitatem partui superius dictum est.

96. De mensium porrò quantitate, eorumque computatione, ad præfinitum pariendi tempus, hic quædam subjungenda forent, nisi instituti ratio calamum ultrò currentem juberet inhibere, filumq; abrumpere. De hisce videri possunt *Spigel. cit. Epist.* non longè ab init. *Lalamentius comm. in libr. de Septimest. & Octim. Partu, Sennert. libr. I. Inst. c. 10.* prope finem; qui & in genere de Partu pluribus differit *Præst. libr. 4. part. 2. sect. 6. c. I.*

97. Restant tandem consideranda nonnulla *partum consequentia.* Ac primo quidem post Partum, seu post Exitum foetus & secundarum, sequuntur *purgamenta partus*, quæ græcis *λόχεια* seu *λόχεια* vel *λοχεία* dicuntur, velut *λοχεία & λοχεία* (subintell. *καθαρσις*,) *purgationem* ipsam significant quibus vid. *Foëssii Oecon. Hipp.* Quamvis & nonnulli per *Lochia*, latiori significatu, id omne intelligant, quod occasione partus ab utero, sive ante editum

tum

tum infantem, five post, profluit; ita ut etiam τὸ αἰσφορῶν, seu *Aquas*, quæ instante partu exeunt, (*Primitiæ* dicuntur, ac ipsius foetus collectæ *urinae* & *Sudores* à plerisque censentur,) eo nomine comprehendant. Solæ autem *Mulieres*, ut *menstruis*, ita etiam *Lochiis* abundant: indeque non rarò *puerperia* *difficilia* ac *periculosa* patiuntur.

98. Sunt autem *Lochia*, seu *purgamenta partus*, primò *cruentus* quidam *humor* seu *sanguis* ipse, deinde *humores saniosi* & *ichorosi*, ac denique *mucosi* & *albi*. Hipp. tamen hæc quandoque distinguit: veluti cum *libr. de Natura pueri*, prope finem, *Post hæc* (nempe *umbilicum* & *secundas*, quæ post foetum ipsum foras prodire docuerat) *humor exit sanguineus ὁδῶς αἱματώδης*, (perperam autem pro ὁδῶς legitur ὁδῶν in exemplari Græco Basil. ad cuius edit. *Oecon.* *Foës.* est confecta, à capite & reliquo corpore vi doloris & caloris secretus, qui viam facit τῇ τῶν λοχίων ἐξόδῳ *Lochiorum purgationi*: (sic ergo à sanguine primùm prodeunte, *Lochia*, discernit:) Et subjungit, post exitum autem τῆς ἰχόρος *saniosæ materiæ*, (quam propriè *Lochiorum* nomine videtur indigitare (fit purgatio) καὶ θωροσιν jam simpliciter ponit,) tempore quo antè dictum est, Sicque per purgationem

à partu simpliciter nominatam , (quam , si foemella sit suscepta , quadraginta duobus diebus ; si masculus , diebus triginta contingere , ante exposuerat ,) *mucosi & albi humoris effluuium* videtur intelligere.

99. Ac de sanguine quidem , primò post partum , (ac sub ipso partu) prodeunte , inquit eodem libro (mihi p. 192.) *Prodit autem veluti à victima sanguis , si bene habeat , & bene habitura sit mulier , citòque concrescit : quod si neque rectè valeat , neque sana futura sit , purgatio tum parciore , tum specie deteriore prodit , neque cito concrescit .* Ubi jam etiam purgationis nomine ipsam sanguinis à partu excretionem intelligit. *Causam autem hujusce sanguinei profluvii indicat , cum humorem sanguineum à capite & reliquo corpore , (hoc est ex ipsis vasis per totum corpus commeantibus ,) fecerni ait , vi doloris & caloris , qui nempe ex totius corporis , omniumque partium , valido conatu proficiscitur : Atque hinc , veluti minores dolores sentiunt quæ magis parvus expertæ sunt , quàm quæ primum pariunt , docente cit. lib. Hippocrate ; ita quoque puerperii purgamentis maxime laborant , quæ primos partus expertæ sunt ; & quæ minùs sæpe , quàm quæ sæpius peperère , magis conflantur .*

100. Sanè, *sanguis* ille in partu ac post partum non profluit, quòd vasa infantis ac secundarum, à vasis materni corporis abrupta ac divulsa sint; quippe ea ne quidem conjunctionem inter se habent, ut jam antè ostendimus: ac quando conceptus jam grandior factus, jamque utero adhærescens, ab utero animalis a vellitur, non profluit sanguis ex utero, ejusque carunculis, (in quibus nempe mucosus quidam humor deprehenditur;) sed profluit à vasis ipsius conceptus, quod etiam in præcedentibus per observata docuimus: Qui ergo *sanguis à matre post partum profluit*, meritò censetur ob partus dolorem ac calorem, adde conatum totius naturæ vehementissimum, vi quadam & compressione partium validà ad uterum contendente, ex uterinis vasis exprimi: durat autem illa sanguinis per uterum excretio, quamdiu nondum quiescit illa quasi fermentatio in corpore suscitata, quæ ad partum, ceu ad crisin quandam, naturam stimulabat, ut superiùs expositum.

101. Prout autem illa quasi critica agitatio in corpore minuitur, ita quoque sanguis paulatim dilutior redditur; utpote minori quantitate humoribus ichorosis (ut putant) seu potiùs aquoso lacti, (quod pro nutrimento fœtus afluebat,)

eiusdemque crassamentis quibusdam, circa uterum atque in uteri substantia collectis, permixtus: donec tandem sanguinis profluvio cessante, nec seroso lacte amplius tam facilem per uterum inveni-ente exitum, indeque sensim magis magisque ad mammas confluyente, mucosa quædam substantia, diuturnâ morâ in lacteis ductibus ad uterum pertingentibus inspissata, prodeat aliquandiu, usque dum ad naturalem suum statum uterus reversus fuerit. Atque ita fit, quod ut ait Harv. *Per Lochia emanet primò sanguis purus; postea saniosus, recentis carnis loturæ similis; deinde ichorosus (vel potius, aquosa lacti similis liquor) mulierculæ nostræ LACTIS PROVENTVM nominant*, inquit, *cum Lochia non amplius sanguine tincta conspiciuntur.*

102. Ex dictis manifestum est, non esse aded admirabile, (ut existimat *Fabr. ab Aquapend.*) nec verò humani ingenii captum superare, tantum uteri molem (cujus substantia cum incremento foetus crassitiem majorem nacta est, de qua re egimus rationemque reddidimus *Diff. de parv. nat. part. 2.*) tam brevi tempore, nempe quindecim aut viginti dierum spatio, tantopere detumescere; nec verò hîc quoque Jupiter ἀπὸ μίανης adducendus,

dus, quòd, ut in hoc negotio ait Harv.
 p. 373. *Iovis plena sint omnia, & natura Numen ubique præsens cernatur.* Naturalem
 causam rectius exprimit ipse Harv. p. 377.
 ubi uterus, inquit, statim ab excluso fœtu
 & secundis, sese sensim colligit, cervicem ar-
 etat, atque interiora versùs in locum pristinum
 se retrahit; & partim per diaphoresin insensi-
 biliter minuitur, partim in lochia solvitur: par-
 tesque omnes vicinæ, ossa, venter, totaque re-
 gio hypogastrica simul constringuntur & firman-
 tur. Est utique intumescentiæ uteri,
 (quæ cum incremento fœtus illius sub-
 stantia increascescit,) longè alia quàm
 aliorum tumorum ratio; quippe in ea
 non expectatur humoris alicujus con-
 tenti concoctio, nec post partum ampli-
 us conclusus hæret humor, sed secundis
 cum fœtu evulsis, sponte suâ effluit at-
 que exstillat humor, qui in spongiosa
 uteri substantia erat congestus, ac qui
 eodem porro delabitur.

103. Quod autem Tempus purificationis
 attinet, id quidem ex lege Mosaica Lev.
 12. in iis quæ marem pepererunt quadra-
 ginta dierum est; quæ foemellam, octua-
 ginta. Nec verò est, quod cum Gl. Lin-
 dano Disp. Physiol. 47. §. 15. id tempus ce-
 remoniale fuisse dicamus; purificationem
 verò tam diu non durasse: sed potius, ve-

lut Hebræorum virginibus ordinarium fuit in primo coïtu sanguinis profluvium, quod pro certa virginitatis nota habebatur, *Deut. 22.* secus atque in hisce regionibus & nationibus id haberi potest; ut exposuimus in *Anat. parv. natur. part. 2. §. 189. & seqq.*) ac velut Orientalibus fœminis passim Nymphæ, Clitoris, (uti & Viris præputium) magis luxuriant, ut eodem tractatu suis locis tradidimus; ita vero similis est, *Lochialem purgationem* Hebræorum Fœminis, ac aliis item Orientalium nationibus, fuisse diuturniorem. Interim tamen longissimum illius purgationis terminum in Lege fuisse expressum, quem non omnes, quin imò paucæ fortasse, attingebant, nulli dubitamus.

104. Nimirum sic & *Hipp. lib. de nat. pueri*, *Purgatio à partu*, inquit, *fit mulieribus ut plurimum, iis quidem quæ fœminam susceperunt; duobus & quadraginta diebus; eaque ut maxime diuturna est, inquit, ita perfecta est. Extra tamen periculum fuerit, si etiam quinque & viginti diebus purgetur. In Mascululo vero purgatio diebus triginta contingit; sicque cum longissima, perfecta est: quæ tamen extra periculum posita fuerit, si diebus viginti perseveret. Postremis vero diebus quàm minima purgatio procedit. Quin & juniores, inquit,*

quit, paucioribus diebus, seniores verò pluribus repurgantur.

105. Hanc Hipp. opinionem veram non esse, vel saltem hîc veram non esse, urget Plempius, citante Lindano, cùm quædam solùm decem, quædam octo, imò duntaxat tribus aliquæ purgentur, sive puellam sive masculum excluserint. Similiter Scalig. Comm. in Arist. Hist. Anim. lib. 7. c. 3 falsum id esse: Nulla enim mulierum nostratum, inquit, plus mense purgatur post puerperium: multæ quinto aut decimo die absolvuntur; quædam etiam septimo: vidimus etiam quæ tertio, etiam editis fœmellis. Sed non animadvertunt præclari Viri, primò, Hippocratem hîc ultimum terminum purgationis exprimere, quem paucissimæ attingunt; deinde, non intelligere per purgationem solùm sanguinis seu humoris sanguinei profluvium, sed & τὴν ἰχθυήσαντα saniosæ materiæ, & denique purgationem, simpliciter ipsi ita appellatam, nempe mucosi & albi humoris effluxum: qui sanè etiam nostratibus quandoque non modò ad mensem integrum, sed & diutiùs perdurat.


106. Non rarò post partum dolores uteri accidunt, quos nostrates mulieres vocant de Nae-wee: sunt nempe enixus posteri, quibus uteri conatus ad expulsionem conti-

uatur, fiunt autem non quòd uteri cervix post partum se modicè contrahat, & propterea sanguinis grumi cum difficultate aliqua prodeant, ut censet *Harv.* sed quòd in grumos difficilius exeuntes uterius insurgat, & quasi novum pariendi conatum instituat: unde reverà agnoscente ipsomet *Harvaeo*, res omnis in vado esse creditur, & esse solet; cùm indicium sit roboris & firmitatis uteri, sese non modo facilè in situm debitum colligentis, sed & expellentis ea quæ noxia sunt: quo fit ut Lochia promptiùs procedant, & sanitas citiùs recuperetur.

107. Quandoque *præternaturalia symptomata* partum consequuntur: quod vel uterus intempestivè colligatur, ex imbecillitate quadam, vel non promanent Lochia, vel præter naturam depravata sint. Sæpe accidit, ut Lochia intus detenta, corrupta & foetentia febrem aliaque sæva symptomata, inducant. Quandoque per placentæ separationem excoriatur uterus; hinc inflammatio, ulcus, aliaque mala. Subinde & Placentæ nonnihil utero annexum relinquitur, quod corrumpitur, ac lochia malè olentia, virescentia, & cadaverosa promanare facit; quandoque sphacelismum tepentinamque necem infert. Ex partu *exulcerati uteri* mentio-

mentionem facit *Hipp. lib. I. de morb. mulier: oris item ulcerati & inflammatione tentati*: Ac plura symptomata recensens, si ex partu uteri inflammationem conceperint, inquit, febris levis corpus detinet, & oculorum caligo adest: ventrem verò incendium nunquam deserit; siti & coxendicum dolore vexatur; imus venter vehementer intumescit: & alvus turbatur; dejectio mala est & graveolens, vehementis febris invadit, cibi fastidium detinet, & ad synciput dolor pertingit: Ac nisi confestim curentur, plurimæ intereunt. Sed hisce tandem iis quoque, quæ de Partu dicenda proposueramus, finem imponimus. Deo ter Opt. Max. incomprehensibili ac sapientissimo, admirandæ hujusce cùm minoris tum & majoris Mundi structuræ Artifici ac Conditori, cujus sapientiam non capimus, Potentiam veneramur, Bonitatem prædicamus, sit laus, honos, & gloria, in sempiterna sæcula!





ANTONII DEUSINGII

Med. ac Philos.

CURÆ SECUNDÆ

De

Generatione & Nutritione.

1. The first part of the paper is devoted to a general discussion of the problem of the existence of solutions of the system of equations

$$\frac{dx}{dt} = f(x, y, z), \quad \frac{dy}{dt} = g(x, y, z), \quad \frac{dz}{dt} = h(x, y, z),$$

where f, g, h are continuous functions of x, y, z and satisfy the conditions

$$f(x, y, z) = O(\sqrt{x^2 + y^2 + z^2}), \quad g(x, y, z) = O(\sqrt{x^2 + y^2 + z^2}), \quad h(x, y, z) = O(\sqrt{x^2 + y^2 + z^2})$$

as $x, y, z \rightarrow 0$.

The second part of the paper is devoted to a study of the stability of the solutions of the system of equations

$$\frac{dx}{dt} = f(x, y, z), \quad \frac{dy}{dt} = g(x, y, z), \quad \frac{dz}{dt} = h(x, y, z),$$

where f, g, h are continuous functions of x, y, z and satisfy the conditions

$$f(x, y, z) = O(\sqrt{x^2 + y^2 + z^2}), \quad g(x, y, z) = O(\sqrt{x^2 + y^2 + z^2}), \quad h(x, y, z) = O(\sqrt{x^2 + y^2 + z^2})$$

as $x, y, z \rightarrow 0$.

P R Æ F A T I O

Benevolo lectori S.

UNdecimus jam annus est, à quo in Lucem publicam emisi primum meam Microcosmi Genesin, seu de Generatione Fœtus in utero Dissertationem: quam, siue novitate quadam (cujus mens humana avida esse solet,) atque curiositate (quæ assidua consuevit esse comes scientiam sitientis animæ) siue iudicio quâdam atque tacito applausu animorum, ita expetitam deprehendi, ut eandem recudendam pridem urserint Amici, ac institerint Typographi ob Exemplarium defectum. Biennio post editam prædictam Dissertationem prodire in lucem Excellentissimi Viri D. Joan. Claudii de la Courvæ Vesulani, Regina Polonia & Suecia Medici, de Nutritione Fœtus in
utero

utero Paradoxa, ingeniosa omnino, at verè paradoxa, si palmarium ipsius Argumentum spectemus, seu Nutritionis rationem quâ saltem negatur alimentum ad Embryonem Fœtumque per venas umbilicales pertingere. Quoad cetera interim non pauca in iisdem consideratione dignissima passim occurrunt, plurimæque olim à nobis traditis congrua. Hujus Pereximii ac Celeberrimi viri opiniones nonnullas, quæ non Paradoxa modò sed veritati adversæ atque absona videntur, opere pretium duxi, dum denuo hæc nostra prodire permisi, amicâ disquisitione expendere proprius, at interim non nisi veritatis è tenebris in lucem eruenda studio & affectu id opera aggredior: quod tuo judicio, Benevole lector, lubens submitto. Vale, ac meliori conatui atque laboribus fave.

P A R S I. DE GENERATIONE.

S E C T. I.

De Generatione in genere.

Generationem esse nutritionem primam; ac Nutritionem esse generationem continuam, statuit Vir Excell. *Parad. part. 2. cap. 1.* Ex quo Dogmate Clariss. D. Charleton occasionem arripuisse videtur (in *Oecon. Animal Exerc. 1.*) præter rationem asserendi non modo Nutritionem nihil aliud esse quam continuam id est singulis momentis renovatam Generationem; sed etiam Formam dare (id est Generare,) & Nutrire, actus esse non solum ejusdem Animæ, sive ab eodem principio fluentes, ast etiam nisi unum idemque sint (quod ipsi verisimillimum est,) inter se adeo consimiles, ut arduum sit eosdem ab invicem distinguere. Sed de hoc Clariss. D. Charletonis errore pluribus egi in *Exercit. de Nutrit. sect. 1.* ubi, quo sensu admitti queat, Nutritionem nihil aliud esse quam continuam Generationem exposui § 25. At interim reverà Generationem cum Nutritione nequaquam con-

confundendam esse, pluribus ostendi *ibid.* *Sett.* allegatâ totâ ; quin & reverâ *Generationem primam* tempore priorem esse *Nutritione*, demonstravi *ibid.* § 14.

Similiter perperam *Courvæus* *Generationem* esse *Nutritionem* primam asseruit : Utrique *Nutritio* prima à *Nutritione* *continuata* essentialiter non differt : At *continuata Nutritio*, ut ut *Generatio* quædam *secundaria* dici queat, quatenus nimirum est substantiæ similis ad similem substantiam *aggeneratio* ; nequaquam tamen hæc ipsa cum *Generatione prima*, quæ in staminum ac rudimentorum variarum partium inter se dissimilariū *delineatione* consistit, confundenda est ; à quâ utique & ipsa *Nutritio prima* eorundem staminum ac rudimentorum jam constitutorum discernenda est. Rectius hanc veritatem agnovit ipsemet *Courvæus*, *Parad. part. cit. cap. 6.* (pag. 91.) ubi disertè *Generari* dicitur, inquit, *cujus nondum est aliquid præexistens ; nutriri autem & crescere, quod prius extitit* : Ac *ibid.* improbat sententiam *Harvæi*, quâ urget, non simul omnes corporis partes, sed successive (seu per *ἐκβολήν*, vel augmentativam nutritionem) generari ; Ac quod dicit *Harvæus* facultatem pulli formatricem materiam sibi potius acquirere, ac parare, quàm paratam invenire, id quidem verum

verum esse, inquit *Courvaus*, & intelligi debere, quoad *augmentum*, non autem quoad *delineationem*, & *prima rudimenta* partium: *Prima rerum stamina* (quæ nempe per ipsam generationem delineantur ac constituuntur, quæque nutritionem omnem & augmentum præcedunt, seu quibus nutritio atque accretio mox supervenit,) in *generatione invisibilia sunt*, inquit, *sed crescendo visibilia redduntur*. Cæterum *Generatio*, si latè sumatur, complectitur omnem illum actum, sub quo & *Conceptio* ipsa, & *Generatio prima* (seu ipsa stamina ac rudimentorum delineatio,) & subsequens *Nutritio* atque *Accretio* (quæ *ἐπιγενεσις*, seu *Aggeneratio* quædam est, ac quasi *secundaria generatio*, seu *Generationi primariæ* superveniens quædam continua productio) & denique *Partus* ipse, seu ipsius *Fœtus* in lucem exitus, (qui est *Generationis terminus*.) continetur. Strictius denotat *Generatio* tum stamina delineationem, tum eorundem in utero perfectionem ac complementum; quæ aded *ἐπιγενεσις* quandam unà involvit. Strictissimè ac propriè, prout à *Nutritione* distinctus quidam actus est *Generatio*, in *prima rudimentorum partium præcipuarum delineatione* consistit, quam ipsa *formatrix facultas*

in femine seu Natura, spiritus ministerio utens, juxta ideam divinitus à rerum omnium conditore sibi impressam, constituit.

SECTIO II.

De Materia Generationis, ac Conceptu.

CIrca Conceptus materiam non contempnda difficultas est: Ingenue Excell. D. Courvaus Paradox. part. 3. c. 2. (p. 169.) Ego quidem, inquit, ut ingenue fatear, nihil aliud in hac materia compertum habeo, nec usque ausus asserere, nec usque ausus denegare, semen utriusque (maris & foeminae,) in utero misceri, & esse hac mixta semina materiam, ex qua compingitur foetus; sed constanter nego, inquit, sanguinem menstruum esse principium tale, ut ex eo, tanquam ex materia, compingantur partes pueri. Equidem, quod Sanguinem menstruum attinet (quem Arist. conceptus, materiam constituebat, in quam nempe semen masculinum coaguli in modum ageret,) illum abundè omni in generatione loco deturbavimus part. 1. sect. 1. Dissert. de Gen. Fæt. quin &, ne quidem nutrimenti Foetus rationem habere, pridem antè ostendimus Dissert. de lacte sect. 4. Rejecto itaque Sanguine menstruo, de peculiari quodam

Semine

Semine Fœmineo, ceu genuina conceptus materia, saltem partiali, inter *Couroæum* atque nos convenit; sed dubium remanet, an cum hoc ipso *masculinum semen* materialiter concurrat, atque ita semen utrumque maris & fœminæ pro conceptu constituendo misceantur in utero, ibidemque non modò efficientis principii, sed & materiæ rationem obtineant, ut voluit *Galenus*? *Harvæo* quidem id pernegante, atque semini masculino non nisi causæ Efficientis, à quâ fœcunditas corpori muliebri ac per consequens hujusce semini post demum in uterum confluxuro concilietur, rationem tribuente; *Couroæo* hîc nihil definiente. *Nihil profectò*, inquit *Harvæus Exerc. 31. in conceptu, aut ovo invenies, quod semen maris ibidem contentum aut permistum arguat.* Quin imò *Exerc. 67.* In canibus, inquit, cuniculis, aliisque plurimis animalibus, expertus sum, nihil prorsus in utero post coitum per aliquot dierum spatia reperi, adeò ut exploratum habeam, in viviparis quoque, (quod suprâ de oviparis constitit,) nec ex spermate maris aut fœminæ in coitu projecto, nec ex ambobus simul mixtis, (ut Medici volunt) oriri fœtum; neq; ex sanguine menstruo, tanquam materia, ut *Aristoteles* censuit, neque

neque protinus à coïtu conceptus aliquid necessario constitui : Et proinde haud verum, inquit, in coïtu prolifico materiam aliquam in utero paratam adesse, quam masculini seminis virtus, coaguli instar coquat, coagulet, & efformet, nihil enim omnino per dies complusculos inesse cernitur. Hæc *Harveus*. E contra verò *Galenus* æquè suis niti videtur Experimentis ; quibus omnino *semen masculinum in feminarum* utero contineri, siquidem hæ concepturæ sint ; contendit : Sic namque *lib. 1. de Sem. c. 2.* non modò ex aliorum diligentissimis observationibus refert, eo tempore in foeminis animantibus, cùm essent concepturæ, semen contineri ; sed ex propria insuper experientia confirmat, sicut nullum ex iis animalibus, quæ semen masculinum excernunt, seu sinunt effluere, concipit ; ita omnia, quæ continent, gravida effici. Nec contentus observatione circa bruta animantia habitâ, mulieres se adiisse refert (quæ nempe maxime id quod in ipsis contingeret, percipere posse viderentur.) atque eas interrogasse, idemne in ipsis quod in brutis animantibus eveniret ? Eas verò sibi dixisse testatur, quandam se in vulva motionem sentire, quæ quasi convellat, ac paulatim

in

in se illam contrahat: Imò etiam hoc ipsum, quod dicunt, *concipere semen*, & nomen hoc *conceptio*, id est *comprehensio*, hinc à mulieribus fuisse impositum, existimat. Arduum fortè erit tam pugnantes inter sese (ut videntur,) *Galenii* atque *Harvæi* observationes conciliare, quæ utique *ὁ δὲ δὲ παρὰ τὸν* ab invicem dissentire videntur. *Courvæus* equidem (pag. 169.) quamvis prædictæ observationes *Galenii* videantur omnino dissonæ ab observationibus *Harvæi*, nihil quicquam tamen contra facere, censet: Nam respondebit iste (*Harvæus*) inquit, semen virile retineri quidem; sed impressa utero qualitate vivifica, illico evanescere, & in flatum verti, ut dicebat *Aristoteles*: adeò ut si die sequenti uterum diffecueris, nec quicquam seminum restare, nec ovi vel conceptus inchoati quicquam, liceat deprehendere: quippe (ex *Harvæo de conceptione* hæc addit,) *nihil in eo post coitum invenies, genitura enim maris brevi vel elabitur vel evanescit*. Verum ad mentem *Harvæi* non probè attendit: *Courvæus*: Neque enim semen, iudice *Harvæo Exercit. 30. aut genitura potius, à mare in coitu proveniens, ullo modo uterum ingreditur*; veluti ipsemet *Courvæus* allegavit pag. 166. Sanè, quod *Galli* genitura in uteri cavitatem non ingredia-

grediatur, nec ingredi queat, evidentissimè ostendere videtur *Harvæus Exerc. 6.* etiam adducto pro hâc sententia sua comprobanda testimonio *Fabrit. ab Aquapendente*: Quin &, in nullo alio animalium genere semen maris in uterum recipi *Exerc. 67.* in fine, & alibi, per sua observata conatur comprobare. Sed si admittendum fortè, semen virile recipi in uterum, siquidem interim evidenti αὐτεψία certissimum deprehensum est, id ipsum in utero non remanere, sed receptum quidem mox fortè πρὸς μὲν ἑαυτὴν, καὶ ἀπὸ τοῦ ἑαυτὴν in flatum seu spiritum verti atque dissolvi, ut *Aristoteles* volebat, (quem impugnare instituit *Galen. 1. de Sem. cap. 4.*) quonam diffundi ille spiritus censebitur? per quosnam meatus ex utero exire? si quidem per orificium uteri nequaquam erumpit? An hic *Whartoni* amplexeremur sententiam, qui *Adenographiæ cap. 33.* *Tubas uteri* huiusce spiracula quædam esse censet; easdemque in coïtu portumem prolificam virilis seminis in se rapere? Certum esse arbitratur *Whartonus*, eas aliquid ab utero excipere. Quippe observasse se refert. in dissectione equæ gravidæ, *Tubas Fallopianas* plurimis valvulis toto earum ductu muniri, ne quid seminalis materiæ per easdem
versus.

versus uterum aut in ejus cavitatem deferatur: verum è cavitate uteri in tubas, foramen stylum admittens cerni in animalibus majoribus, nullâ valvulâ impediēte, eundemque stylum ad expansam Tubæ extremitatem pertransire, ibidemque in abdominis cavitatem exire: Posse itaque gestationis tempore exhalationes uteri per eas Tubas in abdominis cavitatem eructari, existimat; quæ etiam causa esse possit, cur gravidæ tot symptomatis ab utero affligantur. Hæc si reverà ita se haberent, ratio fortè pateret, quâ fœcunditas vi seminis virilis fœmineo corpori concilietur, spirituosâ nimirum seminis virilis substantia per Tubas ad Testes muliebres subeunte, indeque cum sanguine, ac portione quadam seminis muliebris, per venas ad Cor, in communi circulatione tendente, atque à corde in universum corpus diffusâ. Cæterum paulò aliter rem concipit *Whartonius*: nec verò semen virile in spiritum resolvi existimat; sed *verissimile esse* inquit, *Tubas imbibere in coitu sufficientem portionem seminis virilis ad conceptionem*. Ex qua equidem hypothefi æquè forsan ratio elici potest, quî contingat sæpiùs, quod in ipsis Tubis fiat conceptus, adeoque formetur fœtus in abdomine extra uterum;

L

atque

atque paulò aliter hujusce rei ratio juxta hypothefin *Harvæi*, quàm semen masculinum in uterum non ingredi cenſet, à nobis expoſita in *Conſideratione Phyſico-Anat. Fœtus Muſſipontani, extra uterum in Abdomine geniti, Sect. 3.* Sed audiamus ipſum *Whartonum*: In Cavitare uteri; inquit, poſt coïtum prolificum, per aliquot dies nihil deprehenditur, (ut demonſtratum ab *Harvæo*;) Cùm verò fœminæ, inquit, in coïtu materiam ſeminalem evidenter excipiant, neque eandem, ſi modò fœcundæ fiant, denuò rejiciant, (quod ſententiæ *Galen*i congruit, at ipſi *Harvæo* adverſum videtur,) neceſſe eſt, eam vel in uteri tunicas, vel in aliqua ejus vaſa recedere: Quoniam igitur duo genera vaſorum uterum & teſticulos reſpiciunt, probabile eſt, alterum eorum ſemen emittere (ad uterum) alterum attrahere (ab utero.) Etenim teſtatur *Fallopius*, inquit, ſe ſæpius in hiſ meatibus ſemen exquisitiſſimum reperiſſe, aliis fide dignis ſpectatoribus præſentibus quoque. Quæſo igitur, unde hoc ſemen? Patet ex diſcurſu *Fallopii*, ut & ipſo ſenſuum teſtimonio, nullam iſtiusmodi materiam in teſticulis mulierum contineri; quare neceſſe eſt ab alia Origine deducamus, quam tamen in corpore muliebri nullibi reperire eſt; ut neceſſe ſit confugere ad ſemen virile, tempore coïtus aſſum-

assumptum. Sed quò fertur semen sic assumptum? Forte per fibrillas nervosas à ductu Tubæ reflexas ad exteriorem testiculi extremitatem? Hæ enim fibrillæ mihi videntur quodammodo repræsentare capillares illos meatus, qui à ductu nervoso testium virium prodeuntes, epididymidis ductum constituunt. Sed quid sit de semine ad hunc testiculi apicem producto? Inquit, Inde forsan, quanquam sensim & lento motu, ad vas ejaculatorium derivatur. Imò si detur primò deferri ad testes, exinde tamen necesse est, ut ad uterum demum per vas ejaculatorium relabatur; alioqui nullo modo cum semine foemineo aptè commisceri atque uniri potest, aut omnino pervenire ad genialem uteri locum; ubi primum conceptionis fundamentum jaciendum sit. Nos, dum cum Harvæo utriusque seminis commixtionem supervacua censemus, dummodo fœcunditas vi seminis masculi foemineo corpori concilietur, indeque semini hujusce, non duntaxat producto, sed & producendo communicetur, in solo seminis foeminei fœcundati ad uterum confluxu, pro constituendo conceptu, acquiescimus: sicque illas seminis virilis, quoad crassamentum hujusce ac corpulentiam, ambages per Tubas ad vas ejaculatorium vel testes, indeque vicissim ad uterum rejicimus. Quod verò attinet Uteri Tu-

bas, circa eas hæctenus, sequimur receptiorem Anatomicorum sententiam, scilicet per illas potiore *feminis muliebris fecundi* partem ad uterum confluere, quæ nimirum à *Testibus*, per *tenuis venis*que *lacteis* *similes meatus* (ut loquitur *Vesling.* mihi p. 72.) ad ipsas *Tubas* feratur, ac perfectionem in iis ultimam, (quâ nempe *semen exquisitissimum*, ut loquitur *Whartonus* evadat,) consequatur. Quod ipsum innuere *Varol.* ostendi (*Consider. Fœtus extra uterum geniti Sect. 3. § 81.* itemque alibi,) quando à *Testibus* plurima exire vascula ait, per *membranam* quandam, velut *mesenteriolum* (nimir. *per ligamenta uteri lata*,) distributa, quæ in aliud vas, *Deferens* dictum, (*Tubam* nimirum) desinunt, quod in *supremam uteri partem* implantatur, & cavum ingreditur. Quod verò *Whartoni* illam de valvulis intra *Tubam*, earumque habitudine, observationem attinet, cum illa non nisi in uno subjecto equæ gravidæ fuerit instituta, illa utique regulam constituere non potest: præsertim cum & alias sæpius obstacula quædam præternaturam in ipsis *Tubis* oboriantur; veluti ex *Veslingio* ostendimus *cit. loc. § 84.* Saltem commemorare hæc ipsa operæ pretium duximus, quò aliis quibus vacat, ad ulteriorem veritatis investigationem amplior suggeratur occasio.

SECTIO III.

*De causa Efficiente Generationis; modo-
que quo primum Membrana, ipseque
Conceptus, producuntur.*

Generatio duobus modis concipitur,
vel quatenus ab individuo proce-
dit, atque in aliud individuum,
pro speciei conservatione terminatur;
vel quatenus ab insita semini Natura per-
agitur. De priori Generatione loquitur
Scaliger exerc. 6. § 10. Generat arbor cum
producit semen; non autem generatur
arbor, cum pullulat ex semine: Sic canis
non gignit, inquit, cum nascitur catellus,
sed cum semen gignit. De posteriori Ge-
neratione, quæ nempe ab interno, ipsique
semini insito principio ac causa proficif-
catur, loquuntur Philosophi, cum in-
quiunt, Generationem esse naturalissi-
mum Naturæ opus. Verissimum equi-
dem id *Courvai* censemus, quod pronun-
ciat *part. 2. cap. 2. in fine*: Non solum in-
esse in conceptu materiam, unde fit & ali-
tur foetus; sed etiam latere ibi causam
ejus efficientem & opificem, quæ omnia di-
rigat ad finem (quasi) arte, consilio, pru-
dentiaque. A ratione verò alienissimum

censeo, quod dubitare ibidem de illo *Opifice* videatur; an sit *Substantia* vel *Accidens*; saltem neutrum definiat, quamvis & *cap. seqq.* aliquoties illum *opificem* & causam internam, inculcet. Certè accidens non nisi vi substantiæ alicujus agit: Et siquidem videtur *opificem* illum pro *anima* habere *Alleg. cap. 3.* substantiam esse non debet dubitare: Sed de illo *Opifice* seu *interna causa efficiente* actum à nobis in *Microcosm. Genes. Part. 2. Sect. 1.* Cæterùm ad posteriorem illam Generationem requiritur non modò, ut *Semen* seu *Genitura* à Generante conferatur; sed & ut *Semen* prolificum convenienti loco recondatur; ac in iis quidem, in quibus sexus discrimen est, vi seminis utriusque, nempe maris & feminae, fiat *conceptus* seu *Semen perfectum*, atque adeò quasi *Ovum* in utero constitutur: de quâ re egimus *Microcosm. Genes. part. 1. Sect. 1. init.*

Sed hîc occurrit difficultas non contemnenda, à qua *Causa Efficiente* ipse *Conceptus*, seu id ipsum quod *Ovo* analogum insinuavimus, in utero constitutur, à qua causa disponatur? Utrique *Uterus* ipse *Conceptum* non format, cùm & in *Tubis uterinis*, quin & in *ventriculo* ac *intestinis* formari *conceptum* contingat, ut *Exemplis* ostendimus. de *Gen. Fetus extra Ute-*

rum Sect 3. § 84 & seqq. itemque § 92. & seqq. Quin & Uterus ipse *conceptum* constituendi ideam non habet, nec effectivè concurret ad determinatam certamque *conceptus conformationem* in sua cavitate producendam. An verò *Conceptus* seipsum constituit? vel an Natura quæ in semine masculino, foemineove per semen masculinum foecundato, ab imperfectione ipsum semen ad perfectionem adducit, ipsumque *Conceptum* constituit? Hæc difficultas non sine ratione torfisse videtur Cl. D. *Courvaum*: qui ideo *Paradox. part. 2. cap. 2* sollicitè in generationem *Membranarum factum involventium* inquit; cujus modum latuisse *Hippocratem, Aristotelem, Galenum*, contendit. Certè non sine ratione ibidem rejicit sententiam *Aristotelis 2. de gen. anim. c. 4.* quâ statuit Membranas eâ ratione constitui quâ in pulvere refrigerata crustula constituitur, aut quòd materia unde fit ipsa membrana, terrestrior, à calore resiccata sit; nam & calescentis, inquit, *Arist.* frigescensque rei extrema siccessere necesse est: nempè, quòd coactus jam partibus inquit, corpulentus humor excernatur, obducanturque circum, parte resiccescente terrenâ, membranæ, tum necessariò, tum etiam alicujus gratiâ. Similiter jure meritoque

Hippocrati sententiam respuit, quod nempe materia membranæ viscida, & undique sibi cohærens, extet in superficie, quæ incallescens & inflata attollatur; & sic quâ parte inflatur, istinc quod membranam refert, exoriri. Nec minori jure rejicit *Galenum* asserentem membranas generari sicut crusta in bellariis & placentis ab ignis calore in superficie suscitatur, concrecente seminis superficie, & in membranas abeunte. Et sanè, si vel talis aliquis modus in *Gherii* generationem congruere credendus foret, quomodo dicent *Amnion* membranam generari? Nec enim dici potest, ut rectè *Courvæus* urget, quod reficcetur ejus materia terrestrior, nec etiam quod incallescat, infletur, & attollatur, quia viscida & undique cohærens extat in superficie; nam eodem, inquit, quem continet humore circumfunditur homogeneo &c. Cum igitur summi Viri ignoraverint, judice *Courvæo*, quomodo generentur *membrana*, *Harvæum* adiit, siquid novum, siquid peculiare, ut in pluribus solet, sic in ea materie haberet excogitatum; sed hanc quæstionem omisisse totam, inquit *Courvæus*, vel quod in ea difficultatem viderit nullam, vel quia nimiam.

Rectè equidem *Harvæus* de Uteri Mem-
branis,

branis & Humoribus (m. p.385.) Aliud est, inquit, conceptus sive embryonis, jam perfecti fabricam exhibere, uti à *Fabritio* factum est; aliud verò ipsius generationem primumque schematismum exponere: quemadmodum aliud est, poma aut semina plantarum matura describere; aliud eorundem è germinibus productionem elucidare: Similiter aliud est, causam Efficientem fœtus quæ in semine seu conceptu inest, & quo modo is ex semine exsurgat ac constituatur, declarare; aliud verò causam Efficientem ipsius conceptus, & quonam modo hic constituatur exponere. *Harvæus* quidem, *quemodo conceptus paulatim perficiatur* se breviter à *carceribus* ad metam recensurum pollicetur *cit. loc.* ut inde clariùs constet, quid de *membranis*, reliquisque ad fœtum attinentibus, statuendum sit: veruntamen in hac declaratione & *membranas*, (saltem exteriorem,) & ipsum *conceptum*, seu semen perfectum, ibidem supponit. Etenim in cunctorum viventium generatione hoc solenne esse, inquit, ut ortum ducant à *primordio* aliquo, quod tum materiam, tum efficiendi potestatem in se habeat; sitque aded id, ex quò, & à quo, quicquid nascitur; ortum suum ducat: Tale *primordium* in

animalibus dicit esse *humorem in tunica* aliqua aut *putamine* conclusum ; corpus nempe simile, vitam habens actu, vel potentia : idque si intra animal generetur, ibidemque maneat, donec animal univocum produxerit, *Conceptum* vulgò appellari, ait ; si verò partu foras exponatur, siue principium aliunde casu sumpserit, *Ovum* vel *Vermis* dicitur : Ipse autem utrumque pariter *Primordium* nominandum censer, unde animal oriatur. At nos in præsentiarum propiùs ad Naturæ incunabula cum *Courvæo* respicimus ; atque hujusce *Primordii*, ac imprimis *Conceptus* propriè dicti, (è quo de *primordio* oviparorum, atque eorum quæ sponte generari dicuntur, per analogiam judicari queat). Efficientem causam, ortumque priorem, investiganda censemus. Audiamus verò hîc ipsum *Courvæum*, atque an fortasse hic aliquid, præ eo quod ab *Harvæo* allatum est, evidentius proferat in lucem, spectemus : Edocuit, Eruditissimus Vir (scilicet *Harvæus*) inquit *Courv.* cit. loc. (*part. 2. cap. 2. pag. 69.*) id *humoris* omne quod continetur in *conceptu*, esse homogeneum, & ejusdem naturæ, partesque foetus, ut heterogeneas, ab eadem materia generari : Sic etiam dico, inquit, *Membranas* fieri ab eodem quem

quem continent humore, talesque esse, non à diversitate materia, sed ab intentione agentis, arte, consilio, & prudentia; tales, inquit, esse quia postulat usus ut tales sint. Similiter *part. 3. cap. 8.* ubi ex professo de *Membranis* agit, rejiciens denuò *Hippocratis, Aristotelis ac Galeni* sententias, paulò antè commemoratas, de *Membranarum* Genesi, seu causa Efficiente modoque geneseos earundem; subjungit tandem suam mentem his verbis: Quanquam valet plurimum apud me autoritas, inquit, prævalet tamen ratio: quæcunque ita fiunt, (ut prædicti Auctores voluere,) à causa communi, necessaria, & cæca fiunt; at quis miram ac mirabilem membranarum foetum involventium fabricam attendendo dixerit has fortuitò fieri? aut potius, quis negaverit has arte, consilio & intelligentiâ, sicut & alias quascunque partes, generari? Quæ autem fiunt arte, consilio & intelligentiâ, ipsa fiunt ad aliquem finem & usum, &c. Hæc omnia sunt quæ apud *Courvoisier* de *Membranarum* ortu invenio: quibus utique nequaquam *Causa Efficiens* naturalis, ac ratio ortus declaratur: Nec verò plus rationis redditur hac declaratione, quàm redditum ab *Harvæo Exerc. 50. (pag. 195.)* dum inquit: *Rem rectè*

pieque (meâ quidem sententiâ) reputaverit, qui rerum omnium generationes ab eodem illo æterno atque omnipotente Numine deduxerit, à cuius nutu rerum ipsarum universitas pendet. Piè equidem at divinam Providentiam ubivis recurrimus; at interim huic subordinatæ causæ secundæ, quas Divina Providentia constituit, Philosopho investigandæ sunt: declarandumque quî fiat, seu quæ sit materiæ necessitas, quòd in naturalium causarum concursu, utut citra intellectum agentium, effectus interrim ceu arte, consilio, & intelligentiâ produci videatur: Hoc ipsum est quod monuimus, ac contra *Harvæum*, immediate ad supremum Numen, ubi causæ Physicæ investigandæ sunt, recurrentem, ursumus in *Microcosm. Genes. Part. 2. Sect. 1.* Quid autem valeant pro acquirenda scientia rationes à *sine* vel usu desumptæ, expositum à nobis *comm. ad § 109. Dissert. de mot. Cord. & sang.* Certè cum *Cartesio* hîc omnino sentimus, *in rebus Physicis, ubi omnia firmissimis rationibus niti debent, si non ineptum, saltem non satis scientificum habendum esse, rationes à solo sine desumere:* quia ut *loc. alleg.* exposui, ipsam rei essentiam ita minùs convenienter perlustramus; nec naturalem genesin, ut decet, comprehendimus: quin &, non raro
acci-

accidit, ut & fortuitum eventum pro legitimo ac genuino fine capiamus: Certe accidit sæpe numero, ut ipsi nobis finem & usum fingamus, quem natura ignorat, quique minimè ab ipsa natura intenditur. Sed & illud difficultate non caret, quod dicit *Courvæus*; membranas fieri ab eodem quem continent humore: Falsum enim id ipsum est; si humorem antè in utero contineri existimer, ex quo tum *membranae*, tum *fœtus* ipse postmodum, generentur: Generantur namque *membranae* in utero, (ut ut ex consimili materia qualem post contenturæ sunt,) antequam humorem ullum intus complectantur. Quod equidem observatum notatumque etiam ab ipso *Harvæo Exercit. 69.* (quem fortè hîc prætervidit *Courvæus*,) ubi, circa diem Novembris duodecimum vel decimum quartum in Damarum utero, (postquam aliquot septimanis antè coierunt,) aliquid primum inveniri docet, ad futuram prolem pertinens, idemque plurimorum annorum experienciâ edoctus testatur: Circa id tempus inquit, *per medium utriusque cornu atque etiam uteri cavitatem, mucosâ quadam filamenta, tanquam araneorum telas, ab ultimo sive supremo cornuum angulo duci; quæ simul junctæ, membranosam ac mucilaginosam*

*nosam tunicam, sive manticam vacuum, referant: Post diem unum, aut alterum, manticam hanc impleri aquosâ, albâ, lentâ & albuginea materiâ, longumque farcimen humore isto plenum referre, &c. Nimirum, ubi foemel-
larum corpora, ipseque uterus, talem per naturam consequitur dispositionem, ut foecunditati vi feminis virilis recipiendæ evadant idoneæ, (de quâ actum à nobis in *Microcosm. Gen. part. I. s. 2. §. 54.*) quâ dispositione contingit ut libidinis æstro agitari incipiant, (quod plurimis animalibus statis anni temporibus accidit, veluti Damis Cervis circa medium Septembris referente *Harvæo Exerc. 66;*) post coïtum initum illa uteri dispositio sensim magis magisque etiam ad sensum mutatur, & quasi ad pleniorē maturitatem deducitur, ut ab *Harvæo* exponitur de Damis & Cervis *Exerc. 67. 68.* nec aliter corporis totius dispositionem mutari, ubi virus illud genitale, nempe masculinum semen, suam energiam exerit, rationi consonum existit: Sic ergo contingit foecundum semen in muliebri corpore subnasci; quod copiâ majori, quam forè alias solet seminalis materia, ad uterum confluens, per insitam particularum habitudinem sensim in utero concrescit in formam manticæ, seu sacculi cujusdam
 (ut paulo*

(ut paulo antè expositum,) qui Chorion repræsentet. Nec vero id magis mirum videbitur alicui, Naturæ minutias ratione perpendenti; quam quod videamus unamquamque speciem corporum, (non animatorum duntaxat; sed & inanimatorum passim,) propriam sibi quæ convenientem figuram affectare, ut rectè notatum à *Digbæo* in *Orat. de Pulv. Sympath. princip. 9.* Videmus id clarè, inquit, in salibus diversis, quos si separatim in mortario conteratis, dissolvatis, coaguletis, atq; quàm diu placuerit permutetis, singulis solutionibus & coagulationibus peractis, semper ad pristinam naturalemque suam figuram redeunt; & unaquæque atomorum ejusdem salis semper eandem propriamque sibi figuram repetit: Sal nempe communis, inquit, in quadrangulares; Sal armoniacus in sexagonos, æquè ac nix, quæ itidem hexangularis est, formatur: Sal verò urinæ in pentagonos abit. Atque ita rectissimè *Aristoteles 2 de gen. anim. cap. 4.* (modum quidem quo membranæ fœtum involventes producantur non rectè complexus,) obduci circùm *membranas*, non modò *alicujus gratiâ*, sed & *necessariò* (*ἡ δὲ αἰτία καὶ ἀνάγκη ἐστὶν ἡ φύσις*) ait. Secretio autem seminis contingit omnibus, quemadmodum

alterius

alterius cujuscunque super fluitatis *περὶ τοῦ ὑπερφυῶτος* docente *Arist. ibid.* Namque & ipsum semen Philosopho habetur *περὶ τοῦ ὑπερφυῶτος* *Superfluitas*, seu ut plerique vertunt *Excrementum* ultimi alimenti utilis quod per partēs distributum est, juxta eundem *1. de gen. 1. anim. cap. 19.* & alibi: Cum enim natura concoquere (aut in partium substantiam convertere) nequeat, excrementum (seu superfluitatem) fieri necesse est (dicente eodem *loc.* pauld antè *alleg.*) non modo alimenti inutilis, sed & utilis: Fertur autem unumquodque suum in locum, (adèdque & semen muliebre in uterum;) Et si quidem concoctum non sit, (secus atque sanguis menstruus,) paulatim aliquid subindè fecernitur, inquit; quam ob rem quæ alba vocantur, inquit, parvis adhuc & puellis proveniunt. Consimilis ratio est feminis muliebris a matris utero confluentis. Quomodo ergo sensim, membrana subnascatur exterior, quæ *Chorion* dicitur, eademque sensim seminali humore repleatur, constituaturque *conceptus*, idemque augeatur liquet ex antè dictis; quod ipsum plenius à nobis expositum in *Microcosmi Genes. part. 1. s. 2.* Sed de membranâ interiore, quæ *Amnios* dicitur difficultas restat, quonammodo hæc ipsa nascatur? Equidem, dum

similari

similis illa quoad sensum materia,
 quam semen muliebre fecundum voca-
 mus, sensim ad uterum confluit, ipseque
Conceptus (velut expositum) constituitur,
 idemque porro ab eodem affluente humo-
 re augetur, (quod quomodo fiat exposi-
 tum à nobis *Microcosm. Genes. part. 1. sect.*
2. §. 78.) interea non feriatur ipse spiri-
 tus qui in illo semine inest, ac natura in
 spiritu, domicilii sui architecta & opi-
 fex; sed affluentem materiam, ceu causa
 materiæ illi insita, disponit ac digerit,
 ac juxta ideam à summo rerum omnium
 conditore sibi impressam, ut ut ratione
 carens, haud aliter tamen ac si arte, con-
 silio ac prudentiâ uteretur, fabricæ futu-
 ræ rudimenta ex una eademque simili
 quoad sensum materia adornat: Hinc se-
 cretio contingit purioris liquoris, quem
Colliquamentum vel *Oculum* indigitat *Har-
 væus*, isque vi insitæ naturæ tuniculâ in-
 vestitur; idque haud majori difficultate,
 quam mox ex illo *Colliquamento*, ad sen-
 sum omnino simili, at interim potentiâ
 variarum partium rudimenta comple-
 ctente, tantam partium produci divers-
 tatem contingit: de quâ re differuimus
 in *Microcosm. Genes. part. 2. sect. 2. §. 30.*

P A R S II.
DE NUTRITIONE.
S E C T I O I.

*De Nutritione quæ fit in utero ; Illius-
que Diversitate.*



Eluti *Conceptus* in utero est ipsa *Fœtus* constituendi ac formandi *materia*, *Generationis Causam Efficientem* in se ipso complectens ; ita alimentaris substantia, quæ sensim à matre confluit ad conceptum, quâ augetur hîc ipse atque intumescit, est demum *materia alimenti* quo *Fœtus* nutriri atque augeri debeat, in ipso *Fœtu* priùs elaborandi, atque vi cordis ac communis *Circulationis* à *Corde* pendentis, ad ulteriorem vitalitatis gradum, quàm qui conceptui competat, deducendi. Nimirum, *Conceptus* hoc commune habet cum *Plantis*, quod imbibat succum alimentarium per poros, eoque augeatur ; at formato *Fœtu*, succus ille à conceptu admissus atque imbibitus, à *Corde* per *Venas* allici debet, atque vi cordis elaborari, in-
que

que verum ac genuinum sanguinem converti, in quo spiritus ad volatilitatis gradum fit evectus, ut eâ ratione nutritioni, quæ animalibus competat, aptus evadat.

Rectè equidem inculcat *Arist. 2. de gener. anim. cap. 4.* Eandem esse materiam ex quâ augetur corpus animalis, atque ex quo constituitur: ut adeò docente *Harvæo Exerc. 44.* quærenda non sit alia materia, ex qua Fœtus corporetur, & alia unde primum nutriatur atque augeatur: nam eadem materiâ, inquit, ex quâ fit, nutritur etiam atque augetur; & vice versâ, quâ nutritur primum & augetur, ex eadem quoque pullus in ovo (vel animal quodvis in utero,) constituitur: Verruntainen, quemadmodum ex una eademque ac quoad sensum similari materia, scilicet colliquamento Conceptus intra amnium concluso, vi formatricis facultatis, seu insitæ in semine naturæ, diversissimæ quoad substantiam partes constituuntur; ita hæ partes constitutæ, atque ultra similem illam materiam, unde genitæ sunt, ad altiore essentia gradum evectæ, eadem quidem materiâ, nutriuntur augenturque, sed diversimodè mutatâ, redditâque spirituosiore, atque vi cordis motusque hujusce, per
vasa.

vasa à corde prodeuntia, hinc ad Cor admissa, hinc à Corde propulsa, atque ita demum ad intimos partium genitalium poros diffusâ.

Sic equidem longè aliâ ratione nutritur augeturque *Conceptus* seu *Embryo* antequam à Corde per vasa fit alimentariæ materiæ distributio, quàm quâ postmodum nutritio succo per ipsa vasa distributo nutritur *Fœtus* formatus, seu partes ipsæ ex similari generationis materia constitutæ. Quamvis non simpliciter probemus discrimen illud à D. *Courvaç* propositum *part. 2. cap. 7. (p. 98.)* quo alia nutritio fieri dicitur *per juxta positionem*, quæ citra vasorum opem quasi *per irrorationem* quandam fiat, alia *per intus susceptionem*, alimento per vasa affluente ad partes interiores. Quippe (ut rectè inculcat *Harvæus de Gener. animal. Exerc. 10.*) in omni nutritione & accretione, æqualiter necessaria est partium *juxtapositio*, & applicati alimenti concoctio & distributio: neque hæc (quâ citra vasorum ministerium imbibitur alimentarius succus) minùs quàm illa (quâ alimentum per vasa defertur,) vera nutritio (scilicet in subiectis proportionatis,) censenda est, siquidem utraque novi alimenti accessu, appositione, agglutinatione, atque transmuta-

mutatione contingit : Nec minùs sanè Ciceres vel fabæ , inquit , attracto per tunicas suas terræ humore , (quem veluti spongiæ imbibunt , verè nutriri dicuntur , quàm si eundem per venarum oscula admitterent ; & arbores corticibus suis rorem pluviasque absorbentes , æquè verè aluntur , ac per radices solent. Nempe , siquidem nutritionem seu vegetationem plantarum spectemus , verissimum est , quod dicit *Courvaeus part. 3. cap. 3. pag. 175.*) quocunque modo , & quâcunque viâ , adveniat parti alimentum præparatum , perinde est , eadem fit nutritio in plantis ; nam hæ vivunt etiam , inquit , *per intus susceptionem* (scilicet subeunte alimento per radices ,) & *per juxtapositionem* alimenti (scilicet dum per cortices & tunicas alimentarius succus imbibitur.) Ratio hæc est , quod vegetatio *Plantarum* , similiterque *Conceptus* in utero , seu *Embryonis* antequam vasa à corde protensa sunt quoquo versum , inferioris quodammodò gradus sit ; nec tantâ élaboratione alimenti in illis sit opus atque in animalibus formatis ac perfectis , in quibus vi cordis alimentum ad sublimiorem vegetationis gradum adduci debet , cum & partes ipsæ constitutæ non amplius ejusdem conditionis ac naturæ maneant , cu-
jus

jus erant cū prima earundem fundamenta ponerentur, sed ex mucagine quadam ad carniformis substantiæ naturam transeant. Hanc in *conceptu*; nec non *Embryone* primū constituto, ac deinde in foetu perfectiore suisque vasis instructo, diversitatem vegetationis seu nutritionis agnovit item *Harvæus*; quamvis non satis ad vias per quas nutrimentum partibus accedat, ac modum quo ipsa nutritio contingat, respexisse videatur, cū inquit *Exercit. 57. initio quidem per umbilicales radices alitur*, (quin imò, per habitum ipsum alimentariam humiditatem in quā innatat absorbens atque imbibens,) *plantæ vitam quandam degit*, unde corpus crudum, album atque imperfectum conspicitur, & *plantæ instar immobile, atque inertis manet*. Quā primum verò per os, (inquit) eodem alimento ulterius elaborato fruitur, (quā primum inquam ego, sive, per os, sive umbilicum admissō eodem alimento, eodemque ad Cor devecto, atque in vitalem sanguinem converso, sicque ulterius elaborato fruitur,) *quasi spiritu diviniore gaudens*, & *sublimiore exultans vegetationis gradu*, mucago dicta in carnis naturam transit, motiva organa distinguuntur, (vel potius ad morum apta redoluntur, dum nimirum) *spiritus locupletantur*, (atque ex vitalibus in-

ani-

animales porro vertuntur,) *motumque exorditur: nec jam amplius plantarum more per radices simpliciter, seu per habitum externum alimentum admittit, sed animalis instar per os nutritur, quin imò cordis peculiari virtute alimentum elaborat, idemque ad nobiliorem vitæ gradum extollit, aptumque reddit quo partes vividiores corporis, atque ad sublimiorem vitæ statum evectæ, nutriantur, dum hoc ipsum à corde per arterias distribuitur quoquo-versum; sicque verè illius animalis vitam degit. Est namque in plantis, atque in ipso conceptu; nec non in Embryone primum constituto, ea partium habitudo, ut facillimè nutriantur & augeantur juxtapositione simplici ejusdem substantiæ alimentaris, ex qua partium constitutio facta est, absque longiore hujusce elaboratione; dum tale alimentum partibus simillimum, iisdemque juxtapositum, facillimo negotio in earundem substantiam transeat: at in foetu perfectiore, ubi vitali cordis vigore, atque spirituum à corde per arterias continuâ irradiatione, partium substantia mutata est, atque ad sublimiorem vitæ gradum evecta, simplex prioris illius alimentariæ materiæ, (unde prima generatio partium facta est) juxtapositio non amplius sufficit, nisi in-*

super

prius alimentum, illud fuerit vi cordis ulterius elaboratum atque spiritus ipse qui in illo aliove subsequente alimento inest, eâdem cordis virtute ac continuâ circulatione fuerit ad volatilitatis gradum evectus. Ut adeò non verorum animalium nutritione *juxtapositi* nequaquam opponatur *intus receptioni*; sed dum in illis alimentum per quascunq; vias (sive per habitum, sive per umbilicum, sive per os,) intus recipitur, atque ita distribuitur quacunque ratione, ut apponatur exilibus particulis, non tamen aptum sit quod in partium substantiam convertatur, nisi prius fuerit vitali cordis virtute elaboratum, atq; ad sublimiorem vegetationis gradum, excitato in actum intus delitescente spiritu evectum. Sic ergo, quamvis & in foetu infra uterum jam formato ac perfecto, & in adultis quoq; in lucem genitis; alimentaris materia etiam per corporis habitum subire queat, ad interiora recipi, atque particulis intus juxtaponi, apta tamen ea nequaquam est, quæ verè in partium substantiam, diversissimam ab illa prima mucagine, convertatur, sicque verè partes ipsas nutriat; nisi prius in radices venarum fuerit assumpta, per venas ad Cor ipsum delata, ibidemque, velut item sub consequente circulatione fermentata, ac elabo-

ac elaborata, atque in vitalem sanguinem conversa, atque ita per arterias à corde in partium substantiam diffusa pro earundem nutritione. Sic verò, si vel largiamur, alimentum per os assumptum, & in ventriculo atque intestinis in chylosum succum redactum, inde parte sui per vasa quæcunque Rorifera (quæ dicuntur,) in habitum corporis diffundi; rorida tamen illa, partibusque eâ ratione juxtaposita materia apta non est quæ partes nutriat, seu verè in partium substantiam vertatur, sed potius cachexiam seu, leucophlegmatiam corporis habitui inducit, nisi in venas fuerit ritè assumpta, ad cor devecta, vitali elaboratione ad gradum vegetationis sublimiorem evecta, atque per arterias demum in corporis habitum diffusa, pro partium quatumvis nutritione meliore.

Ex dictis facile est colligere, inane discrimen esse, quod à Medicis vulgò inter *partes spermaticas & sanguineas* constituitur: Quamvis enim ipsa stamina partium radicalium (ab hisce Vasa excipio, quæ ceu canales seu aquæ ductus post sensim subnascuntur ac protenduntur, ut alibi expositum,) ex *semine*, sive *conceptus materia*, à matre ad uterum confluyente, at virtute seminis virilis foecundata,

M

con-

constituantur ac formentur, eademque partium rudimenta primùm nutriantur quodammodò atque augeantur irroratione quasi ejusdem seminalis materiæ, cui innatant, ceu per juxtapositionem simplicem (ut vocat *Courvoisius*;) ubi tamen palpitatione bullulæ illius, quæ cordis rudimentum est, ac postmodum motu ipsius Cordis, eadem seminalis materia, staminibus partium in Embryone interfusa, protensis hinc à corde venis alluci cœpit ad Cor, in eoque elaborari, atque per arterias, inde à corde protensus, ad partes propelli, sensim utique continuato incremento partium, mucosa earundem ac seminalis constitutio immutatur, ad nobiliorem vegetationis gradum, sicquè sanguineo alimento affluente potissima pars substantiæ earundem *sanguinea* quasi seu *carnosa* quodammodò redditur: ipseque sanguis pro nutrimento affluens in privatam partium quarumvis naturam convertitur, ac seminali partium quarumvis constitutioni complementum, perfectionem, ac deinceps augmentum amplioremque molem addit; dum interim nulla pars primò è sanguine solo constituitur: ut adeò verissimum sit, quod ait D. *Courvoisius* *part.2. cap.8. (p.106.)* est in sanguineis

neis partibus quid spermaticum principale, cui apponitur sanguis, unde *Gordonius* notat, quod *Hepar*, quamvis assimiletur sanguini, & videatur ex sanguine concretum, nihilominus generatum sit ex primis seminibus, & album sit in radice, sicut membra radicalia sunt alba, quod patet sanguine evacuato. Sic ergo, nulla pars corporis purè ac merè *spermatica* est: quis enim credat universam illam molem ossium, cartilaginum, membranarum, &c. quæ in adulto corpore deprehenditur, ex semine solo constitutam esse, ac non potius continuè temporis tractu è sanguine affluente adauctam? Similiter statuimus nullam partem corporis merè *sanguineam* esse; seu, ut loquitur *Courvaeus loc. alleg.* nullam esse partem sanguineam quæ sit simplex, & purè homogenea, sed omnes aliquam habere adjunctam ex spermaticis, quibus superadduntur quasi fundamentis: non quidem solummodò ad harum tutelam, ad melius esse, & operari, ut vult *Courvaeus*, quasi à solis spermaticis dependeat omnis actio, his solis insit sanitas est virtus, calidum innatum, humidum primigenium, atque adeò anima; sed quod sanguineæ partes additæ spermaticis rudimentis ad vita-

litatis gradum excellentiorem vi influentis spirituosæ sanguinis perductis, ipsoque sanguineo (alimento enutritis, veram demum partium quarumvis essentiam absolvant, quâ ad usum & actionem idoneæ existant. Unde denuò liquet, præter rationem constitui discrimen *alimenti partium spermaticarum & sanguinearum*. Quantillum enim est in foetu grandiore, vel in corpore jam genito in lucem adultove, ad quod ex spermate fuit primum constitutum, quod tamen ipsum quoque quoad substantiam immutatum est, superveniente sanguinis ac vitalium spirituum affluxu, atque ad eminentiorem vitæ gradum evectum? dum interim id quoque quod ex sanguine staminibus ipsis spermaticis aggeneratum est, nequaquam sanguineum dici meretur, nec in omnibus partibus ejusdem substantiæ atque essentiæ est amplius: Quamvis enim in partibus musculosis, ipsoque Hepate, Corde, Renibus, &c. sanguineum ut cunque videatur id quod staminibus spermaticis aggeneratum est continuâ nutritione; verè tamen sanguineum non est amplius, nec in omnibus ejusmodi partibus ejusdem naturæ: In ossibus verò, in membranis, cartilaginibus, &c. quam longè à sangui-

à sanguinis naturâ degeneravit, id quod harum partium rudimentis spermaticis ex sanguine per nutritionem fuit aggeneratum quoque in tantam molem hæ partes excreverunt, tanta sanè alimenti sanguinei mutatio facta est, ut totæ hæ partes vulgò spermaticæ nuncupentur; cum interim cuivis notissimum sit, ex semine tantam partium molem non potuisse emergere. Facile equidem largior Cl. D. *Courvæo* id quod contendit *part. 2. cap. 7. (pag. 99.) Alcmaeonis* opinionem non adeò fuisse ineptam, quâ, referente *Riolo* statuit *fœtum in utero per habitum nutrirî*; si nimirum nutritionis modus, qualis plantis competit, spectetur, qui interim à vita animalium, qualis à corde dependet quâque ad sensuum motuumque animalium munia obeunda corporis membra idonea redduntur, diversus omnino est: Facileque concedo fœtum primis mensibus ali *per juxtaappositionem* (ut loquitur *Courvæus*) id est, *agglutinari* non modò extrinsicè appositum, sed etiam in intimos poros quasi per irrorationem admissum, (velut etiam plantis id quod per radices intrinsicè venit consimiliter *agglutinatur*;) at tali *agglutinatione* in verè vitalem essentiam (qualis solis animalibus competit) converti

haud similiter largior. Quod enim ita per habitum corporis, quasi irrotatione quadam admittitur ad partium interiora, ac quasi absorberetur à partibus ipsis, id in genuinam partium vitalium substantiam converti idoneum non est, nisi prius in venarum propagines suscipiatur, per venas ad Cor deferatur, elaboretur, vereque spirituosum ac vitale reddatur, atque demum per arterias in habitum partium denuò effundatur, sicque verè demum agglutinetur, assimiletur diversarum partium substantiæ diversæ, atque in earundem substantiam convertatur: quem nutritionis modum si *per intus susceptionem materiei* *κατ' ἐξοχὴν* appellare libuerit cum D. *Courvæo*, non repugno, hunc verò nutritionis modum foetui primis mensibus non competere, eidem Clariss. Viro negamus. Certè, si spectemus veram animalis nutritionem, seu vitæ illum gradum, qui animalibus non modò quâ sensitivâ facultate prædita sunt, sed & quâ sunt vegetativa corpora, competit, eminentior quam qui competat plantis, ac non nisi cordis vigore constans; *probabile non est* (ut loquitur ipse *Courvæus part.2. cap 12, p.137.*) *foetum nutriri per habitum, ut voluit Alcmaeon, ne quidem primis mensibus: mox enim*
post

post stamina partium. è seminali materia constituta, incipit cordis rudimentum pulsare; ab eoque hinc venæ protendi per quas primum seminalis materia residua ac postmodum à matre succus quicunque allicitur, in verè vitale nutrimentum convertenda, hinc protendi arteriæ, per quas vitale alimentum partibus quibuscumque affundatur. Rectè equidem à *Courvæo* notatum ex *Harvæo Exerc. 55.* primis mensibus viscera omnia, & intestina intra corporis cavum non recondi, sed foris pendula, & quasi venalis attexta prominere; imò verò & cor ipsum: truncus enim corporis, inquit *Harvæus* etiamnum instar scaphæ vel ædificii sine tecto conspicitur, quippe necdum partibus anterioribus, pectore nempe & abdomine, occluditur: At interim non largior *Courvæo* quod contendit (*pag. 99.*) sic à naturâ fuisse comparatum, ut humor nutritius (qui intra membranam amnion continetur,) partes interiores spermaticas eò magis allueret nutrirerque, dum interim totus sanguis consumatur in generatione sanguinearum, quæ superaddantur spermaticis. Utrique non magis partes illæ in patulo abdomine ac thorace contentæ spermaticæ sunt, quam ipsa dorsi spina aliæque ossa

partibus circum jacentibus recondita; quin imò viscera ipsa Hepar, Lien, Pulmones, Cor &c. minùs spermaticis accenseri forsan debent, quàm aliæ multæ, quæ tamen non similiter nudæ illi nutritio liquori exponuntur, aut immediatè ab eodem alluuntur; nec verò minùs primis mensibus sufficiens nutrimenti copia per venas suscipi potest, quæ ad Corculum devecta, inde demum per arterias ad partes quascunque vere nutritia deferatur, quam mensibus ultimis, ac postmodùm in genito animali per alias quascunque vias, citra abdominis ac thoracis aperturam, alimentaria materia subministratur. Ac veluti non existimo, omnium naturæ operum rationem rectè à fine desumi posse; ita sanè non puto assignatam esse genuinam causam ejus rei, quæ admodum incertum ac vacillantem reddidit D. *Coarctum* (veluti profitetur ipse,) scilicet cur partes internæ non generarentur intus reconditæ, sed aliquandiu foris pendulæ prominerent, donec tandem reconderentur? Cujus quidem rei rationem non à fine, sed à necessitate materiæ ac geneseos ordine, hanc esse reddendam existimo: quod natura post rudimenta duntaxat simpliciter necessariorum ac primariorum seu radicalium partium

partium constituta sensim porrò ab imperfectione ad perfectionem progrediantur, nec uno momento omnem fœtus perfectionem absolvat: unde nec cranium ipsum mox à prima rudimentorum constitutione undiquaque conclusum est, ne quidem infanti recens in lucem genito, nec osseam naturam ossa universa mox ab initio induerunt, sed ex parte cartilaginea vel quasi membranacea apparent; velut nec protinus genito infanti prominent dentes. In quibus sanè potius à materiæ habitudine, ipsoque Naturæ in operando ordine modoque, ratio desumitur, quam à fine quocunque imaginario, nobisque æquè ac res ipsa de qua quæritur incerto at abstruso. Ut ergo fictam illam partium divisionem in *spermaticas* & *sanguineas* risit D. Harvæus, idque haud temerè (judice ipsomet D. Courvæo *part. 3. cap. 2. pag. 169.*) quasi non ex una eademque feminali materia, quoad sensum similiari, partes naturæ & substantiâ diversissimæ primitus fuerint constitutæ, atque omnes demum verâ nutritione vitali atque aggeneratione vivificâ ex sanguine perfectionem & augmentum consecutæ; ita jure merito improbamus fictitium illud discrimen, quo *nutrimentum* aliud partium *spermaticarum* aliud *sanguinearum*.

perhibetur, quasi non unus idemque sanguis deinceps quarumvis partium genuinum ac vitale nutrimentum existat, seu quasi liquoris cujuscunque simplex quædam *juxta appositio*, qualis & in cachexia locum habet, pro genuina partium in corpore animali nutritione queat haberi: De qua re vid. quæ dicta à nobis in *Exerc. de Nutrit. Anim. sect. 3. § 33.* itemque 69 & *seqq.* Nutritur itaque id quod in utero continetur, partim quidem per habitum corporis, quæ quidem nutritio (per *juxta appositionem* dicta *Courvæo*) quamvis in genere vegetabilium, seu virentium corporum vera nutritio censeriqueat, æquè atque ea, quæ alimento per radices assumpto, ac ita intus suscepto, peragitur: in genere tamen corporum verè viventium, seu animalium, quâ vitali facultate prævegetabilibus præditorum, talis nutritio vera seu vitalis nutritio nequaquam habenda est, sed *juxta appositio* duntaxat, (quantumvis cum aliqua alteratione conjuncta,) certè genuina in substantiam partium conversio nequaquam est. Nutritur porro ipse foetus jam formatus in utero per *venas alimentariâ materiâ suscepta* prius, sive ex habitu corporis, (quâ nempe vel residua est ex semine post stamina partium radicalium constituta)

tuta, vel eò per irrorationem subiit, ac per juxta appositionem simplicem partium molem adauxit,) sive ex circumfluo humore, vel ab utero seu à matre affluente succo, qui per *venas umbilicales* allicitur; quæ quidem alimentaris materia per venas ad cor transmissa, indeque per arterias diffusa ad partes, ficque sub circulationis motu variè elaborata, in genuinum denuum vitaleque partium nutrimentum cedit, atque in ipsam partium substantiam transmutatur.

Denique, Nutritio obtingit animalibus, tum in utero vel in ovo etiamnum contentis, tum in lucem editis, alimentari materiâ prius per os assumptâ, ficque ad ventriculum & intestina delata; unde partim in habitum partium nutriendarum devehatur, iisdemque per juxta appositionem simplicem, seu impropriam in verè viventium genere nutritionem permisceatur; resumenda in venas atque ad cor ipsum devehenda, ficque denuum in genuinum alimentum vertenda; partim ad Hepar atque ad Cor ipsum protinus traducatur, ficque in sanguinem, adeoque in genuinum alimentum vertatur, anteaquam ad habitum partium peringat. De quibus variis Nutritionis modis, seu diversitate ipsius nutritio-

nis, nunc porrò paucis differendum.

S E C T I O II.

*De Nutritione qua fieri dicitur per juxta-
appositionem.*

QUemadmodum Plantæ nutriuntur
& augentur alimentario, eorun-
dem succo vi radiorum solarium
diffuso propulsoque, eaque ratione per
radices ad intimas plantarum particulas
subeunte; ita eædem per exteriora quo-
que corporis seu per habitum ipsum ali-
mentarium liquorem fusum admittunt:
Utroque verò hoc modo congruentur na-
turæ suæ nutriuntur. Neque enim minùs
Ciceres & fabæ (ut loquitur *Harvæus*
Exerc. 10.) attracto per tunicas suas ter-
ræ humore, quem veluti spongiæ imbi-
bunt, verè nutriri (scilicet nutritione ve-
getativa simpliciter, seu naturæ planta-
rum congruenti,) dicuntur, quàm si eun-
dem per venarum oscula admitterent (si
nempe ad verè viventium seu animalium,
genus pertinerent:) & arbores cortici-
bus suis rorem pluviasque absorbentes,
æque verè aluntur, ac per radices solent.
Uterque tamen hic modus nutritionis,
quo

quo vegetabilibus suum obtingit nutrimentum, ex æquo per *juxtapositionem* simpliciter fieri, distinctionis causâ dici potest; quatenus non similiter, ut in animalium nutritione contingit, nutrimentum plantarum vitali quadam facultate elaboratur, seu vi cordis atque insiti caloris digeritur, fermentatur, verèque spirituosum evadit, dum nequaquam spiritus ipse, qui alimentario succo inest, ad volatilitatis gradum evehitur. Adeòque quamvis tali nutritionis modo alimentarius succus in plantis ipsis alteratur, earumque substantiæ assimilatur, dum fit ipsa *juxta appositio*; non est tamen ea ratio nutritionis idonea, quâ si vel eadem in animalibus quomodocunque obtingat, vera in hisce seu animalium naturæ congrua, nutritio fiat; quòd citra ulteriorem alimenti elaborationem, quæ vitali quadam facultate contingat, alimentum idoneum non fit, ut ut alteratum atque juxta positum, quod verè partibus in corpore animali assimiletur, atque in genuinam earundem substantiam convertatur. Ut adeò convenienter distinguì queat inter *nutritionem vegetalem* simpliciter, (quæ Plantis competat, si-ve per radices si-ve per corticem nutrimentum admittant, quæque animalibus

obtin-

obtingere potest, quatenus, vegetalem essentiam cum plantis communem habent quæque in illis gradus est ad veram eorundem nutritionem;) & *nutritionem* verè *vitam*, quæ animalibus propria est.

Nutritio vegetali simpliciter nutritur augeturque *Ovum* in gallina: quamvis in racemo alimentum illi per vasa deferatur; in utero autem jam paratum inveniat quod imbibat, (ut loquitur *Harvæus de Gen. Anim. Exerc. 10.*) Nempe, Vitellus in racemo exigua duntaxat papula est, (ut idem ait *Exerc. 9.*) sensimque auctus colorem & magnitudinem vitelli adipiscitur; indeque abruptus, per infundibulum descendit, & per spiras cellulasque processus devolutus, albumen induit; licet nulli (quod recte contra *Aristotelem Fabricius* observavit,) utero adhæreat, nec per vasa umbilicalia augeatur; sed ut piscium vel ranarum ova, foris ex aqua albumina sibi parant & circumvolvunt; vel, ut fabæ, ciceres, cæteraque legumina, & frumenta, humore macerata intumescunt, indeque alimentum pullulanti ex sese germi acquirunt; ita similiter ex dictis uteri plicis, tanquam ex ubere, aut placenta uterina, albuginea humiditate promanante, vitellus sibi, (vegetativo & innato, quo pollet, calore & facul-

facultate, inquit,) albumen quærit & concoquit.

Confimiliter nutritur atque augetur *Conceptus* in utero fœmineo : Magnam quippe *conceptus* cum *ovo*. affinitatem habet : Quippe (exponente *Harvæo Exercit. 62.*) quemadmodum pullus ex *ovo* incubantis vel alterius cujuspiam externi caloris blando foru excluditur foràs ; ita fimiliter fœtus ex *conceptu* in utero fuavi matris calore producitur : Differunt tamen in eo , ut rectè notat *Courvæus part. 2. cap. 11.* quod *Ovum* fit quafi uterus foris expositus , unde pullus procreatur ; *Conceptus* verò eft ovum intus manens , donec fœtus debitam in eo perfectionem acquifiverit : tum & in eo differentia eft , quod in *ovo* , quicquid ad conftitutionem pulli , ejusque augmentum requiritur , id fimul adfit ; *conceptus* autem , poftquam fœtus ex eo conftitutus eft , ad ejus incrementum plus infuper alimenti ab utero matris recipiat , unde unà cum fœtu augeatur. Sic ergo per *conceptus* membranas tranfudat quafi , feu per modum irrorationis transmittitur ad interiora ejusdem , nutritius illæ humor , qui à matre in uterum defluit , dum nondum ipfe *conceptus* mediantibus ullis vafis , aut intercedente placenta , utero adhærefcit ; quemadmodum

adinodum in nonnullis animalibus , v. g. suibus & equis , etiam ipso gestationis tempore toto , carunculæ ac placentæ defunt , ut nullatenus conceptus utero adhærescere deprehendatur , veluti notatur ab *Harvæo Exercit. 69.* qui idem alibi rectè à *Fabricio* observatum inculcat , conceptum in quibusdam animalibus vix utero annecti , ideoquæ sues & equas carnosam copulam non habere ; sed in his ovum sive conceptum , ut primo ex succis in utero scatentibus fit , ita pariter incrementum accipere. Dum verò nutritius liquor à matre affluens , in conceptum imbibitur per ipsas membranas (Chorion atque amnion) fit quasi percolatio quædam , seu ut Chymici vocant filtratio , quò , nempe id quod purius est in nutrimentum augmentumquæ conceptus cedat : Atque ita convenienter *Courvaus part. 3. cap. 8 (p. 207.)* Hactenus creditum est , inquit , hasce membranas tantum inservire continendis excrementis , fulciendisque vasis umbilicalibus : sed ipsis usum attribuo , inquit , longè præstantiorem : non enim tantum sunt alimento foetus excipiendo , sed & præparando , sive depurando , siquidem , dum decidit alimentum ab utero , filtratur per hasce membranas , quasi per chartam emporeticam.

Quia

Quin & embryo jam formatus; seu fœtus ipse aliquandiu, etiam dum jam per vasa nutritiam materiam suscipit, consimili nutritionis modo proculdubio vegetatur, alimento nimirum per corporis habitum admissio, quod pro vitali nutritione consequenda porro per venas ad cor devehendum sit; atque in succum verè vitalem, nimirum sanguinem, sit convertendum: Atque in hunc finem sic à naturâ fuisse comparatum existimat *Courvaeus*, ut partes internæ fœtus non generentur intus reconditæ, sed aliquandiu foris pendulæ promineant, quo humor nutritius partes interiores eo magis alluat atque nutriat: de quâ re superius à nobis actum.

Porro in adultis quoque eadem nutritionis ratio locum habere videtur, si quidem verum est, quod statuit Nob. D. *Bilsius*, *Rorifera vasa* ab intestinis quoque versus in corporis habitum exporrigi, ac portionem tenuiorem chylosæ materiæ eodem devehere. Quod de ductu chyliifero atque ramorum hujusce quoque versus in universum corpus dispersione prodidit *Bilsius*, id se ipsummet vidisse in cuniculis junioribus, lactè materno enutritis & dissectis, refert. Cl. D. *Antonius Everhardi* in suo *Tractatu de Hominis*

Hominis Brutique Animalis Exortu pag. 17.
In iis, inquit, manifestè admodum, (resectis
horâ unâ atque alterâ post pastum,) cernere li-
ceret distributionem vasorum lacteorum copiosam,
sursum, deorsum, ad latera, in omnes omnino
corporis partes, præcipuè glandulosas, ipsaque
vasa lactea albedine suâ plus quam niveâ tanto-
perè emicantia, ut omnem intuitum in se diri-
gant, vasorumque sanguineorum apparentiam
quasi obnubilent. Hæc si ita se habeant,
(quod se ad oculum exhibere posse nuper
admodum coràm ex ipso D. D. Everhardi
cum hîc me salutarer, intellexi: quod se
obtulisse exhibendum etiam D. Hornio
Leidenf. Anatomico, referebat,) arguunt
fanè chylosi succi in habitum corporis
diffusionem, partiumquè per eundem
nutritionem quamcunque vegetalem, seu
per juxtapositionem; at nutritionem vita-
lem, seu veram in partium substantiam
conversionem, per chylosum illum suc-
cum præstari, illa observatio non evincit;
cùm ne quidem lacteus ille succus, qui
ad Fœtum in utero pertingit, ipsi fœtui
in nutrimentum cedat, nisi postquam in
sanguinem est conversus, atque à corde
per arterias ad partes nutriendas delatus:
(Sed de hac re item egi in P. 5. addito Dis-
sertationi de Offic. Hepatis, in fine.) Equi-
dem posse etiam adultis corporibus nutri-
mentum

mentum per corporis habitum subministrari, nullus dubito; attamen id ipsum immediatè in partium substantiam converti, simul atque in habitum corporis admissum est, atque particulis etiam minimis juxtapositum, id neutiquam admitto: juxtapositio enim talis nequaquam vera in partium substantiam conversio haberi potest; sed in venas porro id quod appositum est suscipi necessum est, ac per easdem ad cor devehi, sicque in verè vitalem succum, qui animali corpori pro nutrimento sit idoneus, converti, atque per arterias demum nutriendis partibus affundi: ut superius expositum.

SECTIO III.

De Nutritione Fœtus in utero per Venas umbilicales.

QUum id ex fœtibus perfectis vocari, inculcat *Arist. lib 1. Hist. anim. cap. 5.* cujus ex parte principio animal consistit; reliquum verò alimento ei quod gignitur est. Nempe id quod in ovo, post pulli rudimenta constituta, seminalis materiæ residuum est, per venas allici

allici ad cor, atque in sanguinem, seu verè vitalem & alimentarium succum redigi, quo per arterias distributo nutriantur augeanturque partes formatæ, alibi expositum est. Consimilem embryonis in Conceptu fieri nutrionem, atque eatenus *Ovi* & *Conceptus* rationem eandem esse, nisi quod conceptus non omne alimentum, foetui donec in lucem edatur inserviturum, contineat, sed alimentariam porrò materiam à matre admittat, liquere potest ex iis, quæ in *Microcosmi Genesi part. 3. sect. 1.* nec non alibi exposuimus. Per *venas* itaque ut in pullo, consimiliter in embryone alimentaris materia, quæ inter stamina partium diffusa est, allicitur ad Cor, indeque per arterias pro genuino partium vitalium nutrimento distribuitur, antequam vasa umbilicalia extra corpus protensa sunt, antequam foetus intra conceptum formatus novam forinsecus à matre materiam per umbilicalia vasa consequitur. Postquam verò umbilicalia vasa extra corpus exerta sunt, consimiliter ipsa umbilicalis vena, dum recipit ac revenit ad Cor id quod per arterias umbilicales effusum in partium nutrimentum absumptum non est, recipit unà ac devehit ad Cor id quod à matre affluens, in placenta uterina, vel in carunculis

culis, vel intra conceptus membranam ambientem residuo illi per arterias effuso sanguini commiscetur; nempe alimentarem materiam quæ à matre ad uterum continuè dimanat: (de quâ re item *alleg. loco* pluribus actum.) Sic ergo per *Venas umbilicales* nutrimenti portio non contemnenda devehitur; atque ad fœtum pertingit, ab hoc ipso demum atque intra hunc ipsum, coquendum & elaborandum, adeoque in ultimum verequæ vitale alimentum facultate fœtui insitâ redigendum, quod per arterias à corde in partium quarumvis substantiam diffundatur.

Sed huic veritati non acquieffit *Courvæus* in suis *Paradoxis de Nutrit. Fœtus in Utero*: qui ideo *Parad. part. 2. cap. 2.* in fine; suam de Nutritione fœtus in utero sententiam depromit in hunc modum: *Quicquid alimenti sumis infans*, inquit, *quamdiu est in utero, illud omne continetur in conceptu, sive illud insit à principio, sive postea adveniat*, (nempe à matre per irrotationem accedat;) *Et ita non est necesse*, inquit, *fœtum aliunde, puta ab utero, vel à placentâ, alimoniam querere & mutuari*. Nempe existimat *Courvæus*, id quod è conceptu atque intra conceptum est formatum non aliter nutriri, quam primò quidem per *habitum corporis*, eo nutritionis modo quem, per
juxta

juxta appositionem nominat , deinde verò *per os* , nutritionis modo altero quem vocat *per intus susceptionem* : atque hinc *part. 3 cap. 3. (p. 175.)* hanc differentiam constituit inter nutritionem *Embryonis* (quo nomine indigitare videtur fœtum formatum quàm diu nondum sensus motusque animalis energiam exercet , seu dum nulla datur communicatio vasorum, nulla sanguinis circulatio, nec partibus spermaticis venit alimentum per venas, ut loquitur *part. 2. c. 10. pag. 126.*) & nutritionem *Fœtus* (sc. jam sensu motuque animali pollentis:) *quod embryo vivat per juxta-appositionem ; fœtus autem per intus susceptionem, (nempe alimento admissio per os:)* quamvis statuatur omnino , & in *embrione* & in *fœtu* , præparari alimentum eâdem cordis virtute , quocunque modo & quâcunque viâ (sive per habitum corporis, sive per os,) adveniat parti alimentum præparatum : Nempe in eo differre *sensitivorum nutritionem* à *nutritione vegetabilium* existimat, quod sensitiva in se habeant partem (nim. Cor) cujus vi & officio præparetur alimentum toti, eaque pars sit in singulis animalibus , idemque efficiat quod in plantis Sol omnibus & universis conjunctim & separatim efficiat. Quamvis autem tum in *Embryone* tum in *Fœtu* alimen-

tum

tum virtute Cordis præparari statuat *Courvæus*, nequaquam tamen vult id ipsum necessariò ad cor devehi per venas atque sic in eo & per id ipsum elaborari, ac demum per arterias ad partes nutriendas diffundi, anteaquam partes reverà nutriat; sed sufficit *Courvæo*, quòd virtute Cordis alimentaris materia, ubicunque contenta, fundatur ac lique scat: Quippe ut fusus ac liquefactus in Chorio humor trajicitur per amnion; ita judice *Courvæo*, alimentum in carunculis & placenta fufum, (Sanguine per vasa umbilicalia eò à corde pertingente,) per utramque membranam percolatur, & roris instar ad fœtum depluit, atque in habitum partium hujusce absorbetur, pro genuina earundem nutritione. Sic ergo in *venam umbilicalem* alimentarium liquorem nequaquam suscipi, nec per eandem ad cor quicquam deferri contendit. Cui Paradoxo suo ut veritatis speciem quamcunque conciliet, varia alia Paradoxa comminiscitur, quæ in progressu lustrabimus & excutiemus.

Fœtum equidem non nutriri per umbilicum constantissimè contendit *Courvæus*: Nec enim solùm per arterias umbilicales, sed etiam per venas, neque maternum sanguinem, neque quodvis aliud alimentum attrahi; probandum præsu-

præsumit *part. I cap. 12. pag. 55.*) Nec inservire umbilicales venas, ut per eas *Cormateriam* attrahat sanguinis conficiendi, sed ut expellat jam confectum sanguinem, ut loquitur *part. 2. cap. 8. (pag. 111.)* Similiter *ibid. cap. 9. (pag. 121.)* non modò in arterias à corde sanguinem ferri; sed & ab eodem similiter in venam emitti: nam vena umbilicalis, inquit, incipit à dextrâ cordis auricula, ut anatomia demonstrat, & prima sanguinis gutta apparet in ea cordis parte, ex quâ rejicitur in venam umbilicalem. Sed hoc *Courvæi* Paradoxum & sensui & rationi repugnat: Quippe autopsia docet, in corporibus quibulvis, anatomico examini idoneis, sanguinem non à corde per venas promoveri; sed per hanc reverti ad cor: nulla verò ratio est, cur fingamus in foetu nascente contrarium per venas fieri sanguinis motum. Et sanè tum valvulæ cordis ac venarum, tum communis circulatio, sine quâ cordis motus vigere vel continuari non potest, talem sanguinis motum per venas evertunt. Videamus verò interim *Courvæi* rationes, quibus hoc Paradoxon conatur munire.

¶ Quocumque feruntur vasa umbilicalia (tum arteriæ tum venæ) ad liquores (in conceptu vel in ovo comprehensos,) aut ad membranam apparet sanguis, inquit *part. I. cap. 11. (pag. 49.)* primò quidem Colliquamenti
limbùs

limbus lineâ exili sangeneâ purpurascens rutilat (ex *Harvæo de gen. an. Ex. 17. m p. 66.*) Nempe fit hoc in ovò die quarto ab incubatu, quo tempore, ut *Harvæus* loquitur, de vita plantæ ad animalis vitam fit transitus. Sed quid ex illo observato inferet *Courvæus*? scilicet sanguinem à cordè per venam umbilicalem ad exteriora effundi. Verùm, qui hoc inde conficiat non video. Quippe, cùm jam colliquamenti limbus *lineâ exili sanguineâ purpurascens rutilat* (ut dictum,) non illico rudimentum cordis sanguineum apparet: Namque, ut eadem *Exercit. Harvæus* (m pag. 68.) Aliquando quidem inveni, inquit, rutilantem & purpurisatum circulum, deficientem juxta horizontem miniatum colliquamento circumdatum; in cuius centro, inquit, *punctus albus, non autem ruber aut saliens reperiebatur*: Unde paulò post colligit, *Videri sanguinem esse ante pulsum*. Ergo non à Corde per venam umbilicalem, juxta *Harvæi* observationes (quibus nititur ipse *Courvæus*) fuit delatus. Meminerit *Courvæus* ejus quod dicit ipse *part. 2. cap. 8. (p. 110. 111.)* Quod omni admiratione majus est, inquit, apparet sanguis in vasorum umbilicalium ramulis, priusquam videatur in vena cava, & in ea quâ fertur ad jecur. At quâ ratione igitur devenit à corde ad

N

umbi-

umbilicalium ramulos, nisi per venam cavam, atque eam qua feratur ad Jecur, ad eos ramulos pertigerit? Censeo ego, lineam illam purpurascentem in colliquamento, quæ apparet antiquam Cor ipsum rubicundum cernatur vel saliat, non esse ramulum vasorum umbilicalium, ne arteriarum quidem; sed colliquamentum ipsum, vi caloris externi, à matre communicati, dum concepto calore agitari incipit, Strias purpurascentes agere, atque ita sanguineum colorem induere, antequam vasa à corde sint ex porrecta, vel antequam in corde verus sanguis vitalis, spiritu nimirum sufficienter in actum excitato, sit genitus: Sic namque *totum colliquamentum* (teste *Harvæo cit. loc. (in pag. 69.) sanguineis fibris distinctum* ambarum papilionis alarum magnitudinem & formam refert: Estque illa, inquit, *Aristotelis membrana, quæ fibras sanguineas habens eo tempore album liquorem continet.* Aut si *Fibræ* illæ seu *strie*, per colliquamentum sparsæ, ac jam die quarto sanguinæ apparentes, reverà sint habendæ propagines venarum & arteriarum, (quarum propaginum vivum exemplar videre liceat in arborum foliis, quorum fibræ omnes à pedunculo oriuntur, & ab uno trunco per totum folium diffunduntur, ut *Harvæus* decla-

declarat *cit. loc.*) dum utique in propaginibus illis, purpurascens color apparet, antequam cor ipsum, indeque procedentes trunci, hinc venarum, hinc arteriarum, rubere incipiant; colligendum omnino est, purpurascentem illum liquorem nequaquam suum induisse colorem in corde nec aded per venas à corde ad colliquamenti exteriora esse diffusum; sed agitatione sui, vi caloris ambientis excitatâ, illam in colore mutationem subjisse, conspirante sensim à puncto saliente per rudimenta arteriarum spiritali quocunque influxu, dum nondum sanguineus in trunco earundem, vel vesicula saliente, color liquoris alimentarii apparet. Hoc notent ii, qui nullam omnino Hepati in coquendo sanguinis rudimento, eodemve sanguineâ purpurâ imbuendo, facultatem largiuntur. Utique si tantum valet externus calor, à matre vel incubante gallina communicatus, ut excitato particularum in colliquamento motu, purpurascentem exsuscitet colorem in actum; quid in Hepatis, visceris grandioris calidiorisque tepor mutationem alimentario succo quoad colorem judicat? Agnoscit sanè ipse *Courviæus*, pluribusque declarat *part. 2. cap. 3.* Primam mutationem, quæ fit in conceptu ad generationem animalium,

lium, esse humoris intra amnion contenti colliquationem (quæ non fit sine particularum motu, ac per consequens mutatione coloris,) à causâ externâ, ab extrinseco calore; (de quâ re pluribus in progressu:) quid ergo non potius ab Hepate calidiore in liquoris alimentarii mutatione exspectandum? Nempe, velut in Embryone, ita & in corpore adulto, alimentarius succus sanguinis purpurâ imbuatur motu sui, ac calore partium contingentium quarumvis, non præcisè cùm ad cor ipsum devenit ejusdemque *in pyela* in genuinum sanguinem vertitur.

Sed videamus porro, quibus rationibus evincere conetur *Courvæus*, per venam umbilicalem nihil alimenti ad fœtum devenire? Prædictis observatis insistens, inde colligere est, inquit, (pag. 49.) liquorem hunc, qui funditur, & qui alimento fœtui inservire debet, per vasa umbilicalia non attrahi; cùm enim liquor ille clarissimè refulgeat, quovis crystallino humore purior, transluceret & idem in umbilicalibus vasis, si per hæc attraheretur. Qui n imò potius, si sanguis à Corculo, seu puncto saliente, ad colliquamentum exteriora per venas influeret, appareret utique sanguis idem in vena cava, & in ea qua ferretur ad jecur, atque in ipso puncto saliente, priusquam videretur in vasorum

forum umbilicalium ramulis; atqui ex observatione *Harvæi*, ipsiusque *Courvæi* confessione propria, superius allegata, contrarium evenit, rubentque exteriora, dum cordis rudimentum albicat etiamnum, dum nondum salit: indicio manifesto, purpurascentem illum liquorem, qui primum circa limbum colliquamenti conspici incipit, nequaquam à Corde per vasa eò esse delatum. Quod autem limpidus ille vel albicans colliquamenti liquor, seu reliquix seminalis materiæ, quæ inter rudimenta partium formatarum diffusa est, inde per venas ad vesiculam pulsantem, seu ad Cordis rudimentum, allicitur, non ita speciem sui oculis affundat, id mirum non est, cum per vascula admodum tenuia, inter albicantes partes seu partium stamina albicantia, per liquorem itidem limpidum, dispergantur: veluti & Corculum ipsum vix discerni potest nisi saliente motu. Quamvis itaque vasa umbilicalia sanguificandi facultatem non habeant; in sanguinis tamen rudimentum, seu in succum purpurascentem vertitur ipse liquor, qui per venas umbilicales allicitur, particularum sui ipsius motu, ac calore à matre vel ab incubatu communicato, dum per venas allicitur, quin & anteaquam in venas suscipiatur.

Cæterum, quis usus statuendus erit venæ umbilicalis, quid inde commodi, si nihil alimenti per eam ad fœtum deveniat; Equidem, statuit *Courvæus part. I. c. II. (pag. 48.) primum & præcipuum Umbilici officium esse, ut per illam spiraret cor fundatque humorem in ovo vel in conceptu contentum: in quamcunque enim humoris partem dictæ venæ porriguntur, subito locis conterminis colliquatio apparet.* Sed, si vel talis spiratio Cordis per vasa umbilicalia, quâ humor fundatur, concedenda foret, intervirent ei spirationi solæ arteriæ, dum per hasce sanguis seu liquor alimentarius sub pulsationis initio nondum sanguinis purpurâ tinctus, à Corde diffunditur: qui utique humori in ovo vel in conceptu affusus, eandemque liquefaciens ac fundens, adeoque eidem sese permiscens, per venam umbilicalem remeare debet ad Cor, atque ita humorem fustum sibi permixtum unâ secum ad Cor devehere: mirum ergo non est, in quamcunque humoris partem dictæ venæ porriguntur, subito locis conterminis colliquationem apparere: Quin imò colliquatio humoris in ovo, vel in conceptu, contingit etiam antequam vel ipsa vasa umbilicalia, vel cor ipsum, vel quicquam partium genitum aut formatum est: Namque ut loquitur *Harvæus Exerc.*

16. *Colliquamentum propriâ membranâ cingitur, & à reliquo albumine separatur, & distinguitur, antequam quippiam sanguinis (qui tamen Harvey pars genitalis prima est,) appareat; nempe Colliquamentum illud mox ipso secundo ab incubatu die apparet antequam quicquam foetus est genitum, ut exponitur alleg. Exerc. 16. & 25. Seu, ut ipse Courvæus inculcat part.2.cap.3. (p.71.) Prima mutatio, quæ fit in conceptu, vel in ovo, est ipsius humoris in amnio contenti colliquatio; nam altero incubationis die, inquit, si ovum fregeris, invenies intus, & intra propriam tunicam tenuissimam, liquorem conclusum: Humorem verò hunc intro contentum colliquescere primò à causâ externâ, & quidem adjacentium calore, exponit ibid. in progressu (pag. 73. Ut aded à se ipso dissentiat Courvæus, cùm fusionem humoris in conceptu vel ovo, demum à spiratione Cordis, quæ per vasa umbilicalia contingat, fieri contendit. Sic quoque ipsi Experimentiæ reclamationem id quod ait part.2. cap.8. (pag. 111.) magis sollicitam esse naturam mittere sanguinem per vasa umbilicalia, cujus vi & calore fundatur humor spermaticarum materies, quàm sit sollicita per alia vasa mittere sanguinem, quo generentur & fiant parenchymata. Utique per Experimenta superius allegata constat, liquorem purpurascen-*

tem circa exteriora colliquamenti obser-
vari, anteaquam is ipse eò à corde mittat-
tur, anteaquam sanguis in vena cava exi-
stat: qui verò sanguis à corde per venas
perperam creditur *Courvæo* mitti extror-
sum, is nequaquam prius ad humorem
fundendum, quam ad generanda paren-
chymata (si ita loqui fas sit,) à naturâ ab-
legatur, si vel ipsi *Courvæo* fides habenda:
Hic namque disertè *part. 1. cap. 12. (pag. 55.)* *primum conspicitur sanguis in Corde, in-*
quit, tum paulò inferius, per venam descenden-
do concrescit, constituitque Hepar, quo constituto,
inquit, emergunt & propagantur vasa unà cum
sanguine, qui concretus format placentam extra
puerum, sicut Hepar jam formavit in puero. Hæc
verò ipsa sic à *Courvæo*, atq; ex eodem ad-
missa, falsum arguunt quod ab eodem sta-
tuitur alibi, Vasa umbilicalia simul & se-
mel tota constitui: Sic equidem *part. 2 cap. 10. (pag. 123.)* *Cum vasa, umbilicalia sint*
partes spermaticæ, inquit idem de ipsis, quod de
omnibus spermaticis dicendum arbitror, nimirum
ab initio tota delineari compendiosè, adeò, ut eun-
dem terminum à quo, & eundem terminum
ad quem, habeant delineata, quos habebunt per-
fecta. Rectius Harvæus *Exerc. 62.* cùm pun-
ctum saliens & sanguis tantummodò apparent,
propagines venæ umbilicalis in colliquamento
solum amniique tunica conspiciuntur, (quin
imò

imò sensum eousque protenduntur;) constitutâ verò semel corporis Fabricâ, (atque vasis jam per colliquamentum, ad annion protensis,) *propagines illæ ulterius porriguntur & numerosæ per chorion disseminantur, ut ab albugineo humore ibidem existente nutrimentum foetus apportent: Veluti & ipsa placenta uterina tunc primùm generari incipit, cùm foetus jam perfectè formatus est, agnoscente Courvæo pag. 157. nimirum, cùm alterius vel uberioris saltem alimenti indigens, vasorum umbilicalium extremitates ad uterum mittit, exponente Harvæo Exercit. 66.) Sic verò non funditur humor in ovo vel conceptu, nec colliquatio illius fit in locis venarum extremitatibus conterminis, quòd venæ eò porrigantur, per quas scilicet spiret Cor; sed eò maximè porriguntur, ac disseminantur illic feliciter venarum propagines, ubi humor maximè fusus est; quemadmodum radices plantarum per terram cultam paratamque lætius se diffundunt. Nempe, verissimum est quod inquit Courvæus part. 2. cap. 11. (pag. 132.) colliquescit primò materiale principium, educitur in actum efficiens, delineantur simul & conerescunt spermaticæ partes, tum fit generatio sanguinis; apparet vesicula pulsans, sanguis & vasa umbilicalia. Quamvis & deinceps fun-*

datur humor à sanguinis per arterias influentis calore : quod inculcatum ab *Harvæo Exerc. 52.* malè à *Courvæo* ad venas propriè dictas relatum est pag. 59. 60. Et sanè quod spirationem illam Cordis attinget per vasa umbilicalia, quomodo illa contingere queat non video, cum ne quidem hæc ipsa in extremo perforata iudice *Courvæo*, habenda sint : Quippe, licet extremitates umbilici simul & semel delineentur, inquit ipse *part. 2. cap. 10. (p. 124.)* prius tamen apparet, quæ est cordi proxima, quia inde incipit ipsius umbilici usus; imò videtur, inquit, excavari impulsu sanguinis, adeò, ut, quò longius emittitur sanguis, eò plus umbilici excavetur & appareat : (Atqui superius ex *Courvæo* audivimus, etiam in exterioribus prius sanguinem seu rutilantem ac purpurascentem liquorem adesse, ut adeò necessum non sit, sanguinem in primis venarum propaginibus à Corde eò devenire :) Cum igitur sanguis, inquit porro, non feratur extra umbilicalia vasa, ideo hæc non sunt in minimo extremo excavata, unde non est opus funiculum in brutis ligari, nec metus, ne sanguis fluat extra. At si illa vasa in extremitate sua minori seu exteriori excavata non sunt, si extra illa non feratur sanguis, quomodo ergo sanguinis per illa vasa delati potius quam partium adjacentium vi & calo-

calore funditur humor in conceptu vel ovo? quomodo per illa spirat Cor? Et si per venas à Corde propellitur sanguis, quid fit de sanguine à Corde in arterias venasque propulso? quid fit de Circulatione sanguinis? quem licet non moveri circulariter in Embryone, seu fœtu non perfecto (in quo reverà vasa nondum quovorsum exporrecta sunt, sed sensim exporriguntur,) largiamur; in perfecto tamen fœtu eandem negare, non audet ipse *Courvæus alleg. loc. (pag. 128.)* Aut, si in fœtu, quàm diu in utero conclusus. est, sanguis à dextro cordis sinu per venam extrorsum moveri credendus sit, (quod passim inculcat *Courvæus*,) quâ ratione in illo non destituitur Cor ipsum omni sanguine, hoc per venas æquè atque per arterias à corde extrorsum diffuso? quâ ratione continuatur Cordis motus, nullo ad ipsum sanguine redeunte? Ex eadem materia quâ nutriuntur ab initio partes spermaticæ seu partium rudimenta, per juxta positionem, alimento per habitum admissio, ex eadem (Sc. quæ funditur in conceptu vel ovo, & in quâ natat embryo,) sanguinem conficiunt, judice *Courvæo part. 2. cap. 10. (p. 126.)* aut si velis, inquit, ex vapore ab eadem materiè elato: Sed quomodo ille vapor, seu ros, qui ex

illa materia partium constitutarum habitum subit, ita præcisè ad cor pertingit, ut inde juxta quadam scaturigine, seu sanguineo radio in vasa diffundatur, nisi per certos ductus ac canales eo confluat. Utrique si materia, quæ in dextro cordis ventriculo mutatur in sanguinem, non fertur illuc per venas, itemque quæ mutatur in sinistro cordis ventriculo, non venit à dextro, ut ait *ibid.* *Courvaus*, quo modo, per quos meatus, tam copiosus vapor sese in Cor insinuare potest, qui tantâ copiâ confestim in sanguinem coaguletur, ut tanto radio identidem in vasa utrinque, juxta sententiam *Courvai*, queat propelli? aut cur non potius ipse Cordis calor vaporum illorum coagulationem impedit, ipsosque vapores à Corde dispellit? quin imò, cur non continue deinceps in animali jam genito, alimentaris materia ad Cor pertingit in modum vaporis, per insensibiles meatus? Vel, quo modo motus ille sanguinis, qui creditur fieri per venas extrorsum mox à nato infante, retrogradus evadit? Equidem ut argumentatur *Hippocrates*, si nunquam fuxisset in utero quomodo sugere novisset puer protinus à partu? ita argumentatur *Courvaus* in negotio cosimili, quomodo protinus à partu; chylum faceret

ceret infans, si nunquam in utero fecisset? at consimiliter mihi potiori jure licet argumentari: Si nunquam in utero sanguis per venas ad Cor reversus fuerit, adeoque circulatio ejusdem obtinuerit; si per venas sanguis extrorsum à corde promotus fuerit, dum fœtus fuit contentus in utero; quo modo contrario motu per easdem ad Cor feretur idem sanguis, simul atque fœtus in lucem est editus. ? Equidem, si de materno sanguine quæstio sit, hunc nequaquam à fœtu in nutrimentum vel attrahi, vel aliâ quacunque ratione admitti, declaratum à nobis tum in *Dissert. de Lacte*, tum in *Microcosmi Genes.* atque ita lubenter largimur *Courvaëo* quod habet *part. I. cap. 12. (pag. 50. quem in vasis umbilicibus fluctuantem videmus sanguinem, non ab utero (seu à matre) sed à puero totum derivari: At inde nequaquam sequitur quod addit, Sanguinem à puero non attrahi, sed expelli; seu non æque per venas ad Cor pueri sanguinem reverti, admitti- que eundem unà cum admixto alimentario succo quocunque (intra conceptum comprehenso, vel à matre affluente,) atque per arterias à Corde expellitur extrorsum. Operoso quidem illo molimine, quo utitur Courvaëus alleg. cap. opus nequaquam est ad probandum, per arte-*

rias

rias nec sanguinem, nec alium alimentarium humorem ad Cor foetus moveri; circa venas ipsi laborandum fuisset potius. Agnoscit equidem quid requiratur, quando inquit in fine *citati cap. (pag. 55.)* Nec enim solum per arterias umbilicales, sed etiam per venas nobis probandum est, neque sanguinem (maternum nos ipsi quoque non admittimus,) neque quodvis aliud alimentum attrahi: At id quod sibi probandum agnoscit, minimè probat. Quod enim addit ibidem, id sanè rem minimè expedit: Primum conspicitur sanguis in corde, inquit, tum paulò inferius, per venam descendendo concrescit, constituitque Hepar, quo constituto emergunt & propagantur vasa una cum sanguine, qui concretus format placentam extra puerum, sic ut hepar jam formavit in puero. Verba hæc sunt, quæ id quod exhibent minimè probant. Non jam dicam, perperam à Courvæo Hepatis substantiam parenchyma propriè dictum constitui; hoc tantum noto, si simul ac semel omnes partes delineantur, ut exponit ipse Courvæus *part. 2. c. 4.* nequaquam dici debere; sanguinem per venam à Corde descendendo concrescere, constituereque hepar; veluti item, si vasa umbilicalia ab initio tota delineantur, ut eundem terminum à quo & ad quem habeant delineata, quem habebunt

bebunt perfecta, ut tradit *part. 2. cap. 10.* (*pag. 123. 124.*) non debere dici, constituto hepate, emergere & propagari vasa unà cum sanguine; vel potius, si partibus corporis radicalibus delineatis, sensim à Corde emergunt vasa, atq; tum ad Hepar tum aliorum propagantur (ut à nobis expositum in *Dissert. de motu cordis & sang.* itemque in *Microcosmi Genesi*,) malè dicuntur simul & semel ab initio delineari. Provocat *Courvaeus* ad autopsiam. *Rem ita esse judicat oculus*, inquit, (*alleg. pag. 55.*) At certe nequaquam judicat oculus (quod idem urget *pag. 124.*) sanguinem à corde per venas extrorsum moveri, nec ulla autopsia id evincit; quamvis à corde hinc venæ, hinc arteriæ emergant, indeque quoquoersum protendantur: Rectius *Harvæus Exerc 57.* per venas umbilicales attrahi puriorem & sinceriores humoris alimentarii partem, quæ nempe per easdem ad Hepar, indeque porrò ad Cor feratur. Verum quidem est, dum à Corde protendantur hinc inde vasa, æquè venarum propagines primas purpurascentem seu rubicundum ac sanguineum succum continere, atque ipsæ arteriæ, (juxta observata *Harvæi*,) at fanè id ipsum non arguit illum sanguinem à Corde in venas descendisse; sed id quod seminalis materiæ reliquii,

reliquiis inter partium stamina hærentibus, aut, ex colliquamento, in venarum propagines suscipitur, atque ad Cor allicitur, id motu sui ac calore rubedinem utcunque induere, etiam anteaquam ad Cor deveniat: Ut adeò, quamvis in corde ac vi cordis demum verè vitalis, & sufficienter spirituosus sanguis generetur, negandum tamen non sit alimentarium succum elaboratiorem aliquam, ac sinceriores saltem etiam anteaquam ad Cor deveniat, sanguinis purpura imbui; dum interim neutiquam venis ipsis purpurescentem succum vehentibus sanguificandi facultatem tribuimus. Sic ergo revera movetur alimentarius humor per Venas ad Cor, anteaquam arteriæ cum venis concurrant, adeoque anteaquam sanguinis circulatio contingat; quin imò incipiunt venæ apparere, anteaquam arteriæ sint conspicuæ, ut observatum ab *Harvæo Exerc. 56.* (Nihil enim à corde propelli potest nisi aliquid à Corde fuerit admis- sum.) Ut adeò nequaquam admittenda sit sententia *Charletonis*, qui *Exerc. de Sanguif.* contendit, Arterias totas effingi anteaquam exortus fiat initium: quasi sanguis ipse, ad libitum per arterias exspatiatus, cum nequeat per eosdem canales ad centrum remeare, ob novos fluctus
jugi-

jugiter à centro affluentes, prioresque à tergo impellentes, in reditu denuum sibi ipse novos ductus efformet, venasque effingat, per quas revertatur: Sed hâc de re actum à nobis *Exercit. de Sanguif. §. 32. & seqq.* Equidem sanguis, qui per arterias à Corde propulsus ad partes, ab earum nutritione residuus est, revertitur versùs Cor per venas, at ante sanguinis per arterias propulsi reditum formatas, ac similiter ut arteriæ ipsæ à corde mox ab initio pulsus extrorsum exporrectas: Nequaquam verò per venas à Corde, ut nec per arterias ad Cor, sanguinis fit motus. Ut adeò absurdum sit commentum *Courvæi* in fine dicti *cap. 12. part. 2.* ubi facile cognosces, inquit, si admiseris inventum *Harvæi*, circulationem, quomodo sanguis ultimis mensibus ad nutritionem placentiæ derivetur à fœtu in umbilicalem venam: nam; ab arteriâ cœliaca, inquit, rejicitur sanguis in venam portam, & inde patenti viâ in umbilicalem. Imò verò, ipsa Circulatio admissa docet, sanguinem per arterias umbilicales propelli à Corde fœtus ac placentam; indeque permixtum succo nutritio à matre affluenti, per venam umbilicalem reverti ad Hepar, sicque porro ad Cor: Ut adeò juxta Circulationis veritatem omnino statuendum sit, albugineum humorem, qui fœtus

foetus alimentum est, colliquatum fufumque, nec non alimentarium illum succum qui ab utero in placentam dimanat, fluere ac trahi in venas umbilicales, unà cum arterioso sanguine, eidem affuso permixtoque ad easdem venas refluyente: Nec absurdum est (quod putat *Courvæus* in fine *cap. 13. part. 2.*) dici posse, animal per totum corpus nutriri, cùm ubique fiat circulatio, alimento cuivis parti appposito subeunte in venas, ac intus delato cum sanguine arterioso refluyente, veluti jam antè in præcedentibus expositum: sic namque & humores morbifici non rarò in venas suscipiuntur, ac per metastasin de parte in partem transferuntur; sic tumores sæpenuerò evanescunt; sic & ipsa pinguedo non rarò dissolvitur, ac tempore inediae in partium aliarum nutrimentum convertitur.

Sed instat *Courvæus part. 2. cap. 10. (pag. 124.)* Si alimentum attraheretur per vasa umbilicalia, cùm ipse embryo natet undiquaque in eo, quid opus haberet tam longo umbilico, ut attraheret liquorem, qui proximus est, & quo circum alluitur & natat ipse? Equidem, si à fine incognito hic ratio petenda, ac non potiùs ab ipsa materiæ habitudine, quâ necessitate quâdam illa umbilici longitudo ultrò resultat, dicerem potiùs illam umbi-

umbilici longitudinem à provida Natura ita constitui, ne motibus foetus ac contortionibus seu involutionibus, aut inversionibus corporis totius, quales sæpius in utero contingere solent, abrumptur umbilicus, vel placenta divellatur; possitque foetus tempore partus cum minori impedimento prodire in lucem, quod minus commodè fieret, si brevi funiculo Hepati uterino, sæpe firmiùs hærenti, esset annexus: Hinc ex Riolani observatione, *Anthropogr. lib. 6. c. 4. umbilici longitudo admirabilis est, quæ licet in foetu, dum magnitudine muscæ cernitur, recta sit & brevis, vixque in foetu unius mensis digito longior, indies tamen usque producitur, ita ut in partu extensus umbilicus, nostratis ulnæ dimidiæ longitudinem æquare possit.* Et sanè, præterquam quòd colliquatione humoris seu liquoris alimentarii in conceptu vel ovo contenti quæ fiat per umbilicum nequaquam sit opus, cum colliquatio & fusio vi externi caloris, anteaquam quicquam foetus sit genitum, fieri tradatur ab ipso *Courvæo*; quærerem potiùs, quid opus haberet infans in utero tam longo umbilico, ut funderet liquorem qui proximus est, & quo circumalluitur atque in quo natat ipse? sufficeret utique in colliquari identidem, ac spiratione quæ fiat per umbilicum resolvi,

solvi, fierique liquidius, quod corpori est proximum, ut per habitum Fœtus vel per os assumatur: Cur ad Chorion usque, quin imò ad placentam, umbilicum protendi foret necesse, ni alimentum quoque exinde quodcunque hauriendum foret, cùm solus ille per amnion percolatur liquor nequaquam sufficere queat substantiæ partium diversissimæ nutriendæ? quid opus foret, inquam, tam longè exporrigi umbilicalia vasa si percolatione liquoris fusi per amnion factâ, omne alimentum affertur? cùm enim etiam colliquatio fiat, vi caloris externi, anteaquam quicquam fœtus est genitum, teste ipso *Courvoisier* quid ni sufficiens colliquatio fieret citra ullam vasorum umbilicalium opem, ubi calor fœtus in utero contenti cum materno calore ambiente conspirat; unaque in humorem circumfluum agit. Non quidem præcise determinabo, qualem alimentum per umbilicum advehatur, purius ne ac sincerius, an crassius forsan minusque depuratum: *Harvæi* sententiam si lubet audire, is *Exercit. 57* quæ per umbilicales venas attrahitur, inquit, purior & sincerior pars est; colliquamentum verò reliquum, in quo natat fœtus, est veluti lac crudum, sive ebutyrum, & pituissimâ sui parte privatum: sincerior itaque pars concoctione ulte-

riori non indiget, quâ reliqua opus habet ac propterea in ventriculum recepta in chylum transit.

Rationi equidem consentaneum est, veluti in corpore genito in lucem, chylosi succi in ventriculo confecti portio melior, quæ proprie chylus dici meretur, seu quæ proxime in sanguinem vitalem converti idonea existat, ex intestinis per venas mesaraïcas ad Hepar, cum sanguine per hæc refluo defertur; at alia portio tenuior & aquosior, per vasa Rorifera *Bilfis* dicta,) seu lactea aliorum, aliorum divergit: sic portionem meliorem, maximeque idoneam qui in sanguinem vertatur, per venam umbilicalem deferri ad Hepar; quod verò est reliquum, partim in ipsum corporis habitum suscipi, partim per os admissum eodem diffundi.

Nec juvat *Courvæum*, quod arteriæ duæ sunt, at *vena umbilicalis* unica tantum, quasi ideò per venam alimentum foetui nequaquam affundi pro rato habendum sit: Potius inde colligerem, sufficere duas arterias illi Cordis spirationi quâ liquor fundatur, nec opus esse itidem venâ quâ spiratio contingat. Cæterum ordinariè quidem unica vena est, quia unicum Hepar, ad quod succus alimentaris, qui per venam advehitur, cum sanguine, ad Placentam uterinam pro vitâ & nutritione ipsius

ipsius placentæ per arterias umbilicales propulso, indeque refluxo ad fœtum, debeat deferri: Est interim, hæc vena arteriis longè amplior, ut adeò dicto usui sufficiat. Concludimus ergo, per venam umbilicalem nequaquam sanguinem à Corde moveri ad exteriora; sed revehi sanguinem, qui per arterias propulsus, à nutritione Placentæ ac membranarum residuum, atque una cum sanguine advehi ab ipsa placenta vel carunculis, vel à regione intermedia ex ipsis humoribus intra membranas contentis, liquorem alimentarium, qui per venam umbilicalem in Hepar infundatur, indeque ulteriùs ad Cor ipsum deveniat, ac in communi circulatione in sanguinem verè vitalem vertatur, pro fœtus nutritione.

S E C T I O IV.

*De nutritione Fœtus in Utero
per os.*

FOetus, grandior factus, cum jam motum animale exercet, adeoque & deglutitionem, non potest non liquorem illum, cui totus innatat, identidem per os assumere, atque ad ventriculum

lum transmittere: Humores enim intra membranas, quæ fœtum ambiunt, contentos, nequaquam Excrementa esse, nempe Sudores, & Urinam, demonstratum in *Microcosm. Gen. part. 3. s. 1.* Et sane, quamvis circa Pullum in ovo, & Fœtum in Utero, ea sit differentia, quod ad Fœtum continuè dum utero gestatur alimentum à matre affluat; in ovo autem omne alimentum conclusum sit, quod indiget pullus donec prodeat in lucem: præterea, quod intra pulli abdomen vitellum nempe maximâ alimenti pars, respondens ei quæ à matre ad fœtum continuè confluit, comprehensa sit, secus atque in fœtu contingit: nonnihil tamen colliquamenti ex albumine geniti ipse quoque pullus per rostrum admittit: Hinc, quod notat *Harvæus Exerc. 22. (pag. 92.)* *visitur in ingluvie portio quædam colliquamenti deglutita, & in ventriculo scbiſton sive coagulum:* Et *Exerc. 58. (pag. 268.)* *Quin etiam certum est, inquit, intra pulli ingluviem (talisque prorsus in omnium Embryonum ventriculis cernitur,) substantiam quandam colore, sapore & consistentiâ, dicto jam liquori persimilem reperiri; eandemque in ventriculo aliquantum coctam, lac coagulatum referre; quam etiam chyli speciem in primis intestinis deprehendimus, inferiora autem intestina excrementis stercoraceis referta sunt*

*sunt. Similiter in viviparorum fœtibus, intestina crassiora consimili excremento replentur, quali eadem, cum lacte vescuntur, abundare cernimus: In ovibus etiam aliisque bisulcis, manifesta insunt scybala. Certè Experientiæ contrarium est, quod notatur à Riolo-
no de fœt. hum. cap. 7. observâsse recentiores, fœtui quadrimestri nondum ora naresque patere: Quasi in prima generatione os vel nares pueri essent clausa prius, quam aperta, ut loquitur Courvaus part. 2. cap. 11. (pag. 135.) veluti hic ipse quoque finge-
bat superius, vasa ab initio solida produci, deinde verò sensim influxu sanguinis excava-
ri. Rectius notatum ab Harvæo Exerc. 69. (pag. 320.) cùm fœtus magnitudine fabæ majoris, vel nucis muscatæ apparet, os ad utramque auriculam hians cerni; buccas enim & labia ultimò perfici, utpote partes cutaneas: Similiter Exerc. 69. (pag. 248.) cùm fœtus longitudine quidem unguem digiti minimi, formâ verò ranulam refert, facies eadem est quæ aliorum animalium, canis nempe, vel felis, sine labiis, largoque oris rictu, ad aures usque patente. (Quin imò, ut alleg. Exerc. 69. refert, in omnibus fœtibus, etiam humano, paulò ante partum, oris rictus, sine labiis & buccis, ad utramque aurem protensus cernitur. Ut adeò fœtus in utero, dum alimentum per os admittit, non quidem.*

dem sugat propriè, sed quasi deglutiendo alimentarem liquorem transmittat. Nec verò simpliciter admittendum illud *Hippocratis lib. de Carnib.* Puerum, dum in utero est, compressis labris, ex matris utero alimentum sugere? Congruentius rei veritati *Harvæus Exerc. 58. (pag. 269.)* Neque enim infans, inquit, papillam labiis comprimens sugit, ut nos, absorbendo; sed quasi deglutire vellet totum in fauces usque attrahit, linguæque & palati auxilio, tanquam manducando, lac emulget, majore profectò conatu, atque arte, quàm adultus possit. Didicisse igitur longâ consuetudine videtur, antequam natus esset, quod consuetudine tam brevi dediscere post nativitatem experimur. Equidem, ut eleganter *ibid.* Paulò ante (p. 267.) declarat *Harvæus*. Quam primum foetus perfectionem aliquam nanciscitur, membra protinus movet, & organorum motui destinatarum actiones auspicatur. Videmus autem pullum in ovo intra aquam os aperire; quare necesse est, humorem in fauces lapsum deglutiatur. Quicquid enim intra fauces, ultra linguæ radicem, ad gulæ summitatem pertigerit, id nullum animal (citra vomitum,) regerere posse certum est. Ideoque Veterinarii, qui potiones medicatas, aut morsellos, pilulasve jumentis exhibent, prehensâ eorum linguâ, ultra hujus protube-

protuberantiam, ad radicem ipsam ingerunt; quo fit, ut eandem quin devorent, evitare nequeant. Et si quis nostrum pilulam aliquam digito suo ad radicem usque linguae intromiserit, experietur subito, ad deglutationem ejus se compelli, nisi eandem vomitus impetu repulerit. Quamobrem si *Embryo*, in humore dicto natans, inquit, os suum aperit, necesse profecto est, aquam fauces ingredi; & si alios musculos movet, quidni credamus, eundem pariter & faucium organis usum, liquorem illum absorbere. Alimentum igitur, quod foetus in utero, seu pullus in ovo, per os admittit, est ipse ille liquor, in quo natat: non tamen universus; namque & partem ejus per habitum corporis absorbere, partem quoque per venas umbilicales ad Hepar atque ad Cor allici immediate, in præcedentibus exposuimus. Audiamus hic denuo *Harvæum*, qui loc. proximè alleg. Crediderim, inquit, colliguamentum hoc aquamve, in qua natat foetus, ei pro alimento inservire; partemque ejus tenuiorem & sinceriorem, intra venas umbilicales haustam, primogenitas foetus partes constituere, (seu post stamina partium constituta, absumptamque in nutrimentum eorundem seminalem materiam residuam, inter stamina diffusam, in partium nutrimentum porro succe-

succedere,) easque augere: ex reliquo autem, (si detraheris id quod in corporis habitum imbibitur, sicque ex habitu in venas absorbetur atque ad Cor transfertur) *ceu lacte* (quasi ebutyrato & purissimâ sui parte privato, ut paulò post loquitur, quamvis non omni alimentariâ substantiâ destituto,) *per suctionem in ventriculum deglutito, ibidemque cocto, sive chylicato, & venarum mesaraicarum opera attracto, novellum embryonem nutrirî & crescere.* Ut ergo ex alimentario succo qui à matre affluit, (seu intra Ovum continetur in oviparorum genesi,) pars nobilior pinguiorque, ac quæ in potentia propiore existit, ut in sanguinem vertatur, per venas umbilicales allicitur, atque ad Hepar defertur; pars alia aquosior ac quasi ebutyrata, per membranas transudat, suscipienda partim in corporis habitum, partim per os assumenda, atque ulterius in ipso corpore elaboranda, antequam in sanguinem vitalem converti idonea evadat: ita quoque alimenti illius quod per os assumitur, sive dum foetus in utero detinetur, sive quando in lucem est editus, (in ventriculo & intestinis coquendum ac elaborandum, atque in meliorem substantiæ inodum redigendum,) pars aliqua elaboratior sinceriorque existens, seu in potentia propiore ut in sangu-

guinem mutetur, ex intestinis *pervenat mesaraicas* subiens ad Hepar defertur; pars alia aquosior, quæque est in potentia remotiore ad sanguinem, seu ad vitale genuinumque corporis partium nutrimentum, *per lacteas* ad mesenterii glandulas, ac porro ad partes varias profluit, donec vel immediatè ex lacteis ipsis in venas sanguiferas (ut in axillares,) infundi contingat, vel ex partium habitu cum sanguine ad easdem per arterias advecto in venarum sanguiferarum radices suscipiatur, sicque ad Cor devehatur. De motu *chylis* per venas mesaraicas peculiari *Exercit. de Chylific. & Chyli motu* disseruimus, nec non *Dissert. Epistol. de Hepat. Offic.* ac in *Vindic. Hepatis Redivivi*, itemque in *Resurrectione Hepatis asserta* (quæ nunc extrat) & denique in *Disquisitione ulteriore de Chyli motu & officio Hepatis*: Quibus impresentiarum nihil addo, præterquam illud *Courvæi*, quod habet *Parad. part. 2. cap. 11. (pag. 132. & seqq.)* Ut vasorum umbilicalium genera duo videntur in pullo, quorum alterum tendit ad albumen, alterum ad luteum; idem penitus observare licet in fœtu: nam jecur attingens in duos ramos dividitur umbilicalis vena; unus extra tendit ad placentam, alter intro venam portam efficit, cujus portæ rami protelantur, per omnem alvi regionem, ad eundem finem

finem, quo tendunt vasa umbilicalia ad luteum, (sc. ut suscipiant in propagines suas quemvis alimentarium succum, eumque ad Hepar devehant.) Hæc, de venis umbilicalibus insinuat *Courvæus*; velut paulo post, quod de umbilicalibus venis diximus, inquit, idem quoque de arteriis dicendum est. Equidem, nolim illa *Courvæi* ita simpliciter intelligenda, quasi ex uno umbilicalium venarum trunco, in Hepate inserto, alter ramus venam portam constituat; alter ad Placentam feratur: (quamvis & ipse *Riolanus de fæt. hum. cap. ult. Venam umbilicalem in Venam Portam inseri notet*.) Præterquam enim quod vasa umbilicalia haud eodem modo dividantur in omnibus animalibus, cum (teste *Harvæo de umbilico*, mihi pag. 399. in quibusdam *bini venarum ramuli*, pluresque in fætus corpore reperiuntur, quorum alii jecur transeunt, alii in Portam vel Mesentericas venas inseruntur; Ordinariè quidem *Venæ umbilicales omnes* (exponente *Harvæo cit. loc.*) exercitu retrogrado, unitis tandem surculis in unum truncum, (veluti ramuli in arborem) coalescunt; quemadmodum & mesaraicæ venæ omnes in Portam terminantur: Juxta Embryonem quidem, inquit, in duos ramos dividuntur; eundem verò ingressæ, unam venam umbilicalem constituunt: quæ in cavam, propè dextram cordis auriculam,

desinit: *fecurque permeans in Portam perforatur; nullasque præterea propagines de se spargit, donec è gibba jecoris parte prodeat, orificio satis amplo.* Saltem nulla ratio est, cur, cum umbilicalis vena à Placenta alimentarium succum, qui à matre affluxit, unà cum sanguine refluxo devehat ad Hepar, non similiter evenire necesse sit circa venæ Portæ propagines: ut aded per venarum mesaraicarum radices æquè suscipiatur ex intestinis alimentarius succus in sanguinem vertendus; atque suscipitur ex Placenta consimilis succus in radices umbilicalium: fiatque utrinque ad Hepar, ac porrò ad Cor ipsum affluxus. Porrò, quod attinet *motum Chylæ succi per venas lacteas* (quæ *Roriferæ Nobiliss. Bilsio* dicuntur,) de iis quoque abundè à nobis superiùs allegatis Tractatibus actum: Unum hoc repetam ex Viri Clar. & Experientiss. D. Anton. Everhardi, Medici Medio-burgensis, Tractatu, quem de *Hominis Brutique Animalis Exortu* inscripsit: *Hoc ipsum* (quod de ductu Chylifero, atque ramorum hujusce quaquaversum in universum corpus dispersione refert D. de Bils,) vidi egomet, inquit pag. 17. in *cuniculis junioribus, lacte materno enutritis. ac dissectis: In iis, (cum lacte solo nutriantur, & semel tantum spatio 24. horarum ubera sugant,*

ac nonnunquam adeò sese ingurgitent, ut ingluvie disrumpantur, quod ipse comperi, inquit, manifeste admodum, (resectis horâ unâ atque alterâ post pastum,) cernere licet distributionem vasorum lacteorum copiosam, sursum, deorsum, ad latera, in omnes omnino corporis partes, præcipue glandulosas; ipsaque vasa lactea albedine sua plus quàm niveâ tantoperè emicantia, ut omnem intuitum in se dirigant, vasorumque sanguineorum apparentiam quasi obnubilent. Nempe, ut exactiùs exponit pag. 132. & seq. Ductus hosce Chyliferos copiosos, in quamcunque fermè corporis partes distributos, inveni primum in cuniculo juniore, in lucem demum edito, lacteque materno infarcto: ubi venæ lacteæ multiplices præcipue in Pancreas Asellii primum sese exonerarent; exindè ramis tribus quatuorve tenderent in commune Receptaculum, quod pergens deorsum supra venam cavam, efformaret canalem satis amplum, ex quo etiam exsultarent propagines, in venæ cavæ divaricationis morem. Reperi postea ductus eosdem chyliferos plurimos in cuniculo lactante simul & gravida, cum inquirerem eorum processus ad mammas. Horum igitur ductuum nonnulli, ex trunco citato descendente oriundi, unâ cum vasis spermaticis excurrerant ad partes propagationi inservientes; nonnulli ad modum divaricationis vasorum sanguineorum in venas ac arterias iliacas, prospiciebant ac alebant partes spermaticas vulgò dictas;

*similiter excurrentes supra musculos abdominis, subter pinguedinem, glandulose mammarum substantiæ materiam lactis suggerebant, qui tubulos postmodum manifestos satis constituiebant, ex quibus lac in communem canalem deducitur, perque papillam exhauritur. De hisce Lacteis vasis, eorumque per universum corpus distributione; quid senserim ipse pridem, atque in publicum prodiderim, ut & de vasis Lymphaticis, videri potest in meis Instit. Anatom. part. 7. cap. 1. §. 9. 10. quemadmodum & de Chyli in partes corporis variâs distributione pridem egi in Dissert. de Lacte ac Nutrim. Fœt. in utero. Quâ ratione autem chylosus ille succus per lactea vasa quoquoersum dispersus, tum demum in partium vitale ac genuinum nutrimentum vertatur, cum primum è partium habitu in venarum sanguiferarum radices fuerit assumptus, atque cum sanguine refluo in communi circulatione delatus ad Cor, sicque porrò sui circulatione ac motu, concurrente partium variarum *ἐνέργεια* benéficâ, in sanguinem verè vitalem conversus, ex præcedentibus liquet. Impræsentiarum itaque plura non addimus; atque hæc nostra quævis sagaciorum Virorum, humanitatis simul ac veritatis studiosorum, judiciis submittemus.*

F I N I S.

CANDIDO LECTORI

S.

ANTONIUS DEUSINGIUS.

*Variorum rogatu, magnorum etiam
& Excellentium Virorum, Ca-
talogum pridem Scriptorum no-
strorum, publici juris factorum,
in lucem emisimus. Sed illis cum
postmodum accesserint alia, Ty-
pographo ad aliorum Instantias
petenti, hanc veniam indulsi-
mus, quâ Catalogus recudatur,
sic in ordinem à nobis ipsis dige-
stus.*

E L E N C H U S.

Exercitationum Academicarum,

Quæ

*In Illustri Athenæo Gelro-Velavico,
Hardervici, edita primùm.*

• O 5 Colmo

Cosmographia Catholica. in 8.

Astronomia secundum Hypotheses Ptolemæi in concinnum, brevem, & perspicuum ordinem digesta. in 8.

Naturæ Theatrum universale; ex monumentis Veterum, ad S. Scripturæ normam, ac Rationis & experientiæ libellam exstructum. in 4.

De vero Systemate Mundi Dissertatio Mathematica: quâ Copernici Systema Mundi reformatur; sublatis interim infinitis penè Orbibus, quibus in Systemate Ptolemæico Mens humana distrahebatur. in 4.

De mundi Opificio Discursus Physicus: duodecim Disputationibus propositus. in 4.

De Anima Humana Dissertationes Philosophicæ septem. in 4.

De Origine Formarum Naturalium, & Animæ Humanæ Substantia, Disquisitiones habitæ cum Rev. & Clariss. D. Joh. Santeno: Ubi item multa de Creatione ac Conservatione rerum, &c. in 4.

Spongia adversus Cavillationes quasdam, selectâ Cujusdam Disputatione Philosophico-Theologica in Humanæ Animæ Substantiam egestas. in 4.

Hexaëmerum Recognitum, seu de Creatione

tione Meditationes : Explicationibus Christiano Philosophicis & Animadversionibus necessariis illustratæ. in 4.

Exegesis Apologetica ; seu Locorum quorundam , quæ in Scerptis illius , per mutila quædam Excerpta , obscuritatem habere visa sunt , collatione factâ Præcedentium & consequentium , exacta Declaratio. in 4.

J. Cloppenburgius Heautontimorumenos : Seu Retorsio Injuriarum, in Libello falsidico, cui titulus , Res Judicata , cumularum. in 4.

Synopsis Philosophiæ primæ; seu Compendium Metaphysicæ. in 12.

Synopsis Philosophiæ Naturalis ; seu Compendium Physicæ. in 12.

Synopsis Philosophiæ moralis; seu Compendium Ethicæ. in 12.

Orationes variae.

*In Inclijta Academia Groningæ
& Omlandia.*

Synopsis Medicinæ universalis, seu Compendium Institutionum Medicarum. in 12.

Idea institutionum Medicarum. in 4.

Idea Fabricæ Corporis Humani, seu Institutiones Anatomicæ. in 12.

Idea Doctrinæ de Febris. in 12.

Disquisitio gemina de Peste: Prior, An contagiosa Pestis sit? Altera, An vitanda, & quomodo, illæsa charitate? in 12.

Tractatus de Peste: In quo de Pestis Natura, Causis, Signis, Præservatione, ac Curatione agitur. in 12.

Dissertatio de Motu Cordis & Sanguinis: Cum Notis Viri alicujus Clarissimi; & Commentario Autoris adversus Notas. in 12.

Dissertatio de Lacte; ac Nutrimeto Fœtus in Utero: Cum Objectionibus variis & Responsionibus. in 12.

Dissertatio de Venæ-sectione in Pleuritide. in 12.

Exercitationes Anatomicæ de Visceribus Humani Corporis. in 4.

Anatomia parvorum Naturalium: Seu Exercitationes Anat. & Physiologicæ, de Partibus Humani Corporis conservationi speciei inservientibus. in 4.

Genesis Microcosmi: Seu, De Generatione Fœtus in utero Dissertatio. in 12.

Curæ Secundæ de Generatione & Nutritione. in 12.

Historia Fœtus extra Uterum in Abdomine geniti, ibidemque per sex prope lustra detenti, ac tandem lapidescentis;

ris; Consideratione Physico-Anatomica illustrata. in 12.

Fœtus Mussipontani extra Uterum in Abdomine geniti Secundinæ detectæ. in 12.

Historia Partus Infelicis; Quo Gemellorum ex utero in Abdominis cavum elapsorum Ossa sensim, multis annis post, per Abdomen ipsum in lucem prodierunt: Unà cum Resolutione. in 12.

FASCICULUS DISSERTATIONUM SELECTARUM in 12.

(*antè seorsim per partes editarum:*) In qua De Morborum quorundam superstitionosa Origine & Curatione.

De Morbo **MANSLACHT** vulgò dicto.
De Lycanthropia.

De Surdis ab Ortu; Mutisque: Ac illorum cognitione.

De Ratione & Loquela Brutorum Animantium.

De Unicornu.

De Lapide Bezaar.

De Manna.

De Saccharo.

De Mandragoræ Pomis, pro Dou-daïm vulgò habitis.

De Mandragoræ Mangoniis, vulgo dictis *Piss-dieffer*.

De

De Agno Vegetabili.
 De Anseribus Scoticis.
 De Pelecano.
 De Phænice.

ORATIONES VARIE.

OECONOMIA CORPORIS ANIMALIS (*Per Partes edita, in 12.*)

PARS I. DE NUTRITIONE ANIMALUM *Exercitatio Physiologico-Medica.*

SECT. I. De Generationis & Nutritionis Differentia ; Hujusque ratione formalis.

2. De Efficiente Causa Nutritionis ; Hujusque Necessitate.

3. De Materia Nutritionis.

4. De Fame & Siti.

PARS II. DE NUTRIMENTI IN CORPORE ELABORATIONE *Exercitationes Physico-Anatom.*

Exerc. I. De Chylificatione & Chyli motu.

2. De Sanguificatione.

3. De Depuratione Alimentii in Corpore.

4. De Spiritibus.

APPENDIX. De Chyli Motu, & Nutrienti in Corpore Elaboratione : Nec non de Admiranda Anatome Nobil. Viri Ludovici de Bils.

PARS

PARS III. DE NUTRIMENTO ANIMALIUM *Ult. Exerc. Physico-Anat.*

Exerc. 1. De Ufu Sanguinis.

2. De Nutricii Succiper Nervos influentis Commento.

DISSERTATIO EPISTOLICA. De Hepatis Officio.

APPENDIX. Ad Dissertationem de Hepatis Officio; Seu Vindiciæ Hepatis Redivivi.

PARS IV. DE MOTU ANIMALIUM *Exercitationes Physico-Anatomicæ.*

Exerc. 1. De Motu Musculorum.

2. De Respiratione.

PARS V. DE SENSUUM FUNCTIONIBUS *Exercitat.*

Sect. 1. De Sensuum Functionibus in Genere.

2. De Sensuum Functionibus in Specie.

3. De Appetitu Sensitivo; Et Affectibus.

OECONOMUS CORPORIS ANIMALIS;

Ac speciatim, De Ortu Animæ Humanæ **Dissertatio:** *In qua demonstratur, Non esse Homini simpliciter impossibile per naturale Intellectus Lumen se ipsum nosse.* in 12.

Disquisitio gemina Physico-Mathematica de

ca de Vacuo, itemque de Attractione. in 12.

**APOLOGETICÆ DEFENSIONIS PRO-
DROMUS: Quo Personato Cuidam
Benedicto Blottesandeo Larva de-
trahitur. Cui additum, Specimen
Ingenii Indolis ac Relligionis, qui-
bus claret Blottesandeus. Nec non,
Vindiciarum Hepatis Redivivi
Supplementum.**

**Oeconomus Corporis Animalis Resti-
tutus; In quó Genuinus, Animæ
Humanæ Ortus, Itemque Posibi-
lis Cognitio Sui Ipsius afferuntur
ac muniuntur.**

Resurrectio Hepatis asserta.

-- **Disquisitio ulterior de Chyli motu
& Officio Hepatis.**

**Vindiciæ Fœtus extra Uterum geniti;
Nec non quorundam Scriptorum
suorum fasciculo Dissertationum
Selectarum Comprehensarum: ut
& aliquarum Elegantiarum Philo-
logicarum Examen.**

**Considerationes circa Experimenta Phy-
sico-Mechanica Rob. Boyléi, de
Vi Aëris Elasticâ; Et ejusdem Effe-
ctibus; Quibus Observata illius ra-
tionibus Philosophicis, omne Va-
cuum, ipsumque Elaterem Aëris
Pec-**

Pecquetianum arcentibus illustrantur.

Sympathetici Pulveris Examen : Quo superstitiosa ac fraudibus Cacodæmonis implicita Vulnerum & Ulcerum Curatio in distans expenditur ; Subversis curæ Sympatheticæ Fundamentis, ab Illustr. Comite Digbæo, nec non D. D. Papinio & Mohyopositis.

In Sylvam Echo ; Seu , Sylvius Heautontimorumenos :

—— **Disquisitio de Bilis & Hepatis Usu.**

—— **Exercitatio Utrum Medicina sit Scientia an Ars,**

Disquisitio Anti-Sylviana, de Calido Innato, & aucto in Corde Sanguinis Calore.

Disquisitio Anti-Sylviana de Motu Cordis & Arteriarum.

De Signo Februm Pathognomonico: quod Fundamenti loco habendum sit, pro Februm Essentia* investiganda.

PRÆLO PARATÆ SUNT Disquisitiones Antisylvianæ.

De alimentorum Fermentatione in Ventriculo.

De Chyli à Fæcibus Alvinis secretionē.
De

De Chyli mutatione in Sanguinem; ac
Circulari Sanguinis motu.

De Spirituum Animalium in Cerebro
Cerebelloque, Confectione, per
Nervos Distributione, ac Ufu vario.

De Lienis & Glandularum usu.

Itemque

Medicina Particularis, seu Morborum
omnium Particularium Doctrina; quâ
eorundem Essentia, Causæ, Signa, ac
Curandi ratio traduntur.

*Aliaque partim parata, partim sub manu sunt
quæ, Deo favente, aliquando exhibimus.*

Ex Arabico in Latinum versa

Canticum Avicennæ de Medicina, seu
Institutionum Medicarum Compen-
dium.

Selecta Medica Johannis Mesuæi Da-
masceni.

E L E N -

E L E N C H U S

Contentorum

In

MICROCOSMI GENESI.

Prooemium.	Pag. 1
------------	--------

P A R S I.

Sect. 1. De materia Generationis <i>seu Semine.</i>	4
--	---

Sect. 2. De Conceptu & Con- ceptione.	20
--	----

P A R S II.

Sect. 1. De Efficiente Causa Con- formationis.	61
---	----

Sect. 2. De Conformationis Ordine.	
------------------------------------	--

P A R S III.

Sect. 1. De Nutritione Embryonis; & Vita Fœtus in utero.	131
---	-----

Sect. 2. De Partu.	182
--------------------	-----

In

IN CURIS SECUNDIS

De Generatione & Nutritione.

Præfatio. Pag. 231

P A R S I.

De Generatione. 233

Sect. 1. De Generatione in genere. *ibid.*Sect. 2. De materia Generationis
ac Conceptu. 236Sect. 3. De Causa Efficiente Ge-
nerationis; modoque quo
primum Membrana,
ipseque Conceptus, pro-
ducuntur. 245

P A R S II.

De Nutritione.

Sect. 1. De Nutritione quæ fit in
utero; Illiusque Diversi-
tate. *ibid.* 258Sect. 2. De Nutritione quæ fieri
dicitur per juxta-appo-
sitionem. 276Sect. 3. De Nutritio Fætus in U-
tero per venas umbilica-
les.Sect. 4. De Nutritione Fætus in
utero per os. 310

F I N I S.